







Jure sibi librum Jure  
possidet,  
J. H. Pauring.  
a. o. 1683: f.

M. IV. 36.



# APHTHONII SOPHISTÆ PRO- GYMNASMATA:

PARTIM A RODOLPHO  
AGRICOLA, PARTIM A IOANNE  
Maria Catanæo Latinitate donata:

*CVM LVCULENTIS ET VTILI-  
bus in eadem Scholijs.*

NUNC PRIMO SECVNDVM INDICEM  
librorum expurgandorum in gratiam Studiosæ iuuen-  
tutis correctæ, cum adiunctis quibusdam ad oratorem  
vtilibus, necnon Indice rerum & verborum locuple-  
tissimo, emendatiùs edita, & meliori quàm  
antea artificio disposita.



DANTISCH  
Apud ANDREAM HÜNEFELDT,  
*Anno M. DC. XXXVI. &*

ALPHATHON

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE


OF THE

OF THE

OF THE

OF THE





# TYPOGRAPHVS

ÆQVO LECTORI S.



**F**ERRO hic tibi, Beneuole Lector, Elegantissima Aphthonij Rhetoris Progymnasmata, in quorum fructibus & vtilitatibus percensendis, si multum & studij & laboris insumerem, reti ventos captare existimarer. Nam vt vinum vendibile suspensâ hederâ non eget, sic me etiam tacente, materia per se satis loquetur, maximè tum, vbi hæc quàm diligentissime legeris, legendo euolueris, euolendoque rem accuratius exaggeraueris. Copiam enim in amœnissimos fructuosissimosque eloquentiæ campos descendendi, & inibi suauissimos eiusdem flosculos decerpendi tibi subministrabunt. Nam præterquam quod materia per se iucunda, affabilis, & lectu dignissima, purissimi etiam eloquentiæ fontes profiliunt. Quare, vt spero, conatum nostrum, & in excudendo diligentiam, formæque huius coaptationem, vtpote gratissimæ circumferendi commoditatis causâ electam, minimè improbabis, imo potius eam propter eminentes fructus, tibi in vade mecum (vt ita dicam)


*Climax.*

felices; quo futurum spero, Prægymnasmata  
hæc legenti stimulos, & quasi calcar ad elo-  
quentiæ fastigium conscendendum aut supe-  
randum additura. Proinde, Lector Beneuole,  
ea à me, eo, quo dedico animo, rogo acceptes,  
maiora paulatim in tui, studiosæque iuuentu-  
tis gratiam & vtilitatem tentaturo. Vale, &  
his si placet fruire.



APH-





# APHTHONII

## RHETORIS PRÆEXERCITAMENTA.

FABVLA, QVÆ GRÆCE  
ΜΥΘΟΣ.

**F**abula traxit à Poëtis originem, qua Rhetores etiam communiter vtuntur, quod admonitionibus fit idonea, & erudiendis imperitiis apta. Est autem Fabula, sermo falsus, veritatem effingens. *Fabula origo versatur maxime in tragædis.*

Varia sortitur appellationes, Nam modo Sybaritico, modo Cilix, modo Cypria dicitur, receptis pro Inuentorum varietate nominibus. Obtinuit tamen ac euicit, vt potius Æsopica vocaretur, quod Æsopus omnium optime fabulas conscripserit. *Synonymia*

Sunt autem fabularum, alia rationales, alia morales, alia mixta. Rationales sunt, quibus fingimus hominem aliquid facere. Morales quæ ratione carentium morem imitantur. Mixta, in quibus vtrunque rationale, & irrationale, iunguntur. Quod si admonitionem, cuius causa fabula inuenta est, preposueris, cuius le-  
 γομεύθιον, id est, vt ita dixerim, prefabulare: Si vero postposueris, ἀπικυεύθιον, hoc est, Adfabulationem appellabis. *Æsopi fabulas partes. rum pri- Partes. mum le- gendas censet Quint. l. I. cap. 9.*

APHTHONII  
EXEMPLVM.

FABVLA FORMICARVM ET

Cicadarum, iuniores ad laborem  
adhortans.

**F**Lagrans aestatis erat feruor cum Cicada continuis indulgebant cantilenis, ~~quoque~~ inter arbuta strepebant carmine. At Formica laboribus intenta, victum querebant, colligebantque fructus, quibus hyberno tempore vescerentur. Ingruente igitur hyeme, partu Formica nutriebantur. Sed inertibus Cicadis oblectans illa voluptas cessit in inopiam atque famem. Sic qui laborem in iuuenta subterfugiant, in senectate tabescunt egestate.

SCHOLIA.

Quintilianus, optimus eloquentiae magister, praecipit, adolescentes in <sup>minoribus</sup> ~~omnibus~~ dicendi facultatis operibus ante exercendos esse, quam ad magnum illud Declamationum opus perducantur. Sunt autem opera minora quatuordecim: Fabula, Narratio, Chria, Sententia, Confutatio, Confirmatio, Locus communis, Laudatio, Vituperatio, Comparatio, Ethopoeia, Descriptio, Thesis, Legislatio. ~

Quae ut pueri memoria facilius tenere possint, versiculis hisce tribus sum complexus: Fabula, Narratur, Chria, Sententia, Futat, Confirmat, Locus haud prius, Law, Crimina, Confert, Fictio, Descriptum, Thesis, ac Inductio legum. ~

Quorum illa sunt generis Deliberatiui; Fabula, Narratio, Chria, Sententia. Iudicialis; Thesis,



Thesis, Confirmatio, Confutatio, Locus communis. Demonstratiui; Laus, Vituperatio, Imitatio, Comparatio: *Descriptio & legislatio.*

Fabulæ autem, secundum Marcum Varro-  
nem, à verbo Fari, nomen habent. Has pri-  
mas tradere pueris solent Oratores, quia ani-  
mos eorum adhuc molles ad meliores facile  
vias instituunt vitæ, vt ait Priscianus. Dele-  
stant autem vehementius, & efficacius per-  
suadent. Delectant, quia morum facietâ qua-  
dam imitatione capiunt imperitorum ani-  
mos. Fidem faciunt, quia verum veluti po-  
nunt ante oculos, vt Erasmus inquit in Copia.  
Non solum autem conducunt ad oblectan-  
dum, sed etiam vim maximam habent ad per-  
mouendum, atque persuadendum. Hinc Ari-  
stoteles 2. Rhetoricorum eas ponit inter pro-  
bationes Rhetoricas.

*A Poetis, &c.* Hesiodus (autore Suida) pri-  
mus omnium fabulas conscripsit. Qui annis  
centum, atque tribus superior Æsopo fuit.  
Quintilianus lib. 5. ca. 11. Fabularum, inquit,  
primus autor Hesiodus videtur. Atqui Poetæ  
figmentis quidem vtuntur, sed iidem altissi-  
mam continent Philosophiam. Exemplo sit  
Homerus, cuius Ilias ostendit, quantum cala-  
mitatis afferat libido: Odyssea virtutis exem-  
plar expressit. Vide Horatium 1. Epistolar. 2.

*Quia Rhetores etiam, &c.* Vt Menenius Agrippa, qui plebem, cum patribus in gratiam,  
traditur reduxisse: nota illa de membris huma-  
ca. 1. lib. 1.

nis aduersus ventrem discordantibus fabula.

ITEM Themistocles, qui admoniturus Athenienses ne magistratus innouarent, fabulam de vulpe muscis obsita denarravit.

*Demosthe-  
nus fabula.*

ITEM Demosthenes aduersus Philippum Atheniensibus decem Oratores postulantem: Lupi, inquit, suaserunt pastoribus, vt in amicitiam conuenirent. Cumque hoc pastoribus placuisset, petierunt lupi vt prima sibi vice securitatis canes traderent, in quibus videbatur occasio iurgiorum consistere. Quo facto, lupi omni adempta formidine, omnem gregem non solum pro satietate, sed etiam pro libidine lacerauerunt. Sic, inquit, sublatis Oratoribus, in populo Atheniensium facturus est Philippus, qui populi Oratores postulauit, vt facilius spoliata custodibus urbem possit opprimere.

*Fabula de  
Barbaro  
colono.*

ITEM Herodes Atticus contra Stoicorum *αἰσχρογὰς* Thracius, inquit homo, ex vltima Barbaria ruris colendi insolens, cum in terras cultiores humanioris vitæ cupidine, commigrasset, fundum mercatus est, olea atque vite consitum: qui quia nihil admodum super vite atque arbore colenda sciret, videt forte vicinum rubos late atque alte obortos excidentem, fraxinos ad summum prope verticem deputantem, soboles vitium, è radicibus caudicum super terram fusas reuellentem, stolones in pomis, aut oleis proceros, atque decerptos amputantem. Acceditq; prope, & cur tantam lignis



lignis atque frondium cædem faceret percontatus est. Et vicinus ita respondit: Ut ager, inquit, mundus purusque fiat, eiusque arbor, atque vitis fœcundior. Discedit ille à vicino, gratias agens, & lætus, tanquam adeptus rei rusticæ disciplinam. Tum falcem sibi atque securim capit, atq; ibi homo miser & imperitus vites suas sibi omnes, & oleas detruncat, comasque arborum lætissimas, vberrimosq; vitium palmites decidit, & fruteta, atq; virgulta simul omnia, pomis, frugibusq; gignendis felicia, cum sentibus & rubis, purificandi agri gratia, conuellit, mala mercede doctus audaciam; fiduciamque precandi imitatione falsa eruditus. Sic, inquit, isti apathiæ sectatores, qui videri se esse tranquillos, & intrepidos, & immobiles volunt, dum nihil cupiunt, nihil docent, nihil irascuntur, nihil gaudent omnibus vehementioribus animi officiis amputatis, in corpore ignauæ, & quasi eneruatæ vitæ consenescent. Hæc Gellius lib. 19. cap. 12.

Nec Oratores tantum fabulis vtuntur, sed etiam Philosophi, à quorum sacrario tamen ad cunas nutricum eluminantur, quæ solas aurum delicias profitentur. Admittuntur autem quæ legentis intellectum adhortantur ad virtutes. Vide Macrobius de Som. lib. 1. cap. 2. Eiusmodi fabulæ exemplum habetur apud Platonem lib. 2. de Repub. & Ciceronem Offic. 3. de Gygis annulo.

*Sermo falsus, &c.* Quamuis fabulosa sint  
 A s argu-

argumenta, & nullam veritatis vim continere videantur, tamen rationem habent, vt iuxta eam veritas possit manifestari, ficta quidem narratione, sed veraci significatione.

*Sybaris.*

*Sybaritica, &c.* Sybaris oppidum fuit vicinum Crotoni, vt testis est Herodotus libro quinto; Stephanus in Italia constituit, aitque

*Sybaritas.*

postea Thurion appellatum. Vnde Sybaritæ dicti, gens in voluptatum architectura operosissima. Nam Suida teste, luxu delitiisque adeo notabilis fuit, vt quicquid effœminatum, quicquid molle, quicquid accurata atque ambitiosa luxuria paratum esset, id vulgo Sy-

*Fabula*

*Sybaritica.*

bariticum diceretur Hinc Sibariticæ fabulæ, quales ferme apud Æsopum. At aniles, & parum pudicæ vocantur à Suida, propter nimium luxum, ac libidinem Sybaritarum, apud quos nugæ & voluptates in precio, frugalitas odio fuit. Hos ex Aphricano Politianus Miscellaneorum decimo quinto narrat, eo deliciarum venisse, vt equos in conuiuia introducerent, ita institutos, vt audito tibicæ cantu, statim se tollerent arrectos, & pedibus ipsis prioribus vice manuum gestus quosdam chironomiæ motus ederent ad numeros saltatorios. At enim tibicen, inquit, ibi quispiam cõtumelia adactus transfugit ad Crotoniatis hostes, paulo ante prælio superatos à Sybaritis; & quod è Repub. foret illorum, pollicetur (si fidem modo habeant) sua opera Sybaritarum cunctorum equites in ipsorum venturos potesta-

*Sybaritas  
molles  
perdit.*



potestatem. Credita res, & belli dux creatus à Crotoniatis, tibicen conuocat omnes quotquot eiusdem forent in vrbe artis, artificium modulamentumque eis indicat, atque vt visum tempus, procedere in hostem iubet. Sed enim Sybaritæ fastu præturgidi, quod equitatu superabant, eunt contra, prælium conferrunt. Hic autem repente dato signo tibicines vniuersi conspirant. Ecce tibi igitur confestim modulamine agnito, cantuque illo vernaculo, tollunt eriguntque semet in pedes equi Sybaritarum, sessoribus excussis & quod tripudium domi didicerant, etiam in acie exhibent. Ita capti omnes equites sed humi iacentes, omnes equi, sed tripudia repræsentantes. De Sybaritis plura apud Erasmus in Chiliadibus. Idem Apophthegmatum sexto refert ex Athen. l. 12. Tantam Sybaritarum fuisse mollitiem, vt nullum opificium in ciuitatem admitterent, quod cum strepitu exerceretur, quod genus sunt fabrorum ferrariorum, & lignariorum. Atque adeo ne gallum quidem gallinaceum in ciuitate fas erat alere, ne quid esset, quod illis somnum interrumpere.

*In prouerbio Sybaritica mensa.*

*Modo Cilix, &c.* Cilix, à Cilicia, minoris Asiæ regione, Syriæ proxima, vt meminit Plin. s. cap. 27. Cilicum autem vanitas & mores olim fuerint notati. Hinc Prouerbium: Κίλιξ ἔραδίως ἀληθεύει. Cilix haud facile verum dicit. Item: tria cappa pessima, quo notatæ gentes Cappadoces, Cretenses, Cilices. Priscia-

nus in præexercitamentis suis fabulas ponit Libycas, à Lybia, quæ vt variarum terarum, ac monstrorum est ferax, ita gentis ingenia ad fabulas propensa. Et prouerbio Libycam feram appellabant, hominem vafum, callidum, versipellem, vanis moribus, ancipitiq; ingenio, vt ait Erasmus. Et Libycorum Apologorum meminit Aristoteles in Rhetoricis.

*Modo Cypria, &c.* Dicta à Cypro; Quæ inter  
*Cypros.* Syriam, & Ciliciam insula, in mari Carpathio, famosa luxu. In qua sunt Cypros, Cythera, Paphos, Veneri consecratæ: Vnde Venus Κύπρις, Cytherea & Paphia dicitur. Fuerunt & fabulæ dictæ Milesiæ, Milesiis, Ioniæ populis, qui luxu diffuebant, ex eoq; prouerbium Græcè fertur  
*Milesii.* οἰκοῖ τὰ μιλῆσια, μὴ γοῖ ἐνθαδε, hoc est, domi, non hic Milesia, Recenset Politianus Miscellaneorum cap. 17. Vide Erasmus in prouerbio: Domi Milesia Apuleius in principio Metamorphoseos totius: At ego, inquit, tibi sermone isto Milesio varias fabulas conferam, hoc est iuxta Beroaldi interpretationem, fabuloso, lepido, iocoso, delicato, ludicro à Milesiis, qui deliciis, & vt dixi, luxu fuere notabiles. Quorum est illud memoratissimum: Nemo nostrum frugi esto, alioqui cum aliis eijciatur. Simile Ephesiorum dictum: Qui cum Principem Hermodorum ciuitate expellerent, ita locuti sunt: Nemo de nobis vnus excellat, sed si quis extiterit, alio in loco, & apud alios sit Author Cic. Tuscul. 5.

*Æsopici,*



*Æsopici, &c.* Apollonius Tyanæus apud Philostratum l. 5. ait: Ego vero fabulas Æsopi ad sapientiam accommodatiores, quam cæterorum esse censeo. Quas à Mercurio docet acceptas, Æsopumque in numero sapientum habitum. Vnde eius fabulæ in tanto fuerunt usu, ut qui eas non legisset, in doctior reputaretur. *Lib. 5 c. 1.* Vide Erasmus in Prouerbio: Ne Æsopum quidem triuisti. Quintilianus loco supra citato: Fabulæ, quæ etiam si ab Æsopo originem non acceperunt: (nam videtur earum primus author Hesiodus) nomine tamen Æsopi maxime celebrantur, ducere animos solent præcipue rusticorum, & imperitorum, qui & simplicius quæ ficta sunt, audiunt & capti voluptate facile his, quibus delectantur consentiunt. Cuius rei meminit Lancilottus l. 6. c. 14.

Sunt autem Apologi maxime comparati ad popularitatem, atque vim persuasionis, cuius generis ille, qui fertur ab Æsopo propositus, in ea oratione, in qua Sani primarium quendam capitis postulatum, iudicio defendebat. Vulpes, inquit, fluuium transitura, in foueam cecidit, inde cum egredi non posset, longo tempore afflictata est, atque hirundinibus obsessa. Errabat illac forte fortuna herinaceus, despexit. miseratus est: tum interrogat, nunquid se vellet: opem atque operam suam pollicetur, pessimis animalibus euellendis. Negante illa, sciscitatus est causam. Quia, inquit, hirundines hæ, quæ me habent iam expletæ

pletæ sunt sanguine atque depastæ, parumque amplius hauriunt: quod si abegeris, inanes alia, & famelicæ irruent, quæ reliquum mihi sanguinem ebibent. Idem vobis, viri Samij, cenſeo cogitandum eſſe. Hic quem vos morte mulctandum putatis, nihil vobis officit amplius, iam locupletatus eſt. Quod ſi è medio illum ſuſtuleritis, inuadent alij pauperes, qui rem veſtram publicam depopulabuntur. Cuius meminit Ariſtoteles 2. Rhetor. cap. 38.

*Rationales, &c.* Quibus homines ſinguntur aliquid operari, cuius generis illa: Medicus ægrotum curabat, ægro mortuo ille efferentibus dicebat: Homo hic ſi vino abſtinuiſſet, & clyſteribus fuiſſet uſus, non interiſſet. Ad ea reſpondit quidam: Non oportet hæc te nunc dicere, cum nulla eſt vtilitas, ſed tunc admonere decebat, cum ægrotus his vri poterat. Fabula ſignificat, oportere amicis tempore neceſſitatis ſuccurrere & auxilia præbere.

*Apologus  
de Fure.*

ITEM: Puer è ludo litteratio condiſcipuli librum furatus, domum tulit. Mater non corripuit filium, ſed exoſculata laudauit. Puer ætate prouectus, maiora cœpit furari. In furto deprehenſus rectà ducebatur ad mortem. At ſequente ac lugente matre, carnificem orabat ille, vt in aurem matri quiddam narraret. Cum mater ori filij ſe admoiſſet, ille autem dentibus demorſam abſcidit. Matre & aliis accuſantibus, quod non ſolum fur, ſed etiam impius haberetur, Reſpondit ille: Mater meæ cauſa



causa perditionis est. Nam si cum olim furatus eram librum, me corripuisset, non ad hæc flagitiosa discrimina venissem. Qua significat, ea, quæ in principio non puniuntur, in maius augeri malum.

*Morales, &c.* Cuius generis illa Leo senio *Fabula* confectus, cum vires non suppeterent ad vi- *de Leone.* etum parandum, callidum cepit consilium. Itaque in antro, quasi periculoso morbo correptus, decumbens: quod ad ipsum visendum passim animantes reliquæ aduenirent, prehensas illas deuorabat. Atque ita magna bestiarum multitudine à Leone absumpta, accedit tandem & vulpecula ad antrum, & ante illud subsistit, hæsitabunda & circumspiciens. Tum Leo, quid esset cur non adeat ad se, rogat. At illa id quod in Epistolis Horatius retulit, respondisse fertur:

*Quia me vestigia terrent.*

*Omnia te aduersum spectantia nulla retrorsum.*

Fabula docet, prudentes ante pericula cavere sibi, & ea signa, quibus mala portendantur notare & hæc effugere.

*Mixta, &c.* Qualis illa de Agricola & Ciconia.

INTER grues cepit Agricola & Ciconiam. *Agricolæ*  
Hæc deprecata ab illo vitam non solum inno- *& Cico-*  
centem sed etiam piam se, & hominibus pro- *niæ fabu-*  
desse commemorat. Nam & nostrum genus, *la.*  
inquit, venenatas bestias venatur, ac deglutit:  
& effectos senecta parentes gestat atque sub-  
levat.

leuat. Huic respondit Agricola : Credere se vera esse omnia, quæ recensuerit, sed inter nocentes captam, eandem oportere pœnam sufferre, quam illi. Fabula significat, similem quemque haberi ijs, cum quibus consociatus, & inter quos deprehensus fuerit.

*Επιμύθιον &c.* Cæterum quod *ἐπιμύθιον*, id est, Apologi interpretationem appellant, non admodum refert, initio ponas, an in fine. Quanquam & hinc incipere licebit, & in hanc desinere, modo sermonis accedat varietas. Sunt qui velint, eiusmodi fabularum expositiones in fine ponendas ab ijs, qui fuerint earundem inuentores. Ab aliis in principio, vel in fine.

#### DE TRACTATIONE

##### *fabularum.*

**B**Reuius fabulæ tractantur, si narratione simplici proferantur: fusius autem, si personis inductis sermo fingatur, quemadmodum Priscianus ait. Exempli causa: Simiæ conuenerunt, & consilium habuerunt de vrbe cœdenda, & quia placuit illis, paratæ erant incipere ædificationem. Sed vetus inter eas prohibuit ab incepto, eas docens, quod facile capiuntur si intra muros concludantur, Fusius autem sic: Simiæ conuenerunt, & consiliabantur de vrbe condenda. quarum vna in medium veniens concionata est. Quia oportet ipsas quoque ciuitatem habere. Videtis enim aiebat: quod ciuitates habendo homines, habent et-



iam domos singuli, & concionem vniuersi, & in theatrum ascendentes delectent animos spectationibus & auditionibus variis. Et sic proferes orationem dicens, quo & plebiscitum scriptum est. Et finges etiam orationem veteris Simiæ.

ALIVD EXEMPLVM FABVLÆ

*breuius tractata.*

**V**oluptatem aiunt, atque Dolorem quodam tempore coram Iove se mutuo accusauisse. Cumque ille nihil non tentaret, atque experiretur, quo in gratiam litigantes redigeret, frustra omnia conatum, ipsos tandem adamantina quadam catena inter sese copulasse atque deuinxisse : itaque durante nihilominus dissidio, & contraria voluntate, necessario coniuncti & sociati manserunt.

IAM qui latius hanc fabulam tractare volet, ab initio procemion excogitabit, quod rei laudem contineat, vt quod non vanum sit anicularum deliramentum, sed nobile philosophorum, non modo futurum oblectamento, sed etiam vsui magno documentum. Deinde voluptatis orationem, qua dolorem accusat, & è contrario dolori, qua criminatur voluptatem, effinget, atque vtriusque rationes aliis, vel fabulis, vel exemplis illustrabit. Dicit dolorem maximum malum ; Quod sit res tristis, aspera, amara, & inimica naturæ, quemadmodum ait Cicero 2. Tuscul. Quæstionum, Contra voluptatem escam malorum

pestemque capitalem, quod Circes, atque Syrenum fabulæ confirmant. Huc ea referri poterunt, quæ sunt apud Silium Italicum lib. 15. contra voluptatem. Postremo, Iouis explicabit iudicium, quo voluit, inhonestæ voluptatis inseparabilem esse comitem dolorem atque poenitentiam, ac mœrorem æternum: At doloris & honesti laboris gloriam. Etenim ex paululo incommodo, atq; molestia, summum maximumque bonum colligi. Vide Prouerbum: Exiguum malum ingens bonum.

PORRO, qui in hoc scribendi genere voluerint stylum exercere, duo potissimum vitabunt. Primo ne orationem faciant omnino aridam, sed temporum, locorum, aliarumque circumstantiarum velut succo plenam reddât. Deinde ne dum hoc vitant vitium, in contrarium incurrant. & immôdico descriptionum ambitu fastidium ingerant, vt ait Petrus Mossellanus. Principio autem dilatabunt præfatione commendationis. Commendabunt autem iuxta Erasmi sententiam cum Autorem ipsum, tum Apologorum genus. Deinde in describendis animantium, aut rerum formis ac naturis, quas inducent, longius immorabuntur. Quandoquidem hoc iam ipsum, & cum voluptate accipitur, & ad eruditionem liberalem pertinet. Veluti si scarabei formam, deinde quemadmodum è stercorebus nascatur, & quo pacto posterioribus pedibus erectis stercorea protrudat, atque id genus alia descri-

describas. Ad eundem modum: Aquilam re- *Aquila.*  
 gnum in avium genus obtinere, armigeram  
 esse Iouis, non offendi fulmine, non con-  
 nuere ad ardentissimos Solis radios, perniciosi-  
 mo volatu ultra nubes ferri. Denique quæcun-  
 que vel ad scarabeorum humilitatem exagger-  
 andam, vel aquilæ generositatem attollendam  
 pertineant. Atque hac in re non permitten-  
 dum, si quid animanti cuiuslibet fabulis Poeta-  
 rum est attributum. Quod genus, è Lycaone  
 natos lupos: ex adolescente perdicem: Cy-  
 gnum Apollini sacrum esse, sub fatalem ho-  
 ram suavisime canere: Coruum eiusdem fuisse  
 nuncium, & ob cessationem ex albo nigrum  
 factum. Aut si quid proditum est historiis in-  
 signiter ab his factum. Velut de aquila, quæ vir-  
 ginem adamavit apud Plinium lib. 10. cap. 5.  
 De delphino apud Gell. lib. 7. cap. 8. Apud Pli-  
 nium Epi. 9. De Bucephalo Alexandri Magni  
 equo, apud Gell. li. 4. cap. 2. Atque item de cæ-  
 teris. Deinde cum ad ipsum Apologum fuerit  
 ventum, fusius ac latius enarrare licebit. Id  
 fiet citra tedium, si faceta quadam imitatione,  
 quod est in hominū vita, ad fabulæ mores ac-  
 commodabunt. Præterea si ad eandem ratio-  
 nem sermones, sententias, dictaque adfinga-  
 mus. Exemplum aptissimum est dilatati Apo-  
 logi apud Apuleium, de coruo & vulpe.

EXEMPLVM APOLOGI,

*breuiter expositi.*

**M** Vs rusticus vrbani hospitio excepit,  
 B 2 & ami-



& amicum, quibus potuit cibis exquisitis, refecit. Urbanus agrestia fastidiens obsonia, rusticum ad urbem secum duxit. Ineunt, quod oppipare fuit instructum, conuiuium. Inter epulandum auditur strepitus in sera, latratus canū. Ambo trepidare, & fugitare rusticus maxime, qui viarum ignarus ægre se tueri. Itaq; ad sese reuersus ait: Malo cum securitate meam inopiam, quam istam cum tali anxietate copiam.

### EXEMPLVM EIVSDEM DILA-

tati apud Horatium. Lib. 2. Seru. Sat. 6.

**R**usticus urbanum murem nus paupere fortur  
 Accipisse cauo, veterem vetus hospes amicum.  
 Asper, & attentus quesitis, ut tamen actum  
 Solueret hospitii animum, quid multa? neque ille.  
 Sepositi ciceru, nec longe inuidit auena.  
 Aridum & ore ferens acinum, semesaque lardi  
 Frusta dedit, cupiens varia fastidia cœna  
 Vincere tangentis male singula dente (superbo.  
 Cum pater ipse domus palſea porrectus in horna.  
 Effset ador loliumque dapu meliora relinquens.  
 Tandē urbanus ad hunc: Quid te iuuat, inquit, amice,  
 Prærupti nemoris patientem viuere dorſo?  
 Vis tu homines, urbemque feris praponere sylui?  
 Carpe viam (mihi crede) comes, terrestria quando  
 Mortales animas viuunt sortita, neque vlla est  
 Aut magno aut paruo lethi fuga, quo bene circa  
 Dum licet, in rebus iucundis viue beatus.  
 Viue memor quam sis aui breuis, hac vbi dicta  
 Agrestem pepulere, domo leuī exilit: inde,  
 Ambo propositum peragunt iter, vrbis auentes

*Mænia*

Mœnia nocturni subrepere: iamque tenebat  
 Nox medium cali spatium, cum ponit uterque  
 In locuplete domo vestigia, rubro vbi cocco  
 Tincta super lectos canderet vestis eburnos,  
 Multaque de magna superessent fercula cœna,  
 Qua procul extructis inerant hesternæ canistris,  
 Ergo vbi purpurea porrectum in veste locauit  
 Agrestem, veluti succinctus cursuat hospes,  
 Continuatq; dapes, nec non vernaliter ipsis  
 Fungitur officiis, prælambens omne quod affert.  
 Ille cubans gaudet mutata sorte, bonusq;  
 Rebus agit latum conuiuium: cum subito ingens  
 Valuarum strepitus lectis excussit utrunque,  
 Currere per totum pauidi conclaue, magisque  
 Exanimes trepidare, simul domus alta molossis  
 Personuit canibus, tum rusticus: haud mihi vita  
 Est opus hac, ait: & valeat me sylua cavusque  
 Tutus ab insidiis tenui solabitur eruo.

ALIVD DILATATÆ FABVLÆ

Exemplum, ex Gellij lib. 2. cap. 29.

**Æ** Sopus ille è Phrygia fabulator haud im- Proxi-  
merito sapiens æstimatus est: cum quæ v-  
sumptum  
tilia monitu suafuque erant, non severe, non  
à laudatio-  
imperiose præcepit, & censuit, ut philoso-  
ne aucto-  
phis mos est: sed festiuos, delectabilesque a-  
rū.  
 pologos commentus, res salubriter ac prospici-  
 cienter animaduersas, in mentes, animosque  
 hominum cum audiendi quadam illecebra in-  
 duxit. Velut hæc eius fabula de auiculæ nidu-  
 lo lepide atque iucunde præmonet, spem fi-  
 duciamque rerum, quas efficere quis possit,

*Cassite  
Fabule.*

haud vnquam in aliis, sed in semetipso habendam. Auicula, inquit, est parua nomen est Cassita: habitat, nidulaturque in segetibus, id ferme temporis, vt apperit messis, pullis iam iam plumantibus. Ea cassita in sementes forte concesserat tempestiuiores, propterea frumentis flauescantibus, pulli etiam tunc inuolucres erant. Cum igitur ipsa iret cibum pullis quæsitum, monet eos, vt si quid ibi nouæ rei fieret, dicereturve, animaduernerent: idque sibi, vbi redisset, renunciarent. Dominus postea segetum illarum filium adolescentem vocat, & videtne, inquit, hæc ematuruisse, & manus iam postulare? Idcirco die crastino, vbi primum diluculabit, fac amicos adeas, & roges veniant, operamque mutuam dent, & messem nobis hanc adiuuent. Atque vbi rediit cassita, pulli trepiduli circumstrepere, orareque matrem, vt statim iam properet, atque alium in locum sese asportet: Nam Dominus, inquiunt, misit, qui amicos rogaret, vt luce oriente veniant, & metant. Mater iubet eos à metu ociosos esse. Si enim dominus, inquit, messem ad amicos reijcit, crastino seges non metetur: neque necesse est hodie vti vos auferam. Die igitur postero, mater ad pabulum volat, dominus quos rogauerat operitur, sol feruet, & fit nihil, & amici nulli erant. Tum ille rursum ad filium: Amici isti, inquit, magnam in partem cessatores sunt, quin potius imus, & cognatos, ad finesque nostros oramus, vt  
ad-



ad sint cras tempori ad metendum. Itidem hoc  
 pulli pauefacti matrinunciant. Mater hortatur,  
 ut tum quoque sine metu, ac sine cura sint.  
 Cognatos ad finesque nullos ferme tam obsequi-  
 quibiles esse, ait, ut ad laborem capeffendum <sup>bilis.</sup>  
 nihil cunctentur, & statim dicto obediant.  
 Vos modo, inquit, aduertite, si modo quid  
 denuo dicetur. Alia luce orta, aus in pastum  
 profecta est, cognati & fines operam, quam  
 dari rogati sunt, superfederunt. Ad postre-  
 mum igitur dominus filio, valeant, inquit, a-  
 mici cum propinquis. Adferes prima luce fal-  
 ces duas, vnam egomet mihi, & tu tibi capies  
 alteram, & frumentum nosmet ipsi manibus  
 nostris cras metemus. Id ubi ex pullis dixisse  
 dominum mater audiuit: Tempus, inquit, est  
 cedendi, & abeundi, fiet nunc dubio procul  
 quod futurum dixit. In ipso enim iam verti-  
 tur, cuius est res, non in alio, unde petitur. At-  
 que ita cassita nidum <sup>mo ta uil</sup> migravit, & seges à do-  
 mino, demessa est.

Hæc quidem est Æsopi fabula, de amico-  
 rum & propinquorum leui plerumque & ina-  
 ni fiducia. Sed quid aliud sanctiores libri Phi-  
 losophorum monent, quam ut nobis tantum  
 ipsis nitamur: alia autem omnia, quæ extra  
 nos, extraque nostrum animum sunt, neque  
 pro nostris, neque pro nobis ducamus? Hinc  
 Æsopi Apologum Q. Ennius scite admodum  
 & venuste versibus quadratis composuit.  
 Quorum duo postremi isti sunt, quos habere

cordi & memoriæ, opere precium esse hercle puto. Hoc erit tibi argumentum semper in promptu situm

*Morale Ne quid expectes amicos  
Quod tu per te agere possis.*

FABVLA DE FORMICIS ATQVE

*Cicadu breuiter narrata.*

**A**ppetente hyeme frumentum in arculam ad solem trahebat formica. videns id cicada, accurrit, rogitat granum. At formica, Cur non inquit, & tu meo exemplo æstate trahis quodcunque potes, atque addis aceruo? Respondit illa, sibi id temporis cantando transactum fuisse. Ridens formica: Si, ait, æstate, cantitare soles, merito nunc esuris.

Monet fabula, vt dum adhuc robur corporis adest, quæramus ea, quibus imbecilla sustentetur senectus. Per hyemem senectutem intellige. Per æstatem, adolescentiam, & florem illum ætatis.

EADEM PAVLO FVSIVS

*tractata.*

**Q**uotusquisque Philosophorum ratione sua quantumuis arguta, bonarum ad literarum studia iuuentutem potentius adhortatur, quam Æsopus hoc lepidoſissimo de formicis atque cicadis figmento? Etenim nullo tam efficaci ad labores honestos capeſſendos pellici posset, quam argumento formicarum. Quæ laboris exempla, trahunt ore quodcunque possunt, atque addunt aceruo, quem

struunt,

Ex Hora-  
tio.

struunt, haud ignaræ, ac non incautæ futuri.  
 Quæ simul inuersum contristat Aquarius an-  
 num; non prorepunt, & illis vtuntur ante qua-  
 sitis potientes. Nec mirum, cum homines o-  
 lim fuerint agrorum cultores, & in formicas  
 transformati, nihil præter corporis figuram  
 amiserint. Antiquos enim mores obtinent,  
 veterem naturam seruant, Reipublicæ ratio-  
 nem habent atque curam, rura frequentant,  
 prata pererrant: arbores conscendunt, fru-  
 menta colligunt, atque recondunt. Nam in iis  
 (vt dixit) mens præsaga futuri. Vnde olim  
 Midæ, cuius imperio Phrygia fuit subiecta,  
 puero dormienti in os grana tritici conges-  
 sisse leguntur: Vt apes Platonis dormientis in cu-  
 nis paruuli labellis mel inseruisse, atq; ita ma-  
 gnæ felicitatis indices extitisse non fuitiles.  
 Hyemis igitur venturæ memores, adeo perti-  
 naciter laborant, vt earum itinere, silices attri-  
 tos videamus, & in opere semitam factam: ne  
 quis dubitet, qualibet in re quid possit quan-  
 tulacunque sedulitas. Adeas igitur tanquam  
 vitæ magistras Rex Salomon iubet abire pi-  
 grum, earumque mores contemplari, vt sa-  
 pientior fiat. Illæ tametsi nec principem, nec  
 præfectum, nec ducem habeant, tamen æstate  
 cibum pro veteri consuetudine parant, & in  
 messe colligunt alimenta: At dissimilem na-  
 turam ignauæ referunt cicadæ: quas Socrates  
 apud Platonem dicit procreatas ex homini-  
 bus. Qui natis ab initio Musis, cantuq; mon-



strato, vsque adeo deliniti fuerunt voluptate cantus, vt canentes cibum potumque negligerent. Et adhuc hodierno die messis tempore cantillantes, hyemis tabescunt egestate. Harum stulti sunt imitatores, qui iuuenes à labore procliues ad libidinem, in ætate florida veterno torpent, in senectâ premuntur rerum penuria. At prudentes collaudantur, qui fornicarum exempla secuti, laboribus honestis quærunt viatica miseris canis, ante oculos assiduo ponentes, ignauia comitem esse paupertatem, vt voluptatis dolorem: atque desideriosos non solum ab hominibus habitos odio, sed etiam à Dijs immortalibus, qui industrios adiuuant, ac spectant magnos, viros coluctantes cum aliqua calamitate. Vnde rectè Demetrius ille dixit. Nihil infelicius eo, cui nihil vnquam aliquid euenit aduersi. Cuius rei meminit Seneca in li. de Diuina prouidentia. Hinc est, quod Saturnus olim foliis stillantia mella decusserit, ignem remouerit, & passim riuis currentia vina represserit:

*Non torpere graui passus sua regna veterno*

*Ex Xenophonte.*

Et Lycurgus pueros non in forum, atque delitiis affluentia loca, sed in agrum duci iussit, vt primos annos non in voluptatibus, more cicadarum, sed in omni opere & labore agerent, formicas imitari. Quippe negotia sunt horrida, nomine, sed Reipublicæ mores in statu prospero continent. Contra blandæ appellationis quies pluribus vitiis & periculis respersit.

ſpergit. Exemplo ſit Roma, cuius præpotens imperium agitatio rerum excitabat ad virtutem capeſſendam, nimia quies in deſidiam reſoluit ac interitum. Hinc Appius ille Claudius crebro ſolitus fuit dicere: Negotium populo Romano melius committi, quam ocium. Blanda quidem & facilis initu voluptatis eſt via: Virtutis autem, quam formicæ videntur ingredi, nimis laborioſa & aſpera: Sed vt huius vltima meta iucunda ſimul ac beata eſt, ſic illius miſerabilis & infauſtus exitus.

*Nam qui deſidiam, luxumque ſequetur inertem,  
Dum fugit oppoſitos incauta mente labores,  
Turpis inopsque ſimul miſerabile tranſiget æuum.  
At quicquid duros caſus virtutis amore,  
Vicerit ille ſibi laudemque decusque parabit.*

Res quidem blanda nimis eſt, mellitus canor atque voluptatis illecebræ, ſed quos præſtigijſ ſuis ceperunt, diſperdunt. Ouid. 3. de Arte:

*Monſtra maris Sirenes erant, quæ voce canora  
Quælibet admiſſas detinnere rates.*

Harum vna Parthenope, humana voce: A- *Sirenes.*  
lia, cui Leucoſia nomen, tibijs: Tertia Ligya *Leucoſia.*  
canebat lyra, atque tanta carminis dulcedine tranſeuntes nautas adſiciebant, vt alto ſomno premerentur & cum ſopitos perſentiſcerent, ſubmergebant, atque deuorabant. Quare cum iuxta illas tranſiturus eſſet prudens Vlyſſes, cetera ſociorum aures obturauit, & ipſe ſe ad nauis malum alligari iuſſit, vt ea ratione ſaluus euaderet. Vnde Martialis. lib. 3.

*Sirenas*

*Sirenas hilarem nauigantium pœnam,  
Blandasq; mortes, gaudiumq; crudele,  
Quas nemo quondam deserebat auditas,  
Fallax Vlysses dicitur reliquisse.*

Et Horatius:

*Præclare Sirenum voces, & Circes pocula nosti,  
Circes fabulam explicat, a Quasi cum socis stultus, cupidusq; bibisset,  
pud Xenophontem Sub domina meretrice fuisset turpis & excors.  
in memorabilibus. Quid aliud sapientissimi viri, per amœnas  
Sirenum voces intelligi voluerunt, quam blâ-  
dæ voluptatis præstigias? quibus inescati ho-  
mines submergi soleant, atq; funditus interi-  
re? Et quid aliud Æsopus per molles cicadarum  
cantus significare voluit, quam popinorum  
turpitudinem, miseriam, intelicitatem, & bre-  
uiter corporum atq; animarum interitû? quæ  
pestifera secum trahit voluptas. Proinde studi-  
osa iuuentus, vtile propositum virtutis exem-  
plar Vlystem imitabitur, vt tâta pericula decli-  
net, atq; fugiat perniciosam voluptatē, quod  
Voluptas. ipsissimum melle litum est venenum: quo nihil  
damnosius, cum virtutes atterat, animiq; pa-  
riter & corporis vires expugnet: vt luxuria Cā-  
pana, quæ inuictum Annibalem illecebris suis  
complexa, vincendum militi Romano tribuit.  
Vide Liuium de bello Punico. Valerium lib. 9.  
cap. 1. Imitabitur item Publium Scipionem.  
Qui iuuenis plenus monitis ingentia corde  
Molitus, visa caluit virtutis amore,  
Spreuit (voluptatem) Achamenium spirantem  
vertice odorem;*

Ambro-



*Ambrosias diffusam comas:*

Vt Silius Italicus inquit.

Non imitabitur illum, cum cicadis ocia festantem iuuenem: Quem dormientem in medios semper dies obiurgabant sui, & quid nam faceret in lecto tamdiu, quærebant. Quidnam igitur censeatis? ( ille inquit dicere iussus ) Quoties, inquit, mane euigilo, adsunt ad lectulum meum puellæ duæ, quarum altera ad surgendum, & operis aliquid faciendum me hortatur, & ostendit, quam turpe sit iuueni optimam diei partem in lectulo conterere, atque interdum Græcum versiculum accinit semisomni, cuius ut opinor sententia est: Auroram tertiam operis partem perficere. Ibi tum altera, nugari hanc, ait, & turbatricem esse quietis, quia nihil sit neque melius neque dulcius, & qua vita hominum carere nequeat. Bonum si adipiscendum sit, quouis tempore recte surgi: Malum si impendeat, nimis cito surrexeris, inquit, quamuis sero reliqueris lectulum: Hæc ego, inquit adolescens, inter conuitia mutua & altercationes grauissimas disceptantes has audiens, cum dubitem vtri assentiar, diutius soleo in lectulo immorari. Nec imitabitur illum, qui sacris in Prouerbiis ita loquitur: Paululum modo dormiam, paululum modo dormitabo, paululum modo somno vacabo, paululum modo manus conferam, & componam me ad recumbendum. Neque illos, qui in libro Sapientiae sic proclamant:

Veni-

Venite, fruamur bonis quæ sunt, & utamur creatura tanquam in iuuentute, celeriter, vino precioso, & vnguentis nos impleamus, & non prætereant nos flos temporis. Coronemus nos rosis, antequam marcescant: nullum pratum sit, quo non pertranseat luxuria nostra, ubique relinquamus signa lætitiæ nostræ. Non inquā, imitabitur, ne interea ceu viator veniat inopia atque obruat eum paupertas ac miseria. Quicunque ergo ad veras opes, & æternam, quæ virtutem non aliter atque corpus umbra comitari solet, gloriam aspirant, formicas magis Æsopicas studebunt imitari quam cicadas, hoc est, Virtutem potius quam voluptatem conabuntur amplecti.

*Virtutem,  
tanquam  
umbra  
corpus,  
gloria sequitur.*

FABVLA HESIODI DE ACCIPITRE  
& Lucinia, breuiter prolata.

**A**ccipiter Lusciniam vario cantu argutam, in sublimi nubium summitate captam ferebat. Hæc vnguibus transfixa, misere plorabat: ad hanc raptor horrenda voce sic inquit: Quid exclamas misera, à multo, quam tu sis, fortiore detenta? Huc adsis, quo ego te pertraham. Suaue licet vsque cantes, cœna tamen mihi futura es, ubi voluero. Desipit, qui potentioribus repugnat.

EADEM DILATATA AB

*Autoris laude.*

**T**anta sapientia, & præclaris animi dotibus excelluit antiquissimus Poetarū Hesiodus, ut etiam vita defunctum honore sum-

mo profecuti sint viri sapientes, ac veluti numen aliquod certum venerati. Quemadmodum enim Homeri natiuitatem vrbes permultæ sibi vendicabant, ita sepulchrum Hesiodi diuinum asserebant sibi Nemæi simul & Orchomenij. Dignissimus autem honore tanto tantus Poeta, qui preciosa diuini ingenij multa, ad omnium hominum vtilitatem spectantia reliquit monumenta, in quibus vt gemma nobilissima relucet, quam de accipitre, atque Luscinia protulit, Fabula:

Qua sapienter docuit eos stulte facere, qui potentioribus reuētantur, certantq; cum ijs, quos tyrannos nequeant vincere. Quod ipsum est contra torrentem niti, contra stimulos calcitrare, & iuxta prouerbium θεομαχῶν hoc est cum Dijs expugnare.

Non iniuria scripsit Onidius:

*Odinus accipitrem, quia semper viuit in armis:*

Etenim Harpiis omnibus rapacior: ad unco A natura accipit-  
rostro, & vnguibus incuruis ad vim inferendam natus. Cui tanta est insita atque à parentibus ingeni-  
ta rapiendi ac dilaniandi fames, vt nulli aurum generi pareat, nec ab vllis etiam cognatis sanguinolentos abstineat vngues. Qui alitum sæuissimus, auiculas insontes aut humi volantes, aut circa arbores in sublimi sedētes persequi, rapere, & discerpere solet Nec in minores solum crudelis, ac iniuriosus, sed etiam populator impius bellum internecinū cum Aquila, cunctarum auium rege, non expauescit



pauescit gerere, vt cohærentes sæpe prehendantur. Quo genuinæ rabiei propulsus instinetu crudelissimus hostis, sanguine; quem assiduus fitit, se satiaturus, innoxiam adoritur lusciniâ, atque comprehendit. Capta imbellis & insons auicula victorem dulci, qua plurimum pollet, voce, rogare cœpit, & obsecrare, vt innocenti parceret, inquit.

*Asermo-  
cinatione  
per proso-  
popæiam.*

Fer mansuete fortunam. Noli extinctam extinguere. Parce mihi per ea, quæ tibi dulcissima sunt in vita: Miserere infelicis: Respice innocentiam meam: Neminem vnquam violavi, nunquam rapto vixi, vt iam par pari debeat referri. Quod si nulla mei te misericordia commouerit, eximia, qua nobilitor, permoneat virtus mea, noli perfectum musices organum disperdere. Te permolliat, flectatque vox tam dulcis atque magna, tam paruo in corpusculo meo regnans, & tam pertinax spiritus. Irram tuam frangat in tam absoluta musicæ scientia modulatus sonus, quem sæpius audisti continuo spiritu trahi, nunc variè inflexo, nunc distinguere conciso, copulari intorto promitti, reuocari, infuscari ex inopinato: interdum plenum, grauem, acutum: crebrum, extentum, summum, medium, imum. Breuiter omnia tam paruulis in faucibus, quæ tot exquisitis tibiarum tormentis ars hominû excogitauit: quorum ex interitu maiorem tibi & inuidiam & infamiam conflaueris, quam vtilitatem perceperis. At ille quin tu, inquit auribus meis oplora-

plorare desinis? Quid tu rere clamoris tui gratia te omissum iri? Nihil gemitus, nihil lachrymas tuas moror, aut curo. Queritatio tua nisi forsitan animo placuerit, te meis de vnguibus nunquam eripiet, ac conseruabit: Exple meas inimicitias, & iracundiam sanguine tuo satura, Et statim eo dicto miseram discerpfit.

Quid hoc facto poterit immanius esse? Ca- *A collatio-  
ne.*  
ptiuus aliis tempus relinquitur, quo crimen obiectum diluere, aut aliquam causam in excusationem queant adducere. Sed huic infelici omnis exclusa fuit misericordia; omnisq; negata purgandi facultas. Et quis tyrannorum tam fuit impius, vt aliquem occideret, nisi vel leui aliqua ratione permotus? Sed alia nulla causa propulsus accipiter tantum facinus designauit, nisi sola nocendi libidine. Animalium ferocissimus leo traditur: huic tamen ex feris tanta est in supplices clementia, vt in prostratos non sæuiat, est enim nobilioris animi,

*Parcere subiectis, & debellare superbos.*

At Tyranni verso pollice vulgi quemlibet oc- *A contra-  
rio.*  
cidunt, populariter omnibus sanguinolentas manus iniiciunt, nihil homines, nihil Deos ipsos curando.

Quemadmodum igitur præda insolenti victoria visa gloriosa fuit, ac suauis, sic ærumnosa miserrimæ calamitatis acerbissima, vt poena, quæ venerat indigne, magis esse dolenda videatur.

Quæ crudelitas accipitris ostendit, ipsam  
C inno-

innocentiam apud maleficos Tyrannorum greges nunquam fore tutam. Nobis igitur ante omnia curandum, ne in Melampygos (iuxta Prouerbum) incidamus. Et impendente malo patienter feramus, quod non poterimus mutare, vel effingere.

## NARRATIO.

ΔΙΗΓΗΜΑ.

Συγγραμμά.

Quint. l.  
2. cap. 4.  
quatuor  
facit nar-  
rationum  
species.

Iudicia-  
lem vocat  
Quint.

cuius  
duas facit  
species lib.

4. cap. 2.  
Quint.

tres tan-  
tum vir-  
tutes facit,  
electionem  
enim ver-  
borum sub  
erat. Dens  
Deam adamabat,  
Deaque hominem  
perspicui-  
tate com-  
prehendit,  
secutus in  
hoc Cicero-  
nem.

**N**arratio est expositio rei facta, vel tanquam facta. Diuiditur autem in poeticam, historicam, & civilem. Poetica est, qua habet expositionem fictam. Historica, qua vetustam rerum commemorationem continet, atque veterum gesta narrat. Civile, qua in controuersis oratores vtuntur.

Narrationi accidunt sex: Persona faciens, Res gesta, Tempus circa quod, Locus in quo transacta, Modus quo pacto, Causa, propter quam. Virtutes eius quatuor: Claritas seu perspicuitas, Breuitas, Probabilitas, qua *αὐθιγία* dicitur, Electorum verborum proprietates.

## EXEMPLVM NARRATIONIS AB

Angelo Politiano translatum.

**Q**ui rose pulchritudinem miratur, plagam Veneris consideret. Amabat Adonin dea; Mars, ipsam. Quodque dea foret Adonidi, Veneri Mars sequebatur. Par cupido, tametsi genus dispar. Perimere Adonin Mars zelotypus tendebat; finem patans amoris Adonidis necem. Ferit Adonin Mars, ac se currit auxilio Venus, festinans in rosas incidit, ac se spinis implicuit, plantamque pedu perstrinxit. Qui vulne-



*vulnere manarat cruor, de se rosam colorauit, Sic rosa quæ prius candida, rubrum in colorem, qui nunc cernitur, est conuersa.*

SCHOLIA.

Primo Rhetoricorum libro Trapezontius tria ponit Narrationum genera, Ciuile, Digressorium, Remotum. Hoc pueris vtilissimum ita vocatur, quod à causâ ciuili remotum sit, in quo conueniat iuuentutem exerceri, quo commodius illas superiores narrationes in cæteris causis possit aliquando tractare. Eius duo sunt, iuxta Ciceronem, genera Alterum est positum in negotijs, quod habet partes tres.

*Fabulam*, quæ neque veras, neque verisimiles continet res, vt ea quæ tragœdijs tradita sunt. *De in omnibus vide*

*Historiam*, quæ est res gesta, sed ab ætatis nostræ memoria remota. *Quint. lib. 2. cap. 4.*

*Argumentum*, quæ est res ficta, quæ tamen fieri potuit, velut argumenta comœdiarum.

Alterum in personis, quod habere debet sermonis festiuitatem, animorum dissimilitudinem, leuitatē, spem, metum, suspicionem, desiderium, dissimulationē, misericordiam, rerū varietates, fortunę commutationem, insperatum incommodum, subitam lætitiā, iucundū exitum rerum, vt in Comœdijs videre licet.

*Diuiditur in Poeticam, &c.* Quintilianus lib. 2. cap. 4. Narrationes Poeticas Grammaticis attribuit, Rhetoribus historicas. Erant autem

*Rhetores.* tem (auctore Fabio Victorino) Rhetores, qui literas docebant, atque artes tradebant eloquentiæ. Quemadmodum Sophistæ, apud quos dicendi discebatur exercitium. Et Oratores, qui in causis priuatis & publicis plena & perfecta utebantur eloquentia. Porro narrationis Poeticæ faciunt tria genera. Aut enim actiuum est, vel imitativum, quod Græci δραματικὸν vel μιμητικὸν appellant. Aut vero enarratiuum, vel enunciatiuum, quod Græci ἐξηγητικὸν vel δπολογητικὸν. Aut commune vel mixtum, quod Græci κοικὸν vel μικτὸν.

*Historiæ.* *Historiam, &c.* Quæ rei gestæ continet expositionem. Est autem historia, res gesta, ab ætatis nostræ memoria remota. Quam earum proprie rerum esse volunt, quibus rebus gerendis interfuit is, qui scribit, autore Gellio lib. 5. cap. 18. Historiam Cicero de Oratore secundo, eleganter vocat testem temporum, lucem veritatis, vitam memoriæ, magistram vitæ, & vetustatis nunciam.

*Ciuilem, &c.* Quæ ab oratoribus in exponendis sumitur causis, vt ait Priscianus: qui fabularum adiicit narrationem, ad fabulas supra dictas pertinentem.

*Narrationi accidunt sex, &c.* Narratio consumitur circumstantiis, quæ hoc versiculo comprehenduntur:

*Quis, quid, vbi, quibus auxilijs, cur quomodo, quando.*

Fit enim copiosa, si circumstantiis amplifies atq; dilates, & à quo tempore, quoq; loco, quo modo, quo instrumento, qua deniq; causa factum aliquid sit diligenter persequaris.

*Claritas, &c.* Huius virtutis narrationem alibi Cicero vocat lucidam, alibi apertam: Nec refert an pro lucida perspicuam, pro verisimili probabilem, credibilemq; dixeris, vt ait Quintilianus lib. 4. cap. 2. Eodem autore aperta vel dilucida erit narratio, si primum fuerit exposita verbis propriis & significantibus, non sordidis, & ab usu remotis: tum distincta rebus, personis, temporibus, locis, causis. Item si vt quidque primum gestum erit, ita fuerit primum expositum. non ab vltimo repetitum.

*Breuitas, &c.* Narratio brevis erit si nihil extra rem dixerimus, si reciderimus omnia superuacanea, si non ab vltimo initio repetuerimus, nec ad extremum fuerimus profecuti.

*Probabilitas, &c.* Hanc Cicero verisimilem narrationem, Quintilianus appellat credibilem. Erit autem credibilis ante omnia, si prius consuluerimus nostrum animum, ne quid naturæ dicamus aduersum. Si causas ac rationes factis, de quibus quæritur, præposuerimus. Si personas conuenientes his, quæ facta credi volumus, constituerimus, præterea loca, tempora, & similia. Quintilianus dicto lib. quarto, cap. 2.

*Electorum verborum proprietas, &c.* Hic considerandum erit, ne quid contortè ne quid



*Vel ex iis  
apparet  
verborum  
electionem  
sub per-  
spicuitate  
compre-  
hendendā  
sicuti ad-  
notauimus.*

ambiguè, ne quid nouè dicamus, sed vtamur  
vſitatis verbis, & proprijs. Vſitata ſunt ea, quæ  
verſantur in ſermone, in optimorum aucto-  
rum conſuetudine recepta. Propria ſunt, quæ  
eius rei verba ſunt, aut eſſe poſſunt, de qua lo-  
quemur, vt ait Cicero.

*Qui roſa, &c.* Narrat quo pacto lacteus roſæ  
candor, mutatus ſit in colorem purpureum.

*Adonin Dea, &c.* Adonis, Auctore Tortellio,  
filius fuit Cynaræ Cypriorum regis ex Myr-  
rha, eius filia, paſtor pulcherrimus. Virg. in  
Gallo:

*Et formoſus onus ad flumina pauit Adonis.*

Hunc ardentiffime Venus amauit. Ouidius  
in Phædra:

*Sæpe ſub ilicibus, Venerem, Cynaraque creatum,*

*Suſtinuit poſitos qualibet hora auos.*

Plura apud Eraſmum in prouerbio: Adonidis  
horti, qui Veneri ſacri, propter Adonidem e-  
ius amaſium.

*Mars ipſam, &c.* Martis ac Veneris amorem  
Metamorphoſeos 4. refert Ouidius.

Idem ſecundo de arte:

*Mars pater inſano Veneris turbatus amore,*

*De duce terribili factus amator erat.*

*Adonidis  
fabule ex-  
plicatio.*

*Ferit Adonin Mars, &c.* Ouidius decimo Me-  
tamorphoſ. ſcribit; Adonin ab apro interfe-  
ctum, eiusque ſanguinem mutatum in florem.  
Idem aſſerit Macrobius libro Saturnalium  
primo, ca. 21. Adonin, inquit, Solem eſſe non  
dubitatur. Ab apro autem tradunt interem-  
ptum,

ptum, hyemis imaginem in hoc animali fingentes, quod aper hispidus, & asper gaudet locis humidis, & lutosi, pruinaque contextis, proprieque hyemali fructu pascitur glande. Ergo hyems veluti vulnus est Solis; quæ & lucem eius minuit, & calorem.

*Plantam pedu perstrinxit, &c.* Vnde Claudianus lib. 2. de raptu Proserpinæ scribit de Venere, inquiens:

*Sic fata, doloris.*

*Carpit signa sui,* id est rosas purpureas, Veneris amore tinctas. Huius meminit Politiānus Miscell. II.

EXEMPLVM NARRATIONIS POETICÆ, copiosius apud Ouid. Metamorph. 4. tractatum.

**D**Ocet autem ea fabula, nimis infelicem exitum eos habituros, qui parētibus immorigeri, foedis amoribus sese contaminarint. *Pyramus & Thysbe, iuuenum pulcherrimus alter, Altera, quas oriens habuit, prælata puellis; Contiguas habuere domos, vbi dicitur altam Coctilibus murus cinxisse Semiramis urbem. Notitiam, primosque gradus vicina fecit: Tempore creuit amor, tada quoque iure coissent: Sed vetuere patres, quod non potuere vetare. Ex aquo captis ardebant mentibus ambo. Conscius omnis abest, nutu signisque loquuntur, Quoque magis te gitur, tanto magis astat ignis. Fissus erat tenui rima, quam duxerat olim, Cum fieret paries domui communis utrique.*

Id vitium nulli per secula longa notatum:  
Quid non sentit amor? primi vidistis amantes,  
Et vocis fecistis iter, cuiusq; per illud  
Murmure blanditia minimo transire solebant.  
Sape vbi constiterant hinc Thysbe, Pyramus illinc,  
Inque vices fuerat captatus anhelitus oru,  
Inuide, dicebant, paries, quid amanti bus obstas?  
Quantum erat, vt sineres toto nos corpore iungi?  
Aut si hoc nimium est, vel ad oscula danda pateres:  
Nec sumus ingrati; tibi nos debere fatemur,  
Quod datus est verbus ad amicas transitus aures.  
Talia diuersa nequicquam sede locuti,  
Sub noctem dixerere Vale, partique dedere  
Oscula quisque sua non peruenientia contra.  
Postera nocturnos aurora remouerat ignes,  
Solque pruinosas radijs siccauerat herbas,  
Ad solitum coiere locum, cum murmure paruo  
Multa prius quasi, statuunt sub nocte silenti  
Fallere custodes, foribusq; excedere tentant.  
Cumq; domo exierint, vrbis quoq; recta relinquant,  
Neve sit errandum lato spatiantibus aruo,  
Conueniant ad busta Nini, lateantq; sub vmbra  
Arboris: arbor vbi niueis vberima pemi,  
Ardua morus erat gelido contermina fonti.  
Pacta placent, & lux tarde discedere visa,  
Præcipitatur aquis, & aquis nox exit ab iisdem,  
Callida per tenebras versato cardine Thysbe  
Egreditur, fallitq; suos, adopertaque vultum  
Peruenit ad tumulum, dictaque sub ardore sedit:  
Audacem faciebat amor, venit ecce recenti  
Cade leana boum spumantes oblita rictus,



Depositura sitim vicini fontis in vnda,  
 Quam procul ad Luna radios Babylonia Thysbe  
 Vidit, & obscurum timido pede fugit in antrum.  
 Dumque fugit, tergo velamina lapsa reliquit.  
 Ut leo seua sitim multa compefcuit vnda,  
 Dum redit in sylvas inuentos forte si ne ipsa  
 Ore cruentato, tenues laniauit amictus.  
 Serius egressus vestigia vidit in alto  
 Pulcre certa fera, totoque expalluit ore  
 Pyramus, vt vero vestem quoq; sanguine tinctam  
 Repperit, vna duos, inquit, nox perdit amantes,  
 E quibus illa fuit longa dignissima vita.  
 Nostra nocens anima est: ego te misera peremi,  
 In loca plena metus qui iussu nocte venires,  
 Nec prior hoc veni, nostrum diuellite corpus  
 Et scelerata fero consumite viscera morsu.  
 O quicumque sub hac habitatis rupe leones.  
 Sed timidi est optare necem: velamina Thysbes  
 Tollit & ad pacta secum fert arboris vmbra:  
 Utque dedit nota lachrymas, dedit oscula vesti,  
 Accipe nunc, inquit, nostri quoq; sanguinis haustus,  
 Quoque erat accinctus, dimisit in alia ferrum:  
 Nec mora, feruenti moriens è vulnere traxit,  
 Et iacuit resupinus humo, cruor emicat alte.  
 Non aliter, quam cum vitato fistula plumbo  
 Scinditur, & tenui stridente foramine, longas  
 Eiaculatur aquas, atque ictibus aera rumpit.  
 Arborei fœtus aspergine cadis in atram  
 Vertuntur faciem, madefactaque sanguine radix  
 Purpureo tingit pendentia mora colore,  
 Ecce metu nondum posito, ne fallat amantem,

*Illa redit, iuuenemque oculis, animoque requirit,  
Quantaque vitarit, narrare pericula gestit  
Viq; locum, & visam cognoscit in arbore formam.  
Sic facit incertam pomi color, haret an hac sit:  
Dum dubitat, tremebunda videt pulsare cruentum  
Membra solum, retroque pedem tulit, oraque buxo  
Pallidiora gerens exhorruit aquorū instar  
Quod fremit, exigua cum summum stringitur aura.  
Sed postquam remorata, suos cognouit amores,  
Percutit indignos claro plangore lacertos,  
Et laniata comas, amplexaq; corpus amatum,  
Vulnera suppleuit lachrymis, fletumque cruori,  
Miscuit, & gelidis in vultibus oscula figens,  
Pyrame, clamanit, quis te mihi casus ademit?  
Pyrame, responde, tua te charissima Thysbe  
Nominat, exaudi, vultusque attolle iacentes.  
Ad nomen Thysbes, oculos in morte grauatos  
Pyramus erexit, visaque recondidit illa.  
Qua postquam vestemque suam cognouit, & ense  
Vidit ebur vacuum, tua te manus, inquit, amorque  
Perdidi infelix, est & mihi fortū in vnum  
Hac manus, est & amor, dabit hic in vulnera virex.  
Persequar extinctum, lethique miserrima dicar  
Causa comesque rui, quique à me morte reuelli  
Heu sola, poteras, potes nec morte reuelli.  
His tamen amborum verbis estote rogati.  
O multum miseri que mei, illiusq; parentes,  
Vt quos certus amor, quos hora nouissima iunxit,  
Componi tumulo non inuideatis eodem.  
At tu, qua ramis arbor miserabile corpus  
Nunc tegis vniū, mox es tectura duorum,*

*Signa tene cadu, pullosque & luctibus aptos  
Semper habe fœtus, gemini monumenta cruoris.  
Dixit, & aptato pectus mucrone sub imum  
Incubuit ferro, quod adhuc à cade tepebat.  
Vota tamen tetigere Deos, tetigere parentes.  
Nam color in pomo est vbi permaturuit, ater.  
Quodque rogis superest, vna requiescit in vrna.*

EXEMPLVM NARRATIONIS

*historica. ex Orosij lib. 2. cap. 8.*

**C**YRUS Persarum Rex Scythis bellum in-  
tulit, quem Tomyris Regina, quæ tunc  
genti præerat, cum prohibere transitum Ara-  
xis fluminis posset, transire permisit, primum  
propter fiduciam sui, dehinc propter oppor-  
tunitatem ex obiectu fluminis, hostis inclusi.  
Cyrus itaque Scythiam ingressus, procul à  
trāsmissio flumine castra metatus, insuper actu  
eadem instructa vino epulisque, deseruit, quasi  
territus refugisset Hoc comperto Regina ter-  
tiam partem copiarum, & filium adolescentu-  
lum, ad persequendum Cyrum mittit. Barbari  
veluti ad epulas inuitati, primum ebrietate  
vincuntur, mox reuertente Cyro vniuersi cum  
adolescente, obtruncantur. Tomyris exercitu  
ac filio amisso, vel matris, vel reginæ dolorem  
sanguine hostium diluere promptius, quam  
suis lachrymis parat, Simulat diffidentiam de-  
speratione cladis illatæ, paulatimque cedendo  
superbum hostem in insidias vocat. Ibi quo-  
que compositis inter montes insidijs, CC. M.  
Persarum, cum ipso Rege deleuit, adiecta su-  
per

*Tempus  
Tomyris  
Mysage-  
tarum re-  
gina*

*Tomyris  
Cyrum  
interfecit  
circa O-  
lymp. 63.*

per

orb. cona.  
225. re-  
gnante  
Tarqui-  
nio Super-  
bo.

per omnia illius rei admiratione, quod nec nuncius quidem tantæ cladis superfuit. Regina caput Cypri amputari, atque, in virem humano sanguine oppletum conijci iubet, non muliebriter increpitans: Satia te sanguine, quem sitisti, cuius per annos triginta insatiabilis perseuerasti.

#### EXEMPLVM NARRATIONIS

*Ciuilis & Meloniana.*

**P**. Clodius cum statuisset omni scelere in Pratura vexare Rempubl. videretque ita tractata esse comitia anno superiore, vt non multos menses Praturam gerere posset, qui non honoris gradum spectaret, vt cæteri, sed & L. Paulum collegam effugere vellet, singulari virtute ciuem, & annum integrum ad dilacerandam Rempublicam quæreret, subito reliquit annum suum, seque in annum proximum transtulit, non religione aliqua, sed vt haberet, quod ipse dicebat, ad Praturam gerendam, hoc est, ad euertendam Rempub. plenum annum atque integrum. Occurrebat, mancam ac debilem Praturam suam futuram Consule Milone: eum porro summo consensu populi Romani Contulem fieri videbat: contulit se ad eius competitores, sed ita totam vt petitionem ipse solus etiam inuitis illis gubernaret: tota vt comitia suis, vt dictabat, humeris sustineret: conuocabat Tribus: se interponebat: coloniam nouam, delectum perditissimorum scribebat ciuium: quanto ille  
plura



plura miscebat, tanto hic magis indies conuale-  
 lescbat. Vbi videt homo ad omne facinus pa-  
 ratissimus, certissimum Consulem, idque in-  
 telligit non solum sermonibus, sed etiam suf-  
 fragiis populi Romani saepe esse declaratum,  
 palam agere coepit, & aperte dicere, occiden-  
 dum Milonem: seruos agrestes, ac barbaros,  
 quibus sylvas publicas depopulatus erat, He-  
 truriamque vexerat, ex Apennino deduxerat,  
 quos videbatis: res erat minimè obscura: ere-  
 nim palam diétitabat Consulatum Miloni eri-  
 pi non posse, vitam posse. Significauit hoc sæ-  
 pe in Senatu, dixit in concione. Quin etiam  
 Fauonio fortissimo viro quærenti ex eo, qua  
 spe fureret Milone viuo, respondit, triduo il-  
 lum, ad summum quatruiduo pariturum: quam  
 vocem eius ad hunc Marcum Catonem statim  
 Fauonius detulit. Interim cum sciret Clodius  
 (neq; enim erat difficile scire) iter solemne le-  
 gitimum, necessarium ante diem 13. Calendas  
 Februarij Miloni esse Lanuuium ad Flaminem  
 prædendum, quod erat Dictator Lanuij Mi-  
 lo Roma subito ipse profectus est, vt concin-  
 nem turbulentam, in qua eius furor desidera-  
 tus est, quæ in illo ipso die habita est, relinque-  
 ret, quam, nisi obire facinoris locum, tempus-  
 que voluisset, nunquam reliquisset: Milo au-  
 tem cum in Senatu fuisset eo die, quod Sena-  
 tus dimissus est, domum venit, calceos & vesti-  
 menta mutauit paulisper dum se vxor (vt fit)  
 comparat, commoratus est: deinde profectus  
 est

est id temporis, cum iam Clodius ( si quidem eo die Romam venturus erat ) redire potuisset, obuiam fit Clodius expeditus, in equo nulla rheda, nullis impedimentis, nullis Græcis eomitibus ( vt solebat ) sine vxore vt nunquam fere, cum hic insidiator, qui iter illud ad cædem faciendam apparasset, cum vxore vereretur in rheda penulatus, vulgique magno impedimento, ac muliebri, & delicato ancillarum, puerorumq; comitatu fit obuiam. Clodio ante fundum eius, hora fere vndecima, aut non multo secus : statim complures cum telis in hunc faciunt de loco superiore impetum, aduersi rhedarium occidunt. Cum autem hic de rheda reiecta penula desiluisset, seque acri animo defenderet, illi qui erant cum Clodio gladiis eductis partim recurrere ad rhedam, vt à tergo Milonem adorirentur, partim quod hunc iam interfectum putarent, cedere incipiunt eius seruos, qui post erant : ex quibus, qui animo fideli in dominum erant, & præsentibus fuerunt, partim occisi sunt, partim cum ad rhedam pugnari viderent, & domino succurrere prohiberentur, Milonem occisum esse, etiam ex ipso Clodio audirent, fecerunt id serui Milonis ( dicam enim non deriuandi criminis causa, sed vt factum est ) neque imperante, neque sciente, neque præsentem domino, quod suos quisque seruos in tali re facere voluisset.

ALIUD EXEMPLVM NARRATIONIS

*breuis, dilucida & verisimilis, in oratione Ciceronis Pompeiana.*

**A**Tque vt inde mea proficiscatur oratio, vnde hæc omnis causa dicitur : bellum graue, & periculosum vestris vectigalibus, atque socijs, à duobus potentissimis Regibus infertur, Mithridate & Tigraue ; quorum alter relictus, alter lacessitus, occasionem sibi ad occupandam Asiam oblatam esse arbitratur: E-quitibus Romanis honestissimis viris afferuntur ex Asia quotidie literæ, quorum magnæ res aguntur in vestris vectigalibus exercendis occupatæ. Qui ad me pro necessitudine, quæ mihi est cum illo ordine, causam Reipubl. periculaque rerum suarum detulerant: Bythinia, quæ nunc vestra prouincia est, vicos exustos esse complures, regnum Ariobarzanis, quod finitimum est vestris vectigalibus, totum esse in hostium potestate: Lucillum magnis rebus gestis ab eo bello discedere: huic qui succurreret non satis esse paratum ad tantum bellum administrandum : Vnum ab omnibus socijs Reipubl. & ciuibus ad id bellum Imperatorem deposci, atque expeti, eundem hunc vnum ab hostibus metui, præterea neminem.

CHRIA.

XPEIA.

**C**Hria est commemoratio breui, alicuius personæ factum, vel dictum apte referens. Dicta Paulo aliter Quint. autem est quod sit utilis. Et Chriarum alia verbales li. I. cap. 9. sunt,

De Crate  
id Quint.  
cum pue-  
rum vi-  
disset.

Sunt, alia actiua, alia mixta. Verbales sunt, quae vtilitatem oratione demonstrant. Vt, Plato dixit, virtutis ramos è laboribus atque sudoribus produci. Actiua sunt quae actionem aut factum solum recensent: vt, Pythagoras interrogatus, quanta nam esset hominum vita, cum per temporis breuius spacium se conspiciendum exhibuisset, latebras petijt, humana vita mensuram ex momentaneo conspectu designans. Mixta, quae ex virisque conflata sunt, oratione & actione: vt, Diogenes cum vidisset Adolescentulum lasciuiuentem ac indecore se gerentem, paedagogum illius baculo percussit, superaddens; Quid talia doces aut sic instruis? Chriam verò conficies hisce capitibus, atq; tractabis à

Laudatiuo,	Parabola.
Paraphrastico.	Exemplo.
Causa.	Testimonio veterum.
Contrario.	Breui epilogo.

## EXEMPLVM VERBALIS

Chriæ.

**I** Socrates doctrina radicem amaram esse dicebat, fructus vero dulces.

## ΕΓΚΩΜΙΑΣΤΙΚΟΝ.

A lauda-  
bile

Merito laudandus est Isocrates, propter eximiam dicendi facultatem, quae sibi nomen clarissimum comparauit; & quanta vis eloquentiae esset, ipsam exercendo demonstrauit, eamq; illustrem fecit, non ipse ab illa illustratus. Quibus autem vel Reges admonens, vel instituens priuatos, bene de hominum vita meruit, longum esset recensere. Verum quod de eruditione protulit, haud ab re fuerit commemorare.

ΠΑ-



*Amator, inquit, eruditionis, à laboribus auspicatur, Expositio.*  
sed laboribus desinentibus in utilitatem: quod quàm  
philosophice dictum ab eo sit; hinc licet perspicere,

ΤΟ ΤΗΣΑΙΤΙΑΣ.

Qui enim bonarum artium amore capiuntur, hi  
sane cum professoribus, ac ducibus studiorum conuer-  
santur, ad quos accedere, vi formidolosum est, isa re-  
linquere stultissimum. Et pueri quidem nunquam  
meu vacant, & cum adsunt praeceptores, & cum ven-  
turos expectant. Succedunt praeceptoribus pedagogi,  
visu terribiles, sed cum verberibus sauiunt formida-  
biliore. Qui etiam priusquam verberet: timent. Me-  
rum punitio subsequitur, dum omnia puerorum er-  
rata vindicantur, & recte facta, opera virtutis, tan-  
quam ad ea nati sint, exactissime requiruntur. Iam  
vero Pedagogis ipsis sunt molestiores asperioresque  
patres, in deambulationes, atque vias inquirentes, &  
vetantes in publicum egredi forum ipsum habentes  
suspectum. Quod si opus fuerit in filios animaduerte-  
re, ita excandescunt, ut natura obliuiscantur, nec se  
parentes esse meminerint: verum huiusmodi rebus  
exercitatus puer, cum in virum euaserit, merito co-  
ronatur virtute.

ΕΚ ΤΟ ΤΕΝΑΝΤΙΟΥ.

At qui veritus illa. fugerit magistros, deuittarit *A contra-*  
parentes, & pedagogos fuerit auersatus, prorsum e- *rio.*  
ruditionis expers, scientia priuabitur. Nam merum  
declinans simul cum ipso doctrinam relinquet. Hac  
igitur omnia Isocratem sentire persuaferunt, Erudi-  
tionis radicem amaram esse.

*A simili.*

Nam quemadmodum agricola summo cum labore terra semina mandant, fructus vero maiore cum voluptate colligunt: ita qui ad studia accinguntur, sibi laboris multi comitem gloriam comparant.

## ΠΑΡΑΔΒΙΓΜΑ.

*Ab exemplo.*

Respice Demosthenis vitam, qui ut oratorum omnium laboriosissimus, ita clarissimus euasit, qui fuit adeo studiis intentus, ut comam, nativum capitis ornamentum, exeuendi potestatem sibi praripiendo, detonderet, ratus id pulcherrimum decus, quod à virtute prouenisset. Quæ igitur alij profundunt ad voluptates, ille continuis lucubrationibus impendit.

## ΜΑΡΤΥΡΙΑ ΠΑΔΑΙΩΝ.

*A testimonio veterum.*

Idcirco præclare hoc (ut omnia Hesiodus ait: *Asperam esse ad virtutem viam, cacumen vero molle.* Nam idem quod Isocrates protulit. Hesiodus enim viam, Isocrates autem radicem appellauit, diuersis verbis eandem vterque sententiam demonstrantes.

## ΕΠΙΔΟΓΟΣ.

Quæ si recte consideramus, meritis laudibus euehemus Isocratem, ut qui sapienter de eruditione conscripserit optima.

## SCHOLIA.

*Chria, &c.* Quæ ab aliis utilitas, à Prisciano vocatur vsus. Et est, eodem auctore, commemoratio orationis alicuius vel facti, vel vtriusque, celerem habens demonstrationem, quæ utilitatis alicuius plerumq; causa proferatur, vnde & nomen habet.

*Verba-*

## PROGYMNASMATA. 51

*Verbales, &c.* Orationales eas appellat Priscianus, quibus oratio sola inest: positas in voce simplici vocat Quint. vt Plato dicebat, Musas in animis esse ingeniosorum.

ITEM, Diogenes Cynicus ait: nihil omnino in vita absq; exercitatione perfici, eam omnia exuperare posse. Laertius lib. 6.

ITEM, Seneca dixit: Nulli sunt tam feri sui-que iuris affectus, vt non disciplina perdomentur. Vide Erasmus in prouerbio, Exercitatio potest omnia.

ITEM, Xenocrates: Dixisse me poenituit aliquando, tacuisse nunquam Valerius lib. 7. cap. 2. Est silentij tutum præmium. Vide Erasmi prouerbum.

ITEM, Anacharsis dixit: Leges araneorum telis similes esse. Valerius lib. 7. cap. 2.

ITEM protulit: Vitæ vvas tres ferre, primam voluptatis, secundam ebrietatis, tertiam mœroris, vt ait Diogenes. Laertius lib. 3.

*Virtutis Ramos, &c.* Hoc est, ad bonarum literarum, atq; virtutis fructum esse viam arduam atq; asperam. De qua re carmen extat elegans Vergilij, de litera Pythagorica. Ostendit non cessantibus ac inertibus. sed industriis paratâ esse gloriam, cum Dij (iuxta prouerbum) facientes adiuuent; atq; labore sua munera vendant. Etenim qui vitat molâ, vitat farinâ. Neq; mel, neque apes. Vide Chiliades Erasmicas.

*Actiua, &c.* Sunt, auctore Prisciano, in quibus actus inest solus. Vt Cotys Thraciæ Rex, ei

D 2      qui

qui domo miserat, παρδαλιν vicissim dono misit Leonem, nihil addens. Sed malam bestiam mala pensando, prudenter ostendit, par pari (iuxta prouerbiū) referendum esse. Meminit Plutarchus in Apophthegmatis.

ITEM, Heraclitus Philosophus, Σιγοτείνους dictus, in seditione rogatus, vt apud populum sententiam diceret, quo pacto ciuitas redigi posset in concordiam, consensu suggestu poposcit calicem aquæ frigidæ, & paululum farinæ insperfit, mox de glechone admiscuit, id est vel pulegij syluestris, vel leguminis genus. Deinde epoto calice discessit, nec verbum addidit. Hoc pacto innuens, ita demum ciuitatem carituram seditionibus, si repudiatis delitiis, assuescerent paruo contenti esse. Refert Erasmus 8. Apophthegmatum.

ITEM Lacones, si quando stratagemate superassent hostem, Marti bouem immolabant: sin aperto prælio, gallum. Quo facto innuebant, præclarius esse, hostem ingenio, citra sanguinem deijcere, quam pugna, vtrinque plerumque cruenta,

ITEM, Apud Gymnosophistas olim magnæ fuerat vnus æstimationis: Huic Taxiteles persuasit, vti ad Alexandrum se conferret, gentibus exteris iam bellum illaturum. Veniēs proinde ad Regem, bubulam pellem aridam in medium coniecit, obambulansque eius extrema pedibus premebat. Pellis cum ad vnā tantum partem calcaretur, reliquis in altum attol-



attollebatur. Eo facto, media deinceps firmitus  
 institit, atque ita pelli vndique immota con-  
 quieuit, Tali exemplo Alexandrum ille com-  
 monuit, ne in longinquis locis tempus tere-  
 ret, sed imperij medium tueretur: Ita enim in  
 eius finibus quietura omnia, Vt refert Diodo-  
 rus Siculus in Alexandri vita.

ITEM, Exemplum est actiuæ Chriæ, sed Ty-Tarqui-  
 rannicum, de Tarquinio papauerum summa<sup>nus</sup>.  
 decutiente, quod describit Liuius lib. I. Et car-  
 minibus hisce Ouidius 3. Fastorum.

*Vltima Tarquinius Romana gentis habebat*

*Regna, vir iniustus, fortis ad arma tamen.*

*Ceperat hic alias, alias euerterat vrbes.*

*Et Gabios turpi fecerat arte suos.*

*Namque trium minimus, proles manifesta Superbi,*

*In medios hostes nocte silente venit.*

*Nudarunt gladios, occidite, dixit, inermem.*

*Hoc cupiunt fratres, Tarquiniusq; pater.*

*Qui mea crudeli lacerauit verbera terga,*

*Dicere vt hoc posset, verbera passus erat.*

*Luna fuit, spectant iuuenem gladiosque recondunt,*

*Tergaque deducta veste notata vident.*

*Flent quoque, & vt secum tueatur bella precantur.*

*Callidus ignavis annuit ille viris.*

*Iamque potens, misso genitorem appellat amico.*

*Perdendi Gabios quod sibi monstret iter.*

*Hortus odoratis suberat pulcherrimus herbis*

*Septus humum riuo lene sonantis aqua:*

*Illic Tarquinius mandata latentia nati*

*Accipit, & virga lilia summa metit.*

*Nuncius ut redijt, decussa que lilia dixit,*

*Filius, agnosco iussa parentis, ait.*

*Nec mora, principibus caesis ex vrbe Sabina,*

*Traduntur ducibus mœnia nuda suis.*

Extat amabilius exemplum, quo pueris Lacones ostendebant seruos, qui vino essent temulentis; quo magis abominarentur ebrietatem, videntes quam deformespectaculum esset homo immodico madens vino, quamque dementi similis. Imo cogebant Gelotas, hoc est, agrestes homines, quam plurimum bibere. Deinde ingurgitados merò, saltationes ineptas saltare; & carmina quædam ridicula canere, Ita quod & alij prolixo sermone vix persuadent, sobrietatem esse rem honestissimam, ebrietate nihil esse homine indignius, illi compendio ponebant ob oculos, sed in mancipiis, ad quorû mores degenerare ingenuis turpissimum est. Refertur à Plutarcho in Demetrii vita. Meminit item Erasmus 2. Apophtheg.

*Pythagoras interrogatus, &c.* Pythagoram idcirco appellatum, asserit Diogenes Laertius libr. 8. quod veritatem perinde atque Pythius ipse loqueretur. Hic est, qui vitam quoque humanam similem esse dixit Panegyri, hoc est, solenni hominum conuentui.

ITEM fertur discipulos admonere solitus, ut ista quotidie, cum domum ingrederentur, dicerent.

Πῇ παρέβην, τί δὲ ἐρέξα, τί μοι δεόν ἐκ ἐτε λείπει

Hoc

PROGYMNASMAT. 55

Hoc est : Quo sum prætergressus? quidve gessi? quid officij non peregi?

*Mixta, &c.* Vt Diogenes de quodam, cum populus theatrum egrederetur, aduersus populum ingredi nitens, dixit: Hoc in omni vita facere studeo. Sentiebat Philosophum a populo dissidere, cum Philosophus ratione, populus agatur cupiditatibus rapiaturque variis persuasionibus. Hinc ab Horatio vocatur, *Bellua multorum capita.*

ITEM, Rex Agesilaus aliquando arundine pro equo conscensa, vna cum filioliis colludens, ait amico interuenienti : Nec cui dicas, priusquam ipse quoque liberorum parens sis factus. Festiuè subindicans, eum lulum non esse leuitatis, sed pietatis : Nec hoc quod agebat, videri posse ineptum ei, qui modo expertus esset quam insons sit affectus charitatis parentum erga filios. Auctor Plutarchus in vitis. Refert Erasmus 1. Apophthegmat.

ITEM, cum aliquando conscendisset equum Plato, mox descendit, dicens, se vereri μή ἱπποκυφία ληφθῆναι, id est, ne equestri fastu corripereetur. Superbum animal est equus & equitare quiddam habet magnificum, parumque Philo'sopho dignum.

ITEM, Lacedæmoniis ad publica conuiuia ingredientibus, qui natus erat maximus, singulis ostendebat fores dicens : Per has nullus egredietur sermo : admonens nihil effugien-

dum, si quid liberius dictum esset in conuiuio. Hunc morem instruit Lycurgus..

ITEM, Laconem hospes, quem pridie declinauerat, postridie stragulis commodaro sumptis splendide excepit: At ille stragulis conculcatis, dixit, propter has heri ne storeis quidem indormire licuit. Lepide risit illorum morem qui cum sint tenues, tamen affectant videri diuites, corrogata aut conducta supellectile. Quod maxime solent in excipiendis hospitibus, in nuptiis, aut alioqui solennibus epulis. Porro cum ineptum sit, tuas ostentare diuitias. quanto magis ridiculum est, ostentare supellectilem alienam, ab usurariis sumptam.

ITEM, Alius Lacon quidam noctu præteriens monumentum, cum sibi visus esset videre spectrum, accurrit lancea traiecturus, & in hoc nitens: Quo me fugis, inquit, anima bis moritura? Mentem audis vere liberam omniformidine, quæ nec laruarum ac lemurum occursum terreri potuerit.

ITEM. Cum Dionysius in conuiuio iussisset, ut singuli in veste purpurea saltarent (purpura vero tum Regum erat gestamen, nunc tutoribus etiam communis) id Plato facere recusauit his trimetris è fabula quapiam:

Οὐκ ἂν δυνάμει δῆλ' αὖ ἐδύνατο σολήν  
 Ἀ' ἔγωγε πεφυκὼς καὶ γένους ἐξ ἁ' ἔγενετο.

Id est:

Muliebri ego haud quaquam indui queam stola.  
 Vir natus ipse, & ex virili germine.



Aristippus vero non recusavit, sed indutus purpura saltaturus, hos versus recitavit.

καὶ γὰρ ἐν βασιλείαισι

ὅντις ὁ σώφρων ἔλκεται.

Refert Diogenes Laertius lib. 2. de vitiis Philosophorum.

ITEM, Plato frugalis erat, sed tamen amans *Plato frugalis.* mundicie. Contra Diogenes sordidus. Itaque *Diogenes sordidus.* calcans Platonis culcitram, præsentibus aliquot Dionysij amicis, quos Plato inuitarat ad conuiuium, dixit: Calco fastum Platonis Calcas, inquit, Plato, sed alio fastu. Nam hoc ipsum fastus erat, quod iactabat mundicie contemptum. Et qui fordibus gloriuntur, non minus ambitiosi sunt, quam qui splendide vestiuntur, sed aliter. Turpior est autem ambitio ex fuco virtutis laudem captans. Vnde Socrates animaduertens Antisthenem ambitiosus ostentare vestem laceram & detritam, facetè hominem increpauit, & παῖσι, inquit, ἐγκυκλιωπιζόμενος ἡμῖν; id est, non defines te nobis comere? Significans eiusdem esse ambitionis, vilitatem amictus ostentare, & delicato cultu se venditare: vt refert Erasmi. 3. & 8. Apophthegmatum.

ITEM, Scilurus Scythia liberos octoginta masculos habens, cum esset moriturus, fasciculum iaculorum singulis porrexerat, iussitque rumpere. Id cum singuli recusassent, eò quod videretur impossibile, ipse singula iacula exemit, atque ita facilè confregit omnia. Quo fa-

cto filios admonens. Si concordēs, inquit, eritis, validi, inuictique manebitis: contra, si diffidis & seditione distrahemini imbelles eritis, & expugnati faciles. Recenset Plutarchus in Apophthegmatis: similis sit mentio in fabulis Æsopi.

*Concordia.*

ITEM, Cum Diogenes Cynicus aliquando vidisset puerum concava manu bibentem: Hic puer, inquit, me frugalitate superat, qui supellectilem superfluam mecum circumferam: & eductum è pera poculum ligneum abiecit: nesciebam, inquiens, & in hoc nobis prouidisse naturam. Cum alterum puerum vidisset, vasculo fracto, cauo panis excipere lenticulam, abiecit & carinum ligneum, vt superuacaneum: vt scribit Diogenes Laertius libr. 6. de vitijs Philosophorum.

*Baculo percussit, &c.* Idem refert Priscianus, & Erasmus Apophthegmatum; & Quintilianus lib. 1. cap. 9. Idem vel simile Crateri attribuit, vbi sic ait: Chriarum plura genera traduntur. Vnum simile sententiæ, quod est positum in voce simplici: dixit ille, aut dicere solebat. Alterum, quod est in respondendo: Interrogatus ille, vel cum ei dictum esset, respondit. Tertium huic non dissimile, cum quis non dixisset, sed fecisset, vt Crates, cum indoctum puerum vidisset, pædagogum eius percussit: sentiens primæ ætatis formatoribus potissimum imputandum esse, si adolescentes euadunt male morati, aut indocti.

ITEM,

# PROGYMNASMATA. 59

ITEM, Diogenes in foro quodam stans clamabat: Adeste homines, veluti concionaturus ad populum. Cumque iam frequentes conuenissent, nec ille desineret clamare. Adeste homines, quidam indignati: En adsumus, dic aliquid. Tum Diogenes baculo illos abigens; Homines, inquit, adesse iussi, non sterquilinia. Non putauit hominis cognomen in eos competere, qui non viuerent iuxta rationem, sed brutorum in morem agerentur affectibus.

ITEM, Adhibita interdum lucerna rogatus quidnam vellet, respondit: ἄνθρωπον ζητῶ, hoc est, hominem quæro: quemadmodum testatur Diog Laert.

Isocrates, &c. Hunc Cicer. de Oratore 2. vocat eloquentiæ patrem, & Rhetorum fere omnium magistrum. Cuius è ludo, tanquam ex equo Troiano, eloquentiæ princeps exierint innumeri.

Radice[m] &c. Hanc sententiam Diomedes libr. 1. in exercitatione Chæriarum ascribit Catoni, inquit, M. Portius Cato dixit, literarum radices amaras esse, fructus iucundiores.

Reges admonens, &c. In quorum numero fuit Nicocles ad quem de regno scripsit Isocrates Orationem admonitoriam. Similiter ad Demonicum λόγον παραινετικόν.

Punitio, &c. Apud Aphthonium habetur κόλασις. Sunt autem tres puniendi causæ: vna est; quæ νοθεσία, παραινέσις. vel κόλασις dicitur

tur, id est animaduersio, cum poena adhibetur, castigandi atque emendandi gratia ut is, qui fortuito deliquit attentior fiat correptus. Altera τιμορέα, cum dignitas, autoritasque eius, in quem est peccatum, tuenda est, ne prætermissa poena contemptum pariat. Tertia vindicandi ratio, παράδειγμα, cum punitio propter exemplum necessaria, ut reliqui metu cognitæ poenæ deterreantur in peccando. Hæc Gell li. 6. cap. 14.

*Opera virtutis, &c.* Aphthonius habet κατορθώματα. Quemadmodum Græci rectam affectionem κατόρθωσις appellant, sic recta, aut recte facta κατορθώματα vocant, autore Cicerone de Finibus quarto. Idem Officiorum primo: Perfectum officium, inquit, rectum (opinor) vocamus, quod Græci κατόρθωμα appellant.

*Demosthenis vitam, &c.* Qui per maximos labores ad eloquentiæ culmen conscendit. Hic, ut Plutarchus scribit, subterraneum locum sibi construxit, in quem per dies singulos descendens, corpus & ingenium exercitabat. Sæpe etiam duos, vel tres menses continuos domi inclusus non cessabat abrafa parte capitis, ut exeundi facultatem sibi ipsi præriperet. Hic idem vadosis littoribus insistens, declamationes fluctuum fragoribus oblucentibus edebat, ut ad fremitus concitatarum concionum patientia duratis auribus, in actionibus  
vrere.



uteretur. Fertur quoque ori insertis calculis multū ac diu loqui solitus, quo vacuum promptius esset, ac solutius: ut ait Valerius l. 8. ca. 7.

*Hesiodus, &c.* Hesiodi locus extans primo Georgicon, Hic est:

Τῆς δὲ ἀρετῆς ἰδρωτὰ θεοὶ προπάροιθεν ἔθηκαν  
 Ἀθάνατος, μακρὸς δὲ ὄρεσις ὄμιλος ἐπ' αὐτήν,  
 Καί τ' ἑχὺς τὸ πρῶτον, ἐπὴν δὲ εἰς ἄρκον ἵκηται,  
 Π' ἤδη δὲ ἥπειτα πέλει, χαλεπὴ πρὸς ἑσέα.

CHRISTÆ ACTIVÆ EXEMPLVM  
*iuxta praescriptos Aphthonij Locos tracta-  
 tum, studio exercendi.*

ARGVMENTVM.

CVM patrem videret mortuum Ioseph,  
 flens ruit super faciem eius: & de oscula-  
 tus est eum. Genesis 50.

AB ENCOMIO FACIENTIS

*Exordium.*

Q Vis non laudibus condignis euehere stu-  
 deat factum hoc egregium viri sanctis-  
 simi Ioseph, quo praeclarum eximiae pietatis  
 specimen exhibuit, atque virtutis exemplum,  
 non ore tenus, sed pleno charitatis opere de-  
 functum parentem est profecutus?

Cum benedixisset nepotibus suis Iacob  
 aegrotus, ac imposuisset finem mandatis, qui-  
 bus filios instruebat, collegit pedes suos super  
 lectulum, diemque suum obiit. Quod cernens  
 Ioseph, corruit super defuncti parentis charis-  
 simi vultum, ac mortuum deflevit. Quo facto  
 vir

vir piissimus admonuit nos, vt nobis charos vita defunctos lugeamus, non tamen vt Ethnici, nullam spem habentes.

Quippe hanc vim non solum hominibus, sed etiam feris indidit, ac ingenuit diuina potestas, vt dissolutionem naturæ perhorrescant, ac ipsa relinquenda luce moueantur, & discessu à suis angantur. Quis igitur tam ferreus, quem non acerba charissimorum suorum funera prouocent ad luctum?

*A contrario.*

Quod si corda prauorum hominum tangit luctus, hoc est, ægritudo ex eorum, qui chari fuerunt, interitu acerbo: Quis iniquum duxerit, si boni viri, qui iuxta prouerbiū, lachrymabiles sunt, in charissimorum suorum funere fleuerint? Et si populus olim in deserto nimis luit impios qui murmurauerant, & insurrexerant contra Deum Dominum, cur fuerit à piis alienum, piorum funera lachrymis prosequi?

*A simili.*

Quemadmodum corpora nostra doloribus adficiuntur, si membrum aliquod fuerit resecutum, ita non iniuria moerore conficiuntur atque luctu, qui dulcissimam aliquam familiæ suæ atque generis partem amiserunt, hoc est patrem, aut amicum, qui fuerit alter ipse, & eadem (vt Pythagoras inquit) anima,

*4. Reg.*

Quis Prophetæ Samueli vitio vertit, quod mortuum Saul Regem defleuerit? Quis Regem Dauidem reprehendit, quod planxerit filium Ammon, & eiulârit in morte filij Absalon? Quis denique vniuerso Iudaico & Israelitico

litico populo succensuit, quod in duro Iosia casu fuerit lamentatus.

Et diuinarum litterarum monumenta nos *A testi-*  
instituunt & adhortantur, ne desimus ploran- *monio ve-*  
tibus, sed cum lugentibus lugēamus. Et do- *terum.*  
cent longe melius esse, in domum luctus ire, *Prou. 3.*  
quam ad domum conuiuij; quod in illa finis  
cunctorum admoneat hominem, vt viuens  
cogitet quid futurum sit. Vnde cum Abner à  
Ioab esset interemptus, dixit Rex Dauid ad om-  
nem populum. Scindite vestimenta vestra,  
& accingimini saccis, & plangite ante exe-  
quias Abner in Hebron.

Rectè igitur Ioseph super defuncti parentis *Ab epilo.*  
faciem ruens, planxit eum, & quod imitemur, *breui.*  
nobis omnibus proposuit egregium veræ pie-  
tatis exemplum.

CHRISTIANÆ VERBALIS EXEMPLVM

*quo eadem sententia contrariis locis est  
variata.*

ARGVMENTVM.

**H**elius Eobanus Hessius Poeta, moriturus *Eobanus*  
hoc Ennij carmen protulit. *Hessius*  
*Nemo me lachrymis decoret, neque funera fletu* *Menimius*  
*Faxit, cur? volito docta per ora virum.* *Cicero*  
*EXORDIVM AB ENCOMIO* *Tuscul.*  
*præclara sententia.* *Quæst. 1.*

**D**ignissima profecto memoratu, atque  
laudatu sententia, quam duo Poetæ, Q.  
Ennius & Eobanus Hessius celeberrimam  
reddiderunt: ille, qui fuit author, hic quoniam  
sapi-

sapienter vsurpant : Vterque maximus ingenio. Ille patriam Rudias nobilitauit, creditus habuisse tria corda, quod Græcè, Oscè, & Latinè sciret loqui. Vnde non immerito charus fuit Scipioni Africano, & Q. Nobiliori, viris clarissimis. Hic eruditione sua, variaque rerum cognitione patriam suam Hessiam, & inibi ciuitatem vbi natus erat, Frâcobergiam, fecit illustrem, id studio suo consecutus, ut innumeros Heroas atq; Principes illustrissimos sibi pararit amicos, æternamque nominis gloriam fuerit adeptus.

Cuius vt multa præclara scripta sunt, ita nõ pauca grauitè dicta, cuius generis illud Ennianum, quod supremo tempore, veluti cantator cygnus funeris ipse sui, suauiter emisit. Quo vates eximia sapientia præditus, noluit desleri hominum doctorum atque piorum mortem, quam à malis abducentem, vita beata esset consecutura.

*A. Causa.*

Sciebat, pias animas corporeis vinculis atque omnibus humanis incommodis exutas, perpetuo victuras. Nouerat animos hominum esse diuinos, ijsq; cum è corpore excessissent, reditum ad cœlum parere, optimoque & iustissimo cuique expeditissimum, vt ait Cicero de Amicitia. Videbat res mundanas tot casibus, atque periculis innumeris obnoxias. Animaduertebat nullas domos esse, in quibus non multi luctus olim fuerint, hodieque versentur. Videbat omneis vrbes nihil aliud esse, quam

*Plinius in  
proœmio  
lib. 7.*



quam miseranda (vt Solon apud Valerium inquit) cladium humanarum circumsepta, vt multi extiterint, qui non nasci optimum censerint, aut quam ocyssime aboleri.

Quod si lachrymis indulgendum est, ij <sup>A contra-</sup> <sub>rio.</sub> flendi fuerint, quibus mors terribilis est,

hoc est, ij, quorum cum vita omnia extinguuntur: non autem deflendi, quorum virtutis gloria nunquam est interitura, sed post mortem speciosior futura. Hinc vt ait Cic. Sapientissimus quisq; æquissimo animo moritur, stultissimus iniquissimo. Hic enim, cui cæcæ mens, qui nihil aliud considerat, quam externa mortis opera, luget miserabiles sibi visos hominum casus; at ille metu mortis non exhorrescit, nec lamétatur, qui secū reuoluit, nobis ex hac vita discedendum tanquam ex hospitio, non dōmo, cum nobis natura diuersorium commorandi, non habitandi dederit. Deinde perpēdit internam mortis vtilitatem, quæ dicitur vltima linea rerum, malorum requies, & æternæ vitæ simul ac salutis origo. Sapienter Rex Ecclesiastes inquit, Laudauim magis mortuos quam viuentes, & feliciorem vtroque iudicaui, qui non natus est, nec vidit mala, quæ sub sole fiunt. In hoc ipsum qui defixos oculos habet, alacrior audet dicere:

*Dum volet ille dies quæ nil nisi corporis huius*

*Ius habet, incerti spacium mihi finiat aui;*

*Parte tamen meliore mei super alta perennis*

*Astra ferar.*

E

Quid

Quid enim habet vita commodi, quid non potius laboris? O præclarum diem, cum ad illud animorum concilium, cœtumque proficiscar, & cum ex hac turba & colluione discedam. Proh Dii immortales, quam optabiliter iter illud iucundum, quo confecto, nulla reliqua cura, nulla sollicitudo futura. Hæc Cicero in Catone Maiore, & primo Tusculanarum Quaestionum.

*Asimili.*

Quemadmodum illorum vicem non dolemus, sed læti gratulamur, qui reduces è gravissimis præliorum crudelium periculis in patriam ad charissimos amicos cum triumpho reuertuntur, ita bono iure debemus (ne meliorem fortunam invidere videamur) in illorum discessu gaudere, qui ex hac lachrymarum valle atque vita, quæ super terram perpetua (vt S. Iob ait) militia est, demigrant in cœlestem patriam, vbi vera charitas, & pax æterna regnat.

*Ab exemplo.*

Quæ iam omnia dicta non solum sancti Patres, sed etiam Ethnicorum Philosophi animis reputantes confirmarunt, mortem non modo flendam non esse, sed voluptatis etiam loco ducendam, aut fortiter contemnendam. Exemplo sunt tot hominum piorum millia, qui per vincula, verbera, flammæ, atque per atroces diuersorum generum cruciatus interempti cum gaudio concesserunt ad cœlorum regna. Sed ijs omissis, quid de Socrate loquar? Cui mera fuit hilaritas in morte. Qui post  
sump-

*Socrates.*

sumptam cicutam, cum frigerent membra:  
 Debemus, inquit, gallum Æsculapio persol-  
 uere: iocans perinde, quasi sumpta portione  
 medica conualuisset. Quid de Cyrenæo illo  
 Theodoro Philosopho? Cui cum Lysimachus *Theoda-*  
 Rex crudelia minitaretur: istis, quæso, inquit, *rus.*  
 ista horribilia minitare purpuratis tuis. Theo-  
 dori quidem nihil interest, humine, an subli-  
 mi putrescam. Quo dicto genus omne mortis  
 contempsit, post hanc vitam longe meliorem  
 expectando.

Diuinæ literæ non mœroris plenam, sed *A testi-*  
 potius preciosam esse mortem sanctorum in *monio Ve-*  
 conspectu Domini prædicant. Et eos, qui do- *serum.*  
 cti fuerint, post hanc miserabilem vitam ful-  
 suros ut cœli firmamentum. Quod licet non  
 cognouerint Thraces, tamen exequias & fu- *thraca.*  
 nera cum hilaritate celebrabant. Qui sine vl-  
 lis doctorum præceptis humanæ conditionis  
 (ut Valerius inquit) habitum præuiderunt,  
 nempe mortem homini optimam, & om-  
 nium malorum finem optandum esse, vitam  
 autem desendam, tot ærumnis refertam.  
 Considerarunt nihil in terris homine mise-  
 rabilius esse, quem natura tantum nudum, &  
 in nuda humo natali die abiicit ad vagitus sta-  
 tim & ploratum, nullumque tot animalinum  
 ad lachrymas, & has protinus à vitæ princi-  
 pio. Ab hoc lucis rudimento, quod ne feras  
 quidem inter nos genitas, vincula excipiunt,  
 & omnium membrorum nexus, atque infeli-

citer natus iacet manibus pedibusque deuin-  
ctis stens. Animal cæteris imperaturum, & à  
suppliciis vitam auspicatur, vnam tantum ob  
culpam, quia natum est: vt ait Plinius in pro-  
æmio lib. 7.

ALIVD CHRISÆ VERBALIS EXEM-  
plum, cuius argumentum tale est; Ecclesiastes  
cap. 10. dixit: Pecunia obediunt  
omnia.

*Exordium  
à laude.  
Nihil e-  
nim veri-  
tate for-  
tius.*

**R**EX Israel Ecclesiastes ex intimis diuinæ  
sapientiæ penetralibus deprompta mul-  
ta dixit, ad rerum omnium optimarum co-  
gnitionem pertinentia, maxime veritatis, cu-  
ius est tanta vis, vt contra hominum ingenia,  
fictasque omnium insidias, facile seipsam pos-  
sit defendere.

*Ab expo-  
sitione.*

Opibus, inquit, vniuersa simul obediunt.  
Quo dicto quid verius esse possit, non video.  
Etenim pecuniam, quæ genus & formam do-  
nare potest, Reginam facimus omnes. Huic  
seruimus omnes, huic palmam tribuimus om-  
nes, huic omnia expensa, huic omnia ferun-  
tur accepta, & in ratione mortalium sola v-  
tramque paginam facit.

*A causa.*

Nec immerito: Nam quicquid eximium,  
quicquid splendidum, quicquid venustum,  
quicquid denique gloriosum hominibus con-  
tingit, id à solius pecuniæ beneficio proficif-  
citur. Huic libenter omnes obtemperamus,  
victi lucro: nec iniuria, cum quicquid rerum  
vel bonarum, vel malarum geratur inter mor-  
tales,



tales, id pecuniarum fiat gratia. Qua ratione permotus apud Euripidem Bellerophon inquit:

*Sine me vocari pessimum, ut diues vocer,  
Nemo an bonus, an diues, omnes quarimus:  
Non quare & unde: quid habeas, tantum rogent,  
Vbi que tanti quisque quantum habuit, fuit.  
Quid habere nobis turpe sit, quæris? nihil.  
Aut diues opto viuere, aut pauper mori.  
Bene moritur, quisque moritur dum lucrum facit.  
Pecunia ingens generis humani bonum:  
Cui non voluptas matris, aut blanda potest  
Par esse proles, non sacer meritis parens.  
Tam dulce si quid venerit, in vultu micat:  
Merito illa mores cœlitum, atque hominum mouet:*

Respice pauperem inopis viri culinam, videbis omnia frigere. Contemplaberis paucifimos, & eosdem pannosos, sentos, squalidos inibi delitescere ministros, neminem ibi regnandi palmam obtinere, quam famem stringosam, cum canibus mures inedia consumentem. Considerabis loca cuncta squalentia situ, catilla cariola patellas scabrosas, cibaria rancida, suppellectilia rubiginosa, parietes fuligine, atque araneis oppletos, stragula pediculosa & breuiter omnia, quæ procul intuenti poterunt horrorem incutere, & ab accessu inauspicato deterrire. At ubi fueris ingressus aulam pecuniæ, videbis omnia luculenta, omnia feruere opera, greges hominum innumeros in officio esse, nec eos sordidos, sed argento

*A contrario.*

gento atque auro coruscos. Admiraberis apparatus magnificentiam, gemmis pavimenta, tapetibus preciosis muros, sedilia cocco, purpureis angulos omnes auleis, opificio denique citreo lacunaria refulgentia. Præterea coquinam, genere ferinarum atque lautitiarum omni reudentem, ubi suppetat abunde Iouis cerebrum, Attica bellaria, & breuiter deorum (vt Prouerbio dicitur) cibis: Etenim ubi Regina pecunia regnat, ibi rerum omnium vberima copia redundat, inopia protinus expellitur, quemadmodum olim apud Græcos fames, quam virgis ex ædibus solebant eiicere, dicentes: ἐξω βᾶλμον, ἔσω πλετον ἔϋγιαυ. Idest, foras famem, intro diuitias atque sanitatem.

*A simili.*

Quemadmodum in magnas, opulentasque beatorum Principium aulas recipi certatim homines adlaborant, vt dominorum gratia, ad honores atque diuitias euehi possint: Sic quo potentior pecunia, tanto feruentius adfectant omnes sub eius imperio esse, cuius beneficio non difficulter & opes, & honores maximos poterunt consequi, Porro;  
*Prima fere vota, & cunctis notissima templis,  
 Diuitia vt crescant, vt opes, vt maxima toto  
 Nostra sit arca foro, vt Iuuenalis ait.*

*Ab exemplo.*

Quem autem puduerit in pecuniæ castris militare, in quibus non modo priuatorum innumerabilis, sed etiam magnorum Principum, atque Cæsarum multitudo stipendia fecerit?

*Exem-*

Exemplo sit, vt alios innumeros præteream,  
ille cuius vox in Prouerbum abiit.

*Lucri bonus est odor ex re qualibet.*

Verum enimvero non iniuria seruiunt om-  
nes pecuniæ, cum ea vis, atque anima sit mor-  
taliū, multosque amicos vulgo conciliet.  
Vnde Hesiodus:

Χρήματα γὰρ ψυχὴ πέλεται δειλοῖσι βροτοῖσι.

Et Menander.

Δύναμις πόφικε τοῖς βροτοῖς τὰ χρήματα.

Quæ perpendens Horatius ex vulgi sen-  
tentia dixit:

*O ciues, ciues, quærenda pecunia primum est,*

*Virtus post nummos: hac Ianus summus ab imo*

*Perdocet, hac rocinunt iuuenes dictata, senesque:*

Ergo verissima est, quam Ecclesiastes pro- A conclu-  
sione.  
tulit sententia, quæ tam nationibus omnibus  
in ore, quam nunc etiam omnibus pecuniæ  
seruis in usu.

#### ALIUD CHRIS VERBALIS

*Argumentum.*

**P**Lato Philosophus dixit: Tum demum bea- Sapientiæ.  
tum terrarum orbem futurum, cum aut sapien-  
tes regnare, aut reges sapere cœpissent.

Valerius Maximus prodidit memoriæ, for- A Plato-  
nis laude  
exordium.  
micas Platonis dormientis in cunis paruuli  
libellis mel inferuisse. Quæ re audita, prodi-  
giorum interpretes singularem eloquij suavi-  
tatem ore eius emanaturam dixisse: Indices  
illi nequaquam vanæ, nec coniectores ij futi-  
les extiterunt. Nam tantas non solum elo-

E 4 quentiæ,

quentiæ, sed etiam Philosophiæ facultates af-  
secutus Plato fuit, vt eius sermone louem, si  
Græce loqui velit, vsurum, prædicarent, & Pla-  
tonem alij Philosophorum Homerum, alij  
Philosophorum Deum appellarent. Scripsit  
autem omnium & elegantissime & grauissime  
compluria, inter quæ relucet, quod de Reip.  
felicitate protulit.

*Ab exposi-  
tione.*

Ingenij ac doctrinæ princeps tum demum  
fore beatas Respub. putauit, si aut docti aut sa-  
pientes homines eas regere cœpissent, aut, qui  
regerent, omne studium in doctrina & sapien-  
tia collocassent. Animaduertit nulla fortuna-  
ta regna fore, quibus stulti fuerint prædomi-  
nati, non eruditione, atque virtutibus præ-  
cellentes viri.

*A causa  
Philoso-  
phiæ laus.*

Etenim feliciter omnia succedunt in Re-  
publ. quam gubernant viri sapientes, imbuti  
præceptis Philosophiæ. Hæc est vitæ dux, vir-  
tutis indagatrix, vitiorum expultrix, sine qua  
hominum vita nihil poterit esse: illa peperit  
vrbes, illa dissipatos homines in societatem  
vitæ conuocauit, illa eos inter se primo domi-  
cilijs, deinde coniugijs, tum literarum & vo-  
cum communione iunxit, illa inuentrix le-  
gum, illa morum & disciplinæ magistra, vt ait  
Cicero Tusculanarum 5.

*A contra-  
rio.*

Quis igitur ciuitates eas non fortunatas  
prædicet, quæ sapientum reguntur imperiis?  
Contra, quis non infelices arguat, quas cæca  
stultorum temeritas administrat, cum è do-  
ctrinis



Arinis sapientum plurima commoda proueniant, è stultorum autem ignorantia calamitates infinitæ. Etenim stulti stulta (iuxta pro-  
uerbium) loquuntur ac faciunt: Sapientes au-  
tem sapienter omnia. Et viribus melior sapi-  
entia, vir prudens, quam sortis, Sapien. 5.

Quemadmodum naues, quæ à naucleris *Asimili.*  
excellentibus reguntur, suborris tempestati-  
bus extra pericula sunt, ac fortunatè vehun-  
tur. Sic vbi Respub. à viris eruditione simul ac  
sapientia præditis administrantur, beatæ flo-  
rent, vel pacis vel belli temporibus. Porro vt  
quilibet nautarum vectorumque tranquillo  
mari gubernare potest, at vbi sæua suborta  
tempestas est, ac turbato mari rapitur vento  
navis, tum viro & gubernatore opus est: ita  
quilibet in tranquilla Rep. vtcunque potest  
negotijs præesse, sed in perturbato rerum sta-  
tu, summa cura prouidendum ac præcauen-  
dum est quis ad gubernacula sedeat: vt ait Li-  
uius lib. 4. secundi belli Punici.

Respice duos animorum diuersissimorum *Ab exem-*  
Imperatores, Quint. Fabium Maximum, & *plo.*  
C. Tarentium Varronem, illum prudentem,  
hunc stolidum: illum sapientia conspicuum,  
cunctando res afflictas restituisse: huius teme-  
ritate factum, vt Romanus exercitus caderetur  
ad Cannas. Et Rempub. inauspicata nobi-  
litas Catilinaria contudisset, si non prudentis-  
simus Consul Cicero asseruisset in libertatem.  
Vnde Iuuenalis Satyra octaua.

Roma patrem patria Ciceronem libera dixit:

Rectè Phocylides:

ATestimonio Verum.

Α' γὰρ ἐς τὴν πίλίας σοφία καὶ νῆα κυβερνᾷ,

Hoc est, Sapiencia gubernat agros, ciuitates atque naues: quo præclaro dicto significat omnia feliciter administrari, quæ sapientiæ præsidio reguntur.

Epilogus.

Dignis igitur laudibus euehenda Platonis est sententia qua Respub. eas fortunatas prædicat, quarum rectores Philosophiæ studijs fuerint exculti.

ALIA CHRIVM EXEMPLA  
ex Stephano Nigro.

CHRIA PRIMA.

**H**esiodus inter Poetas eminentissimus, cuius indicendo ἡδονήν, hoc est suauitatem, nullus est, candidissimi auditores, quin vehementer admiretur. Qui plurima quidem ad humanæ vitæ institutionem spectantia, diuino quodam instinctu cecinisse videtur. Nam & agrorum cultum, sub fratris titulo humanum genus edocuit, & quo pacto optime, ac modestissime sit viuendum, oppido quam prudenter admonuit. Sed & illud in primis non magis deorum monitu quam longo etiam rerum vsu ab eo prolatum contendere: Quò nobis significare haudquaquam dubitauit: deos scilicet virtutem proposuisse suadere parandam, ait enim.

Hæc Hesiodi car-

Τῆς δὲ δρετῆς ἰδρωτὰ θεοὶ παῖροι γενέσθην,  
Αἰδάν-

Α' θάνατοι, μακρὸς δὲ ὁ ὄρθος οἰμῶδες ἐπ' αὐτὴν *mina ex*  
 καὶ τὸ πρῶτον, ἐπὶ δὲ εἰς ἄκρον ἵκηται *I. Georgi-*  
 ἢ δὲ ἐπὶ πέντα πέλει, χαλεπὴ περὶ ἑσθῶσα. *consupra*  
*exposui.*

Quibus mehercule verbis omnium pruden-  
 tissimus Poeta innuere voluit, socordiam, ac  
 segnitiam à nobis penitus reiiciendam, nihil-  
 que esse à quo immortales Dij magis abhor- *Desidia*  
 reant, quam cum desidia pariter, ac negligencia  
 torpescimus. Quid enim ex ipsa desidia  
 præter ignorantiam consequi possumus: Quæ  
 si forte inani sapientiæ opinione inflata, robur  
 ac vires sibi comparauerit, ingentium, ac tur-  
 pissimorum scelerum causam suggerit. At vir-  
 tus ex qua omnes honestæ voluntates, actio-  
 nes, sententiæque proficiscuntur, laborem re-  
 quirunt, diligentiam desiderat, vigilantiam exi-  
 git somnus enim multus, ut Philosophorum  
 sapientissimus Plato refert, nec corporibus *Somnus*  
 humanis, nec animis, nec rebus agendis natu- *multus.*  
 ra conducit. Nemo enim quamdiu dormit à  
 defunctis differt. Hinc est quod Plinius ait:  
 profecto vita vigilia est. Quod & illa Græco-  
 rum sententia, quæ iam vulgo omnium ore  
 versatur, optimè indicatum est.

Γ' πνῶ θανάτου περιελέτης πέλει.

Vnde illud originem traxisse iure videri pos-  
 test:

Stulte, quid est somnus, gelida nisi mortis imago. *Non iacet*  
 Cum Socrates apud Comicum Aristophanem *in molli*  
 Strepsiaden senem ad Philosophiam exhorta- *veneranda*  
 retur, *scientia*  
*lecta.*

*Illas sed assi-  
duo parva  
labore ve-  
nit.*

retur, quæ summam diligentiam, curamque desiderat, hoc præcipuè senario usus est;

Υ\* πινθ' ἀπετω γλυκυθυμ' ὀμμάτων.

Hoc est, oculis abesto leniens animum sopor.

*ἀρετὴν  
unde di-  
cta.*

Quod si dormitando, ac desidendo virtutem consequi valeremus, nunquam ipsa apud Deos, ac mortales tanti fieret. Apollo cui cæteri Dij diuinationem concessere, propterea Socratem, à Chærephonte interrogatus, omnium sapientissimum respondit, quod eum virtute præditum nouerat. Quam Græci (vt Platoni placet) idcirco ἀρετὴν appellarunt; quod omnium sit maximè diligenda. Nam generis nobilitas pulchrum quidem est sed à maioribus per successionem acceptum bonum. Diuitiæ in maximo semper fuere precio, sed fortunæ, temeritati atque inconstantia subiectæ. Gloria honestatis quidem speciem præ se fert at infirmam atque instabilem. Pulchritudo plurimi facienda, verum haud quaquam diuturna. Bona valetudo optabile quid, sed mutatur facile. Corporis robur magnum est quid, sed morbis seniove tandem conficitur. Virtus vero clara, æternaque habetur, vtpote quæ diuina sit, atque immortalis, omnisque fortunæ incurfus facile contemnat, atque despicit. Stilpo Megarensis Philosophus à Demetrio, qui eius patriam solo æquauerat, interrogatus, nunquid amice, nihil statim respondit: Πολεμ' ὃς λαφύετο γαῖ' αἶρ' τήν.

*Id est*



Id est, bellum enim nihil aduersus virtutem potest. Quæ utique verba significant animi bona nullo verborum impetu diripi vnquam posse, solidamque in ipsa virtute consistere felicitatem. Quod ita se habere Philosophorum parens Socrates euidentissime indicauit. Rogatus enim à Leontino Gargia, quid de magno Rege sentiret, vtrum eum felicem putaret? Οὐκοῖδα, ἔφησα, πῶς ἀρετῆς καὶ παιδείας ἔχει. Id est, nescio, inquit, quantum virtutis doctrinæque habeat. Quo utique responso prudentissimus Philosophus innuere voluit, se de maximi atque opulentissimi Regis felicitate eo ad amissim iudicare haudquaquam valuisse, quod, vt erga virtutem ac disciplinas affectus esset, penitus ignoraret: vtpote qui felicitatem ipsam, non in fortunæ, sed animi potius bonis positam esse existimaret, vnicamque virtutem cæteris esse rebus præponendam arbitraretur. Ἄπας γὰρ ὁ ὑπὲρ γῆς καὶ ὑπὸ γῆν, χρεὺς δὲ ἐκ ἀνταξίου ἀρετῆς, κατὰ Πλάτωνα.

Solon præterea de diuitibus dicere consueuerat: Ἀλλ' ἡμεῖς αὐτοῖς ἐξ ἡγεμενόμεθα τῆς ἀρετῆς τὸν πλεόνον. Cuius quidem virtutis robore, parta atque amplificata imperia, perquam facile retinentur. Hinc est quod Historicorum princeps Salustius ait: Quod si Regum, atque Imperatorum animi virtus in pace, ita vt in bello valeret, æquabilius atque

*Salustius  
historico-  
rum prin-  
ceps.*

con-

constantius sese res humanæ haberent, neque aliud alio fert, nec murari, ac misceri omnia cerneret. Itaque minime mirum est, si ad eam comparandam maximo opus est labore. Χαλεπὰ γὰρ τὰ καλὰ, Id est, quæ bona sunt, non sine maxima acquiri possunt difficultate. Quod si Mercatores, modo lucelli spes aliqua arrideat, ingentia, procellisque exagitata, maximo cum vitæ discrimine transeunt maria, si agricolæ fodiendis ac proscindendis aruis assidue incumbant, vt in breuissimum tempus fructus, ni calamitatibus fuerint intercepti, tandem metant: cur non & nos omnes inertiam, desidiam, ac dilationem propellamus, quo virtutis perpetuos, nullique obnoxios calamitati fructus consequamur? Herculem ferunt, cum adolescentulus esset, virtutis ac voluptatis oblatiis viis, vtram caperet, diu secum, multumque dubitasse. duas autem dum in dubio erat animus, ad ipsum accessisse matronas: Virtutem scilicet & Malitiam, illarumque, etiam, dum silentium continebat, notam fuisse extemplo diuersitatem. Videri enim alteram accuratissime comptam atque exornatam, delitiis diffluentem & omnium voluptatum examen post se trahentem. Hanc itaque multa ostentantem, longeque etiam plura pollicentem. Herculem secum ducere tentauisse: alteram vero asperam ac duram, seueraque intuentem, huiusmodi verba contra fecisse: polliceri se nec voluptatem aliquam, nec quic-

*Xenophon.*  
*lib. 2. Memor.*  
*mora.*  
*meminit*  
*Cic. Offic.*  
*1.*

quietem, sed labores, pericula, sudoresque infinitos, terra marique tolerandos. Præmium autem illorum immortalitatem fore. Quare omni sublata dilatione huic, Herculem adhæsisse memorant. Alexander ille Magnus interrogatus, quo consilio vsus, tot ac tanta, tam breui gessisset: Μηδὲν ἀναβάνομεν, respondit. Quæ verba significant, moram ac dilationem, ipsamque desidiam rebus esse gerendis longe perniciosissimam: quippe quæ maximarum sæpe rerum prætermittant occasiones. Vetus est Adagium: Dij facientes adiuuant. Quod significat, diuinam opem non cessantibus, sed industriis, & pro virili conantibus, auxilio esse solere. Aristoteles nunquam tantum sibi inter Philosophos nomen comparasset, ni sapientiæ studio diutissime insudasset, Cyrus Medorum imperium animi virtute ac solertia ad Persas transtulit. Lycurgus, Solon, Darius immortales habiti. Quare cum cætera fere omnia incerta sint ac caduca, virtus vero ipsa altissimis defixa radicibus, nulla vnquam vi labefactari possit: omneis subire labores, omnia perpeti incommoda æquo animo debemus, vt eam pro virili consequamur. Estque Poeta hic eminentissimus diligentissime lectitandus, atque in primis obseruandus; quod certum nobis minimeque ancipitem ad comparandam virtutem viam indicauerit.

## CHRIS SECVNDA.

CVM intermissis negotiis familiaribus ad litte-

literarum studium me tandem reuocassem, essetque in animo tam Græcos quam Latinos Poetas percurrere. Homerum statim quod inter vates, omnium eruditorum testimonio, principatum facile obtineat, aggressus sum extemploque Ἰλιάδος primo huic diuino occurrimus carmini:

*Obedien-* Οὐκ ἐθεοῖς ἐπιπείθεται μάλα τ' ἔκλυον αὐτῷ.  
*dum Deo.* Id est, Qui obediunt Diis, illum libenter exaudiunt.

Quæ verba significant. Deo optimo maximo in primis esse obtemperandum, si ab eo in aduersis rebus exaudiri concupiscimus. Quæ quidem sententia quantopere sit ab omnibus probanda nemini esse dubium censeo. Quis enim vsque adeo mente alienatus est, quin sibi persuadeat, Deo omnium moderatori omnium primum obtemperandum, quo facilius eiusdem præsens rebus angustis auxilium consequamur? cum præsertim diuinis morem gerere mandatis volenti quam facillimum sit, idque præter omnia faciendum videatur. Nam si potentioribus imbecilliores sedulò parere conantur, assiduamque ac diligentem eorum in mandatis exequendis propterea operam exhibent, vt longis ac frequentibus obsequiis boni tandem aliquid adipiscantur: quanta vti diligentia debemus, ne quid præter eius voluntatem faciamus, cuius nutu tam cœlestia quam terrestria gubernantur, cuiusque munera non reiicienda: verum etiam summopere  
exop-



exoptanda sunt: quippe quæ (vt Troianus Alexander apud eundem Homerum testatur) nullus vnquam Diis ipsis non præbentibus sponte sua sumere possit. Nam quod vulgo dici solet: Deus vndecunque adiuuat, si modo sit propitius, quid sibi aliud vult, quam vt omni pietate, omnibus obsequiis, pura denique ac sincera mente Deum nobis conciliemus? cuius natura non eiusmodi est, vt muneribus perinde atque improbus fœnerator capiatur, sed sola vitæ integritate, pientissimisque placetur precibus, nec vlllo pacto iniquorum ac flagitiosorum muneribus corrumpatur. Hinc est quod Porphyrius ait: Θεοῖς δὲ δρίστη μὴν ἀπαρχὴ νοῦς καθαρός, ἔψυχὴ ἀπαθής. Quæ verba significant, nullas Deo optimo maximo gratiores offerri posse primitias, quam puram mentem & affectibus ac perturbationibus liberum animum.

Nam quod Ouidius ait:

*Munera, crede mihi, placant hominesque Deosque,  
Placatur donis Iuppiter ipse datis.*

Et Euripides in Medea Πείθειν δῶρα καὶ θεῶς λέγει, id est, donis vel ipsos dictitant flecti Deos: ad bonorum virorum dona referendum esse videri potest. Quod si quis fieri posse nonnunquam crederet, vt Deus scelestorum hominum donis moueretur, is profecto Deum ipsum assimularet, quibus lupi rapinæ particulam concedam, vt his muneribus pla-

cati atque allecti, dirigi greges patiantur. Sed longe secus res habet: solos namque bonos respicit Deus, ijsque quam libentissime opitulatur. Nec fieri potest, ut viro bonitate prædito mali quicquam accadat, nec dum vitam degit, nec post mortem eius res à Deo optimo maximo unquam negliguntur. Æsopus interrogatus. Quid Dijs faciant? respondit. *τὰ μὲν οἰκοδομεῖν τὰ δὲ καταβάλλειν*, Quo significat Deum ipsum alios quidem extollere, ac celebrare, alios vero pro meritis obscurare ac deprimere. Vnde haud immerito Aristoteles de Magno Alexandro ad Antipatrum scribens, ait: dicere ipsum non propterea magis sibi placere, quod multis imperaret, quam quod de Dijs opinionem, illisque quam libentissime obsequuntur, pientissime ab omnibus existimantur, & numinum vice coluntur. Æneam, quod in Deos pientissimus fuisset, inter numina recensuit vetustas. Numa Pompilius cum omnium maxime, ac religiosissime Deos coleret, ac veneraretur, tutissimam finitimorum pacem, diuinumque Egeriæ Nymphæ commercium meruit. At Deorum contemptor Mezentius in prælio impie commissio foedissime trucidatus est. Capaneus Hipponi filius, cum Thebana mœnia, Diis etiam inuitis se consensurum iactantes gloriatus esset, fulmine ictus, delapsus est. Quare vni esse Deo omnium maxime parendum censemus, summisque egregium hunc Poetam laudibus afficiendum

dum arbitramur, qui diuino afflatus spiritu, v-  
nico versu nos, quomodo optimus maximus  
sit placandus Iupiter, admonuit.

CHRIA TERTIA.

**M**agna est profecto Latinorum Poeta-  
rum cohors, candidissimi auditores,  
multique nominis, sed longe maior ac præ-  
stantior haberetur, ni obliuionis situ, rerum-  
que edaci tempore, quamplurima veterum  
Poetarum monumenta intercepta fuissent.  
Quorum iacturam ne perpetuo lugeamus, eo-  
rumque desiderio maceremur, diuinus Poeta  
Virgil. causam præbet: quippe qui multorum  
instar habeatur; cuius eximia opera licet innu-  
meris sint referta sententijs, qua prouerbio-  
rum vice in omnium ore fungantur, hæc ta-  
men in primis memoratu digna visa est:

*Omnia vincit amor.*

Quæ vsque adeo omnium consensu iam *Amor.*  
probata est, vt nullus sit tam literarum igna-  
rus; quin eam & memoria teneat, & quam sæ-  
pissime prædicet, cum præsertim non modo  
cuncti mortales, sed & bruta ipsa immania a-  
moris violentiæ cedant, eiusque imperium  
etiam inuita patiantur: cuius mehercle rei nul-  
la adduci admiratione debemus: Magnus est  
enim Deus Amor, nec minus apud Deos, quam  
apud homines mirandus, cum multis alijs de  
causis, tum vel maxime ob eius vetustissimam  
originem: nam inter antiquissimos Deos re-

cenſetur. Heſiodus, omnium (inquit) primum natus eſt Chaos, inde Terra, Tartara, & Amor. Parmenides ante Deos omneis natum Amorem autumat: Acufileus Heſiodo aſtipulatur: Euripides, Tragicorum præſtantiffimus omnium Deorum ſupremum eſſe Amorem his trimetris indicat.

Ἐρωτα δὲ ὅσις μὴ θεὸν κρίνει μέγαν,  
καὶ τῶν ἀπάντων δαιμόνων ὑπερτατον,  
Ἡὸς οὐαῖός ἐστιν, ἢ καλῶν ἅμοις ὦν,  
οὐκ οἶδε τ' μέγιστον ἀνθρώποις θεόν.

*Laced.* & Ovidius quoque de amore locutus addit:  
*Cretenſ.* Regnat & in dominos tuos habet ille Deos.  
*Samij.*

*Samii.*

Quid de Lacedæmoniis ac Cretenſibus dicam? Nonne & ipſi quantam in eſſe Amori vim arbitrarentur, euidentiffime indicarunt? quorum alteri prius quam cum hoſtibus manus confererent. Amori ante ſtructas acies ſacra faciebant, perinde atque in inſtructarum cohortium amicitia ipſa eſſet victoria collocata? Cretenſes vero formoſiſſimos in acie pueros exornantes amori per eos ſacra faciebant, vt Soſicrates ſcriptum reliquit. Samii (vt Creſias auctor eſt.) Amori gymnaſium cōſecrarunt, cuius feſtum Eleutheria propterea cognominabant, quod per ipſum Deum Athenienſes libertatem conſecuti fuiſſent. Apud Thebanos (vt Athenæus teſtatur) ὁ ἐρὸς λόγος appellatus ex amatoribus atque amatis conſtabat, τὴν δὲ Θεῶν ſεμνότητα ἐμφαίνων.

Alexis



# PROGYMNASMATA. 85

Alexis cupidinem ipsum nec fœminam, nec marem non Deum, non hominem, sed multas in vnam formam compactas species esse indicans, eosque qui amoris simulachrum effugere conantur, maxime arguens, de amore in Phædro hæc scribit: ἔστι γὰρ ὁ τε ἡλυσ, ὁ τ' ἄρρεν, παλιν ὁ τε Θεός, ὁ τ' ἄνθρωπος, ὁ τ' ἀβελτερός, ὁ τ' αὐτίς ἑμφρων, ἀλλὰ συμνηγμένον πανταχόθεν ἐνὶ νύπῳ πύλλ' εἰδῆσέ-ρων. ἢ τόλμα μὲν γὰρ ἀνδρός, ἢ δ' ἡλίας γυναικός, ἢ ἡ ἄνοια μανίας, ὁ ἡ λόγος φρονεῖν, ἢ ἡ φοδρότης ἡ δ' ἡρὸς, ὁ ἡ πόνος ἀδάμαντος, φιλοτιμία δὲ δαίμων. Plato igitur omnium Philosophorum præstantissimus, maximam amoris vim ac sapientiam cupiens indicare, in conuiuio hæc dicit: Amor Poeta est adeo sapiens, vt alios quoque Poetas efficere possit. Quilibet enim, licet ante rudis, in Poetam euadit egregium, cum primum amor afflauerit. Ex quo perspicue coniectare licet, Amorem peritum esse Poetam, omnesq; musicos poesis numeros continere. Idem de eodem: Sagittandi, medendi diuinandi peritiam, duce Amore, inuenit Apollo, qui amoris est discipulus. Musicen similiter Musæ, fabricam ærariam Vulcanus, texendi artificium Minerua, Iupiter, Deorum, hominumque gubernationem. Quare cum Deorum vetustissimus ac maximus sit Amor, non immerito a que in cæteros Deos, atque in omneis homines suum semper exer-

cuit imperium. Nam Iouem ipsum, modo in cygnum, modo in taurum transformauit, quandoque in aurum conflauit. Neptunum equi, Mercurium hirci formam induere coegit, Apollinem, vt Admeti pasceret armenta, compulit: Venerem, vt ad Idæ montis radices Anchisen quæreret. quam sapissime adigit: Quantopere autem miseros sit ludificatus mortaleis, veterum scriptorum monumenta euidentissime indicant. Vnde colligere licet, nunquam fere humanum genus in extremas, tam publice, quam priuatim incidisse calamitates, quin Amor ipse causam ac materiam suggesserit. Nam, vt à publicis, ac perniciosis bellis exordiamur, Iliacum incendium mutuum, atque incestus Alexandri & Helenes amor excitauit, Græcorum exercitum illa exitiosa pestis propter Chryseida grauiter inuasit, Achilles ad iram quamplurimis Græcorum perniciosissimam Briseidis desiderio commotus est. Belli inter Thebanos ac Phocenses per decennium conflati, quod *ιερόν* hoc est, sacrum appellatum est. Thebana mulier, à Phocense quodam amoris stimulis rapta causam præbuit. Chrysaicum quoque bellum nuncupatum, quod inter Cyrrhæos & Phocenses, vt Callisthenes scriptum reliquit, decennium tenuit: propter Magisto Pelaguntis Phocensis filiam, à Cyrrhæis raptam in primis contractū perhibetur. Cambyses Persarum Rex, mulieris impulsu (vt Ctesias tradit) in Ægyptum expeditio-

peditionem fecit. Nam cum Ægyptias mulieres in nocturnis congressibus à cæteris mirum in modum differre intellexisset: Amasidis Ægyptiorum regis gnatam vxorem petiit. At Amasis veritus, ne filia pro pellice vteretur, eius loco Hitetim, Apriæ filiam misit, qui à Cyrrhensibus superatus, Ægyptiorum regno exciderat, & ab Amaside fuerat occisus. Quare cognita Cambyles puellæ etiam exhortatione, quæ patris ultionem expetebat, Ægyptiis bellum intulit. Quid fuit in causa, vt Philippi Macedoniæ Regis domus euertetur. Nêpe Cleopatraz importunæ nuptiæ. Vt Herculis familia dissiparetur, Iole post Euryti filia, causam præbuit: Thesei domus propter Phædræ ad nihilum redacta est. Athamantis propter Themisto, Hypseo genitâ, Iasonis, ob Glaucê, Creontis filiam Agamemnon post cõsecutam apud Ilion victoriam, cum in patriam sospes reuersus esset, à Clytemnestra vxore, quod Cassandram misere deperiret, interfectus est.

Nonne nostris quoque temporibus maxima hominum pars quotidie amoris suasu digladiatur, ac passim trucidatur? Quare cum multis iam periculis compertum sit, Amorem ipsum tam apud Deos, quam inter homines plurimum valere, illi omnino, quam commodissime fieri potest, cedendum est: Virgilio *Virgilij præstantia.* Poetarum principi, perquam assidue studendum, quod huiusmodi vndecunque scateat sententiis.

**Q**uanto sapius ac frequentius Mantuani Virgilij volumina repeto, tanto illum magis & suspicio, & admiror. Vnus enim Virgilius characterum diuerſitate ea complexus est, quæ viri tres Græcorum præstantissimi, vix conſequi potuere. Nam Bucolico carmine Theocritum adæquauit, Georgico Heſiodum antecellit, Heroico diuinum illum Homerum ad amuſſim expreſſit. Quæ quidem omnia cūctis fuiſſe Græcis præſtantiorem Virgilium, eo indicant, quod Græcorum nullus triplicem hanc dicendi materiam auſus adhuc fuerit attingere, ſed vnusquiſque intra ſuum ſcribendi genus ſeſe continuerit. Eſt præterea in Virgilio dicendi facilitas, & in rebus enarrandis cædor, vt nemo ſit tam rudis, & à re literaria alienus, quin Virgilij lectione mirum in modum oblectetur: cū præſertim aureis ac diuinis inter legendum quam ſapiffime occurratur ſententiis, quæ legentium animis vſque adeo blandiuntur, vt vix dum perlectæ memoriæ inhæreant, nec vnquam amplius excidant, qualis eſt:

*Non omnia poſſumus omnes.*

Quæ verba ſignificant, mortalium neminem tanto eſſe ingenio præditum, vt ſolus omnia ſapiat, atque intelligat, nihilque cum penitus lateat: cuncta enim ſcire diuinum eſſe potius quam humanum, nouerat Poeta, nam *quandoq; bonus dormitat Homerus*. Hinc celebratum eſt a  
 pud



pud Græcos prouerbum: Εἷς ἀνὴρ, ἔδ' ἄς ἀνὴρ  
 hoc est, vnus vir, nullus vir: quasi velit innue-  
 re, nihil egregium ab vno homine præstari  
 posse, si aliorum auxilio fuerit destitutus.  
 Quod autem legitur apud Euripidem: Εἷς ἀνὴρ  
 ἔ παύθ' ὁρᾷ. Id est, vnus vir haud videt omnia:  
 id sane significat, neminem vnum ne maximo  
 quidem rerum vsu atque experientia tantam  
 vnquam cōtequi posse peritiā ac solertiam,  
 vt omnia per se dispiciat, nec vlla in re hallu-  
 cinetur, atque accipiatur. Socrates. qui Apol-  
 linis oraculo suæ ætatis sapientissimus iudica-  
 tus est, se nihil omnino præter exiguam quan-  
 dam amandi disciplinam scire ingenue fate-  
 batur. Hercules Ioue genitus, quem Maratho-  
 nij (vt Pausanias ait) omnium primi in Deo-  
 rum numerum propterea recensuere, quod  
 nō minus animi quam corporis virtutibus ex-  
 celleret, eodem tempore & aduersus Hydram, *Hydræ*  
 sophisticam mulierem certare non valuit, cui *fabula ex.*  
 (vt Plato refert) propter sapientiam pro vno *plicata.*  
 sermonis capite amputato, multa repullula-  
 bant. Et aduersus Cancrum sophisticam quen-  
 dam ex mari aduentantem, à quo cum ad fini-  
 stram vergeretur, verbisque acriter mōdere-  
 tur, nepotis sui Iolai auxilium implorauit.  
 Cuius ope vehementer adiutus, victoriam vix  
 tandem consecutus. Quare cum ij quoque  
 quibus ne cœlum quidem negatum est, per se  
 omnia non potuerint, Poetarum præstantissi-  
 mo proculdubio credendum est, Virgilianæ-  
 F S que

que lectioni est omnium maxime inferniendum, unde huiusmodi sententias haurire quam sæpissime liceat.

CHRIS. QUINTA.

*Satietas  
omnium  
rerum.*

**N**ihil est profecto, quod hominum quispiam tam propenso ac libenti agat animo, quin quando que fastidium pariat, si modo nulla adhibita intermissione diutissime in eodem versatus fuerit. Hinc factum est. vt Aristophanis illud iam diu apud vulgum Proverbij vicem obtineat: *ἀπάντων πολήσμονη*, hoc est, omnium rerum satiety. Quod ita esse cum sæpe alias, tum vel maxime nudius tertius supra modum expertus sum. Nam cum in prædio nostro, quod haud multum ab vrbe distat, vna cum amicis Dianæ studijs, quæ à teneris vnguiculis mihi semper plurimum placuere, toto animo incumberem, cæterarumq; rerum oblitus, vni venationi operam impenderem, tanta me venationum extemplo cepit satiety ac fastidium, vt relaxandi animi causa, ad Minervæ studia me, statim contulerim, Virgiliûque, quem forte mecum attuleram, aggressus sim, in quo quidem lectitando multę mihi memoratu dignæ passim occurrerunt sententię, inter quas hæc maxime, & quam sæpissime memoranda visa est:

*Vsq; adeone mori miserum est.*

Qua Poetarum prudentissimus nos admonuit, mortem etiam ipsam minime forti viro recusandam, quippe quæ, modo honesta sit,

fit, vitam quoque turpem quandoque soleat exornare, cum contra vita turpis ne morti quidem honestæ locum relinquat. Quis nisi penitus mente captus, honestæ morti turpem præferat vitam, cum præfertim in tot ac tantis humanæ vitæ procellis ac tempestatibus tutissimus nobis portus appellanda sit? Hinc est quod Ajax ille Telamonius apud Sophoclem ait:

Οὐκ ἂν πρὶ αἰμῶ οὐδ' ἐνὸς λ' ὄγῳ βροτὸν  
 οἷς κεναῖσιν ἐλπίσιν θερμώνεται  
 αἶψ' ἢ καλῶς ζῆν, ἢ καλῶς τεθνηκέναι,  
 τὸν σύνοηχρῆ.

Quid enim in morte est, quod sit iure formidandum? quam, si Euripidem diuinum Poetam sequi voluerimus, animi pariter ac corporis interitum existimabimus, cuius hæc verba sunt:

ἄκυστον ὥς σοι τέρψιν ἐμβαλῶ φρεσὶ,  
 τὸ μὴ γονέειν, θανέειν ἴσον λέγω.

Quod si fas esset credere, non magis esset post mortem metuendum. quam priusquam nasceremur, vnquam timuimus. Sin auté in morte ipsa non interitus, sed animi à corpore migratio est, cur non potius meliora, bonis præfertim viris, speranda, quam deteriora verèda sunt? Neque enim fieri potest, vt viro bono mali quicquam accadat, nec viuo, nec mortuo. Hæc eadē  
 nec enim eius res à Diis immortalibus negligerentur. Plato in Socratis Apologia: Mortem, nequit,

inquit, timere, nihil aliud est, quam sapientem videri eum, qui non sit sapiens: quippe cum id scit scire videri, quæ nescias. Nemo enim scit, vtrum mors omnium bonorum summum homini contingat: Metuunt autem perinde, ac si eam malorum esse maximum non ignorarēt, Cui vero dubium esse debet, quin hæc ipsa inficitia sit maxime vituperanda, per quam aliquis se putat scire, quæ nesciat?

Stultum est igitur, id temere formidare, quod & quale sit omnino nescias, & nullis precibus ac muneribus, nullisve maximis quidem viribus declinari vnquam potest. Omnibus enim ex æquo moriendum est, quod Horatianum facile illud indicat:

*Carm. lib. Pallida mors æquo pulsat pede pauperum tabernas,  
I.Od.4. Regumque turres. ô beate Sesti.*

Et Homerus hoc carmine non inficiatur:

Οὐδὲ γὰρ οὐδὲ βίη Ἡ' ῥα κληῖται Φύγε κ' ἔσθ'.

Id est:

*Nec vis Herculeæ fatum euitavit acerbam.*

Quod autem horrida mors muneribus non capiatur, senarius hic indicio est:

Μόν' θεῶν γὰρ θάνατος ἐ δώρων ἐστίν.

Id est, Mors sola donis non euitavit. Itaque forti ac libenti est animo obeunda, & vt gradum acceleret, nec vltimam atque imbecillam expectet senectutem, summis est precibus optandum.

Ὅν γὰρ φιλεῖ θεός, Σποθήσκει νέος.

Id est,



Id est, quem enim Deus diligit, in iuuenili moritur ætate. Quæ utique verba significant, optime atque pulcherrime cum illo actum esse, qui huiusce miseræ atque infelicissimæ vitæ calamitatibus quam celerime ereptus fuerit, & ad sempiternam illam felicitatem, qua animi post mortem fruuntur, quam primum migravit. Quod Cygni, utpote, qui ab Apolline, cui dicati sunt, diuinationem accepere, plane providentes, tunc dulcissimos, ac suavisimos edunt cantus, cum se cito sentiunt morituros. Codrus ille Atheniensium Rex *Codrus* & Macaria, Herculis ac Deianiræ filia, non *Macaria*. propterea tantum voluntariæ se morti diuersis bellis obtulere, ut ciuibus suis aduersus Lacedæmonios pugnantibus victoriam relinquerent, famamque apud posteros assequerentur, sed quod in morte non modo nihil mali, verum etiam summam esse mortalibus felicitatem arbitrarentur. Quod apud Romanos & M. Curtius, iuuenis bello egregius, qui se armatum in altissimam illam voraginem immisit: & duo illi Decij, qui cum Cossessent, se pro legionibus Romanis deuouerunt, mihi procul dubio sensisse videntur. Neque enim tam alacri animo se perinde ac viétimas Reipubl. præbuissem, si quid mali post mortem sibi futurum sperassem. Quare & mortem minime miseram esse, credendum est, & Virgilius non modo assidue in manibus habendus, sed & memoriæ thesauro commendandus, quippe qui sui studiosos tam bellicè instituat. SEN.

**S**ententia, est oratio, breui complexu aliquid, quod ad hortandum, dehortandumve pertinet, explicans. Sententiarum vero alia exhortans, alia dehortans, alia enuncians: Est item alia simplex: alia composita, praterca alia probabilis est, alia vera, superlata alia.

**EXHORTANS SENTENTIA EST, VT:**

Oportet amicum presentem amare, volentem vero amittere:

**DEHORTANS: VT,**

Turpe quiete Ducem totas deperdere noctes.

**ENUNCIANS, VT:**

Pecuniis opus est, sine quibus nihil eorum, quae necessaria sunt, recte fiet.

**SIMPLEX, VT:**

Optimum id augurium est, patriam tutariis armis.

**COMPOSITA, VT:**

Multos esse malum Reges: Rex vnicus esto.

**PROBABILIS, VT:**

Quales amicos quisque habet, talem scias.

**VERA, VT:**

Expers malorum vita nulli contigit.

**SUPERLATIVA, VT:**

Infirmius nihil homine.

Hoc ergo pacto sententia diuiditur. Tractabis <sup>etiam</sup> ipsam eisdem capitibus, quae in vsus explicatione diximus. Laudabis primum, deinde explicabis, tum confirmabis, ex Causa, Contrario, Similitudine. Exem-  
plo,

pro, Testimonio veterum. Demum breui Epilogo con-  
cludes. Differt autem sententia ab usu, eo quod usus  
persape, actiuus est. Sententia vero semper in oratio-  
ne consistit. Deinde quod usus semper habet additam  
personam; Sententia sine persona effertur.

Est enim  
sententia  
vox uni-  
uersitatis  
Quint. lib.  
1. ca 9.

EXEMPLVM SENTENTIÆ

Exhortatiuæ Theognidis.

In mare cetiferum, ne te premat aspera egestas,  
Desili, & è celsis, corruet, Cyrne, iugis.

ΕΓΗΩΜΙΑΣΤΙΚΟΝ.

Indignum Theognidi visum est, Poeticam velut  
rem ineptiam accusari. Itaq; relictis fabularum com-  
mentu, ipse ad formandos mores vitamque institu-  
endam, ipsam traduxit. Cum videret enim Poetas  
compositis fabulis, veluti praclaro aliquo inuento  
gaudentes, ipse satius duxit, quomodo recte vivatur,  
carmine complecti. Laudandus certe ob virumque &  
quod metri gratiam obseruauit, & quod meliorum  
admonens, institutionis attulit fructum. Sed huius,  
vt alia omnia, ita hoc imprimis merito qui lauda-  
uerit, quod de paupertate dixit.

A lauda-  
bili.

ΠΑΡΑΦΡΑΣΤΙΚΟΝ.

Quidnam igitur dixit? Qui vitam in miseria du-  
cit, mori potius amet. Multo enim melius è vita dis-  
cedere quam Solem sui dedecoris testem habere. Hac  
sunt, qua ex Philosophorum dogmate protulit. Licet  
autem considerare, qua ratione motus, ista tam pru-  
denter ediderit.

Expositio.

ΤΟ ΤΗΣ ΑΙΓΙΑΣ.

Degens enim in paupertate, cum adhuc minor

Acausa.  
natus

natus est, nequit exerceri ad virtutem, ut vero ad virilem perueniret aetatem improbiſſima faciet. Legatus enim pro patria pecunia corrumpetur; concionaturus, quo spes lucri duxerit, eò flectet orationem. ius vero dicturus, pro largiente pronuntiabit, suscipietq; pro suffragiis dona.

## EK TOT ENANTIOT.

*A contrario.*

Vacui autem paupertatis curis, & pueri ad spem protinus honestissimam virtutis attolluntur, & viri facti cuncta splendide administrant, iam in pace sumptum edendu publice muneribus, facienduq; ludu prabentes? iam in bello impensas in toleranda militia onera conferentes.

## ΠΑΡΑΒΟΛΗ.

*A simili.*

At vero quemadmodum grauib; astricti vinculis, quo minus liberum ipsis sit, quod velint agere, vinculis prohibentur, sic in paupertate degentibus obstat, quo minus exercere libertatem possint, ipsa paupertas, & inopia rerum.

## ΠΑΡΑΔΕΙΓΜΑ.

*Ab exemplo.*

Irum vides, qui cum Ithacensium vnus esset, non tamen id iuris sibi, quod reliquis ciuib; erat. Cui tam molesta paupertas fuit, ut nomen quoque inopia permutaret. Arnaus enim primo vocatus est, postea Itrus appellatus, id ab administratione cognomentum affecutus. Et quid oportet Irum dicere? ipse qui Ithacha quoque potiebatur Vlysses, postquam domum rediens paupertatem simulabar, ipsius etiam sensit mala domi sua à temulentis ministris percussus, & iniuria adfectus. Adeo paupertas meo iudicio dura est.



*Præclare ergo, recteque, Euripides inquit: Malum esse nihil habere, neque paupertatem nobilitate lenari posse.* *A testimo-  
nio veterū.*

ΕΠΙΛΟΓΟΣ.

*Quomodo ergo quis satis & pro dignitate laudabit Theognidem, talia tamque grauitate de paupertate monentem?* *Epilogus.*

SCHOLIA.

Sententiam, auctore Quintiliano, veteres, lib. 1. quod animo sensissent, vocauerunt. Nos autem hoc loco dicimus orationem, quæ ad mores & communem hominum vitam pertinet, ostenditque, quid aut fiat in ea plerunque aut fieri oporteat.

Ut:

*Feras, non culpes, quod vitari non potest.*

*Comes facundus in viâ pro vehiculo est.*

*Furor fit laesa sapius patientia.*

*Nimum altercando veritas amittitur.*

Harum Publij sententiarum meminit Gellius? lib. 17. cap. 14.

Aliquando refertur ad rem. Cicero pro Ligario: Nihil est tam popolare, quam bonitas. Aliquando ad personam, ut illa Afri Domitij: Princeps, qui vult omnia scire, necesse habet multa ignoscere. Quint. lib. 8. cap. 5.

*Oportet amicum. &c.* Locus desumptus est ex Homeri 15. Odyssæ: ubi Menelaus ad Telemachum ita loquitur: *Χρὴ ξείνονα πωρτόνλα φιλάει, ἰθέλοντα δὲ πέμπειν.* Non ego te longius, inquit, hic morabor redire cupientem.

G

Ægre

*Ægre utrumque feram, si me vimus hospes amabit,  
Oderit aut nimis, at medium seruantia laudo:  
Nam semel exceptum, ut nolentem impellere durum.  
Sic retinere malum fuerit properare volentem.*

*Hospitalis.* Oportet igitur & hospitem præsentem amare, & volentem dimittere: Ut interpretatur Raphael Volaterranus: Admonet autem Menelaus, inciuilem eum esse, qui non sit hospitalis. Inciuilem item qui nimium hospitalis, abire contendenti penulam (ut aiunt) sciderit, atque dolentem pertinacius retineuerit. Inuitum seruare nec est mentis puto sanæ: Ut ait Erasmus in expositulatione Iesu.

*Turpe quiesce, &c.* Locus habetur in Iliados lib. 2.

Οὐ χεὶρ παννύχιον εὐδεν βουλευφόρον ἄνδρα.

Id est:

*Haud dignum duce, Id est, noctem dormire per omnem.*

*Vigilantia.* Ut reddidit Erasmus in prouerbio: non decet principem solidam dormire noctem. Docet, vigilantiam ac sollicitudinem maxime conuenire principibus, ut qui tantam negotiorum fascinam sustineant humeris. Sapienter ille iudicij subtilis Rex, qui traditum sibi diadema, priusquam capiti imponeret, retentum diu considerauit, inquit: O nobilem magis quam felicem pannum, quem si quis penitus cognoscat, quam multis sollicitudinibus & periculis & mileriis sit refertus, ne humi quidem iacentem tollere vellet. Hæc Valerius li. 7. c. 2.

# PROGYMNASMATA. 99

*Pecuniis opus, &c. Locus ex prima Demo-Pecunia.*

ſthenis Olynthiaca, quem in prouerbio: Pecunia obediunt omnia : ſic vertit Eraſmus; Breuiter, opus eſt pecuniis, neque citra has quicquam eorum, quæ facienda ſunt confici poteſt. Quippe mortalibus nihil eſt charius pecunia; Hæc vna inter mortales plurimum valet. Vnde primo Epistoſtarum Horat.

*Scilicet vxorem cum dote fidemque & amicos,*

*Et genus & formam regina pecunia donat:*

*At bene numatum decorat ſuadela Venusque.*

Bellerophon apud Euripidem inquit, pecuniarum vſum contemptus:

*Sine me vocari peſſimum, vt diues vocer.*

*Nemo an bonus, an diues omnes quarimus.*

*Non quare & vnde, quid habeas tantum rogant.*

*Vbique tanti quiſque quantum habuit, fuit*

*Quid habere nobis turpe ſit, queris? nihil.*

*Sine quibus &c.* Fuerunt enim qui dixerunt: Impoſſibile pecunijs indigentem bene principiari, ſtudioque vacare poſſe. Atqui vbi non honoratur virtus, ibi non eſt poſſibile, firmum optimorum eſſe Reipublic. ſtatum. Cuius rei meminit Ariſtot. 2. Polit. cap. 9.

*Optimum id augurium, &c.*

*Εἰς οἰωνός ἐστι & ἀμύνεσθαι πρὸς πάτερς.*

*Auguria.*

Sumptus eſt ex Homeri Iliados 12. vbi Hector auguria reliqua negligens loquitur (Eraſmo interprete) ad hunc modum,

*Aligeris auibus tu me parere tubes nunc,*

*Quarum nulla mihi cura aut reſpectus, vtrumne*

*Ad dextram Eoi veniant mihi Solus ad ortum,  
An laeuam, ad Solem occiduum, noctisque tenebras.  
Verum nos loui arbitrio parere necessum est  
Altitonantis. hic imperium tenet vnus in omnes,  
Quotquot mortales, quotquot sunt morte carentes,  
Vna aut optima, pro patria pugnare tuenda.*

Et Q. Fabius Maximus cum augur esset, dicere ausus est: Optimis auspiciis ea geri, quæ pro Reipubl. salute fierent, quæ contra Rempubl. gererent, contra auspicia fieri: vt ait Cicero in Catone maiore.

Cæterum olim apud gentes auguria vel auspicia summis studiis obseruabantur, ac maior illis adhibita fides, propter miraculum Actij Nauij. Quo tantus honor accessit, vt nihil belli domique postea, nisi auspicato gereretur, vt ait Liuius lib. 1. Hinc damnatus fuit L. Iunius, quod auspiciis neglectis, classem tempestate amisit. Et P. Claudius, quod cum auspicia more maiorum petenti pullularius non exire pullos cauea nunciasset, eos in mare iusserit abiici, dicens: Quia esse nolunt, bibant. Valer. lib. 1. ca. 4.

*Esse id est  
comedere.*

Sunt autem sententiæ simplices. quæ simpliciter sine rationis subiectione proferuntur, vt: Liber est is æstimandus, qui nulli turpitudini seruit.

ITEM Egens æque is est, qui non satis habet, & is cui nihil satis potest esse.

ITEM: Optima viuendi ratio est eligenda, eam iucundam consuetudo reddet. Quæ sententiæ



# PROGYMNASMATA. 101

sententiæ non sunt improbandæ, propterea quod habet brevis expositio, si rationis nullius indiget, magnam delectationem. Sed illud quoque probandum est genus sententiæ, quod confirmatur subiectione rationis, hoc modo: Omnes bene viuendi rationes in virtute sunt collocandæ, propterea quod sola virtus in sua potestate est, omnia præter eam subiecta sunt fortunæ dominationi. Vide Ciceronem 4. ad Herennium, & Quint. lib. 8. cap. 5.

*Composita, &c.* sunt sententiæ quæ duplices *Fortuna.* efferruntur, hoc modo, sine ratione: Errant quæ in prosperis rebus, omnes impetus fortunæ se putant fugisse. Sapienter cogitant, qui temporibus secundis casus aduersus reformidant. Cum ratione hoc pacto. Qui adolescentum peccatis ignosci putant oportere, falluntur, propterea quod ætas illa non est impedimento bonis studiis. At hi sapienter faciunt, qui adolescentes maxime castigant, vt quibus virtutibus omnem vitam tueri possint, eas in ætate maturissima velint comparare.

*Multos esse malum, &c.* Vlysses Iliad. 2. loquitur ad Therfiten:

Οὐκ ἄγαθόν πολυκοιρανίην, εἰς κοίραν ὅς ἐσσι.

Quod Erasmus (in prouerbio; Imperatorum multitudo Cariam perdidit) ita vertit:

*Multos imperitare malum est. Rex vnicus esto.*

C. Cæsar Caligula, cum audiret forte, Reges, qui officii causa in vrbe aduenerant, concertantes apud se super cœnam de nobilitate

generis, exclamauit: *ἢς κοίραν* & *ἔσω*, *ἢς βασιλεύς*, vt ait Suetonius: Vnus dominus sit, vnus Rex. Est autem triplex Reipubl. status *δημοκρατία*, id est principatus populi, *μοναρχία*, id est vnus principatus, & *ὀλιγαρχία*, id est, status Reipub. à paucis administratæ. Atqui nihil est peius licentia, multitudine *ῥέ* gerente. Hanc Græci vocant *ἀναρχίαν*, malum ferme tyrannide peius. Par malum *πολυαρχία*.

*Probabilis, &c.* Priscianus verisimilem appellat: Vt si quis cum malis conuersatus libenter, nunquam de hoc bono interrogauit viro, sciens quoniam talis est, quales illi, cum quibus conuersatur.

*Quales amicos, &c.* Vnde Psal. 17. Cum sancto sanctus eris, & cum viro innocente innocens eris. Et cum electo electus eris, & cum peruerso peruerteris. Celebratur & hic Senarius à Græcis:

*Κακοῖς ὁμιλῶν καὶ τὸς ἐκθήσῃ κακός.* Id est, Malus ipse fies si malis conuixeris.

Corrumpunt enim mores bonos colloquia praua. Et si iuxta claudum habites, subclaudicare disces, Vide Erasmi proueria. Plutarchus in Commentario de ratione dignoscendi verum amicum ab adulatore, scribit tantam habere vim assiduam consuetudinem, vt imprudentes etiam imitentur vitia eorum, quibuscum viuimus. Sic Platonis familiares eius gibbum imitabantur.

*Expers malorum, &c.* Aphthonius Ἀλυπον βίον habet: Vitam, inquit, sine tristitia nulli licet inuenire. Recte Hesiodus.

Ἄλλοτε μητρὸν πέλει ἡμέρα, ἄλλοτε μήτηρ.  
*Ipsa dies quandoque parens, quandoque nouerca est.*

Proinde Plinius se dubitare dicit, vtrum natura sapius nouerca sit, an mater, vt quæ tot venena, tot item remedia progignat. Vide Chiliades Erasmi. Nemo est, qui semper in tranquillitatis portu nauiget. Quotusquisque est hominum, quos non teneat aliud atque aliud tanquam in panegyri malorum infortunium? Vt sapienter Solon protulerit: Si in vnum locum cuncti mala sua contulissent, futurum vt propria deportare domum, quam ex omni miseriarum aceruo portionem suam ferre mallent: vt ait Valerius lib. 7. cap. 2.

*Superlata, &c.* Priscianus superlatiuas sententias vocat: *Ut,*

*Fama malum, quo non aliud velocius ullum:*

*Mobilitate viget, &c.*

*Infirmus nihil &c.* Versus Homericus est:

Οὐδέν ἀνὴρ νότερον γαῖα τρέφει ἀνθρώπου.

Quem Erasmus in prouerbio, homo bulla est, ita transtulit:

*Nil homine enutrit tellus infirmus alma.*

Catanæus.

*Debilis nil terra facit mortalibus ipsis.*

Glaucus Iliad. 6. vere loquitur in hanc sententiam: Tale genus est hominum, quale foliorum, &c:

*Indignum Theognidi, &c.* Nomen est poetæ Græci, cuius (vt Tertullianus ait) sæpe meminit in legibus Plato. Et Erasmus in Prouerbio. Optimum non nasci, carmen hoc eius citat:

Ἀρχὴν μὲν μὴ Φύσας ἐπιχθονίοισιν ἀρίστον,

Idem prouerbiali figura dixit:

Θύτε γὰρ ἐκ σκιάης γάλα φέεται, οὐδ' ὕδην θύει,

*Paupertas  
laudata.*

*Qui vitam in miseria, &c.* Hoc argumentum & styli & ingenij exercēdi causa tractari solet: Non vt paupertati (quæ juxta prouerbium sapientiam sortita est) suspendio sit arbor deligenda, aut defiliendum à quinque scopulis, vel rupibus in vndam. Verius est, quod S. Chrysostomus in Epistola ad Hebræos scriptum reliquit: Paupertas est manu dūctrix in via, quæ ducit ad cœlum. Sed hoc malum influxit humanis mentibus, vt honori sit pecunia; & nemo, nisi diues, honore dignus habeatur: vt ait diuus Ambrosius 2. Officiorum cap. 21.

*Nequit, exerceri ad virtutem, &c.* Etenim vt Iuuenalis Sat. 3. inquit:

*Haud facile mergunt, quorum virtutibus obstat  
Res angusta domi.* Et Satyr. 7.

--- Neque enim cantare sub antro

*Paupertas.* *Picris thyrsumve potest contingere sana  
Paupertas, atque aris inops, quo nocte dieque  
Corpus eger.*

Quippe, vt Aristoteles 1. Ethicorum inquit, fieri non potest, aut non facile fit, vt is agat res præclaras, cui facultates desunt. Multa namque per amicos, per diuitias, per ciui-

lem



lem potentiam, tanquam per instrumenta aguntur. Et in 10. scribit, sapientem & iustum rebus his indigere, quæ necessariae sunt ad vitam. Idem (vt Laertius Diogenes scribit lib. de Vita Philosophorum 5) dixit: virtutem ad beatam vitam sibi minime sufficere, quippe corporis bonis exterioribusque indigere.

*Virtus non  
sufficit ad  
beatam  
vitam.*

*Improbissima faciet, &c.* Vnde Horatius in Odis l. 3. Oda 24.

*Magnum pauperies opprobrium, iubet:*

*Quidus & facere & pati;*

*Virtutisque viam deserit ardua,*

Mantuanus in Bucolicis.

*Pauperies inimica bonis est moribus, omne*

*Labitur in vitium: culpa, scelerumq; ministra est.*

*Pecunia corrumpetur, &c.* Sed hæc sunt exercitij gratia dicta, cum è contrario diuitiæ malorum sint irritamenta, stimulos maiores subdant, atque fenestram aperiant criminibus, vt præstiterit honesta paupertate laborare, quam iniustis diuitijs affluere. Hinc Menander.

*Pecuniæ  
corruptela.*

*Καλῶς πένεος μᾶλλον ἢ πλεῖν κακῶς.*

Id est, honestius est pauperem esse, quam iniuste diuitem. Duo sunt (vt inquit in nouis Rhetoricis Cicero) quæ possunt ad turpe cōpendium permouere, inopia, & avaritia. Vnde fit, vt legati, atque causidici pecunijs sæpe corrupti causam deteriorem foueant, ac tueantur. Ergo lex erat apud Corinthios, ne legatione fungentes acciperent munera. Et lege Cornelia cautum, ne quis legatis exterarum

nationum pecuniam expensam ferret, vt ait Pomponius Lætus. Inter cætera fuit obiectum Æschini, quod munera legatus acceperit, vt ait Quintil. lib. 4. cap. 4. Et Demosthenes ipse, accepta pecunia contra Milesios loqui noluit, argentanguam se pati dicens. Vide Gellium lib. 11. cap. 9. & Erasmus in Prouerbijs. Porro nihil est tam sanctum, quod non violari, nihil tam munitum, quod non expugnari pecunia possit. Vnde Philippus Macedonum Rex, an præsidium tam esset difficile accessu rogauit, vt asinus auro onustus accedere non posset.

*Non tamen id iuris, &c.* In Republic. diuites plus & honoris & autoritatis habent, quam pauperes, dat enim census honores, pauper vbiq; iacet. Quippe quemadmodum timiditatem atque contemptum paupertas adfert, sic opulencia *παρρησία*, hoc est, loquendi confidentiam adducit, & ornamentum populare. Vulgus diuitum, dulci, vt ait Horatius, fortuna ebrium: hoc putat suis diuitijs deberi, vt quicquid dixerint, id protinus quasi Apollinis oraculum omnes suspiciant, & approbent. Erasmus in Prouerb.

*Ἀργίρου κρῆναι λαλῆσιν.*

*Αἴναιω, &c.* Homerus Odyss. 12. loquitur in hanc sententiam: Prodiit pauper publicus, qui per urbem Ithacam mendicabat, cuius erat insigne, vacuum continuo ventrem cibo potuque explere vis alia ei nulla, seu virtus.

Aspe-

Aspectu fuit procerus, cui nomen Araxo ex ipsa genesi mater indidit. Iuniores vero cuncti Irum vocabunt, quoniam si quis vellet, nuncium ferebat more Iridis. Ad id respiciens Ovidius in Ibin inquit:

*Qualis erat nec non fortuna binominis Iri*

*Paupertatis sensit mala, &c.* Vlysses mendicus visus multa patiebatur. Contumelijs affectus à Melanthio, qui calce quoque eum percussit. Antinous scabello petijt, Odyss. 17. <sup>Paupertas nobile alio quin reddit inglorium.</sup> Et cum proci cibis, vinoque essent obruti, in Vlysses debacchati sunt. Etenim Minerua, vt Vlyssis animum adhuc magis iniurijs exerceret, procos ab iniuria non permisit abstinere. Vnde Ctesippus pedem bubulum è canistro corripiciens iecit in Vlysses, vt habetur Odyss. 20.

*Paupertatem nobilitate, &c.* Extat & Menandri senarius:

Πενία δὲ ἄριστον καὶ τὸν εὐμενῆ ποιεῖ.

Id est: Paupertas autem inhonoratum & nobilem facit: Vel, clarum reddit paupertas inglorium, id est claro loco natos obscuros atque contemptos facit. Illustre genus sine diuitijs magis deprimitur, quam exaltatur.

#### EXEMPLVM SENTENTIÆ

*desumptum ex Prisciano.*

#### ARGVMENTVM.

**N**on oportet per totam noctem dormire *Vigilantia.* virum multis consulentem.

Laudabis igitur eum qui dixit breuiter.

Deinde,

Deinde, simplici expositione explicabis sententiam, vt: Non decet virum in summa potestate multis præsentem, ab occasu solis vsque ad ortum opprimi somno aut veterno torpescere.

*A causa.*

Debet enim præses semper vigilare, & subditorum suscipere curam, quam somnus aufert, & officij reddit immemorem.

*A contrario.*

Contrarium est enim Rex & priuatus, & somnium & vigiliæ, Sicuti ergo molestum nõ est, si priuatus homo per totam cormiat noctem, sic intolerabile, si Rex non vigilet, consulatque sibi parentium saluti.

Quemadmodum nauium gubernatores, si cæteri dormiant, soli pro communi vigilant salute, sic oportet Imperatores pro suis esse sollicitos.

*Ab exemplo.*

Hector noctu vigilans, & Reipubl. prouidens speculatorem ad naues Græcorum mittebat Dolonem. Scipionis vigilantia Syphacis dormitantis castra expugnauit. Liuius lib. 10. belli Punici.

Quod Salustius quoque comprobat, dicens: Multi mortales dediti ventri, atque somno, indocti, incultique vitam sicuti peregrinantes transigunt.

*Conclusio.*

Hæc habet exhortationem plerumque: Vt, oportet, & nos necessarias res suscipientes, summa cura vigiliisque eis consulere, quibus præfecti sumus.



ARGVMENTVM.

*Est melius tumido mergatur vt aquore Cyrus:*

*Quam leuuum studiuſſollicitetur opum.*

Quæ ſapienter dicta mores expoliunt, & in- *Exordium*  
genia formant, laudem ſuam merentur: quale *a laude.*  
carmen illius, qui longe melius eſſe. confir-  
mabat, fluctibus obrui, quam honeſta pau-  
pertate reiecta, diuitijs congerendis iugiter  
inſudare.

Quæ ſibi quid velint conſideremus. Vitam  
pauperis cum honeſtate coniunctam longe  
præſtantiorem innuit eſſe, quam quæ perpe-  
tua contrahendarum opum libidine diuexa-  
tur: imò, longe conſultius in mare præcipi-  
tem dari, quam peruerſis opum coaceruanda-  
rum ſtudijs diſtorqueri.

Longe enim melius eſt parum cum timore  
Domini, quam theſauri magni, & inſatiabi-  
les. Et quid in ſe mali habet paupertas ſacra,  
quid non potius boni? Hæc à Deo proſecta,  
manu ductrix quædam eſt, via quæ ducit ad  
cælum, vnctio athletica, exercitatio quædam  
magna & admirabilis, portus tranquilluſ. Et  
nihil opulentiuſ eo, qui paupertatem ſponte  
diligat & alacritate ſuſcipit: vt ait Ioannes  
Chryſoſtomuſ ſermone 18. ſuper Epiſtolam  
ad Hebræoſ. Diuitiis igitur paupertas ante-  
ponenda, quæ ſecuritatis aſylum eſt vitiorum  
expulſrix, & ingenij repertrix: vt Græci recte  
dixe-

dixerint. Πενία τὴν σοφίαν ἔλαχε. Id est, Paupertas sapientiam adinuenit. Cic. 5. Tus. Dies me deficiet, si velim paupertatis causam defendere. Aperta res est, & quotidie nos ipsa natura admonet, quam paucis, quam paruis rebus egeat, quam vilibus. Quid igitur prodest diuitiarum gloria fluxa & fragilis? felices pauperes, si sua bona norint.

*A contra-  
rio.*

Quantum hominibus diuitiæ incommodent, vel cæco manifestum est. Plenæ sunt curarum atque sollicitudinum.

*Pauca licet portes argenti vascula puri,  
Nocte iter ingressus, gladium contumque timebis,  
Et mota ad Lunam trepidabis arundinis vmbra;  
Cantabit vacuus coram latrone viator.*

---Et nulla aconita bibuntur

*Fistilibus; tunc illa time, cum pocula sumes  
Gemmata, & lato Setinum ardebit in auro.*

Præterea stultitiam patiuntur opes, tollit animos opulentia. Satietas (vt Prouerbio dicunt) ferocitatem parit. Diuitiæ superbos ac insolentes reddunt, vim inferunt, libidini fomenta subministrant, largitionibus iura subuertunt. Tyrannidem augment, ac tutantur. Breuiter, vitijis oranibus fenestram aperiunt. Nullum crimen abest, facinusq; libidinu, ex quo Paupertas antiqua perit; hinc fluxit ad Istros. Et Sybaris colles, hinc & Rhodos & Miletos, Atque coronatum petulans, madidumq; Tarentum. Prima peregrinos obscæna pecunia mores Intulit, & turpi fregerunt secula luxu.

*Diui-*

*Diuitia molles:* Vt ait Iuuenalis Sat. 6. Contra paupertas est tuta securitatis mater, omnis virtutis atque sapientiæ productrix, omnium ciuitatum conductrix, omnium artium reperitrix, omnium peccatorum inops, omnis gloriæ munifica, cunctis laudibus apud omnes nationes perfuncta. Eadem enim apud Græcos in Aristide iusta, in Platone benigna, in Epaminonda strenua, in Socrate sapiens, in Homero disertata. Eademque paupertas populo Romano imperium à primordio fundauit, proque eo Dijs immortalibus simpulo & catino sacrificabant: vt ait Apuleius, oratione prima. Augustinus super Psal. 76. Omnis Philosophiæ magistra nobis est inopia.

Quemadmodum vinum (vt prouerbio dicitur) *Asimili.* senem vel nolentem saltare compellit: ita nihil tam ineptum, nihil tam à virtutibus omnibus alienum est, ad quod non incitet, atque pelliciat diuitiarum affluentia atq; luxus. Et quemadmodum diuitiarum frons hilaris, multis intus amaritudinibus est referta, sic paupertatis horridior aspectus, solidis & certis bonis abundat: vt ait Valerius Maximus. Et quemadmodum Campana luxuria inuictū armis Annibalem illecebris suis complexa, vincendum Romano militi tribuit? ita Romanæ paupertatis frugalitas peperit victoriā. Arcefilaus paupertatem comparabat Ithacæ, patriæ Ulyssis, quod iuxta Homerum aspera quidem esset, sed bona *καὶ ἡγερόφρων*, id est, iuuenum

uenum altrix, dum eos consuefacit frugaliter  
& continenter viuere, & ad omnem virtutis  
functionem exercet eos.

*Ab exem-  
plo.*

Respice diuitem illum in Euangelio, qui  
preciosis quotidie uestibus induebatur, splen-  
dideque viuens, genio indulgebat. Cui quid  
aliud perniciem attulit, quam diuitiæ? Et quid  
aliud perditio illi filio peccandi præbuit occa-  
sionem: Quid iudæ Christum prodendi, nisi  
vis pecuniæ, atque iniquitatis mammona:  
*Hinc ille Eutrapelus cuiusque nocere volebat.  
Vestimenta dabat pretiosa: beatus enim iam  
Cum pulchris tunicis sumet noua consilia & spes,  
Dormiet in lucem, scorto postponet honestum,*

*Officium: ut ait Horatius primo Epistola-  
rum.*

Recte Crates ille Thebanus, qui cum ad phi-  
losophandum Athenas proficisceretur, ma-  
gnum auri pondus in mare proiecit, inquiring:  
Se non posse virtutes & diuitias simul posside-  
re. Hinc Moyses natu grandior noluit vocari  
filius filiæ Pharaonis: potius eligens paupertate-  
m pati, & simul affici malis cum populo Dei,  
quam temporariis peccati commodis frui,  
maiores arbitratus diuitias probrum Christi,  
quam Ægyptiorum thesauros. Heb. i i.

*A testimo-  
nio Veterū.*

Sapienter in Epistola Seneca: Aude in-  
quit, hospes contemnere opes, & te quoque  
dignum finge Deo. Non alius Deo dignus  
est, quam qui opes contempserit. Et in Euan-  
gelio Christi ipse testatur, Camelum facilius  
transire



# PROGYMNASMATA. 113

transire per foramen acus, quam diuitem intrare in regnum cœlorum. Proinde S. Bernardus in sermone de omnibus Sanctis. Vis, inquit, obtinere cœlum paupertatis vtilitatem, complectere: Regnum cœlorum est pauperum: beatus qui post illa non abiit, quæ possessa onerant, amissa cruciant.

Quapropter cum paupertas multorum causa sit bonorum, diuitiæ autem complurium fons & origo malorum, quid aliud testabitur, quam ut illam laudibus euehendo amplexemur: has autem eleuando flocci faciamus?

## ALIUD SENTENTIÆ

*Exemplum.*

## ARGVMENTVM.

Κοιμῶμεν οὐδεὶς οὐδὲν ἀξιῶ. Hoc est: *Exordium à laude.*  
Nemo dormiens vlla re dignus.

Diuinis ingenij frugibus abundans Plato, eo vsque fuit in eloquentia progressus, ut si ipse Iupiter cœlo descendisset, nec elegantiore, nec beatiore facundia fuisset vsurus. Tantam enim vim, tantamque copiam vndique collegerat, ut inuicem per totum terrarum orbem dispergi, atque dilatari possit: ut ait Valerius lib: 8. ca. 7. Multa autem præclara protulit, è quibus illud, quod in Legibus scriptum reliquit: Nemo dormiens vlla re dignus.

Quo somnolentos reprehendebat, & ad virtutis fructum nunquam peruenturos adfirmabat eos, qui non per studia, atque labores dextrum illum virtutis, arduum & difficilem  
H callem

callem ingressi fuissent, sed in lato atque molli voluptatis hæretes, vitâ desidiosam exegisset.

*A causa.*

Etenim ὁ Φεύγων μύλων, ἀλφίτα Φεύγει. Qui fugit molam, fugit farinam. Qui refugit industriam, non fruetur emolumentis. Nullus tibi contingeret honor, nisi tuam adiuuæxeris industriam.

Bonarum literarum studia sequitur gloria: ignauiam autem contemptus & inopia. Cum igitur, quæ pulchra sunt, difficilia sint, qui nucleum (vt aiunt) esse vult, nucem frangat oportet.

Optimum aiunt obsonium senectuti laborem esse: Laborandum enim est in iuuentu, quo senectuti suppetat commodius viuendi facultas. Porro non inique comparatum est, vt desides & veternosi iuuenes in summam ignominiam, atque paupertatem incurrant: honestis autem studijs intenti, & industrij consequantur auctoritatem, gloriam, atque diuitias. Hæc virtutis sunt præmia. Illa detestabilis ignauix stipendia.

*A simili.*

Quemadmodum qui in certaminibus Olympicis non pugnassent fortiter, nullis afficiebantur honoribus. Et agricolæ ocio torpentes, & arua relinquentes inculta, nihil præter zizania consequuntur: ita desides adolescentes ad gloriam nullam euecti, bonis omnibus destituuntur. Etenim si quis apes, quod sint aculeatæ, nolit perpeti, is nec melle quidem quod optat fruetur.

Aristo-

# PROGYMNASMATA. 115

Aristotelem considera, qui si torpuisset ocio,  
ad excelsum illud eruditionis & honoris cul-  
men non fuisset euectus. Contemplare Phani-  
j filium Cleanthem, qui summa pressus inopia  
noctu hausit in hortis aquam, vt interdiu stu-  
dijs liberalibus operam impenderet. Vnde  
Φεραντλης appellatus, hoc est, puteos exhaui-  
riens, secundum Diogenem Laertium, lib. 7. *Euclides.*  
Item Euclidem respice; Qui summo litterarū  
amore flagrans, nullos subterfugiebat labores,  
imo graue periculum subibat, vt tempore no-  
cturno Socratem audiret. Vide Gell. l. 6. c. 10.

Sapienter Græci dicunt: Θεοὶ ταλαρὰ πό- *Atestimo-*  
ναις πολοδοῖσι, id est Dii sua munera laboribus *nio veterū*  
vendunt. Quo docent, sudore perueniendum  
esse ad gloriam.

*Quisquis enim dueros casus, virtutis amore  
Hauferit, ille sibi laudemque decusque parabit.  
At qui desidiam, luxumque sequetur inertem  
Dum fugit oppositos incauta mente labores  
Turpu inopsque simul miserabile transiget auum.*

Recte igitur Plato censuit; nulla munera  
desidiosus deberi: gloriam autem atque virtu-  
tis præmia studiosis esse parata.

## ALIVD SENTENTIÆ

*Exemplum.*

## ARGVMENTVM.

*Boni pastoris est tondere pecus, non deglubere.*

Tyberius Cæsar merita laude celebrandus  
esset, si quam bene coepit vitam, bene transe-  
gisset. Qui Diogene Grammatico, ac Theo-

doro Gadaræo Rhetore præceptoribus vsus, in doctum virum euasit. Vnde principatus sui initio miram prudentiam præ se ferebat. Et procul dubio feliciter regnasset, si nõ cum viuendi licentia, nec, quæ hominũ teterrima pestis est voluptas transuersum egisset. Ad quem scopulum prius quam fecisset naufragium, principe dignissimam protulit sententiam.

Qua monuit pecunias à subditis ita exigendas esse, vt relinquatur fors, vnde res possit crescere. Damnat *δὲ μολόγας*, qui purpuratio-  
omnia conuertunt in fiscum suum & quocun-  
que se conferunt, abradunt ita, atque spoliant,  
vt cum carne pellem detractam dicam.

*A causa.*

Etenim boni pastores ita tondent, vt lana detonsa possit renasci. At qui deglubunt, nihil reliqui faciunt. Quos expilatores crudelissimos non iniuria homicidas vocare possis, iuxta illud Ecclesiast. 34. Panis egentium, vita pauperis est: qui defraudat illum, homo sanguinis est. Qui aufert in sudore panem, quasi qui occidit proximum suum.

*A contrario.*

Pauperibus omnes facultates eripere facinus est omnium teterrimum: at subditorum fortunas augere, præclarissimum. Vnde Artaxerxes. Xerxis filius, solitus fuit dicere: Regalius esse addere, quam adimere. Sentiens principe dignius, honorem, & opes eorum, quibus imperant exaugere quam minuere. Et Ptolomeus, Lagi filius, regalius esse dicebat ditare, quam diuitem esse.

Vt

Vt arbores frugiferæ, quarum radices euul- *A simili.*  
ferunt agricolæ nullos poterunt amplius pro-  
ducere fructus : sic crescere non possunt po-  
puli, qui diuitum pascua vocantur, quorum  
oppressorum facultates Tyranni funditus ex-  
hauserunt, atque abstulerunt.

Exemplo sint miserabiles Christianorum *Ab exem-*  
populi, quos in suam potestatem redegit Tur- *plo.*  
ca, quos expilat, & funestat ita vt omnis recu-  
perandarum virium spēs sit ablata. Et Locren-  
sium opes sic attriuerat olim Q. Flenminius,  
vt de omnibus earum facultatibus pene ac-  
tum fuisset, nisi immaniter afflictis Romana  
succurisset iustitia.

Eandem Tiberij sententiam aliis verbis A- *A testimo-*  
lexander ille Macedonum Rex cognomento *nia veterū.*  
Magnus, proferens, inquit *Κηπαρὸν μισῶ τὸν ἐκ*  
*ἐλζὼν ἐκ τε μνοντα τὰ λαίχανα.* Hoc est, Olito-  
rem odi, qui radicibus excidit herbas, ac arbo-  
res ab ima stirpe reuellit. Qua tyrannidis ar-  
guit eos, qui longe plus vectigalium, quam  
subditorum fortunæ queant ferre, solent à ci-  
uitatibus inclementer extorquere: quam im-  
piam rapiendi cupiditatem Diogenes appel-  
lat omnium malorum arcem, *μητρόπολιν.*

Meritum igitur laudibus dignam principis *Epilogus.*  
Tiberij sententiam celebrandam esse confir-  
mabunt, qui perpenderit, iniquissimas exa-  
ctiones esse, quibus ita plebis vires exhauri-  
untur, vt ad se redire non possunt.



**E** Squilla non nascitur rosa, nec hiacinthus.

*Ab auctoris  
laude.*

Tanta semper fuit Theognidis & doctrina & autoritas, vt eius scripta velut oraculi vicem obtinuerint apud omnes, cum nihil protulerit, nisi quod splendidissimum ac verissimum esset.

*Ab expli-  
catione.*

Eius in primis sententia præclara circumfertur, qua prudenter edocuit, è squilla rosam non nasci, è tribulis ficum, è sentibus vnam: Ab ancillis filios liberos, ex improbis parentibus probos filios, è præceptoribus indoctis eruditos discipulos non productum iri.

*A confir-  
matione  
causæ.*

Etenim quod in se nihil prorsum habet, nisi sordidum ac ignominiosum, nihil dignitatis vel honestatis proferre potest: Quippe κακὸς κόραν & κακὸν ὄν. Mali corui, malum ouum.

*A contra-  
rio.*

Constat ab herbis salubribus salubria germina, ab arboribus bonis bonos fructus expectari. Item, à virtute præditis maioribus, honestam sobolem: at nunquam ex arboribus malis bonos fructus, & nunquam ex malo patre (iuxta Prouerbum) bonum filium procreari.

*A simili.*

Vt aquam ex pumice frustra postulaueris, & ficus è Zizaniis, ita probos à vitiosis parentibus liberos incassum expectaueris: quippe vt nihil aridius pumice nihilq; ad fructus meliores producendos ineptius Zizanijs, ita malitiosi

litiosi parentes minus idonei sunt ad conferendam, liberis virtutem, qua carent ipsi.

---Serpente Ciconia pullos

*Nutrit, & inuenta per devia rura lacerta,  
Illi eadem sumptis quarunt alimonia pennis.*

Vt ait Iuuenalis.

Respice Lucium Tarquinium Lucumonem, *Ab exemplo.*  
qui vrbe Tarquinijs profugis Romam petit, vbi pecunijs dignitatem, & industria scelerata Regis Auci familiaritatem consecutus erat, à quo tutor liberis relictus, regnum iniquis rationibus interceptit, omnes finitimos miseris modis afflixit, & potentes 12. Thusciae populos innumeris cladibus attriuit. Cuius pessimi Regis pessimus filius erat, vt moribus Superbi cognomen meruit: qui Seruium Tullum focerum suum in Curiam properantem, gradibus deiecit, ac domum refugientem, interfecit: mox regnum, patris exemplum imitatus, scelestè occupauit. Huius item filius, Sextus Tarquinius, vt corpore patrem iniquum, ita pectore vitij omnibus corruptissimo, retulit: qui Gabios prodidit, & iure propinquitatis in Collatini domum receptus, in cubiculum Lucretiae irrupit, ac pudicitiam expugnauit. Breuiter, Tarquiniolorum progenies per malitiam à maioribus veluti per manus traditam eo processit, vt profligata fuerit, & velut aurum (quod aiunt) Tolosanum habuerit, funditus interierit. De qua re vide Augustinum l. 3. de Ciuitate c. 10.

*Atestimonio Veterū.* Φεύ, Φεύ, παλαιὸς αἶν' ὦς καλῶς ἔχει.  
 Οὐκ ἂν γένοιτο χρεὺς ἐκ κακῶν πατρὸς.

*Id est:*

*Heu, heu, ut illud dictitant rectè, probum  
 Patre ab improbo non posse nasci filium.*

*Et Horatius quarto Odarum quarta:*

*Fortes creantur fortibus: & bonis*

*Est in iuuentis, est in equis patrum*

*Virtus, nec imbellem feroces*

*Progenerant aquila columbam.*

*Epilogus.*

*Bono igitur iure laudandus est Theognis,  
 qui protulit eam sententiam, qua ut nihil ele-  
 gantius, ita nihil verius queat inueniri.*

## DESTRUCTIO, SIVE

*SUBVERSIO.*

*ΑΝΑΣΚΕΤΗ.*

*Destructio* **D***estructio vel subversio, est proposita alicuius  
 rei reprehensio. Subuertenda vero neque ma-  
 Subversio* *enim non nifesta valde, neque prorsus incredibilia, sed ea qua  
 tantum in velut media sunt conditionis.*

*fabulosis*

*carmine*

*traditis sic-*

*ri potest.*

*verum et-*

*iam ipsis*

*annalium*

*monu-*

*mentis.*

*Quint. lib.*

*2. ca. 4.*

*Oportet autem, cum subvertere aliquid voles,  
 primum eos reprehendere, qui dixerunt: deinde sub-  
 icere rei expositionem, postea ipsam subvertere ca-*

*Obscuro*

*Incredibili*

*Impossibili*

*Non coherente*

*Indecoro*

*Inutili.*

*Hoc*

Hoc autem praexercitamentum, omnem prope-  
modum artis vim in se complectitur.

EXEMPLVM.

Cuius argumentum est non verisimilia esse, quae  
de Daphne dicuntur à Poetis.

Poetarum coarguere ineptiam, absurdum mihi  
videtur, cum vel ipsi fidem sibi detrahant, his  
maxime prater, alia, quae de Diis impudenter fa-  
bulantur. Prorsus enim superuacuum videtur Poe-  
tarum ullam nos habere rationem, qui Deorum,  
quorum cura omnia gubernantur, nullam ipsi ha-  
beant curam. Et graue quidem videretur, quisquis  
ab ipsis Deorum in fabulam missus esset, Apollinem  
vero quem artis suae ducem videri volunt, impuden-  
tia materiam esse, quae erit, qui a quo animo perpeti  
possit? Libet ergo audire qualia de Apolline & Da-  
phne consingant.

ΕΚΘΕΣΙΣ.

Daphne, inquit, ex Terra Ladoneque fluuio Expositio  
procreata est. Hanc ob egregiam speciem, eximiam-  
que oris decorem Pbæbus adamauit, cupiensque  
Deus restinguere desiderium suum, spernentem fu-  
gientemque secutus est, sed comprehendere nequit.  
Verum Terra mater, assumpta filia florem, eo quo  
puella nomine, pro ipsa exhibuit, ipsam vero in ar-  
bustam vertit, cuius rami propter desiderium puellae  
in coronam Pythio tripodi dicati sunt, flos vero in  
mercedem cessit diuinationis. Huiusmodi quidem  
sunt, quae illi fabulantur, quae quam sit in promptu  
confutare, hinc facile liquebit.

ΕΚ ΤΟΥ ΑΣΑΦΟΥΤΕ.

ἢ ἀπιθαύμα.

*Ab obscuro* Daphne ex Ladone & Terra procreata est. Quis non prae-oro, tam demens, ut ex hu quenquam nasci possit.

se credat? ipsa homo fuit, illi autem diuersam, & suam vterque habebant naturam. Quomodo vero Ladon Terra coniunctus est? an quod aqua ipsam inundauit? Quin omnes ergo fluuij Terra mariti dicantur, cum nullus ipsam non aquis suis irriget? Quod si ex fluuio homo nata est, quid ni ex homine fluuium quoque nasci posse credimus? Qui minus enim tales ex filiis poterunt gigni, quam ex qualibus ipsi prodierunt? Iam quo pacto nuptias fluuij, Terraque nominant? Sentiendum enim coniugium est, terra autem, fluuiusque sensus sunt prorsus expertes. Ipsa vero Daphne virum paternum secuta genitrix, inter fluuios numeranda est, an pater filia homo putandus?

ΕΚ ΤΟΥ ΑΔΥΝΑΤΟΥ.

*A difficili.* Verum esto concedatur Poetis nasci Daphnen ex Terra & Ladone. Nata ergo puella apud virum educata est? Vt demus enim nasci ita potuisse, ut educaretur, fieri tamen non potuit. Vbi enim versata est puella? Hercule apud eum qui genuit, ecquis ergo hominum vitam in fluuio ducit? Obliviscetur enim natura sua pater, citiusque submerget fluctibus, quam alet. Verum sub terra apud matrem habitauit. Latebat ergo, nulliusque aspectui in occulto posita patebat: cuius autem latebat decor, nullius animum mouere desiderio potuit.



ΕΚ ΤΟΥ ΑΠΡΕΠΟΥ Σ.

Vis & hoc assentiamur Poëtis? Quomodo tandem amavit Deus, & impotenti adfectu a natura sua de-  
generavit? Amor enim omnia rerum, quæ humanas Ab inde-  
core.  
solicitant mentes, est pessima. Impium autem videtur gravissima natura nostra Dijs quoque attribue-  
re. Nam si omni ex parte nostri teneantur incommodi, quæ in re mortalibus præstabunt? Nihil autem malorum esse, quod non experiantur, certum erit, si amore (quod omnium pessimum est) torqueantur. Sed neque diuina natura hanc agritudinem capit, neque credibile est Phœbum adamasse.

ΕΚ ΤΟΥ ΑΝΑΚΟΛΟΥΘΟΥ.

Insequens vero puellam Phœbus, quomodo ab ea victus est cursu, Deus ab homine? Viri enim Ab incon-  
sequenti.  
mulieribus præstant, & Deum fœmina superavit? Et, quæ reliquis hominibus par esse non potest, ei Deus cedere creditur? Quamobrem autem fugientem puellam mater excepit? An quia malas nuptias putavit? Quomodo ergo ipsa facta est mater? An vero bonas credidit? Cur ergo quod bonum filia invidit? Aut ergo mater non fuit, aut malam fuisse matrem constabit.

ΕΚ ΤΟΥ ΑΣΤΥΜΦΟΡΟΥ.

Quid ita vero Terra secum suis ipsa operibus A immodi.  
dissensit, offenditque Phœbum, filiam auferens, rursumque reddita eiusdem nominis arbore ipsam oblectans? Non debebat gratificari illi, si offendere ipsum volebat? Quare demum arbore illa tripodas coronavit? Arbor enim voluptatis fuit merces, divination

vero virtutis est indicium. Quomodo ergo Deus coniunxit ea, quæ natura repugnant? Cur mortalis quidem amica, immortalis vero amator?

## ΕΠΙΛΟΓΟΣ.

*Peroratio.* Sed finis sit: neque enim plura de Poetis dicam, ne ipsorum ineptias longius insectando, in eandem, quam in illis reprehendo, vanitatem videar incidisse.

## SCHOLIA.

*Destructio, &c.* Quam alij nuncupant Improbationem, alij Confutationem. Quintilianus lib. 2. ca. 4. vocat opus destruendi, Idem lib. 5. ca. 12. refutationem, Græci ἀνασυνδύειν. Quibus συνάγειν est condere, componere, struere, ἀνασυνδύειν destruere, labefactare.

*Subvertenda vero, &c.* Hoc est, oportet refutationes de illis rebus fieri, quæ ancipitem adhibent opinionem, ut ait Priscianus. Non enim, quæ planissime falsa sunt vel vera, refutanda sunt. Quales sunt Æsopicæ fabulæ, vel historiæ indubitales. Ut si volueris refutare bruta animalia, atque bestias more hominum aliquando fuisse locutas. Vel anno præterito flammis assumptam Hadamariam.

*Media conditionis, &c.* Hoc est, quæ medium servat ordinem, de quibus in vitramque partem oratio poterit institui. Ut si confutes Antipodas esse. Arionem Delphino vectum. Annibalæ exercitum humanas carnes edisse.

*Obscuro, &c.* Ab incerto Priscianus ait: Ut, incertum est tempus, quo vixerit Narcissus.

Non

Non manifestum est, quot annulos post cladem Canensem Annibal Carthaginem miserit. Non constat vbi cerui abjiciant cornua.

*Incredibili, &c.* Vt, incredibile est Arionem malis affectum voluisse canere. Supra fidem est, Daphnen à flumine Ladone procreatam, Nioben in saxa conuersam.

*Impossibili, &c.* Vt impossibile erat Arionem à Delphino seruari. Impossibile erat Stentora quinquaginta alios sermone æquasse sonoq.

*Non coherente, &c.* Ab inconsequente secundum Priscianum. Quod & contrarium appellat. Vt contrarium erat, voluisse perdere libertatem, eum, qui eam seruasset.

*Indecoro, &c.* Hoc est, ab indecente. Vt: Indecens erat Apollinem, cum sit Deus, libidinosum voluisse virgini vim inferre. Non decuisset Imperatoriam Scipionis dignitatem pulcherrimis (quas expugnata noua Carthagine cepit) virginibus stuprum inferre. Honestius erat iniuriæ muliebri obnoxias, intactas custodire.

*Inutili, &c.* Hunc locum Priscianus: ab incommodo vocat, cum dicimus, rem ineptissimam esse, quæ nulli vel vsui, vel honori futura sit: vt Ocia sunt abroganda, vnde nulla commoditas, vel laus vera promanat.

*Artis vim, &c.* Etenim instrumentis omnibus Rhetoricis opus habet, cum tota spes vincendi, ratioque persuadendi posita sit in confirmatione, atque confutatione. Nam si argumen-

gumenta nostra exposuerimus, contraria autem dissoluerimus, absolute nimirum munus oratorium contecerimus, ut ait Cicero.

*Coarguere ineptias, &c.* Duplicem huius declamationis formulam nobis proponit. Prioris est sententia, Absurdum esset, ineptias Poetarum reprehendere, aut vatibus contradicere, nisi ipsi in causa essent, falsa que confingendo nos aduersum se concitarent. Alterius, Stultum esset Poetis parcere, cum ipsi Diis immortalibus non parcant, sed in Deos omnes maximeq; artis suæ Poeticæ præsidem Apollinem, debacchentur.

*Apollinem, &c.* Hic Musarum princeps & dux est. Vnde *μυσαγέτην* appellant, autore Macrobio lib. 1. de Somno Scipio. cap. 3. Idem 1. Satur. cap. 17. vocatum ait, ἀπὸ τῆς πᾶσι ἐν ταῖς ἀκτίνας. Id est, à iactu radiorum. Eundem Phœbum, ἀπὸ τῆς φωτὸς βία, quod vi feratur, Tortellius deriuat à lumine vel nitore, ἀπὸ τῆς φωτός.

*Daphne, &c.* Hanc Aphthonius ait filiam esse Ladonis, qui fluuius lauris circumseptus est in Arcadia. Ouidius autem primo Metamorph. tradit filiam Penei. Vnde Peneiam, ac Peneida vocat. Est autem Peneus Thessaliæ fluuius, inter Ossa & Olympum decurrens, apud quem est locus amœnissimus, qui Tempe dicitur. Vnde Virgilius ait. 4. Georgicorum: Fugiens Peneia Tempe, Ouidius 1. Metamorph.

*Est nemus Amonia, prarupta quod vndique claudit*

*Sylua vocant Tempe, per qua Peneus, &c.*

Fertur autem duas habuisse filias, Cyrenen & Daphnen. Vide Bocatium li. 7. ca. 29. Porro Poetæ finxerunt, Daphnen è Ladone procreatam, quod lauri & arbores proueniant nascanturque de fluuiialibus vndis.

Item autore Fulgentio, laurum Apollini dedicarunt, quoniam si eam dormientibus ad caput posueris, vera somnia videbunt.

*Pythio, &c.* Python vel Phyton horrendæ magnitudinis è terra calefcente post Deucalionis diluuium procreatus serpens quem Phœbus interemit, vnde Pythius est appellatus. Et in honorem eius ludi instituti, Pythia dicti. Quid 1. Metamorph.

*Instituit sacros celebri certamine ludos.*

*Pythia perdomita serpentis nomine dictos.*

Sunt qui sic dictum asserant, ἀπὸ τοῦ πυθῶνος, At Macrobius 1. Sat. cap. 17. ἀπὸ πυθῶνος, hoc est, στήνῳ, trahit quod nunquam sine vi caloris efficitur.

*Tripodi &c.* Tripodes, à tribus pedibus dicti <sup>Tripodes.</sup> fuerunt, autore Seruio super 4. Æneid. mensæ in Apollinis Delphici templo, quibus superpositæ Phœbades vaticinabantur, vel ex quibus responsa dabantur. Dicebatur etiam Cortina, Virgil. in 6.

*Neque te Phœbi Cortina fefellit.*

Fuerunt autem duo summæ fidei oracula, Delphi.



Delphica & Pythia, Vide Erasmus in Prouerbio: Ex tripode.

*Iam quo pacto, &c.* Non probabile est, inquit, nuptias factas esse inter res inanimatas, cum Hymenæus eorum sit qui sensus habeant. Præterea cum in dubio sit, an inter fluuios filia Daphne, aut Ladon pater inter homines recensendus.

*Amor res pessima, &c.* Vnde Euripides, Βροτοῖς ἐστὶ καὶ πότος, καὶ κακὸν μέγα. Mortalibus amores quam magnum malum. Qui bonis hominibus non conueniunt nedum Apollini Deo. Recte apud Diogenem Laertium Zeno: Amor est, inquit, concupiscentia quædam, in præstanti ingenio viros non cadens.

*Fœminæ  
frigidioris  
naturæ.*

*Viri mulieribus præstant, &c.* ὁ πρετέχουσιν, viri superant, vincunt fœminas. Etenim fœminæ debiliores sunt maribus, quia frigidioris naturæ vt de animalibus ait Aristoteles.

#### REFUTATIONIS EXEMPLVM ARGVMENTVM.

**F**ALSUM esse, quod Herodotus lib. 1. scripsit super Arione Fidicine. De qua vide Gellium lib. 16. ca. 19. Ouidium 2. Fast.

*Exordium  
à reprehensione.*

Primam historiz legem Cicero tradit esse, vt vera sit, nec admisceat aliquid falsi. Quam Græci non seruando, sed creditu indigna turpiter confingendo fecerunt, vt fidē amiserint, & Græcia mendax credatur, & Herodoti scripta vana atq; mendaciis confuta, maximè ea, quæ super Arione prædita circumferuntur.

Arion,

Arion, inquit, Citharædus grandi pecunia, & re bona multa copiosius, Corinthum ex Sicilia, & Italia constituit redire. Nautas igitur Corinthios delegit, qui prædæ pecuniæque cupidi ceperunt consilium de necando Arione. Hic perniciæ intellecta, pecuniam insidiatores habere, vitam darent, orauit. Atqui nautæ imperarunt, vt iam statim coram desiliret præceps in mare. Homo ibi territus, spe omni vitæ perdita, id vnum rogauit, vt priusquam mortem oppeteret, induere permitterent sua sibi vestimenta, & fides capere, & canere carmen casus illius sibi cōsolabile. Quod orauerat, impetrat, atque ibi mox de more cinctus, amictus, ornatus, stansque in summæ puppis foro, carmen, quod ὄρθρον dicunt voce sublatissima cantauit. Ad quod Delphinum inter vndas ad nauis, & dorso super fluctus edito Arionem vectauisse, incolumiq; eum corpore cum cithara atq; vestimentis illæsis, Tænarum in terram Laconicam deuexisse confirmat Herodotus.

Ecquis asserat conspicuum atque planum esse, Arionem in mare præcipitatum, fidibus cecinisse, ipsum fluctibus non obrutum, nec citharam humoris impatientem aspergine marina corruptam, neque vestes à procellis absorptas, sed omnia integra, ipsumque citharædum saluum euasisse beneficio marinæ beluæ?

Ab Arione fidicine magnam pecuniæ vim  
I colle-

collectam admitto, licet id ipsum multis difficillimum creditu, cum iuxta prouerbum, bonus cantor, bonus cupediarius, promulque magis quam condus: At quis, oro tam demens, ut persuasum habeat fidicinem in tanta calamitate, & in tantis vitæ periculis constitutum se ornare, & canere potuisse? Porro quemadmodum nemini fidem feceris, Priamum in filiorum funeribus plausisse. Et Nioben in tanto natorum luctu saltauisse. Sic nemo crediderit, hominem in extrema necessitate capitisque periculo fidibus delectatum, cecinisse carmen non vulgare, rebus scilicet requirentibus habitum potius lugubrem, aut Musam, quam vocant Ciricam.

Verum esto, concedatur illum potuisse canere, & Delphinum musica demulsum: sed cum sit omnium non solum marinorum animalium velocissimus Delphinus, ocyor volucres, & telo acrior, iuxta Plinij sententiam, quomodo eiusdem dorso potuit Arion pendere? ubi si commoda etiam fuissent retacula, ijs tamen fidibus intentæ manus uti non potuissent. Sed esto, non sit excussus. at quomodo vortices perferre potuit, & semper æstuentis furentisque maris impetus, æquosque turbines atque procellas, quæ remos frangere, proras auertere, & maximas naues deuorare solent, atque submergere?

Abinde.  
core.

Quid ab historico magis alienum quam ista mendacia confingere? Quid minus conuen-

rit

rit humanæ naturæ, quam in summo rerum asperrimarum periculo canere? Quid in truculentarū beluarum ad feritatem naturam minus quadrauerit, quam eas natiua rabie deposita mansuescere, placidorumque equorum officijs fungi, mariaque superequitantem hominem dorso portare?

Calamitatis dolor est comes, atque luctus *Ab incon-*  
prosperioris fortunæ cantus & læritia : sed *sequente*  
quomodo in summum vitæ discrimen addu- *vel contra-*  
ctus Arion læritiæ vestimenta potuit induere. *rio.*  
musicisque cantilenis indulgere? At idem in mare præcipitatus quomodo emerfit, quomodo marinis humoribus perfusus, & horrore percussus fides, quas inutiles aqua reddit, tractauit? quomodo societatis humanæ atque ratione expers Delphinus, equum domitum imitatus, citharædum veluti equitem vexit, & monstrator itineris in portum, quem optauit homo, deduxit?

Quorsum ista tam absurda commenta, & inutilia vel auditu, vel relatu figmenta, vnde nulla morum cultura, nulla item ingeniorum commoditas promanat?

Finem modo faciam, ne in Herodotum in- *Epilogus.*  
uectus, calumniari videar, & prolixis verborum ambagibus vsus, molestiis afficiam eos, qui crudelitatis vitio non laborantes, nouerunt mera deliramenta esse, quæ de Arionis fabula memoriæ sunt prodita.

exemplum.

## ARGUMENTVM.

Elpenor in  
porcum.

Exordium

Circes fa-

bulam ex-

plicat apud

Xeno-

phontem

I. memo-

rab. Socra-

ti.

Ab exposi-

tione.

**F**alsum esse, Elpenora mutatum fuisse in porcum.

Vt fabulæ Poetarum honestæ, delectandi, gratia, vel docendi causa conscriptæ laudem merentur, sic absurda, quorum nullus est usus, mendacia, carbone notanda, minimeque sunt ferenda, cuius farinae sunt ea, quæ finxerunt de Elpenore.

Quem sociorum Vlyssis vnum fuisse perhibent, &amp; à venefica Circe, Solis ac Persei filia, mutatum in porcum, atq; ex homine per pocula bestiam quadrupedem factum, iuxta illud Iuuenalis Satyr. 14. Cum remigibus grunnisse Elpenora porcis.

Circes, inquit Horatius, pocula nosti.

Quæ si (Vlysses) cum sociis stultus, cupidusque bibisset,

Sub domina mere trice fuisset turpis &amp; excors,

Vixisset canis immundus, vel amica luso sus.

Ab obscuro.

Quod figmentum nemo, præditus etiam Attica eloquentia, perspicuum, aut planum fecerit homini rationis compoti. Obscurior enim res est, quam ut vlla dicendi facultate queat illustrari, &amp; intellectu tam difficilis, ut ne Apollo (ut Prouerbio dicunt) intelligat,

Ab incredibili.

Quis tanto crudelitatis vitio laborauerit, cui verum esse videatur, hominem in porcum transformari potuisse, idque per foeminam,

quæ



quæ ut viris infirmior est, ac ineptior, ita minus idonea ad capeffendas atque sibi vendicandas diuinæ virtutis artes, quibus tanta miraculorum spectacula solent exhiberi, & virgula, ut aiunt, diuina suppeditari?

Ecqua ratione vel efficacia fieri potuit, ut *Ab impossibili.* humana facies in fetosum porci caput transformaretur, manus cum digitis in pedes bisulcos transirent, & breuiter in animal deforme, terram semper spectans ac fodiens, conuerteretur homo?

*Cui Deus os sublime dedit, calumque videri  
Iussit, & erectos ad sidera tollere vultus.*

Non decuisset Circeen id attentare, vel sibi *Ab inde-* potenter arrogare, quod solius diuinæ virtutis est opificium. Ad hæc indecens admodum fuisset humani corporis figuram, ad Dei similitudinem factam, in porcina membra conuertere naturamque ratione diuina præditam, sordidissima pecoris carne dehonestare.

Veneficiis potens Circes fuerit, esto. Sed *Ab inco-* quomodo à triuenefica porrectum, quod haustum in stomachum trajici, deinde in visceribus absumi, atque confici solet poculum, potuit totum Elpenoris corpus immutare. Quis vnquam audiuit, sumpta pocula, secutas fuisse corporum transeuntium in alias transformationes, & non potius pristina membrorum figura permanente, sanitatem, vel aduersam valitudinem concomitatam?

Quæ maleficatorum hominum deliramen- *Ab inutili.*

ta, cum nihil bonę frugis adferant, miror quid Herodotum iuuerit ista cōfingere. Quid item vates impulerit scriptis suis rata facere, atque committere, vt verum perduret prouerbiū: ποῦ δ' ἑυδοῦται αἰδοί, multa mentiuntur poetæ. Quibus quidlibet audendi semper fuit æqua potestas; vt Horat. ait.

Desinam plura de rebus vanissimis verba facere, ne diutius in iis immoranti mihi aliqua vaniloquentiæ nota possit inuri.

#### ALIUD REFUTATIONIS

*Exemplum.*

#### ARGUMENTVM.

**Q**uod vana sint, quæ iactant de Hieronymo ob libros Ethnicorum, in primis Ciceronis, lectos, flagris cæso.

*Ab expositione.*

Diuus Hieronymus, inquit, cum singulari disciplinarum studio flagrans, Ethnicos scriptores, in primis Ciceronem lectitaret, nec prophani studi; finem faceret, per somnium ad Dei tribunal raptus est, vbi accusatus ad flagra damnatus fuit, vt documento esset libros Ethnicorum non esse legendos. Etenim cui poterit apertum atque clarum videri hominem mortalem, non modo somno, sed etiā carne & ossibus grauatum, in coelos rapi, in Dei conspectum produci, atque ibi ad maiestatis summæ tribunal virgis cædi, propter lectos cum iudicio libros Ethnicorum? A quorum studiis nemo bonus vnquam nemoque pius abhorre solitus, sed potius omnia probare,

bare, quod bonum est tenere. Quomodo manifestum ergo fuerit virum sanctum vapulasse, quod velut è luto gemmas, hoc est, quod in Ethnicorum libris optimum erat, collegerit, ac inde libris suis plurimum conciliarit leporis atque dignitatis?

Ultra fidem est singularis sanctimonia virum conspicuum, è lectulo suo raptum in cœlos, vt flagris caderetur: deinde virgis percussus, in terras relatum fuisse. Quod si vere contigisset, procul dubio semper à poetarum lectionibus post datam tergo pœnam abstinisset. At id ipsum minime fecisse eius scripta testantur. Sed per somnium fuit accusatus, per somnium damnatus atque cæsus. Per somnium igitur res debet credi, quæ meræ verborum umbræ sunt.

Quomodo carnalis homo super æthera ferri; quomodo imbecillitas humana præfulgidos cælestis splendoris atque flammarum radios perpeti, fulguranteisque terribilis iudicis vultus sustinere potuit? Sed esto, potuerit id tolerare. Quomodo autem dormiens nihilque sentiens verbera potuit sentire? Quomodo se tanta formidine percussus, & in pericula coniectum fuisse recordans, ad Ethnicorum libros redire?

Omnium ineptissimi sunt homines, qui nobis fingunt, Deum illorum tortorem esse, quos è libris Ethnicorum, quod habetur inibi salutare, non piget excerpere, & in vtilitatem porum.

rum memoriae prodere, illis interim parcentem, qui segnes, & ignaui bonas omnes disciplinas quæ Dei Opt. Maxim. sunt munera, contemnunt, prauaque sua & viuendi consuetudine, & docendi ratione bonos offundunt, atque secum trahunt in perniciem. Et viro sancto parum conuenerat, autorum prophatorum scripta legere, si cognouerat, ea sacris literis incommodare, aut legentibus nihil utilitatis suppeditare. Esto, sint in iis nonnulla praua dogmata, magis tamen decuerit mala præterire, & aures obturare, quam omnia ex æquo damnare.

Scripsit quidem D. Hieronymus, oblector Ciceronis libros se flagrapassum, sed puellæ teneriori, quam à nimio poetices studio volebat retrahere, scripsit per somnium accidisse. Quis inde, precor, colligendum iurauerit, eloquentissimos Ethnicorum libros non esse legendos? Quod per somnium, quo rem actam intelligunt, pij credituri sunt, vel Græci dicunt & δ' *ὕπνῳ*. Quo antiquo Prouerbio significarunt id, quod nulla ratione, nullo tempore audeat sperare.

IDEM Argumentum Petrus Mosellanus & copiosius & elegantius tractauit, cuius verba non piguit adscribere.

Si vnquam hoc dubium fuit, hoc vitij mortalium mentibus natura insitum esse, vt quantum quisque vel ipse iam sit assecutus, vel post se, assequi posse speret, tantum probet, & nihil,

nisi

nisi quod ipse facit, rectum putet: nunc certe  
 dubium esse desinet, posteaquam existunt, qui  
 quoniam ipsi Divum Hieronymum, ut divina-  
 rum, ita humanarum literarum peritissimum,  
 quod Ethnicorum scripta legerit, cœlestis iu-  
 dicij sententia condemnatum, de tergo satis-  
 fecisse. Dicite ergo mihi vllum tempus, quo  
 à prophanis literis in totum abhorrerit. An  
 est aliquis liber, aliqua Epistola, aliquis com-  
 mentarius eius Scriptoris, in quo non pro-  
 phana sacris adiunxerit? Quod si in scribendo  
 ad prophanos autores sæpe respexit, quanto  
 magis in legēdo idem hoc fecisse eum putabi-  
 mus? Nam cum totum Philosophiæ corpus ex  
 tribus velut primarijs membris constet, ser-  
 monis facultate, naturalium rerū cognitione,  
 & vitæ instituendæ ratione, singula hæc dein-  
 cept plurimas in se complectuntur partes. Et  
 enim in sermone desideramus, vel ut cū recte  
 loquentium exēplo consentiat, id quod polli-  
 cetur Grammatica: vel ut naturam cuiusque  
 rei explicet, nunc, quæ obscura sunt definiē-  
 do, nunc, quæ multa & confusa sunt, diui-  
 dendo, nunc, quid cuique vel consequens vel  
 repugnans sit, colligendo, quam vim Diale-  
 cticam vocant: vel ut proprie, distincte, co-  
 piose, ornate, de quavis re proposita cum qua-  
 dam audientium admiratione dicamus; quæ  
 facultas proprie est oratorum. Sed naturæ co- *Naturæ*  
 gnitio latius etiam fines suos porrigit, cum *cognitio:*  
 cœlum pariter, elementa, atque adeo, quæ in



elementis sunt, omnia ambitu suo circumscribat. Vitæ verò humanæ moderatio non in hoc est tota, ut quis suos ipsius mores ad virtutis præscriptum formet, sed maius etiam quiddam præstat, nimirum, ut primum nos ipsi vitamque nostram, deinde domus familiæque curam, postremo ciuitatis ac Reip. administrationem, recta ratione instituamus. Et cum ex vno Philosophiæ velut fonte innumerabiles disciplinarum humanarum riuus promanarint, & nullus scriptor, quantumvis Ethnicus, tam sit inanis, ut non scriptione sua in aliquam Philosophiæ partem incurrat, illud quomodo consistet, quod quæ in aliis laudat Hieronymus, eorum culpa ipse plectatur? An non idem in Epistola ad Magnum oratorem, & fatetur se profana legere sacrisque intertexere, & qui hoc ante se fecerant, suæ etiam nunc tempore facerent, eorum exempla non modo non reprehendit, verum etiam imitanda proponit? Nonne Lactantium hoc nomine miratur, quod ad Ciceronis eloquentiam cæteris propius aspirauerit? Non Basilus, summus mea sententia Theologus, Nepotibus suis adolescentibus, quos ad diuinæ sapientiæ perfectionem erudiebat, omne genus prophanorum scriptorum prudenter legendum suasisit? Imo non Augustinus in futuro Theologo omnium pene humanarum literarum cognitionem desiderat? Non eidem Ciceronis Hortensio (sic enim inscriptus est liber) velut duce, ad veram sapien-

riæ Deo dignæ studium primum se peruenisse  
 palam testatur; Sed quid ego horum exempla  
 commemoro? Ipse adeo Paulus, qui Christo  
 suo ore loquentis periculum minatur. Ethni-  
 corum Poetarum versibus in Euangelij glo-  
 riam vsus est. Hieronymus, inquit, ipse scri-  
 bit tale quid sibi accidisse. Fateor, sed scripsit  
 iuuenis, calentibus adhuc in eo Rhetorum stu-  
 diis, quorum professio est, fictis etiam narra-  
 tionibus ad suum negotium abuti. Scripsit  
 puellæ, cuius ingenium parum firmum talibus  
 terculamentis ab immodico Ethnicæ lectio-  
 nis studio abstertere prudentis erat. Scripsit *Cato, id est,*  
 aptis verbis, aptis figuris, ea præfatione somnij *sagati.*  
 pariter & febriculæ, ut Cato firmoque lectori  
 commentum ne posset quidem imponere.  
 Scripsit in familiari priuataque Epistola, stylo  
 ad puellarum infirmitatem accommodato. A-  
 lioqui ter periurū facietis Hieronymum. Pri-  
 mum, qui post iudicium illud vestrum, quo  
 lectionem Ethnicorum abiurauit, ad libros  
 prophanos roties redierit. Deinde, qui aliis e-  
 ius generis libros non modo legendos permit-  
 tat, verum etiam suadeat. Postremo qui in de-  
 fensione sua multis annis, posteaquam ad Eu-  
 stochium de somnio hoc scriplerat, exactis,  
 Rufino lectionem Ethnicorum pro crimine  
 obiciendi, responderit somnium esse, quod  
 Eustochio scripsisset: somniis autem scriptura-  
 rum autoritate fidem non habendam. Quid  
 expectatis amplius? Ipse Hieronymus iam nō  
 minus,

minus eruditione vitæque sanctimonia, quam ætate perfectus, quod iuueni sibi ad Eustochiū scribenti exciderit, merum fuisse somnium confitetur. Sed vereor plane. ne sint, quibus prolixa hæc de somnio disputatio quendam tædii somnium adduxerit, tantum abest, vt, ne cui fabulam hanc persuadeant, metuam.

ELEGANTISSIMA M. PORCII

*Catonis Consulis ad populum oratio, qua  
fœdum Bacchanalium ritum  
reprehendit.*

EX T. LIVIO.

*Bacchanalia hæc Sp. Posthumio Albino, & Q. Martio Philippo, Coss. vi-  
guerunt.*

**N**ulli vnquam concioni, Quirites, tam non solum apta, sed etiam necessaria hæc solennis comprecatio Deorum fuit, quæ vos admoneret hos esse Deos, quos colere, venerari, precariq; maiores vestri instituisent, non illos, qui prauis & externis religionibus captas mentes, velut furialibus stimulis ad omne scelus & ad omnem libidinem agerent. Equidem nec quid taceam, nec quatenus proloquar, inuenio: si aliquid ignorabitis, ne locum negligentia dem; si omnia nudauero, ne nimium terroris offundā vobis, vereor. Quicquid dixero, minus quam pro atrocitate & magnitudine rei dictum scitote esse. Vt ad cauendum satis sit, dabitur opera à nobis. Bacchanalia tota iam pridem Italia, & nunc per urbem etiam multis locis esse, non fama modo accepisse vos, sed crepitibus etiam vlulatibusque nocturnis, qui personant tota vrbe, certum

certum habeo. Cæterum, quæ ea res sit ignorare : alios deorum aliquem cultum , alios concessum ludum & lasciuiam credere esse; & qualecunque sit, ad paucos pertinere. Quod ad multitudinem eorum attinet, si dixerò multa millia hominum esse, illico necesse est exterrèmini, nisi adiunxero, qui qualesque sint. Primum igitur mulierum magna pars est, & is fons mali huiusce fuit; deinde simillimi fœminis mares stuprati, & constupratores, fanatici vigiles, vino, strepitibus, clamoribusque nocturnis attoniti. Nullas adhuc vires coniuratio, cæterum incrementum ingens vitium habet, quod inde plures fiunt. Maiores vestri ne vos quidem, nisi quum aut vexillo in arce posito comitiorum causa exercitus edictus esset, aut plebi concilium tribuni edixissent, aut aliquis ex magistratibus ad concionem vocasset, forte temere coire voluerunt: & ubicunque multitudo esset, ibi & legitimum rectorem multitudinis censebāt debere esse. Quales primum nocturnos cœtus, deinde promiscuos mulierum ac virorum esse creditis: Si quibus ætatibus initientur mares, sciatis: non misereatur vos eorum solum, sed etiam pudeat. Hoc sacramento initiatos iuvenes, milites faciendos censetis, Quirites? ijs ex obscœno sacrario eductis arma committenda? hi cooperiti stupris suis, alienisque, propudicitia coniugum ac liberorum vestrorum ferro decernent? minus tamen esset, si flagitiis tantum effœmi-

foeminati forent (ipforum id magna ex parte dedecus erat) à facinoribus manus, mentem à fraudibus abstinuissent. Nunquam tantum malum in Republ. fuit, nec ad plures, nec ad plura pertinet. Quicquid his annis libidine, quicquid fraude, quicquid scelere peccatum est, ex vno illo sacrario scitote ortum esse. Nec omnia in quæ coniurauerunt edita facinora habent, adhuc priuatis noxiis, quia nondum ad rempublicam opprimendam satis virium est, coniuratio sese impia tenet. Crescit & serpit quotidie malum: iam maius est, quam capere id priuata fortuna possit: ad summam Reipublicæ spectat, nisi præcaueritis. Quirites, iam huic diurnæ legitimè ab Consule vocata par nocturna concio esse poterit. Nunc illi vos singuli vniuersos concionantes timent: iam vbi vos dilapsi domos & in rura vestra eritis, illi coierint, consultabunt de sua salute, simul ac vestra pernicie: tum singulis vobis vniuersi timendi erunt. Optare igitur vnusquisque vestrum debet, vt bona mēs suis omnibus fuerit: si quem libido, si furor in illum gurgitem abripuit, illorum eum quibus in omne flagitium & facinus coniurauit, non suum iudicet esse. Neque etiam errore labatur, vestrum quidem, non sum secutus. Nihil enim in speciem fallacius est quàm praua religio. Vbi deorum numen prætenditur, celerius subit animum timor, ne fraudibus humanis vindicandis diuini iuris aliquid mixtum violemus. Hanc vos religione



gione innumerabilia decreta Pontificum, Senatus consulta, aruspicum denique responsa liberant. Quoties hoc patrum, aorumque ætate negotium est magistratibus datum, ut sacra externa fieri vetarent? sacrificulos, vatesque foro, circo, Vrbe perhiberent? vaticinos libros conquirerent, comburerentque? omnem disciplinam sacrificandi, præterquam more Romano, abolerent? Iudicabant enim prudentissimi viri omnes diuini humanique iuris, nihil æque dissoluendæ religioni esse, quam ubi non patrio, sed externo ritu sacrificaretur. Hæc vobis prædicanda ratus sum, ne qua superstitio agitarer animos vestros, cum demolientes nos Bacchanalia, discutientesque nefarios coetus cerneretis. Omnia Dijs propitijs volentibusque ea faciemus, qui quia suum numen sceleribus libidinibusque contaminari indigne ferebant, ex occultis ea tenebris in lucem extraxerunt, nec patefieri ut impunita essent, sed ut vindicarentur, & opprimerentur, voluerunt. Senatus quæstionem extra ordinem de eare mihi collegæque meo mandauit: non ipsi, quæ nobis agenda sunt, impigre exequemur: vigiliarum nocturnarum curam per urbem minoribus magistratibus mandauimus. Vos quoque æquum est, quæ vestra munia sunt, quo quis loco positus erit, quod imperabitur impigre præstare, & dare operam, ne quid fraude noxiorum periculi, aut tumultus oriatur.

CON-

# CONFIRMATIO, SIVE ASSEVERATIO, quæ Græcis *καταστροφὴ* dicitur.

Hunc lo-  
cum ita nos  
restituendū  
putamus. **C**onfirmatio, vel Assueatio, est proposita rei  
comprobatio. Confirmanda vero sunt, quæ neg,  
prorsus manifesta sunt, neque omnino fidem, vi fieri  
Confirmā- possint, habent, sed quæ medium ordinem seruant.  
da vero Qui autem confirmare intendunt, omnibus capitibus  
sunt, non confutationi contrariis, vtentur. Primum enim lau-  
quæ pror- dent eum, qui dixit: quod confirmandum est: Deinde  
sus manife- sta sunt, vel rem exponant: Postea contrariis eorum, quæ dixi-  
sta sunt, vel rem exponant: Postea contrariis eorum, quæ dixi-  
quæ omni- nus, comprobent ipsius.  
no fidem  
vt fieri pos-  
sint, non  
habent, sed  
quæ Ec.  
quod ex  
Quintil.  
intelligere  
licebit.

Pro	{	Obscuro	}	quidem	{	Manifesto
		Incredibili				Probabili
		Impossibili				Possibili
	{	Repugnante	}		{	Coharente
		Indecoro				Decente
		Inutili				Conferente.

Sane hac quoque exercitatio, omnem vim artū  
intra se complexa est.

## CONFIRMATIONIS

Exemplum.

## ARGVMENTVM.

Exordium  
à laude. **P**oetas quisquis vituperat, ipsas mihi vituperare  
decentium. Musas videtur. Si enim quacunque canunt Poe-  
ta, Mu-

za, Musis instructi profundant, quidni plane Musis bellum indicit, qui Poetarum sententiam improbat illius autem maxime, qui Daphnen ab Apolline esse amatam, sapienter protulit? Sed quam sunt, quibus fidem non adhibent? Daphne, inquirunt, e Terra nata est, & Ladone.

Cur hoc apud Deos incredibile? Nonne rebus omnibus, aqua & terra sunt origo? Nonne semina rerum omnium elementa praebeant? Si vero quicquid gignitur, procedit ex terra & aqua, nimirum Daphne eisdem orta est, quibus omnia principiu, Ladone & Terra, genita scilicet inde, vnde cuncta procreantur. Superabat autem Daphne facie reliquas omnes: Recte quidem. Quacunque enim primo è Terra emituntur, cum natura pulchritudine producantur, & primo velut natiuo, proprioque conspicua decore pulcherrima videntur. Multa autem mutationes corporibus speciosissimi tempore accidunt: quae vero recens nata primum apparuerunt, ea formosissima, veluti quae nullum adhuc decorus sui damnum passa sunt, blandissime oculos nostros morantur. Recte igitur Daphne forma praestabat primum ex Terra procreata.

Ob cuius admirandam pulchritudinem Pythius amore captus est, non iniuria. Quicquid enim in terris est, quo res vlla sunt conspicua, atque admiranda, id omne a Diis ipsis tributum est. Si vero bonorum omnium amabilis inprimis est pulchritudo, quid mirum si iucundissimum Deorum munus, Deum quoque habuit amatorem? Quae enim Dij donant, ea omnes amore prosequuntur.

*A possibili.* Conabatur autem amans Deus suo desiderio mederi. Sic enim res habet: Virtutes non sine labore comparantur, & opus est sudore, quisque eas assequi velit. Hinc ergo laborabat amator, nec tamen desiderans amicitiam comprehendit. Ingens enim est virtus, nec ad extremam ipsius metam quisquam potest peruenire. Aiunt igitur amare Phœbum, non Terram scilicet, nec Deorum maiestatem vanis commentis dehonestantes, sed virtutis ostendentes naturam, ut Apollo sit qui virtutem quatit, ipsa vero virtus Daphne.

*A coherenti.* Fugientem puellam mater excepit. Cuncta enim quacunque sunt mortalem sortita naturam, ad ea, unde orta sunt, festinant reuerti. Idcirco in terram cecidit Daphne, ex terra prognata.

*A decenti.* Accipiens autem puellam mater, pro ipsa reddidit arbusum. Virumque opus terra proprium, ut in hanc omnes cadant, & arbores ab ea nascantur.

*A conferti.* Procreatum autem arbusum Apollinis honori dicatum est: Dij enim extra providentia sua completum ne arbusa quidem reliquerunt. Sed coronantur è nativis, & primitiis prodeuntium è terris, ipsis sacrantur. Sed & arbor divinationis facta est merces atque symbolum. Hoc autem conueniens puero. Daphnen enim poetarum multis ὡφροσύνη, id est, temperantiam appellant, & oracula dare, à temperantia provenit.

*Conclusio.* Itaque quoniam puella voluptatibus experta fuit, virtutibus consecratur. Neque enim posset futurorum esse capax, qui laborat intemperantia, contaminatum habens fœda libidine pectus. Quas ob res poetam admiror, & laudo, ipsumque veneror carmen.

SCHOLIA.

Confirmationem Græci vocant κατασκευήν, quod est parare, fabricari, quo utitur Apostolus ad Hebr. 9. Σκευὴ ἣν κατασκευάσθη, ἡ πρώτη ἐν ἡτὰ λυχνία, &c. id est, tabernaculum constructum fuit : prius, in quo lucernæ. Est & probare, & confirmare. Vnde κατασκευάω, probatio, astructio, demonstratio, item structura vocatur ab Halicarnasseo, hoc est, opificium Rhetoricorum, & artifex compositio.

Quisquis vituperat, &c. In Aphthonio habetur ποιηταῖς ἀντερεῶν, αὐταῖς ἀντερεῖν δοκεῖ ταῖς μέσαις. Vnde locum hunc sic alij vertunt: Quisquis varibus contradicit, ipsis Musis videtur contradicere.

Musis instincti, &c. Socrates apud Platonem de recta nominum ratione dicit, Musarum & musicæ nomen deductum ἀπὸ τῆς μῶδος, id est, inquirere : si quis enim vult Musis familiaris esse, ei opus est indagine & studio sapientiæ. Etenim qui ad Musas aspirant opus habent non parua inquisitione atque labore. Vnde Propert. lib. 3.

*Non datur ad Musas currere lata via.*

Musis autem instinctos ait, hoc est, diuino furore concitados, & impulsos, Diuinum enim poetarum genus est, atque Diis agitur, vt ait Plato de legib. 3. Idem de furore poetico. Non arte, inquit, sed diuino afflatu mente capti, omnia præclara poemata canunt. Quem furo-



rem ἐνθεσιασμόν appellant, numinis adflationem: quem Budæus de Affe primo, interpretatur vim dicendi, & scribendi diuinitus inferuefactam. Hanc lib. 1. de raptu Proserp. Claudianus intelligens, inquit:

*Raptoris thalamos audaci promere cantu  
Mens congesta iubet, gressus remouete prophani:  
Iam furor humanos nostro de pectore sensus  
Expulit, & totum spirant præcordia Phæbum.*

Huc item Ouidius 6. Fastorum respiciens ait:

*Est Deus in nobis agitante calescimus illo,  
Impetus hic sacra semina mentis habet.*

Idem libro de Arte tertio.

*Est Deus in nobis, sunt & commercia celi,  
Sedibus æthereis spiritus ille venit.*

Cur hoc apud Deos, &c. Græcismus est πρὸς τῶν θεῶν, πρὸς τῇ διῷ. Hoc est, per Deos, per Iouem.

*Pulchritudinis vis & efficacia.* Superabat facie, &c. Quoniam Daphne omnium pulcherrima fuit, non dubium est, quin Apollinem potuerit in amorem sui sollicitare. Certe pulchritudinē Aristoteles dicebat quauis Epistola efficaciorē ad commēdandum. Theophrastus silentem fraudem appellabat. Plato prærogatiuam naturæ, quæ paucis soleat contingere. Carneades dicebat ἀδοξοφύητον βασιλείαν, id est regnum absque satellitio. Meminit Eras. Apophtheg. 6. Sunt qui pulchritudinem in tria distinguunt: aliam referunt laudabilem esse, vt formosam faciem:

aliam viui deferuire, vt instrumentum & domum, quæ præterquam quod speciosa sunt, vñsibus nostris commoda etiam sunt. Tertiam legibus studijsque constare, eamque humanæ vitæ commodis maximè consulere. Cuius meminit Diogenes Laert. lib. 3. de Vitis Philosophorum. Hæc in æternum perdurans omnium est preciosissima. Vnde Ouid. 3. Tristium eleganter ait:

*Nempe dat, & quodcunque libet fortuna rapitque,*  
*Irus & est subito, qui modo Crasus erat.*

*Pulchritudo caduca.*

*Singula quid referam, nil non mortale tenemus,*  
*Pectoris exceptis, ingenijque bonis.*

*Multa mutationes, &c. Hoc est, pulchritudo recens producta peramabilis est, temporis autem cursu vitatur: hinc pulcherrime Ouidius de Arte amandi 2. ait:*

*Forma bonum fragile est, quantumque accedit ad annos.*

*Fit minor, & spacio carpitur illa suo,*  
*Nec semper viola, nec semper lilia florent,*  
*Et riget amissa spina relicta rosa.*

*Et tibi iam venient cani, formose, capilli,*  
*Iam venient rugæ, quæ tibi corpus arent.*

*Iam molire animum, qui duret, & astrue formam,*  
*Solus ad extremos permanet ille rogos.*

*Idem tertio Tristium ad filiam Perhillam.*

*Ista decens facies longis vitabitur annis*  
*Rugæque in antiqua fronte senilis erit.*  
*Inijciatque manus forma damnosa senectus,*

Hunc lo-  
cum resti-  
tuendum  
adminui-  
mus.

*Qua strepitum passu non faciente venit.*

Notabis obiter, Aphthonium iuxta suas præceptiones. non ea confirmare, quæ omnino fidem, ut fieri possint non habent. Et Quintilianus lib. 3. c. 6. Illud frequens est, inquit, ut ea quibus minus cōfidimus, omittamus. Hinc silentio præterit, ac transit Daphnen in vndis educari, aut in medijs terræ matris visceribus vitam exigere potuisse. Tractari tamen exercitationis gratia possunt, cum confirmatio atq; refutatio fiat veluti quædam imagines rerum illarum, quæ in veras & iustas causas incidunt, hic seorsim, quasi per lulum tractatæ, ut in his inuentus exercita possit ad veras ac graues causas agendas accommodatio reddi.

*Quæ Deij donant, &c. Sic argumentatur.*

Qui amat pulchritudinem, non hominum sed Deorum munus amplectitur,

*Virtutes labore comparantur, &c.*

Transit ad eam fabulæ partem confirmandam, qua Poetæ dicunt, Daphnen ab insequente Phœbo, teneramq; puellam Deo non fuisse comprehensam. Quod difficile confirmatum visum relinquit, & ad allegoriam transit: Per Daphnen, inquit, virtutem intelliges; per Apollinem virtutis sectatorem. Quemadmodum is qui virtutem sequitur, non facile comprehendit eam, ita Daphne captu difficilis erat Apollini. Etenim difficilia quæ pulchra. Et via virtutis dextrum petit ardua callem, Difficilemque aditum primo spectantibus offert,

*Sed requiem prabet fessis in vertice summo.*

*Mater excipit, &c.* Etenim Terræ propter <sup>Terra om-</sup>merita indiderunt venerationem materni <sup>nium com-</sup>nominis. Nascentes enim excipit, sustinet, po- <sup>munis</sup>strems complectitur gremio, vt Plinius ait li- <sup>mater.</sup>bro 2. cap. 65.

*Apollinis honoris, &c.* Triplicem inquit potissimum vtilitatem adfert Daphne in laurum conuersa, honorem & decus Apollini, Dijs reliquis coronas, quibus exornantur, & diuinandi artis indicium insigne.

*Primitia, &c.* Nouæ fruges. Quas olim ve- <sup>Primitiæ</sup>teres non degustabant, nisi prius τὰς ἀπαρ- <sup>dis debita.</sup>χάς, dijs Sacerdotes immolassent. Vide Eras-  
mum in prouerbio: Μηδ' ὅπ' χυτροῦ ὀδῶν ἀν-  
επιγρεκτῶν ἀνελόντα ἐσθαι μηδὲ λυέσθαι.

# COMPARATIONIS EXEMPLVM

*copiosius à Petro Mosellano tractatum.*

## ARGVMENTVM.

Quod verum sit, quod Virgilius scriptum reliquerit, Didonem amoris impatientia mortem sibi consciuisse: confirmationis exēplum.

**Q**uanta fuerit priscorum hominum industria in comparandis sapientiæ monumentis, quæ posteris suis relinquerent, cum alijs rebus multis constat, tum vel maxime per hoc indicatur, quod quæ eximiæ cuiusdam Phi- <sup>Dido.</sup>losophiæ documenta existimabant, ea non temere literis mandabant, sed musca numerorum suauitate condita posteris legenda tra-

debant. Cuius laudis, ab Hebræis ad Græcos deriuata, vt latini quoque homines participes fierent, si quisquam alius, Virgilius certe effecit. Nam is cum humanarum rerum imaginem in Ænea suo mortalibus proponere, ac per hunc, quid cuique vel sequendum vel fugiendum esset, docere statuisset, non satis habuit fictis interim personis viros effectus representare, id quod alioqui Poetæ spectare solent, verumetiam vera pleraque admiscuit, inter quæ verissima esse censenda sunt, quæ, vt ab infano amore adolescentes deterreat, de Didone Carthagenensium Regina, amoris impatientia mortem sibi consciscente, commemorat: grauiusne an iucundius, nec dum statuo. Narrat enim Æneam, parte classis naufragio amissa, Carthaginem in Africam delatum: vbi cum hospitio Didonis vteretur, Reginem pulcherrimi viri primum admiratione, deinde & amore captam. Postremo amorem consuetudine mutua adeo confirmatum, vt cum Æneam alio vocantibus rebus persequi non liceret, amoris impatientia furere inciperet, seque ipsa interimeret. Quid obsecro apertius, probabiliusque narrari posset? Quid omnino est in toto hoc narrationis contextu tale, quale in fictis argumentis esse solet? Cohærent omnia vilitata sunt omnia, & iam multis consimilibus exemplis probabilia: nec vllum est verbum, quod mendacij suspicionem facere possit. Constat enim, Troia capta, Æneæ una cum



cum socijs domo profugi classem mari sursum  
 ac deorsum iactatam. Constat Didonem fra- *De tempo-*  
 tris iram fugientem in Africam venisse, Car- *ribus con-*  
 thaginem condidisse, regnum nouum institu- *dua Car-*  
 isse. Et quid noui, si Regina similibus casibus *thaginis*  
 iactata profugum Æneam hospitio excepit? Si *mire va-*  
 tanti Herois virtutes tum ex ipsius formæ di- *riant au-*  
 gnitate, tum verborum gravitate mirata est?  
 Si quem admirabatur, eius etiam amore pau-  
 latim ardere cœpit? Primum mulier annis pa-  
 riter & corpore virens. Deinde regali luxu,  
 strepitu lasciuia, & cui quod libuit etiam licuit.  
 Postremo gustatæ quondam genialis dulcedi-  
 nis, desiderio iam dudum ætians, ac maritum  
 sibi destinans? Ipse muliebris sexus per se in-  
 firmus natura sua lubricus est, & cum alijs af-  
 fectibus tum vero maxime amoribus est ob- *Nuptæ e-*  
 noxius. Nam ij quanquam tristem fere exitum *nim quon-*  
 habent, tamen cum ad se homines incautos *dam fue-*  
 inuitant, prima specie, mirum quantum suavi- *runt Si-*  
 tatis, quantum deliciarum, quantum mellis *chæo,*  
 polliceantur. Et quid attinet hic exempla *Amores*  
 commemorare multarum, quæ non vt Dido *illic iti.*  
 ignoscendo, sed illiberali plane, & pudendo a-  
 more superatæ sunt? Quis nescit Pasiphaen,  
 Cretensis Regis filiam, tauri amore correptam  
 insaniuisse? Quis ignorat Clytemnestram Æ-  
 gisthi adulteri amore pollui, quam Agamem-  
 nonis mariti laudatissimi principis triumphal-  
 em reditum expectare maluisse? Et credibile  
 non erit Didonem ab omni parentum ac mari-

tali iure liberam, Reginam luxu barbarico  
diffluentem, Æneæ regij hospitis amore ta-  
ctam fuisse? Sed datis, Æneam Carthaginem  
appulisse, hospitio Didonis vsum, Didonem  
hospitis amore inflammatam. At flammæ eius  
tantam vim non fuisse vt cum Ænea suo po-  
tiri, illa amplius non posset, tum vim ipsa sibi  
attulerit, hoc vero incredibile vobis videtur?  
Quasi vero non sit tantus amoris furor, vt ad  
moriendum viros etiam compellat, nedum  
foeminas. An non audistis Herculem ipsum,  
fortissimum Heroem, quo nomine in Deo-  
rum numerum à supersticiosa antiquitate po-  
situs est, amoris impatientia incendium sibi  
ipsum struxisse; Et, qui affectus fortissimum viri  
pectus expugnauit, foeminam ad suam ipse  
necem adigere non poterit? Vanum autem sit  
hoc exemplum, nisi minores etiam affectus  
hoc à viris sapientiæ opinione clarissimis im-  
petrarunt. Quis inter Philosophos laudatior  
Aristotele? At is cum, quamobrem toties se  
reciprocaret Euripus, inuenire desperasset,  
ipso desperationis mœrore scribitur extin-  
ctus. Quot autem nobiles Romani gloriæ stu-  
dio mortem voluntariam susceperunt? Non Ca-  
to Uticensis superatarum partium ignominia,  
ad suam ipsius cædem impulsus est? Non Lu-  
cretia ereptæ pudicitie dolore, ferrum in se  
ipsa defixit? Quid autem, quod & leuissimi  
affectus, nempe gaudii immoderatus sensus  
matronas aliquot Romanas extinxit? Cre-  
dendum,

*Lutius de-  
cad. 3. l. 3.*

dendum est enim incorruptis Titi Liuij gra-  
uissimi rerum humanarum scriptoris monu-  
mentis. Quod ergo viris & fortitudinis, & sa- *Amor ve-*  
pientiae gloria spectatissimis leuiore animo *hementif-*  
rum motus extorserunt, hoc vehementissimus *simus om-*  
omnium affectuum amor non efficiet? Quis *nium af-*  
ita desipiet, vt hoc credat? Quis non audit *fectuum.*  
vulgo iactari Prouerbum, amanti nihil esse  
difficile? Quis non videt hac causa cæcum pin- *Cupido cur*  
gi Cupidinem, quod qui huius sagittis sunt *cæcus par-*  
saucij, sine sensu vel mortis viuant, nihil reue- *gatur.*  
reantur neque parentes neque amicos, nihil  
exhorreant neque infamiae probra, neque vi-  
tae pericula, sed cæcorum more ipsi se præci-  
pitent. Sed enim Poeta fuit Virgilius, & vul-  
gare est, Poetas fingere omnia. Ridiculum ve-  
ro, non quid, sed à quo quid dicatur attende-  
re, perinde ac si dictorum factorumque veri-  
tas à dicentium scribentiumve persona pen-  
deat. Poetam esse Virgilium non negamus,  
sed nihil veri ab eo scriptum esse, hoc vero  
contendere magna est impudentia. Quid e-  
nim eorum, quæ in Æneæ sui clypeo de Roma-  
nis expressit, vanum est? Neque si aliquoties fi-  
ctis imaginibus veritatem adumbrant Poetæ  
propterea & quicquid versu scribitur, pro fi-  
cto habendum est. Alioqui si versuum men-  
sura non nisi mendacijs adhibetur, quid facie-  
mus Empedocli, quid Lucretio, qui rerum  
naturas versibus sunt prosecuti? quid Lucano  
belli ciuilis historiam hexametris numeris ca-  
nenti?

nenti? imo quid Dauidi, & quibusdam alijs, qui diuino spiritu affati, diuinæ sapientiæ ar- cana vario carminum genere contexuere? Er- rant ergo qui veri fidem Poetis detrahunt, in primis Virgilio, vt quem cum alia multa, tum quæ de Didonis amore commemorat, verissi- me tradidisse, posthac non nisi impudentissi- mus negare possit quisquam.

#### ALIVD CONFIRMATIONIS

*Exemplum.*

#### ARGVMENTVM.

*Arion.*

Verum esse quod Herodotus scripsit, Ario- nem Fidicinem à Delphino Tænarum deue- ctum.

*Exordium  
ab auctoris  
laude.*

**I** Niquus rerum æstimator, & ad faciendam iniuriam natus videri potest, qui mendacij coarguere audeat Herodotum. Cuius historia magna semper cum voluptate atque commo- do sunt lectæ. Quem dulcem & candidum a- cerrimi vir iudicii Quintilianus prædicat. Hu- ius vel censuram longe pluris, quam iniqua multorum Zoilorum iudicia facere merito debent omnes studiosi, & credere omnia, quæ memoriæ prodiderit Herodotus, vt candidissi- ma, sic verissima esse, maxime quæ super Ario- ne conscripserit.

*Ab expo-  
sitione.*

Citharœdum Arionem multas arte Musica diuitias contraxisse memorat, eumque ab in- hiantibus prædæ nautis Corinthiis in mare desilire compulsum cecinisse. Præcipitem au- tem datum, à Delphino exceptum, & cum pre-

preciosis vestimentis, atque cithara saluum  
in terram Laconiam deuectum.

Satis admirari non queo tam obtusi quem- *A manife-*  
piam ingenij esse, cui subobscurum videatur *sto.*

Citharædum ditari, maxime eum, qui in sum-  
mo precio habitus ob singularem artis Musi-  
cæ cognitionem, oculos omnium in se con-  
uerterit, qui non delitijs diffuens, nec prodi-  
gus, sed virtutis studiosus fuerit. amans pa-  
triæ, & amicorum, ad quos redire, vt copia  
sua illorum inopiam subieuarer, decreuerat.  
Et electo pellucetius est, nautas, hominum  
eiusmodi sentinam esse, qui lucri gratia om-  
nium facinorum genera patrare non horref-  
cant. Delphinos autem placidissimos homi-  
num amore capi atque gestatores peramico  
vehendi studio patienter hominem ascenso-  
rem ferre, non est nouum, nec obscurum.  
Nam & Athenæus refert, dilectum à Delphi-  
no puerum, qui vbi cum aliis ex palæstra ad  
mare processisset natabat, natanti autem ex  
pelago Delphinus occurrebat, & dorso suscep-  
tum in altum ferebat, deinde continenti resti-  
tuebat. Et Pausanias lib. 2. memorat; Melicer- *Melicerta.*  
tam in mare cadentem, susceptum à Delphino  
& vectum vsque ad Corinthiacum Isthmum.  
Hæc si cui nondum aperte satis videbuntur,  
paulo post adijciam, quibus intelliget longe  
planiora facta.

Atqui non verisimile est, inquiunt, homi- *A credibi-*  
nem in supremo capitis periculo, summoque li-  
luctu



luctu canere potuisse. Sed ignorant stolidi, virum (qualis sine controuersia fuit Arion) sapientem, nullis aduersis casibus succumbere, nec animum despondere. sed omnia fortunæ truculentioris ludibria, veluti iocos meros, ad ludos æstimare solitum: vt non immerito Horatius dixerit:

*Ad summum sapiens vno minor est Ioue, diues,  
Liber, honoratus, pulcher, Rex denique Regum,  
Quem neque pauperies, neque mors, neque vincula  
terrent.*

*Fortis, & in seipso totus teres atque rotundus.*

Cur igitur à fide alienum videatur, aduersitatis tempore talem Arionem apparuisse, qualis fuerit in prospero? Cur non verisimile sit, in mortis contemptu se velut ad nuptiales epulas iturum, vestimento exornasse, cecinisse item vocelata, quo viri fortioris intrepidum animum declararet. Imbutus Philosophico studio didicit mortem non fore timendam, nec malam putandam, quam bona vita præcessisset. Arridebat exemplum Socratis, qui moriens etiam iocatus est. Nam cum frigerent ei præcordia; Debemus, inquit, ô Crito, Gallum Æsculapio: perinde quasi sumpta potione medica conualuisset:

*A possibili.* Sed quo pacto fieri potuit, inquiunt, vt à belua, & eadem velocissima, potuerit per fluctuum procellas deportari? Memorabilium cunctarum rerum expertes viri nimis ignorant dorsum Delphini repandum esse, eoque veluti

veluti receptaculo Arionem à procellarum  
 impetu atque impullu tutum confedisse. Ig-  
 norant Delphinum non tantum hominis ami-  
 cum animal, verum & Musica arte mulceri,  
 symphonix cantu, & præcipue hydraulico sono  
 capi. Hominem non expauescit vt alienum,  
 pro voce gemitus humano similis, obuiam  
 nauigijs venit, alludit exultans, certat etiam,  
 & quamuis plena præterit vela. D. Augusto  
 principe, Lucrinum lacum inuectus Delphi-  
 nus, pauperis cuiusdam puerum ex Baiano  
 Puteolos in ludum literarium itantem cum  
 meridiano immorans appellatum eum Simo-  
 nis nomine sæpius fragmentis panis, quem ob  
 id ferebat, allexisset, miro amore dilexit, quo-  
 cunque diei tempore inclamatus à puero  
 (quamuis occultus, atque abditus) ex imo ad-  
 uolabat, pastusque è manu præbebat ascensu-  
 ro dorsum, pennæ aculeos velut vagina con-  
 dens, receptumque Puteolos per magnum  
 æquor in ludum ferebat. Simili modo reue-  
 hens pluribus annis, donec morbo extincto  
 puero subinde ad consuetum locum ventitâs,  
 tristis, & mœrenti similis ipse quoque (quod  
 nemo dubitauit) desiderio expirauit. Alius in  
 Africolitore Hipponis Diarrhyti simili mo-  
 do ex hominis manibus vescens, terensque se  
 tractandum, & alludens natantibus, imposi-  
 tosque portans; vnguento perunctus à Fla-  
 uiano Proconsule Africæ, & sopitus (vt appa-  
 ruit) odoris nouitate, fluctuantque similis ex-  
 animi,

animi, caruit hominum conuersatione, vt iniuria fugatus, per aliquot menses mox reuersus, in eodem miraculo tuit. Similia de puero in lasso vrbe Curia memorantur, cuius amore captus Delphinus, dum abeuntem in littus auidius sequitur, in arenam inuectus, expirauit. Puerum Alexander Magnus Babylone Neptuni sacerdotio praefecit, amorem illum numinis propitij fuisse interpretatus. In eadem vrbe lasso. Egesidemus scribit, & alium puerum, Hermiam nomine, similiter maria perequirantem (cum repentinae procellae fluctibus exanimatus esset) relatum, Delphinumque causam lethi fatentem, non reuersum in maria, atque in sicco expirasse. Hoc idem & Nautapacti accidisse Theophrastus tradit. Nec modus exemplorum. Eadem Amphilochoij & Tarentini de pueris Delphinisque narrant: quae faciant, vt credatur esse possibile, Arionem citharœdicæ artis interficere cum nautis in mari parantibus, ad intercipiendos eius questus eblanditum, vt prius caneret cithara, congregatis, cantu Delphinis, cum se iecisset in mare, exceptum ab vno, Tænarumque in littus peruectum, vt ait Plinius lib. 9. cap. 8. Plura apud Plinium libr. Epistolarum 9. ad Caninium. Eadem habet Gellius lib. 7. ca. 8.

*Aconsequenti.*

Quare non hiulca, nec dissoluta videantur Herodoti scripta, veluti puluerem (vt aiunt) oculis offundentia, quibus asserit infracti pectoris Arionem in summo discrimine rerum cecidi-

ceciniſſe, præclarumque virtutis ſuæ ſpecimen, atque documentum dediffe. A muſices item amatore Delphino citharœdum per maria vectum, incolumemque conſervatum.

Iam inter vehendum quid magis Arionem *A. decoro.* decere potuiſſet, quam grati animi ſpecimen exhibere, atque animalium amiciffimum homini vectorem dulcedine cantus oblectare? Et quid Delphino magis conuenire, quam quod cum hominibus habere gaudet amicitiae fœdus, iſſis rebus comprobare officioque vehendi gratiam, quam optime nouit atque potuit, referre? Teſtimonio ſit Coeranus ille *Coeranus.* Mileſius, qui Delphinum à piſcatoribus caprum iam interficiendum precio redemptum, mari reddidit. Poſtea naui, in qua Coeranus erat ſubmerſa & omnibus necatis, ab eodem Delphino conſervatus fuit. Deinde illo in patria Mileto mortuo, ac in littus elato, Delphinorum agmen apparuit non procul, tanquam funeri præſens, & opem laturum, vt ſcribit Athenæus.

Quod ſi præſentis hiftoriæ memoratu digniſſimæ nullus alius eſſet uſus aut commoditas, tamen magna fatiſ illa quod non ſolum minimarum, verum etiam maximarum beſtiarum naturas ſcrutari nos diſcamus, ipſum rerum conditorem Deum Opt. Max. in ſuis operibus admirari, atque in mirabilibus eiſ exercitijs glorificare. Etenim, cui tam Bœotica (quod aiunt) auris eſt vel ingenium qui con-

templatus formicarum, aut apum naturas, nõ admiretur ipsum creatorem? Et qui considerans docilitatem, clementiam & intellectum in Elephantis, atque Delphinis, non rapiatur ad Dei omnium productoris obseruantiam? Deinde iudicij sanioris adolescens, cum penderit, tantam in bestijs mansuetudinem, statim colliget se, cum homo sit, humanitate singulari præditum, hominemque non homini lupum esse debere, secum reputando, cætera animantia rationis expertia, non tantum in suo genere probe viuere, sed etiam dissimili tantam beneuolentiam exhibere. At (quod turpe relatu) nulla rabies maior, quam hominis. Bruta congregari videmus aliquando, & stare contra dissimilia. Leonum feritas inter se non dimicat. Serpentum morsus non petit serpentem. At hercle plurima homini sunt ex homine mala, vt Plinius ait, lib. 7.

*Conclusio.*

Finem dicendi faciam, nihil ambigens, quin apud omnes veritatis, rerumque memorabilium studiosos, Herodoti scripta sacrosancta velut Apollinis oracula sint futura.

#### ALIVD CONFIRMATIONIS

*Exemplum.*

#### ARGVMENTVM.

Verum esse, cum remigibus grunnisse Elpenora porcis.

*Exordium  
à laude.*

**C**VM in Poetis numen quoddam effulgeat, & eorum spiritus sedibus æthereis veniat, quis tam impudens vitilicigat, qui maledi-



maledictis audeat illos proscindere, diuinorumque homines genuino dente mordere? Ego certe vates vt sacros veneror, & osculor eorum scripta, maxime quæ memoriæ prodiderunt de Elpenore.

Quam pulcherrimo veritatis inuolucro fin- *Ab exposi-*  
xerunt, vnum sociorum Vlyssis, in porcum à *tione.*  
Circe per pocula transformatum?

Et puero perspicuum est, & τὸ φανερόν, id- *A mani-*  
est, & cæco clarum, beluinis moribus, ac in- *fecto.*  
genio ferino præditos homines, ab omni humanitate atque ratione vacuos in brutorum animalium naturas transire.

Ratio præstantissima hominis pars est, at- *A credibili.*  
que lumen vnicum: quam si libido vel ebrietas extinxerit, quid aliud, quæso, nisi sub humana specie latitans Epicuri de grege porcus, relinquetur? Etenim in pecudum, ferarumque animalium numero habetur, quisquis est ferinis voluptatibus præuinctus.

Cum dolosus luctator vinum, non modo *A possibili.*  
pedes soleat constringere, sed etiam omnes animi vigores profligare, atque mente captos tenere, vt ab antiquis significatissimo vocabulo remetum sit appellatum. Præterea, cum animi clauo cupidinis transfixi, rationis omnis expertes euadant, cur quæso, Elpenor, ad pocula & libidinem procliuiis, sub hominis figura porcus, hoc est, ratione carens animal esse non potuit?

Sus gaudet volutabro luti, foedus (vt Elpe-

nor) homo voluptates beluinas sectatur, ac porcinam vorandi audiatem, cumque Philoxeno gruis collum exoptat. Vide Gellium lib. 19. cap. 2.

*A decenti.* Porci natura maxime quadrat in libidinosos & ebriosos, quos prouerbio porcos Acarnanios vocant, qui sensus tantum cum bestiis communes habent, in pecudes sua sponte conuersi per libidinem, & quam Seneca vocat insaniam voluntariam ebrietatem.

*A confe-  
renti.*

Iam, quæ commoditas ex præclaro isto Poetarum figmento promanet, audi. Elpenor in pecudem transformatus monet omnes bonarum literarum atque virtutis studiosos, ut pocula Circes, hoc est, voluptatis illecebras, tanquam nocentissimam pestem fugiant, ac ipsum Elpenora, non secus atque Helotarum Spartiatarum vnum, detestantes, turpissima libidinis & ebrietatis crimina deuitent. Illud Virgilij semper fixum in pectoribus habentes:

*Compeditus Venerem, vinculis constringe Liaum,  
Ne te muneribus perdat vterque suus.*

*Epilogus.*

Merito igitur honore prosequi debemus, ut alia, sic præsentia de Elpenore scripta Poetarum, quos non iniuria sacros, & diuum curam Ouidius appellauit.

EXEMPLA varijs ex autoribus multa consimilia, & ingenij & styli exercendi gratia, poteris colligere, atq; iuxta præscriptos ab Aphthonio locos, tractare, ut,

Verum

Verum esse, quod Horatius Cocles armorum pondere grauatus, Tyberim tranauerit. Cuius meminit Liuius lib. 2. ab Vrbe. Valerius libr. 3. cap. 2.

Item: verum esse, quod M. Valerius Corvinus pugnae victoriam auxilio corui obtinuerit. De quo Liuius ab V. C. 7. Valerius lib. 8. ca. 16. Gell. lib. 9. cap. 11. vel etiam falsum esse, ex Quint. lib. 2. ca. 4.

LOCVS COMMVNIS

ΚΟΙΝΟΣ ΤΟΠΟΣ.

**L**ocus communis, est oratio, bona aut mala, quae alicui insunt, augmentans. <sup>Locos</sup> Dictus autem est communis, quod omnibus, qui ei rei, de qua agitur primi participes sunt, communiter conueniat, atque congruat. <sup>clarunt,</sup> Oratio enim in proditorem omnibus in commune proditori obnoxij aptatur. <sup>Protogoras, Gorgias, Prodicus, Tra-</sup> Deuterologia, id est argumentationi iam peracta, & epilogo similis est. Quare locus communis non habet prooemium, at- <sup>symachus</sup> tamen iuniorum exercendorum causa, quandam <sup>Quintil.</sup> prooemij formam licebit fingere, cui subdere capita: <sup>lib 1. ca. 1.</sup> Primum ex contrario, hinc rei expositionem, non <sup>ij autem</sup> magnam <sup>magnum</sup> tanquam doceas, res enim nota est, sed ut auditorem <sup>vini affe-</sup> incites, aut exasperes. Post hanc afferes comparationem, qua ex collatione id, de quo agitur, in maius extollas. <sup>rum animi iudicium, teste</sup> Postmodum collocabis sententiam, vel mentem. <sup>eodem</sup> caput sic vocatum, exprobrans, aut calumnians a- <sup>Quint. lib.</sup> gentis intentionem. Deinde coniecturali digressionem. <sup>1. ca. 13.</sup> vitam praeteritam, in criminum suspicionem deuocabis, deinde misericordia exclusionem. In fine autem huius praexercitationis, pones capita finalia.

Legitimum,  
Iustum,  
Vtile,  
Possibile,  
Honestum,  
Euenturum.

EXEMPLVM LOCI COMMVNIS  
contra tyrannidis affectatorem.

PROOEMIUM PRIMVM.

**Q**uemadmodum legibus constitutum est, ipsaque apud nos iudicia censuerunt, ut legibus poenas luat is, cuius scelere leges nulla fuerant amplius permansura. Quod si praesenti liberatus supplicio, foret equabilior se se praebiturus, aut vitam popularem ducturus, illi forsitan aliquis poenam remittere posset, cum vero elapsus in praesentia, sit longe violentior euasurus, iniustum certe fuerit insecutura tyrannidis initium praesenti delicto condonari.

SECVNDI PROOEMII

FORMA.

A contra-  
rio.

**E**x aliorum absolutione reorum non magnum fortasse ludicibus periculum fuerit emersurum: Verum si Tyrannus abierit impunitus, certum est, ad ipsos Iudices praecipuum discrimen deuolutum iri, quos cum ipsis legibus è medio tollent, potientes reorum Tyranni.

Videmini autem mihi, Iudices, in eius solum, quod in praesentia est, contemplatione mentem habere defixam, virtutis, seueritatisque maiorum nostrorum

Breues **E**obliti quorum iustius erat reputare, animoque prae-  
mutabiles ponere sententiam, qui nobis velut maximum in-  
compara-

comparabileq; munus Remp. omni dominatione va-  
 cuam, sicut unq; reliquerunt. Optime quidem illi, at-  
 que rectissime. Quando enim fortuna ipsa varietate  
 sua inconstantem se, diuersamque hominibus prabet:  
 Proinde mentes quoque hominum ad recte, secusque indulget.  
 agendum multiplici flexu trahuntur. Hinc inaequali-  
 tati fortuna legum aequalitatem opposuerunt, insti-  
 tueruntque Rempubl. velut vnam ciuium omnium  
 sententiam facientes, vt fortunam nunc prementem  
 res cuiusque, nunc extollentem, legum constantia a-  
 quaret, essetq; in ciuitatibus lex correctio malorum,  
 qua fortuna patraffet.

Cuius iste aut immemor, aut contemptor po-  
 tius, scelestissima secum consilia instituit, vt Rempu-  
 blicam deleteret, taliaq; secum differebat: Quorsum hoc  
 ergo, per Deos immortales? Supra omnes positus, om-  
 nibus me patiar aequari? Frustraque permitto cu-  
 mulare diuitias mihi fortunam, si eadem qua vul-  
 gus, faciam, eadem feram, & quod collecti pauperes  
 iudicant, quodque multis videtur, id mihi tanquam  
 lex obseruandum erit? Quousque ergo hac? Quis  
 modus erit, aut horum qua liberatio? Occupabo  
 arcem, & pessime periuras longe abigam leges,  
 eroque reliquus ego lex potius, quam reliqui mi-  
 hi. Hac ipse secum reuoluebat, nondum vero voto-  
 rum suorum finem assecutus: obstitit enim beneuo-  
 lentia Deorum. Quid ergo? non iniquissimum est,  
 si propter ea, qua frustra conatus est, summam Dijs  
 gratiam debemus, propter eadem hac hunc hodie  
 conseruare?

Sceleratus est homicida, sceleratior tamen multo

A compa-  
 ratione.



Tyrannus. Ille enim vnum, quicumque fuerit, perimit: hic vero totas conuellit ciuitatis fortunas. Quanto ergo minus est, parum offendere, aut vnum necare, quam omneis occidere, tanto minus est homicida matum, quam atrox tyranni crimen. In aliis autem rebus euenit plerumque, ut tamen si grauissima admiserint, mentem eximant delicto, animoque defendantur. Solus autem Tyrannus fiduciam non habet ut iniuriam se dicere queat tantum scelus suscepisse. Itaque si inuitus tyrannidem fuisset aggressus, esset fortasse ratio aliqua huius ipsum conatus absoluere. Verum cum ante rem attentatam ipse multam secum diuque deliberauerit, quomodo iustum cuique videbitur, culpa carere ipsum, qui ante opera mente quoque factus est tyrannus?

A digres-  
sione in-  
coniectura-  
le causam.

Alii ergo, quocumque in ius vocantur rei, praesentis solum criminis rationem repossuntur, & propter prioris vita recte facta saepius absoluntur, praesentibusque delictis ignoscitur. Solus vero Tyrannus viri- usque temporis iudicium subeat oportet. Liqueat enim quam immodeste atque immoderate vitam praeteritam, & quam crudeliter praesentem exegerit ipse. Itaque virarumque det poenas, & eorum quae ante, & eorum quae praesentis sceleris conatu deliquit.

Ab exclu-  
sione misce-  
ricordiae.

Libet autem videre cuius preces, praesenti ipsum discrimini sint exemptura. Liberi nempe? Verum cum supplicantes vobis flentesque, illos videbitur, putate vobis assistere leges, quarum vos respectu moueri multo rectius est, quam liberorum ipsius. Illos enim sperata dominationis fuerat relicturus haeredes, leges vero, quod iudicandi, decernendique de ipso potest.

testatem habetis prastant. Itaque per quas, quod iudices estis, vobis datur, pro eis iustius fuerit vos sententiam ferre.

Si enim recte leges iubent eos, qui patriam in libertatem asserunt, honoribus afficiendos esse, necessario relinquitur, eos, qui in seruitutem redigere conantur, esse puniendos. A legitimo

Iustum autem est, ut tantum vobis det pœnarum, quantum ipse sceleris admisit. A iusto.

Quod si Tyrannus occubuerit, id magno vobis vsui futurum est. Quoniam firma praestructo confirmandi leges erit. Ab utili.

Facile autem & expeditum erit, de ipso sumere supplicium. Neque enim quemadmodum ipse ad asserendam tyrannidem satellitibus, ita vos ad opprimendum ipsum auxilii opus habetis. Sed sufficit (iudices) sola vestra sententia, cuius cum a Republ. ius, potestatemq; acceperitis, pulcherrimum quoque erit, pro Reip. salute ipsam experiri. A facili & possibili.

Qua facili cognitione totam hanc praesentem tyrannidus potestatem auferetur.

#### SCHOLIA.

Locus communis &c. Principio loci communes sunt, quas rerum formas appellant, quæ ferre in vsum rerum humanarum & literarum cadunt, ut fortuna, opes, honores, vita, mors, virtus, prudentia, iustitia, liberalitas, temperantia, & in his contraria, ut ait Melanchthon primo Rhetoricorum. De quorum vsu optimè scripserunt, Rodolphus Agricola in Epistola de ratione studij. Et Erasmi. 3. Copiæ.

K s

Sunt

Sunt item qui alia in causa à defensoribus, alia ab accusatoribus communiter tractantur. Horum locus communis, augere peccati atrocitatem, & dicere, malorum non oportere misereri: Illorum misericordiam captare, & illata crimina extenuare.

*Locus*

*communis.*

ITEM: Communes loci cum accusatorum, tum defensorum, à testibus contra testes, à quæstionibus contra quæstiones, ab argumentis, à rumoribus, & contra: de quibus Cicero ad Herennium 3. Et Georgius Trapezuntius Rhet. 2.

ITEM: Communes loci (de quibus potissimum Aphthonius loquitur,) sunt quibus circa personas in ipsa vitia moris erat perorare, vt in adulterum, aleatorem, poculatorem vt ait Quintil. lib. 2. cap. 4.

Communes autem dicti sunt ideo, quia quamuis contra hunc aut illum dici videantur, tamen ad vniuersos criminis reos referantur necesse est, vt ait Trapez.

*Argumentans, &c.* Hoc est, per locum communem amplificamus vel augemus virtutes, quæ bonis: vel crimina, quæ sceleratis insunt: illic per conquestionem misericordia captatur, hic peccatorum atrocitas exaugetur. Quod quibus rationibus fieri debeat, ostendit Cicero in fine lib. 2. ad Herennium.

*Deuterologia, &c.* Agricola secundam rationem reddidit. Quoniam locus communis post accusatorum argumentationes, quibus pri-

mo noxij manifestantur, & conuicti, supplicij digni relinquuntur, solet tractari. Vnde Quintilianus ait, ex medijs iudicijs esse. Et *Lib. 2. c. 4.* Priscianus ita definit: Locus communis exaggerationem habet manifestæ rei quasi ex argumentationibus iam peractis. Non enim quærimus in hoc, an iste sacrilegus vel vir fortis sit, sed rei conuictæ, & manifestæ exaggerationem facimus, qui tamen legibus supplicium sit definitum, vel præmium. Rodolphus Agricola lib. 2. cap. 14. Loci communes, inquit, vt Rhetores vocant, non sunt aliud, quam maiores ratiocinationum propositiones, vt quæ in proditorem, in veneficum, adulterum, sicarium dicuntur. Cum volumus enim probare, Cælium damnandum, ostendimus veneficum eum esse: quod vbi explicatum est, quid restat aliud, quod ratiocinationi desit, nisi maior? Veneficus est damnandus.

*Epilogo simili, &c.* In Conclusionem præter enumerationem sunt Amplificatio & Commiseratio. Illa per locos præscriptos à Cicerone communes instigationis auditorum augendique criminis causa sumitur: Hac item per locos suos commouetur misericordia animus auditoris. Ergo conclusioni similis est locus communis, quem item bonorum & malorum, quæ alicui insunt, nos amplificatiuum sermonem appellamus, λόγον αὐξητικὸν Græci.

*Res enim nota est, &c.* Hoc est, postquam forma quædam, proœmij fuerit posita, & à contrario

trario locus, tum subiungens ἐκθεσις, id est, expositionem, vt auditorem in odium maleficij rapias, ac instiges, non probes, nec doceas rei declaratum antea crimen.

*In maius extollas, &c.* Hoc est flagitium in quod fueris inuectus, ostendes longe grauius esse, atque atrocius illo cum quo contuleris, vt sacrilegum peculatore deteriorem.

*Sententia.* *Sententiam vel mentem, &c.* Sententiam veteres, quod animo sensissent, vt supra dictum est, vocauerunt, Græci γνώμην appellant. Quod consilium mente conceptum, atque voluntatem quoque significat. Vult igitur Aphthonius, vt aperiemus, quo animo, vel rationis impulsu, & quibus consilijs reus ad maleficium accesserit.

*Coniectura.* *Coniecturali, &c.* Coniecturam à coniectu, id est, directione quadam rationis ad veritatem appellatam ait Quint. li. 3. c. 7. Hinc coniecturalis causa, cuius Cicero ponit sex partes. Et primam vocat argumentationem pōbabilem, diuiditque in causam & in vitam: illa per ratiocinationem, hæc ex ante factis superstructiones administrat.

*Coniecturalis causa.* *Misericordia exclusionem, &c.* Ελέξ ἐκβολή, amouendam ait misericordiam esse, & neminem iustum oportere malorum misereri.

*Tyrannus.* *Leges nullæ, &c.* Tyranni periphrasis est, in quem præsens huic locus communis est institutus. Verum Tyrannus olim dicebatur fortis & dominus bonus, plenam in subditos potestatem



statem habens. Vnde Virgilius in 7. Æneam suum, quem pium semper esse voluit, Tyrannum dixit, inquiring.

*Pars mihi pax erit, dextram tetigisse Tyranni.*

Postea viribus imperij per superbiam cœperunt abuti: Vnde Tyranni nomen ad eos restrictum est, qui per insolentiam abutuntur imperijs, & Rempubl. opprimunt, rediguntque in seruitutem. Cum his (inquit Cicero Officiorum 3.) nulla nobis est societas, sed potius summa distractio. Omne hoc genus pestiferum atque impium ex hominum communitate exterminandum est, &c. Idem 2. Phil. Satis est viris fortibus, didicisse, quam sit pulchrum, beneficio gratum, fama gloriosum, Tyrannum occidere. Idem pro Milone: Græci homines Deorum honores tribuunt ijs viris, qui Tyrannos necauerunt. Quæ ego vidi Athenis, quæ alijs in vrbibus Græciæ? quas res diuinas talibus instituras viris? quos cantus? quæ carmina? prope ad immortalitatem, & religionem, & memoriam consecrantur, &c. Præterea lex olim erat. Tyrannicidæ imago in gymnasio ponatur. Cuius meminit Quintil. lib. 7. ca. 8.

*Videmini, &c.* Aphthonius δοκεῖ τε δὲ μοι μάλλον περὶ τῆς ἑπαρόντος διανοίας ἀκρίβειαν κρῖναι, εἰ τὰς τῶν πραγμάτων λογισθῆς γνώμας. Longe, inquit, diligentius, & exactius (mea sententia) iudicaretis in re præsentī, si maiorum nostrorum iudicia ante oculos vestros pone-

ponere velletis, Iudices minimum indulgentes ac remissos arguit. Maiores autem è contrario diligentiores asserit enituisse. Illos pati Remp. opprimi, hos in libertatem adseruisse, & legum iustitiam opposuisse iniustis fortunæ impulsibus ad maleficia. Est enim locus è contrario?

*Fortuna*

*Hinc illud*

*Hor. lib. 3.*

*car. od. 19.*

*Fortuna*

*sæuo leta*

*negocio,*

*Ludum*

*insolentem*

*ludere per-*

*tinax,*

*Transinu-*

*tat incer-*

*tos hono-*

*res, Nunc*

*mibi nunc*

*alij beni-*

*gna,*

*Fortuna varietate sua, &c.* Fortuna potens, inuariabilis appellatur à Virgilio, quam deam veteres arbitrati, in tota ratione mortalium solam vtramque paginam facere credebant, & omnes casus humanos adsignabant illi, vt hominum mentes impellenti, nunc ad maleficia, nunc ad virtutum studia. Vnde Quintus Curtius lib. de rebus Alexandri inquit. Etiam naturam plerumque fortuna corrumpit. libr. 8. Quis neget eximiam quoque gloriam sapius fortunæ quam virtutis esse beneficium? Hinc Aphthonius ait, prudenter à maioribus institutum, vt leges decernerent malis poenas, bonis autem præmia virtutis.

*Attentatam rem, &c.* Id est, Misericordiam Tyrannus mereretur, si peccasset imprudenter, & inconsulto; sed cum factus sit studiose, atque dedita opera Tyrannus, erit puniendus: voluntario enim crimini nulla debet esse veniæ spes, nec ignoscendi facultas parata.

*Inuitum se dicere, &c.* Hoc est crimini suo nihil poterit prætexere, non dicere quod inuitus, vel per imprudentiam scelus suscepit. Et

in testamento veteri legibus ijs urbem profugij paratam fuisse, qui nescientes aliquem percussissent, vt si ferrum in sylua manum succidentis ligna fugerit, & occiderit hominem Deut. 19.

*Liberorum ipsius, &c.* Hoc est, filiorum atque filiarum. Vide Gellium lib. 2. cap. 13.

*Quarum respectu moueri, &c.* τὴν ψῆφον ἐπι-  
τεγχεῖν, id est, suffragia ferre. Multo iustius est, inquit, pro legibus suffragia ferre, easque defendere, quam Tyrannorum liberos fauore prosequi. Illarum enim beneficio iustitia floret, & Iudices libere sententiam pronunciant, sed horum maleficio, cum Iudicibus æquitas è medio tollitur.

LOCVS COMMVNIS IN VILLARVM  
*ac urbium incensores.*

**H**ominum impiorum nulli grauioribus *Exordium*  
supplicijs afficiendi sunt, quam ij, quo- *incendiariis*  
rum maleficio contingit, vt funditus per incendia pereat, quod à iustitia suum vnique fuit attributum.

Quorsum attineret Deorum clementia da- *Contra-*  
tas esse facultates, si liceret impune maleficis *rio.*  
eas per crudelissima scelera tollere, vel omnino flammis abolere?

Quid in rerum natura poterit atrocius esse *Ab exposi-*  
quam omnia loca miserabilibus lamentis, *tione.*  
cunctasq; domos eiulationibus querulis com-  
plere, vrbes incensionibus, internecione ciues,  
vastitate regiones, ruina crudelissima Respub.  
perde-

perdere, & breuiter omnia, quibus humana vita carere non potest, flammis absumere?

Quibus longe minores sunt fures, aut sicarij. Hi vnius atque alterius bona diripiunt, aut rerum inopia protrusi, vnum aliquem occidunt, at illi Respub. omnes euerunt, & vniuersa tollunt è medio.

*A sententia.*

Facinori voluntario nulla esse debet parata excusatio, imprudentiæ iusta est deprecatio. Nulla igitur venia digni sunt isti, qui consulto maleficia susceperunt, ac sua sponte propter lucellum, omnia immaniter exusserunt, sola nosendi libidine, & peruersitate mentis impulsæ.

*A coniecturali digressionem.*

Cum vitam præteritam adeo turpiter exegerint, vt nulla spes melioris sit insequentis, Iudices, iniuste facietis, si eos dimiseritis. Quippe vix vnquam ad bonam frugem peruenturi sunt, quos ad omnia flagitiorum genera rapuit assidua peccandi consuetudo.

*Est enim consuetudo natura ipsa potentior.*  
*Q. Curt. lib 5.*

Quis poterit istorum misereri, quos non publicus luctus ad misericordiam traxit, non tot matronarum ac puerorum eiulatus flexere, non tot virorum singultus atque calamitates maximæ permouere, nedum à teterrimo crimine potuerunt detertere.

*Ab exclusionem misericordiae.*

Fas & iura sinunt, voluntque vt ij poenas se dignas exoluant, qui iustitiæ leges violando crudeliter vniuersam Remp. affligerunt, fortunæque omnium irreparabili damno funditus perdidierunt.

*Quis*

# PROGYMNASMATA. 177

Quis tam peruersi Iudicij poterit esse, cui *A legitimo*  
videatur iniquum, eos tantis incommodis at-  
que pœnis adficere, quanta bonis innocenti- *A iusto.*  
bus intulerunt, tantisque supplicijs excrucia-  
re, quanta meruerunt eorum maleficia?

Sumpro de sceleratissimis hominibus sup- *Ab otio.*  
plicio fiet, vt Respublic. liberata possit respi-  
rare: Item boni ciues, quibuscunque rationi-  
bus valuerint, sua teſta restaurare, & in me-  
liorem, aut saltem priſtinam conditionem, at-  
que dignitatem reſtituere.

Tanta vobis, Iudices, eſt diuinitus conceſſa *A poſſibili.*  
potestas, vt citra magnum negocium malefi-  
cos tollere, tanta item facultas, vt pro iure ve-  
ſtro Rempub. afflicta ſuffulcire poſſitis, & in  
libertatem aſſerere.

Nihil magis poterit Iudices æquiſſimos de- *Ab honeſto*  
cere, quam rerum publicarum hoſtes oppri-  
mere. Nihil magis glorioſum æſtimari, quam  
proſpicere, ne quid damni boni ciues capiant.

Poſtquam pœnas de reis hiſce dignas ſum-  
pſeritis, fenestram criminibus reliquis clauſu-  
ri eſtis. Nam eorum exemplis multi deterri-  
ceſſabunt à peccando, qui alias ad nocendum  
promptiores ſunt futuri. Reſpiſcent multi, v-  
bi cognouerint mala conſilia conſultoribus  
peſſima cecidiſſe.

## ALIUD LOCI COMMVNIS

*Exemplum, in ebrium.*

**I**N Republ. veſtra, Iudices, prudenter inſti- *Exordium*  
tuta non ferre ſoletis vlla etiam leuia cri-  
mina,



*Ebrietas.* mina, quanto minus vobis toleranda est ebrietas, omnium scelerum teterrima, vnde velut alto gurgite profluunt omnia vitiorum genera, promanatque corporum & animarum perniciies certa.

*A contra-  
vio.* In homine rem præstantissimam nouimus esse rationem, bonamque valetudinem, vtrumque obnubilat, imo disperdit fœda temulentia, vtrumque conseruat diuina sobrietatis virtus, quæ omnium bonorum est origo, sicut illa malorum.

*Ab exposi-  
tione.* Tolerabilior rei præsentis esset causa si vinorarius sese ingurgitaret, sed nullam meretur veniam, qui cum bestia quotidie cothonsillans sese poculis obruat. Qui toties ab amicis admonitus non desinit, ab adfinibus obiurgatus non cessat ebrietatem sectari, & iuxta prouerbium, canis ad vomitum reuerti, & sus ad volutabrum cœni. Noctes atque dies in ganeis, in lustris pergræcatur, clamat, rixatur, pugnat.

*A compa-  
ratione.* Quemadmodum amor turpis nihil boni procreat, sic item ebrietas, ingeniorum teterrima perniciies. Et reliqui morbi partem aliquam corporis solent corripere, non diuinam in homine particulam adoriri, pestilentissimus omnium est ebrietas, hoc est rationis priuatio, quæ temulentia dicta, quod animi vigorem debilitet. Veteres enim temetum appellauere vinum, ex eo, quod tentet atque labefactet mentem.

Alios imprudentia, casus, atque fata ad pec- *Aseruen-*  
candum trahunt: ebriosi sponte sua rapiuntur *tia.*  
ad male faciendum. Vnde Seneca ebrietatem  
nihil aliud ait esse, quam voluntariam insa-  
niam; Epistolarum 12.

Non potuit vitam præsentem honeste trans- *A vita an-*  
igere, qui præteritam turpissime traducendo, *tecedente.*  
se puto, quod aiunt, argenteo non desijt in- *Putco ar-*  
gurgitare. Documento sunt libidines porten- *genteo se*  
tosæ, genæ pendulæ, oculorum vlcera, tremu- *ingurgi-*  
læ manus, quas aliquando vidistis effundere *tare.*  
plena vasa. Hæc omnia præmia sunt ebrietatis *Inconti-*  
& vitæ turpiter exactæ euidentia signa. Vide *nentia in*  
Plinium lib. 14. cap. ultimo. *commoda,*  
*vide ex*

Nulla ratione parcendum est illi, qui con- *Socrate a-*  
sulto facinus patrat, & sua sponte se conuertit *pud Xeno.*  
in bestiam: quod facit ebriosus homo, cuius *Memorab.*  
turpissima flagitia sine vlla misericordia re- *A miseri-*  
primere debetis, & exemplis innocentem edi- *cordie ex-*  
tis reliquos à peccando deterrere. *clusione.*  
*A legiti-*  
*mo.*

Cum, iuxta Ciceronis sententiam, Lex sit  
recti præceptio, prauique depulsio, rectissime  
feceritis, si (quod leges vestræ volunt) teter-  
rimum hoc ebrietatis crimen è medio tuleri-  
tis: quo facto, vitijs omnibus repurgatam  
Rempubl. estis habituri.

Vos ideo magistratu fungimini, & gladios *A iusto,*  
geritis, vt fontes puniatis, & innocentes tuc *honesto,*  
mini. Nihil igitur iustius, nihil honestius fa- *utili, pos-*  
cere poteritis, quam si fortiter officio vestro *sibili.*  
functuri, in bestiam hanc ebriosam grauiter *Gladios*  
magistra- *cur gerant*  
*anim-*

animaduuerteritis. Nec erit quod ab illo vobis metuere debeatis, cum neminem sui criminis defensorem habeat, & eius omni vigore corpus exhaustum, vinoque debilitatus sit animus. Noxium igitur dignis modis tractate, quod non solum Reipublicæ vestræ futurum est utile exemplum, atque salutare, sed etiam gratum Deo, qui maximo odio prosequitur ebrietatem. Vnde apud Esaiam inquit: Væ qui confurgitis mane ad ebrietatem sectandam, & potandum vsque ad vesperam, vt vino æstuetis &c. Sed non opus ratione longa vobis quibus persuasum esse scio, ebrietatem crimen esse teterrimum, nec leui supplicio tollendum.

*Epilogus.*

IDEM ARGVMENTVM VENV-  
stius ac copiosius tractatum à Petro  
Mosellano.

**V**Ereor plurimum, ne qui sobrij sunt, operam hanc meam in ebrios dicendi superuacaneam rideant: dicent enim sobrijs castigatione hac nihil opus esse: ebrios autem sic vino sepultos, vt nullius vocē exaudiant, nullius admonitionem intelligant, nullius obiurgationis asperitatem sentiant. Nimirum quod vt corpus mortui nullis punctis, sic ebrij animus nullis monitis excitari posse videatur. Quanquam autem optabile esset, non sæpe operam ludi in corrigendis ijs qui in vitijs suis sic obduruere, vt omnem medicinæ spem excludant, tamen quia sunt, qui certis interval-

lis ex tanti mali sopore expergefacti, ad se re-  
 deunt, seque sanabiles per hoc, quod morbum  
 subinde agnoscant, præbent, vel horum gra-  
 tia, quanta sit in hoc vitio pernicies, paucis o-  
 stendam. Nam vt pulchrius nihil est homine  
 sobrio, & ad quiduis quouis tempore, quouis  
 in loco parato, ita nullum monstrum foedius  
 ebrio, cuius, vt Terentianus Chremes ait, ne-  
 que pes, neque manus satis suum officium fa-  
 cit. Principio mirari succurrit Græcorum pru-  
 dentiam, qui suæ etiam linguæ proprietate  
 quanta virtus, quamque ingens bonum sit so-  
 brietas, satis declarant. Siquidem vt ostende-  
 rent mentem humanam in sua dignitate con-  
 sistere sine sobrietate non posse, virtutem  
 hanc insigni vocabulo σωφροσύνη nominaue-  
 re. Quid enim aliud sonat σωφροσύνη, quam  
 mentis conseruationem? vt quantum homo  
 animalia rationis expertia mentis dignitate  
 antecellit; tantum quoque hæc virtus cæteris  
 omnibus sit sublimior censenda. Quanquam  
 autem Stoicorum disputatio est, qui vnā  
 virtutem habeat, ei & cæteras non deesse: ta-  
 men in vsu vitæ humanæ sæpe compertum est,  
 fortitudinem habuisse, eum, qui amicitiae iura  
 non præstiterit. At sine sobrietatis fundamen-  
 to nullus vnquam virtutum domicilium in a-  
 nimo suo construxit. Nam vt ea oculorum,  
 acies sola colorum discrimina discernit, qui  
 nullo vitiosi humoris fluxu lippiant: ita quid  
 quaque in re vel fugiendum, vel sequendum  
 sit,

„sit, ea tantum mens cernit, quam cibi ac po-  
„tus moderatio ab omni onere semper serua-  
„rit expeditam. Hæc prudentibus consiliorum  
omnium mater: Hæc recte consultata mature  
exequitur. Cum hac florent Respubl. Hac  
discedente, sensim optima quæque dilabun-  
tur, ut vel hinc appareat; quanta sit pestis in  
Republ. cuius ebrius. Qui neque virtuti ulli  
locum apud se relinquit, nec ullum in rebus  
dubijs consilium aut inuenire ipse, aut ab alijs  
inuentum recta ratione exsequi possit. Qui  
nec præterita recordari, nec præsentia mode-  
rari, nec futura prævidere recte queat, Qui  
denique nihil aliud sit, quam, quod de ociosis  
ait Poeta, telluris inutile pondus. Pinge au-  
tem tibi cogitationis penicillo talis hominis  
vitam. A vespere ad multam noctem clama-  
tur, bibitur, luditur, cantatur, eiulatur, pugna-  
tur, franguntur scyphi, mensæ vomitu con-  
spuuntur. Succedit somnus alij grauis, adeo ut  
morti plusquam similis appareat: alij somnio-  
rum terrificis spectris irrequietus: tum æquis-  
simum ebrietatis supplicium vehemens capi-  
tis dolor, ac membrorum omnium debilita-  
tio. Mane dolor, & nodum edormitum vinum  
surgere, vetat, & in medium vsque diem in  
stratis detinet. Quod si quid operis vrgeat ni-  
mis, fracti vel semimortui ad illud accedunt.  
Quis autem cum laude in negotio aliquo  
gravi versatur, ad quod inuitus, fractus ac to-  
tus languidus ingreditur? Quid expediat im-  
pedi-



peditus? Quid fortiter faciet languidus?

Quem laborem feret hesterno mero non solum fatigatus? tremunt manus. Eundum aliquod? genua labant. Res poscit eloquentiam? lingua hæret: vocis meatus est impeditus.

Quid multis? inter tot morborum genera, quod humanæ naturæ miseria est obnoxia, vix vllum est, quod semel adeo totum hominem sibi eripiat, & animum pariter atque corpus prosterнат. Bona morborum pars, cum vel corpus vel corporis aliquam partem affligat, tamen immortalem hominum partem, nempe animum, imperere non audet. Sunt qui soporem, sunt qui torporem, sunt qui frigus, sunt qui æstum immittant, salua tamen interim rationis dignitate. Atqui illud ipsum, quod com-

mune habemus cum Dijs immortalibus quo solo homines & sumus, & recte appellamur, quo à brutis differimus, hoc vero labefactare ebrietas & potest, & solet. Atrox sane, & horrenda pestis est ἐπιληψία, qua correpti plerique aliquoties vim sibi ipsi afferunt, dum sua ipsorum membra pulsant, dum capillos sibi vellunt, dum se in luto voluunt ipsi. At nullis verbis consequi queas, quanto scediori, quantoque immaniori malo laboret ebrius. Quem ἐπιληψία corripit, hunc paulo momento deferit, atque ei mentis vsum reddit: ebrius autem cum diu multumque per ebrietatem iactatus fuerit, seque indigna multa tum fecerit, tum passus fuerit (si non, quod sæpe numero

*Animum cum Dijs commune habemus, eoque solo à brutis differimus.*

accidit in totum extinguatur) totumq; pene triduum sepulto similis iacuerit, vix tandem ad se utconque redit. Illi mali sensum lenit, quod nulla sua culpa, sed morbi vehementia poenitenda multa tum dicit, tum facit. Huic vero malum conduplicatur, quando, quo mali culpam à se transferat, non habet, & minus premere solent, quæ nihil commeritis grauius accidunt. Iam inter animi vitia nullum est tam noxium, nullum ex quo tanta malorum aliorum seges pullulet, reperiri potest. Quid enim tam est horrendum, quod non ebrii audiant? Fide & taciturnitate in rebus humanis, nihil sanctius esse debet.

*In vino*

*veritas*

*hinc Hora.*

*Ser. 1. Sat.*

*4. & 10.*

*Conducta*

*cum verax*

*aperit præ-*

*cordia*

*Liber.*

*Clitum*

*enim sue*

*nuerica*

*fratrem*

*inter cæte-*

*ros in con-*

*uiuio occi-*

*dit.*

*In Babylo-*

*nia, de quo*

*vide Curt.*

*simum,*

Ebrio nihil recte credideris, effutit omnia; neque quicquam tam religiosè arcanum est, quod celare is possit, qui ad cuiusvis compositionis stultitiam inuitatus mentis suæ dignitatem ipse prodit. Quid enim non proderet is, qui illud, quod charissimum habet ad alienum affectum, eumque stultum, amittere vel cum auiditate paratus est? Cui autem ignotum est, rixarum, vulnere, stuprorum, adulteriorum, homicidiorum vberimum fontem esse ebrietatem? Quis enim nescit pugnam Lapitharum factam, ut Horatius ait, super mero? Quis nescit, Tarquinius mero calentes primum ad stuprum nefandum processisse, mox & regno amplissimo excidisse? Quis ignorat Alexandrum Macedonem cætera quidem Regem laudatissimum, compotandi studio eo prelapsum, ut

# PROGYMNASMATA. 185

ijs quibus familiarissime utebatur, interfectis, *lib. 10. & Plutarch. in vita Alexan.*  
 & per hoc procerum suorum omnium animis à se alienatis, veneno tandem extingueretur? Sed nã ego ineptus, qui, quod vitium finem nullum nocendi habet, his orationis meæ angustijs complecti studeo.

## ALIUD EXEMPLVM LOCI COMMVNIS

*in sacrilegum, iuxta præscriptos ab Aphtho-  
 nio locos, cuius bona pars ex Prisciano  
 deprompta est.*

## EXORDIVM.

**I**N omnes maleficos oportet animaduerte-  
 re, maximè in eos, qui contra Deos aliquid  
 audent, sacra violando.

## ALIA EXORDII FORMVLA.

Quod si vultis committere, Iudices, vt cæ-*Sacrilegus.*  
 teri quoque homines vestra indulgentia pes-  
 simi fiant, sacrilegum impunitum relinquite:  
 sin hoc non placet, supplicijs adficite.

## ALIA PRINCIPII FORMA.

Qui in conspectum vestrum adductus  
 reus, videtur solus in periculum venisse, sed  
 vos quoque in discrimen præcipitami. Iu-  
 ris enim contemptio, & religionis violatio  
 impunita relicta, Deorum iram in homines  
 excitat.

Vt Dij placarentur, maiores nostri ceremo-*A contra-  
 rio.*  
 nias instituerunt, aras cõdiderunt, templaria.  
 Dijs immortalibus vouerunt, hostiis, donarijs-  
 que exornarunt, ac festis diebus redeuntibus  
 celebrarunt, iste autem vt Deos exacerbatos

M s in ca-

in capita nostra instigare, aras spoliauit, templa prophanauit, & omnia donaria crudeliter abstulit.

*Ab excessu  
tione.*

Et quid aliud animo reuoluit, quid aliud machinatur sacrilegus quam Deos irritando vniuersæ ciuitati malum accersere, publicisq; ac priuatis rebus incommodare? Etenim ex sacrilegio, & Deorum contemptu, solet agrorum sterilitas prouenire, omniumque rerum penuria, tum seditiones, prælia, regionum deuastationes urbium excidia, atque pestes.

*A compa-  
ratione.*

Ex reliquorum maleficijs tolerabilius malum videmus enasci. Latrocinium ac furtum in paucos committuntur, stupratorum adulterorumque crimina ijs solum, qui faciunt, molesta & acerba sunt, & eos maxime quorum interest, excruciant: sacrilegus autem omnibus ex æquo plurimum incommodat, qui Tyrannis est simillimus, sed tamen ex illis non omnibus, sed pessimis omnium. Illorum enim facinus est sæuissimum, quo Deorum immortalium donaria spoliant, sacrasque diuitias auferunt. Iniquissimum igitur esset, furem, vel iniuriosum adfici supplicio, sacrilegum vero absolui.

Sed quid suis ut prætendat flagitijs habere potest? inuitus ad scelera non accessit, sed cum mala semper in eo mens. malus animus fuerit, non sine multis, sed impijs consilijs atque conatibus fores templorum effregit. Iam quali præditum animo censeatis eum, qui Deos im-  
morta-

mortales, quos omnes creaturæ venerantur ac adorant, contempserit, imo diuina sacraria prophanando exacerbauerit? Quod designare solent, qui Bomolochorum pessimi, nunquam laboribus honestis ut victum acquirerent, operam impenderunt, sed per impias artes, atque sacrilegia maluerunt ad diuitias peruenire.

Homines alij qui peccant, maleficij præsentis labem vitæ prioris melius exacte sanctimonia vel excusare, vel expurgare possunt: at qui tam horrenda crimina committunt in Deos, satis ostendunt sese habere pectora, quæ ab in-  
eunte ætate nulli pietati adsueuerint, sed assidue criminum usu tam contaminata sint, ut ad meliorem frugem, si cupiant etiam nequeant reduci. Lignum enim tortum haud unquam fiet rectum. Et difficile est resistere consuetudini, quia assimulatur naturæ, *Quam licet expellas furca, tamen usque recurret.* Quare iam nihil aliud restare constat, quam dignum meritis supplicium, ut sic arbor mala semel excidatur, ne malos fructus producere pergat.

Vnde si cum maximo eiulatu ad pedes vestros sese abiecerit, nihil opploratione eius commoueamini oportet, ne crimen impunitum aliis similiter peccandi fenestram aperiat, & inconsulta misericordia vestra Deorum iram in publicæ dispendia calamitatis exacuat.

Quod si leges volunt, ut qui status hominum inquietant, pacemque publicam inter-  
turbant,

A digres-  
sione con-  
iecturali.

A legitimo.



turbant, puniantur: quanto magis animaduertendum erit in eos, qui nobis immortales Deos iniquos & hostes faciunt, ut eorum amicitia spoliati, funditus intereamus.

*Aristo.* Et quid magis æquum esse poterit, quam Deos placare, religionem tueri, ædiumque sacrarum expilatores damnare, ac meritis supplicij afficere.

*Ab utili.* Quod si feceritis, Deos placatos habebitis, & Reipublicæ statum longe tranquilliorē atque prosperiorē. Etenim in ijs imperijs feliciter omnia solent succedere, in quibus religio vera conseruata, scelera punita, & antea omnia regnum Dei fuerit qua situm.

*Apostoli.* Nec erit, quod vindictæ vestræ iustissimæ impedimento esse possit: neminem enim iste habet, cuius patrocinio nitatur, nec credo fore aliquem, qui tam sit diuinum contemptor, istum è manibus vestris ut cupiat eripere, sed potius omnes instabunt, & vrgebunt, ut reus, omnium suffragijs morti destinatus, meritas poenas exoluat, ne ex eo conseruato κακῶν πανήγυρις impendeat.

*Epilogus.* Quid igitur moramini? Quid cessatis in eo tollendo? qui iam pridem omnibus videtur esse damnatus.

ALIVD LOCI COMMVNIS

exemplum in contumacem, aut

δύσκολον.

EXORDIVM.

*Contumacia.* **I**nter varia criminum genera non infimum est

est contumacia, atque morositas, omnium  
diffidiorum vberimus fons & origo.

Morum æqualitas amicitiae vinculum atque *A contra-*  
glutinamentum est, vnde natum prouerbum: *ric.*

Æqualitas haud parit bellum, & obedientia vel  
sola virtus est, quæ menti ceteras virtutes inse-  
rit, insertasque custodit; At morositas, & con-  
tumacia pertinax amicitiae pacta rescindunt,  
omnemque concordiam è medio tollunt, vt Py-  
thagoras recte dixerit: Æqualitatem amicitiae  
parentem & altricem: contra inæqualitatem  
discordiarum, bellorumque matrem esse.

Ab omni mansuetudine, & obedientia dys- *Ab exposi-*  
colus abhorrens, in animum induxit, bene *tione.*

monentibus nunquam obtemperare, nemi-  
nemque ad honesta vocantem audire. Secum  
igitur assiduo loquitur atque exequitur ista:  
Ego satis sapio, satis est iudicij, vt queam cum  
alijs certare, imo vincere: nolo alicui morem  
gerere, cum longe melius, quam alij nouerim,  
quæ conueniant ætati meæ: nec maximopere  
alienam sententiam optarim: valeat moni-  
torum odiosa prudentia, ego quod mihi vi-  
sum erit, aggrediar, præceptoribus, cum se fe-  
roces præstiterint, obediam: quæ vetuere, fa-  
ciam, reiectis etiam libris indulgebo genio,  
pergræcabor indies, & mihi nomen insigne  
comparaturus, nocturno tempore veluti gras-  
sator aut sicarius in plateis peruagabor, ob-  
uiam venientes laceffam, atque prosternam,  
aut velut Achilles, in fugam compellam: ex-  
cla-

clamabo etiam, ut Stentora vincere possim;

*Aut propria mercede canoros*

*Curetum sonitus, crepitantiaque aras secutus,*

*Torua Mimallonij implebo cornua bombis.*

Hæccine digna sunt adolescentibus exercitia? Melancholicorum est studijs impallescere, & demorfos sapere vngues.

*A compa-  
ratione.*

Graue crimen est ambitio, sed multo grauius obstinatio, & pertinacia procax, quam αὐθάδεια appellant. Illud subtile malum, secretum virus, & occulta pestis, infestans solos cupidos, quorum animos inuasit. At homo contumax, in peruersa ratione persistens, exemplo pessimo multis est alijs, quos veluti contagione virosa corrumpit, & ad seditionem, Reipub. perniciem instituit atque trahit,

*A senten-  
tia.*

Nihil habet contumax, quod inflexibili menti prætexat. Facile si vellet, bene monentes audire posset: sed pervicax, & obstinatus animus reluctatur ac velut asinus calcitorius reuerberat. Cæterum, ut πεθαρχία μὴ τῆς τῆς ἐν πειραξίας, sic inobedientiæ crimen & pertinaciæ scelus omnium in republica peruersitatum origo.

*A digres-  
sione con-  
iuncturali.*

Præsentis criminis poena remitti posset, si non turpem ex vita præterita labem, adeoque ἐξ ἑνὸς contraxisset, nec vitium ex praua consuetudine versum esset in naturam; ex cuius genuina malitia nihil, nisi quod Reipubl. pestilentissimum, potest enasci.

Quis iudicij tam peruersi vir esse poterit,  
qui

qui rubo (quod aiunt) arefacto rigidiores atque præfractiores à meritis poënis liberatos velit, id effecturus, ut omnis bene monentium ac grauium virorum authoritas in summum adducatur discrimin?

Quod si non in facta modo, sed in voces et- *A iusto.*  
iam petulantiores olim publice vindicatum est, ut C. Fundanius & Tiberius Sempronius Aediles Appij Cæci filia mulctam ob inciuitia verba duntaxat dixerint, ut ait Gellius lib. 10. cap. 7. Quanto æquius erit constringere os infrenes; & coescere pestiferam rebellandi libidinem eius, qui responsator teterrimus oblatratione, factoque suo scelerato omnia ciuilitatis atque pietatis officia tollit.

Quod si vestrum nonnulli iudicauerint vi- *A legitimo*  
tium contumaciæ non capitale crimen esse, arguerint igitur leges iubere, ne maior poëna sit, quam culpa (Officiorum 3.) Non petam, ut in reum exempla crudelia nimis edatis, sed per *υπερβαίναν*, aut *τίμωραν* occursuri vitijis, ita puniatis, ut accepto malo resipiscat, peccandique licentiam cohibeat, atque compescat. Ad crimina leuiora etiam nihil conuiuere, sed aliquando ad viuum rescicare, quantum in *Ab xtili.*  
Republ. bonæ frugis afferat, vel cæco manite-  
stum est.

Res ardua non erit, de præsentis reo iudi- *A possibili.*  
cium, censuramque facere, sola sufficit autoritas vestra, qui nullis in hoc negotio perficiendo copijs auxiliaribus opus habituri estis,  
cum

cum vel solo nutu confunderé possitis, cum-  
que nemo sit, qui cupiat illi subuenire.

*Ab euen-  
turo.*

Si præsentis peccati scelus reliqueritis im-  
punitum, multos habebitis ad idem flagitium  
alacriores factos, quos adhuc expectatio iudi-  
cij vestri remoratur.

### ALIUD LOCI COMMVNIS

*exemplum, in auarum.*

*Exordium.*

**V**etus dictum est, Iudices, auarum, nisi  
cum moriatur, nihil recte facere. Quod  
vel solum vobis persuadere poterit, vt hunc  
hominem ipsam auaritiam, si non capitali pœ-  
na adficere, saltem extra patriam aliquo, vnde  
ad nos, vel contagio, vel hominis fama non  
possit accedere, statuatis ablegare.

*A contra-  
rio.*

Admodum bene ac prudenter olim Roma-  
ni sapientes instituerunt, vt in Ægei maris in-  
sulam Gyaros noxij deportarentur, ne lacesse-  
rent, ac diuexarent innocentes, pauperum lu-  
dores, atque sanguinem hauriendo. Contra,

*Deuorato-  
ris, inquit  
Quil. 2. c. 6  
cuius pa-  
trimonium  
consumi-  
tur.*

reum in patria reliqueritis, & non potius ho-  
minem pestiferum & iniurium ex hominum  
communitate exterminaueritis, ne eius præ-  
sentia perniciosa miseri ciues non modo vio-  
lentur, sed etiam perdantur. Vniuersum etiam  
mortalium genus deuorare, & omnibus, vt si-  
bi solis profint, esse maximo detrimento so-  
lent auari, per omne genus iniuriarum suos  
explendo loculos, alienos expilando.

*Ab exposi-  
tione.*

Cuius rei gratia secum animo reuoluere  
soli-



solitus. Quorsum virtutes? quorsum probitas? quæ laudatur quidem, sed alget: vnicum ego pecuniæ studium amplectar. Hæc rerum omnium Regina, donat formam, nobilitatem, uxorem locupletem. Huic obediunt omnia, hac vel Dij capiuntur.

*Omnis res, virtus, fama, decus, diuinaque pulchritudo, diuitiis parent quas*

*In precio precium nunc est, dat census honores, qui, &c.*  
qui diuitijs parantur. Has igitur consecuturus ego omnibus (qui nunc quæstus vberimus) assentabor, defraudabo, terminos proximi transferam, furabor, rapiam, nihil vel Deos, vel homines curaturus.

*Horat. Ser. 1. Satyr. 3.*

Luxuriosa quidem res est vinum, & tumultuosa ebrietas, sed longe nocentior avaritia fuerit, qua nihil scelestius esse Rex sapientissimus Salomon asserit. Et quo liberalitas gratior, omniumque studiosorum encomijs celebratur atque laudatur magis, tanto detestabilior avarus est, qui non amicis. non patriæ, non reliquis omnibus, sed sibi soli natus, quasi hominis porrentum viuit: se solum pascit, & horrendum dictu, nunquam satiatur, quemadmodum infernus, & perditio non replentur. *Prouerb. 28.*

Ebrius post factum agnoscit delictum, ac A *sententia* poenitentiam agit: homicida in furoris vim, ac iram transfert crimen, & fati maleficium assignat. Et vterque non semper, sed raro, & casu quodam, & inuiti peccant. At avarus nihil habet, quo noxium repurget animum: cum avaritia penitus insita promanet in venas &

N in imis

in imis pectoribus inhæreat, ut auelli non possit, nullum relinquens poenitentiae locum, nullamque de hominum genere bene merendi facultatem.

*Ad digressione coniecturali.*

Præteritæ vitæ sanctitas alij sæpe reis non vulgarem apud Iudices æquos beneuolentiam conciliat: verum si totam huius rei vitam examussatim excusseritis, ipsissimam inuenietis αὐγὴς βυσσίου, monstrum, non vna graui correctione: vel supplicio dignum.

Quare neminem arbitror fore tam stolidum, quem huius rei miserescat. Familiam, quam sui simillimam habet, ad pedes fortasse vestros prouoluturam videbitis, sed vos legum & iustitiæ ratio magis permoueat, quam iniqua sceleratorum hominum hypocrisis, & ipsissimæ Crocodyli lacrymæ.

*A legitimo*

Cum leges Reipubl. gratia conseruandæ, iubeant in fontes animaduvertere, non illegitimum fuerit, immò iustissimum, acriter hunc reum à vobis castigari, vel procul ablegari, cum nihil eo scelestius, ut dixi, reperiatur.

*Ab honesto*

*Et possibili.* Quo facto, nihil officio vestro dignius effeceritis. Nec quod iudicium vestrum possit remorari, video. Nam, modo volueritis, dictum ac factum reddetis.

*Ab utili.*

Duplicem inde Reipublicæ commoditatem promanaturam experiemini. Primum, iudices integri, teterrima peste Rempublicam liberasse prædicabimini. Deinde prudenter effecisse, ut præsentis rei supplicio deterriti reliqui, ad confi-

confimile maleficum non facile sint accessuri.

Plura dicere non arbitror operæ precium, Epilogus. cum ipsi satis intelligatis, non leuibus poenis afficiendum avarum, cum eo nihil sit in Re- publ. pestilentius, atque magis perniciosum.

L A V S; ἐγκώμιον.

**L**aus est Oratio, bona alicuius enumerans.  
Persona, ut Thucydides, aut Demosthenes:

Laudanda  
vero sunt

Res, ut iustitia, aut temperantia:  
Tempora, ut ver, aestas:  
Loci, ut portus, horti:  
Ratione carentia, animalia, ut equus,  
aut bos:  
Plantæ, ut vitis, aut oliua.

Proprium  
est laudis  
res ampli-  
ficare &  
ornare.  
Quint. lib.  
2. cap. 7.  
Laudatio-  
nis mate-  
ria præci-  
pue qui-  
dem in

Laudamus vero & communiter & singulatim, Deos &  
Communiter, ut omnes simul Athenienses, Singula- homines  
tim, ut Atheniensem vnum aliquem. Hac vero diui- cadit, est  
sio est laudis. tamen &

Dispones autem ipsam hoc pacto:

Primum proœmion pro qualitate rei pones:

Deinde subijcies genus, quod diuiditur in Gen- aliorum a-  
tim, Patriam, Maiores, Patres. nimalium

Post educationem explicabis, qua continetur in- & caren-  
stitutione, arte, Legibus. tiū anima.

Hinc subdes præcipuum laudum omnium caput, Quint. dict.  
res gestas, quas diuides in ea quæ sunt Animi, ut quæ lib. 3. ca. 7.  
fortitudinis sunt, quæ prudentia: Corporis, ut pal- Laudatio  
chritudinem, velocitatem, robur: Fortuna, ut princi- autem non  
patum, potentiam, diuitias, amicos. simplicis  
opis est:

Addes deinde comparationem, qua id quod lau- ingenium  
multiplici  
variaque  
datur materia

Et animus  
recticon-  
templatio-  
ne forma-  
tur, ei mul-  
ta inde co-  
gnitio re-  
rum venit.  
Quint. l. 2.  
cap. 4.

datur, alteri collatum tollatur in maius. Postremo.  
pilogo, qui recitationis similior sit, concludes.

## EXEMPLVM.

## LAVDATIO THVCYDIDIS.

**Æ** Quum est eos, qui vtilia nobis adinuenerere, suis  
ipsorum inuentis ornare, laudibus prosequi, &  
quod ab illis est proditum, iisdem quoque ceteris autori-  
bus, cum gratia reponere acceptumque referre. Non  
igitur iniuria Thucydides oratione mihi celebranda  
est, qui ipsi plurimum attulit ornamenti. Omnes e-  
nim de aliqua humanarum rerum parte bene meri-  
tos decet venerari: Thucydidem vero eo magis, quod  
pulcherrimo omnium illustrando curam suam im-  
pendit. Neque enim quicquam eloquentia pulchrius,  
neque Thucydide quemquam bene dicendi gloria  
præstantiorem inuenire est.

Naclus autem Thucydides eam est patriam,  
qua & vitam pariter sibi, & eruditionem sibi præ-  
beret: neque enim in alio loco natus est quam unde  
omnis benedicendi ratio profluxit, originem vitæ sor-  
titus Athenis.

Reges generis sui habuit autores. Itaque ab vlti-  
ma protinus origine, clariore maiorum fortuna est  
illustratus. Veraque ergo habens, & generis ampli-  
tudinem, & ciuitatis statum popularem, quo cla-  
rior virinque fieret, est ab utroque adiutus. Etenim  
ne ad iniustas opes, potentiamque delaberetur, &  
qualitate legum prohibitus est, neue in obscura reli-  
qua plebs utilitate delitesceret, felicitate generis est  
consecutus.

Talibus igitur procreatus parentibus, idque in Re- Thucydidis  
pub. Atheniensium, inter leges educatur, quas certe laus.  
optimas esse vita magistras inconfesso est. Inter leges A patria.  
autem armaque viuere instituens, eruditioni simul Athenas  
atque rei militari operam dare decreuit, neque stu- Inuentri-  
dia in armis deferens, neq; arma (vt præcipuam pru. ces.  
dentia partem) relinquens, vnoque conatu duarum Ab edu-  
diuersarum artium cura habebat, coniungens inge- catione.  
nio pariter ea, qua natura sunt separata. Leges vitæ  
magistræ.

Vt tandem ad virile peruenit robur, occasionem Sic enim  
quasiui proferendis eis, qua pulchre fuerat in atate vtrumque  
meditatus. Nec defuit casus, bellumque protinus est tempus,  
orum, ipsæque res ab vniuersa gestas Græcia literis bellorum  
complexus, posteritati mandauit conseruator eorum, & pacis  
Et velut restaurator, qua bellorum delcuit iniuria, recte po-  
Nec passus est, quod quique gessit temporum situ abo- nari  
leri. Et ipso ergo cognoscitur captam esse & latakam, sci A rebus  
tur Atticam esse vastatam, tenetur Atheniensium gestis.  
classibus. Peloponnesi oras esse nauigatas, certatum es-  
se nauali prælio apud Naupactum, non est nos Thucy-  
dides id passus latere. Lesbium ab Atheniensibus esse  
captam, id quoque ab ipso indicatur, cum Ambracia-  
ris pugnatam esse, hoc & ne diuturnitas aboleret, ef-  
fecit. Iudicium Lacedæmoniorum non ignoratur:  
Sphacteria & Pylos ingentes Atheniensium labores  
non latent. Concionantur Corcyrai Athenis, Corin-  
thij ipsis contradicunt, Eginares, vt Athenienses ac-  
cusent, Lacedæmonia proficiuntur. Iam vero à belli  
consilio Lacedæmonios Archidamus absterrens, contra  
Steneleidæ ad bellum suscipiendum impellens. Adhæc  
Pericles legationem Laconicam contemnens, neque



*A compa-* passus deficere animo propter pestilentiam Athenien-  
*ratione.* ses. Cuncta hac, Thucydides opera, ingenioque in om-  
*Herodoti* ne autem ad oblivione vindicantur.

*Et Thucy-* Quis autem Herodotum illi comparauerit? ille e-  
*didis com-* nim ad voluptatem legentium scripsit, hic omnia ex  
*parationem* rebus ipsis, atque veritate deprompsit. Quanto vero  
*pulcherrimam,* quod ad alienam sit gratiam, infra, id est, quod sit  
*vide* ad veritatem, tanto post se Thucydides Herodotum  
*apud* Quint. lib. relinquit,

IO. C. I.

Epilogus.

Erant alia quoque permulta, qua de Thucydide  
 dicerentur, nisi quo minus omnia diceremus, laudam  
 eius nobis obstarer multitudo.

### ALIUD EXEMPLVM.

*Laus sapientia.*

### PROOEMIUM.

**S**apientiam adipisci felicitatis est, laudare autem  
 pro dignitate ipsam maius est, quam ut nostris id  
 viribus adsequi possimus. Tantum enim illius superat  
 gloria, ut commune quoddam Deorum immortali-  
 um bonum esse credatur. Cum enim Deorum unus-  
 quisque velut descriptam officij sui tueatur partem,  
 Iuno nuptijs praesit, bellis Mars cum Pallade, Vulcanus  
 inter ignes fabrileis suas exerceat partes, ducat Nep-  
 tunus nauigantes, & quiquis alius aliud sibi vendi-  
 cet, sapientiam in commune sibi asserunt omnes, pra-  
 cipue veroprae omnibus Iupiter, quanto reliquis ma-  
 ior est tanto omnium quoque sapientissimus aestimatur.

*A genere.*

Vnaque sapientia est, qua vel maxime aeternam  
 Ioui praestat potestatem. Et Dij quidem nativam ip-  
 sam cognatamque sibi habent, munere autem ipso-  
 rum in terras quoque delata est, & Deorum filij sa-  
 pientia

pientia sua maximam humane vite utilitatem at-  
 tulerant: Quapropter Poeta laudem merentur, qui  
 Palamedem & Nestorem & si quis alius sapiens olim <sup>Vi Hercu-</sup>  
 fuisse canitur, Deorum fuisse filios tradiderunt. Non <sup>lem, Mi-</sup>  
 quidem illi vano commento Deorum naturam velut noa, Pen-  
 permutare conati, quam ne Dij quidem ipsi permu- <sup>selum &</sup>  
 tare possent, sed generis permixtione communicatio- <sup>reliquos.</sup>  
 nem indicantes virtutis, ut qui diuina quadam cate-  
 ris admiratione prastarent, Deorum filij crederen-  
 tur. Nec immerito illorum in Deos referebant genus,  
 quorum sapientia maior, quam humana, origine vi-  
 debatur adfirmare diuinam.

Sola autem ipsa viroque rerum statu aquas ha- <sup>A sapien-</sup>  
 bet rerum vires. Nam reliquarum alia bello solum <sup>tiae opera-</sup>  
 probantur, alia laudamus in pace. Sapientia vero <sup>tionibus.</sup>  
 precipua est viriisque temporis moderatrix. Sic in  
 bello versatur, tanquam prorsus artium pacis ignara,  
 sic pacem continet, tanquam nunquam agitata stre-  
 pitu bellorum. Denique tam apte virique sese accom-  
 modat, ut in vitro horum astimes, ei soli videatur ef-  
 se dicata. Fert pacis temporibus leges, & tranquill-  
 tati vitur more, in bello vero victoriam prabet. Ne-  
 que armis solum superiorem facit, sed in concioni-  
 bus quoque prastat inuictum. Itaque & inter bellan-  
 tes, & inter pacatos sola praeclit, primasq; sibi ven-  
 dicat sapientia. Sola quoque diuinitatis proxime ex-  
 primit similitudinem; sola enim velut Deus, futura  
 prospicit. Quin ipsa quoque terram agricolis attri-  
 buit, nauigantibus assignauit mare: adeo non fru-  
 ges colligere sine sapientia, non nauim, nisi sapien-  
 tis gubernatoris praesidio freti, ascendere audere-  
 mus.

mus. Itaque quidquid exhibet mare, quicquid hominum visibus terra profert, merito sapientia munus cuncta censentur. Nee cælum quidem, & si quid in ipso latet, dimisit in occulto, quantum solus se porrigit ambitus, quod spatium stellarum vnaquæq; circumseribit, ipsa peruestigauit. Despexit intra terras etiam & quò pacto vita defuncti agemus, ipsa nobis aperuit. Troiam quam capere temporis diturnitas non potuit, sapientia astus subegit, & vnius consilium adempta vniuersam Persarum potentiam dissoluit. Cyclopi oculus erutus est prudenti Vlyssu inuento. Sicque quicquid est, quo quisquam vincat, ab ipsa sapientia deriuatur.

Quis ergo ipsi fortitudinem comparasse velit cum quicquid viribus fieri possit, ipsa etiam sapientia praestet? Adeoque si ipsam fortitudini ademeris, perse fortitudo culpanda videatur.

Erant & multa alia, quæ de sapientia dicerentur, nisi maiora essent, quam quæ posset modica oratio complecti.

#### SCHOLIA.

*Law, &c.* Alij Laudationem vocant, hoc est, oratio bona exprimentem, quæ alicui infunt. ἐγκώμιον Græce appellatur, quod iuxta Aphthonij sententiam dictum eo quod ἐν νόμῳ, id est, in vijs antiquitas canebant. Nam antiqui νόμος angiportus dicebant. Differt ab hymno & epæno: quod hymnus Deorum fit, encomion vero mortalium: præterea epænus paucis verbis fit, Encomion autem secundum Rhetoricæ artem profertur. Postremo

cum in loco communi quoque laus sit; hoc differunt quod in loco communi pro viro forti dicentes, eo consilio dicimus, ut præmium petamus, Laus autem per se virtutis testimonium habet, ut ait Priscianus.

*Laudanda sunt, &c.* Porro præterita, instantiaque atque adeo omnia quæ nunc laudamus, nunc contra vituperamus, res sunt omnis generis, quæ aut cerni tangique, ut homo, equus, vrbs, flumen: aut animo intelligi, cognosci, atque percipi possint, ut facta dictaque. Virtutum item vitiorumque tum artium varia genera, ut prudentia, iustitia, fortitudo, temperantia, eloquentia, medicina, architectura, scientia rei militaris aliaque id genus multa. Vitia autem quæ sint, hinc cognosci facile possunt, nempe iniustitia, luxuria, invidia, &c. Ipsi autem Dei laus (quanquam quid huic aut nostra laude accedat, aut vituperio adimatur, non video) tota huc pertinet. Rerum autem, quæ cerni tangique possunt, primas partes homines tenent, qui cum cæteris animantibus brutis rebusque mutis ratione & sermone, tum multis alijs animi naturæque dotibus antecellant, laudem imprimis sibi vendicant. Laudamus igitur præcipue personas, vrbes, portus, loca, & his similia, præclare item facta, dictaque, quæ cum virtutibus coniuncta, atque inde orta esse constat: iam & iuxta virtutes artesque aut in certis hominibus, aut seorsum suis ipsas laudibus exornamus.

*Glancus  
apud Pla-  
tonem In  
nigritiam,  
Picus.  
Mwandu-  
la Barba-  
riem.  
Lucianus  
Muscum,*

*Res, &c.* Vt Erasmus laudauit Memoriam & ad ingenij vires periclitandas, artemq; ostentandam Phauorinus laudauit quartanam febri liberatus vires integras recuperauerit: laudauit etiam Therisitem. Cuius meminit Gellius lib. 17. c. 12. Et Politianus in Epistolis.

*Loci, &c.* Vt Baia, Tempe.

*Portus, &c.* Vt in Liguria Lunæ, vel Carthaginensium. Cuius meminit Virgilius in 1. Item laudari poterit Stoaporticus Atheniensis, Pœcile ex varietate picturæ dicta, in qua Zeno Philosophus discipulos docebat, vnde & secta Stoica. Item Aulis Bœotix, cuius meminit Ouid. Metamorph.

*Horti, &c.* Vt Adonidis, qui prouerbio locum fecerunt. Item Hesperidum, quos amœnissimos in Aphrica fuisse memorant. Item Senecæ prædiuitis horti, vt ait Iuuenalis Satyr. 10. Alcinoi syluæ quarum Virg. Georgic. 2. meminit, Idem;

*Adeste Musa, maximi proles Iouis:*

*Laudes feraces prædicemus hortuli,*

*Hortus, salubres corpori præbet cibos, &c.*

*Equus, &c.* Equos laudare poterimus, vt Pollicis equum Cyllarum, & Graij, quorum meminere Poetæ, vt ait Virgilius Georgicorum 3. Item Bucephalum Alexandri, de quo Gell. lib. 5. cap. 2. Item Solis equos, &c.

*Bos pul-  
cher.*

*Bos, &c.* Virgilius in Georgicis.

— *Optima torua*



*Forma bouu, cui turpe caput, cui plurima ceruix,  
Et crurum tenuis à mento palearia pendent.  
Tum longo nullus lateri modus; omnia magna,  
Pes etiam & tauris hirta sub cornibus aures.*

*Vitu, &c.* Vt Thasix vites, sunt & Mareo-  
rides albæ, vt ait Virgilius. Vide Plinium lib.  
14. cap. 3.

*Olea, &c.* Quæ laudari poterit ab inuentri-  
ce Minerua, & quod signum fuerit pacis. Vn-  
de Virg. in 7. ——— ad mœnia Regu.

*Ire iubet, ramis velatos Palladis omnes.*

ITEM. Brassicam laudat Cato: Maluam &  
Albucum Hesiodus.

*Subijciat genus, &c.* Sunt qui hoc loci iube-  
ant addenda esse ea, quæ natiuitatem, vel mi-  
racula, vel prodigia præcesserunt: vt si lauda-  
turus Scipionem dicas in matris cubiculo an-  
guem visum, vnde conceptus, & Iouis ille fi-  
lius fuerit creditus, cuius meminit Liuius lib.  
6. belli Punici. Item in encomio Hecubæ re-  
censeas facem, qua prædixerit incendium &  
excidium Troianum. Item, quid pueris euene-  
rit, enumeres, vt Midæ formicas, apes Plato-  
nis. Valerius lib. 1. cap. 6.

DE LAVDIBVS DVCTIS AB

*animi, corporis atque fortune bonis.*

*ex Buceldiano.*

LAUS HOMINIS A FORTVNIS.

**D**E fortunis, quæ & externa bona sunt, *Homini  
laus.*  
subinde nobis est dicendum. Hæ autem *Aduertē-  
dum for-  
tuna*  
quantæ sint, quot numero prædia, quo sita in  
loco

corporisque loco, quo tempore, siue dono data, siue suo-  
*bona non* rum testamento legata, parentibusve relicta  
*ideo laudari* acceperit, emeritve, ex adiunctorum loco nar-  
*ri quod* randum locupletandumque erit. Deinde ex  
*quis habuerit eas* descriptionis loco situm præditorum, atque  
*sed quod* hortorum, ad flumina, seu fontes, & factas hic  
*ijs honeste* ad voluptatem structuras pluribus licet verbis  
*sit usus.* depingas: quemadmodum Homerus Alcinoi  
*Quint. l. 3.* hortos: & maxime, si is quem laudas, Princeps  
*et 7.* sit, vrbesque, in quas imperium habet, descri-  
 bas. Quin & huius fortunas cum aliorum fa-  
 cultatibus conferendo, ex comparatorum lo-  
 co mire locupletabitur oratio: ostendendo-  
 que, aut genere, numero, fertilitateque maio-  
 res amplioresque putandas, aut situ ad flumi-  
 na, seu fontes, rebusque manu factis, atque ad  
 voluptatem structuris iucundiores amœnio-  
 resque.

Quod si vero eorum, quibus cum nostras  
 conferimus, omnium iudicio amplissimas esse  
 copias constitierit, pares ostendisse contenti  
 esse possumus. Spectandum etiam, atque cum  
 materia deliberandum, ecqua & à dissimili cō-  
 trarijsque copia peti possit. A dissimili hoc pa-  
 cto: nostra prædia esse agrosque suburbanos,  
 vnde certus fere quotannis fructus redeat: il-  
 lis non modo longius domo, sed & aliena in  
 ditione sitos, ijsque expositos fluminibus, quæ  
 sæpius inundando sata omnia obruant, atque  
 conuellant. A contrarijs, nostros flumina fon-  
 tesque irrigando, agros utilitatem adferre ma-  
 ximam:

ximam: illos in sata erumpendo, eademque  
 conuellendo incommocum adducere sum-  
 mum: huic aquarum cursum prodesse, illis e-  
 undem ipsum obesse; huic voluptatem adfer-  
 re, illis mœrorem tristitiamque dare: huic vel  
 exorto bello omnem ex agris fructum redire,  
 illis nullum: hujus prædia vr̃bis horreum ali-  
 mentumque in hostes esse, illorum contra ho-  
 stium in vr̃bem: his patriam defendi, illis op-  
 pugnari. Quod si vero principem laudandum  
 suscipias, potentiamque eius, gentis suæ vr-  
 biumque genere & numero prædices, quo res  
 maior, illustriorque fuerit, hoc magis his ex  
 locis extendas.

QUÆ CORPORIS BONA IN HOMINE

*ex locis amplificandi ratio sit.*

**H**Actenus de extremis bonis eius quem  
 laudamus quæ quidem pro personarum  
 varietate alia atque alia existunt: quæ perfe-  
 qui, cum infinitum, tum minus fructuosum  
 foret. Quare ad fontes ipsos ducere consilium  
 fuit vsumque locorum in ijs, quæ omnibus  
 communia sunt, laudemque mœrentur, mon-  
 strare, vt horum ṽsu cognito, pro causæ con-  
 ditione quantam quisque velit moram vbique  
 facere in augendo possit. Corporis autem bo-  
 na esse diximus, staturam figuramque corpo-  
 ris: valetudinem roburque: ipsam deniq; for-  
 mam. Hæc quanquam leuiores sunt, suam ta-  
 men laudem merentur, certaue interim ani-  
 morum, indicia esse solent. Vnde Homerus

*Vide Qu.  
 dicto loco  
 lib. 7. ca. 7.*

cum

cnm in Therſite garrulitatem, animiq; vitium nobis depingi vellet, nescio quo modo non tam malefacta, quam corporis deformitatem vitiaque explicando vitioſiſſimum ipſum introduxerit. Idem ſtaturam grandiore roburque in principibus magnopere prædicat: vt qui Agamemnoni ſtaturam magnam, cui maiestas ineſſet regia tribuit, Vlyſſem illo quidẽ minorem, ſed latiffimis humeris & pectore deſcribit. Iam vero Aiacem illum non amobus modo his, ſed cæteris Achiuis omnibus corporis ſtaturã & robore antecellentẽ introduxit. Nec noſter Homeruſ hanc in ſuis laudem neglexit: qui cum & in cæteris, tum maximẽ in Ænea & Turno principibus corporis bona laudat. Et Dareta cum alta ſtatura, latiffimisque humeris quod certum virium argumentum eſſe ſolet, in ſingulare certamen produxiſſet, eius tamen antagoniſtam Entellum vel ſenem. magnitudine corporis viribuſque adeo ſuperiorem facit, vt illum, non ſecus ac qui fruſtra urbẽ, aut caſtellum oppugnet, hunc temerẽ infeliciterque aggreſſum dicat. Forma plus laudis meretur: præſertim in Principibus viris grauitas oris, maiestasque in vultu: hæc in primis pondus orationi autoritatemq; tribuit: tantumque in animis Gallorum hoſtium valuiſſe Tit. Liuius ſcriptum reliquit, vt cum vrbe capta audi prædæ in principum atria iruerent, cernerentque hoſ cum ornatu habituque paulo humano anguſtiore, tum maximẽ ori-

*Liv. dec.*

*I. cap. 5.*

mè oris grauitate atque maieſtate Dijs ſimil-  
 limos, domi ſedentes, ante horum ora, ſicùti  
 deorum ſimulacra, velut venerabundi conſti-  
 terint: nihilque in hos ferro grauius facturi  
 fuerint, niſi M. Papyrius principum vnus prior  
 iram mouiſſet. Atqui & hinc augendi mo-  
 dum, vſumque locorum explicemus. Satu-  
 ram, robur corporis, orisque decus quantum  
 ſit, vbi ab adiunctis ſatis expreſſerimus, à cau-  
 ſis & euentis deinde dilatemus: Fuiſſe huius  
 maiores, homines cum inſigni ſtatura & ro-  
 bore, tum quadam modeſtia orisque grauitate  
 præditos, ſemperque operam dediſſe hunc, vt  
 quæ à natura ad ſui nominis dignitatem am-  
 plicitudinemque acceperit, certa viuendi ratio-  
 ne aleret proueheretque, nulla vt Venus, Bac-  
 chusque immoderatio corporis vires vigo-  
 remque auferret. Quare ea iam valetudine eſſe,  
 vt nulla corporis imbecillitas obſit, quo mi-  
 nus in rebus cum grauitate agendis ſuo, ami-  
 corum, & Reipub. tempori ſeruiat. Quin et-  
 iam comparatione rem extendas, ſi cum alijs  
 ampliſſimis hominibus conferas, oſendasque  
 in hoc noſtro aut ſimilitudinem aut exceſſum  
 eſſe, aut etiam diſſimilitudinem: ſi aut proce-  
 ritate, ipſoque robore, & valetudine, aut ipſius  
 vultus grauitate, maieſtateque multis parti-  
 bus ſit ſuperior.

QUÆ RATIO ANIMI BONA EX

*locis amplificandis.*

**R** Eſtant animi bona, quæ vt cuiusque pro-  
 pria

*Idem Qu-  
lib. 3. ca. 7.*



*Virasit  
antem ha-  
rum via  
utilior in-  
quit cum  
materia  
delibera-  
bimus:  
dum scia-  
mus gra-  
tiora esse  
audienti-  
bus, quæ  
solus quis  
aut pri-  
mus aut  
corte cum  
paucis se-  
cisse dica-  
tur.*

pria sunt, ita præ cæteris laudem mereri suo iure maximam solent. Hæc laudandi duplex via est: aut enim ad sua virtutum genera, ut supra visum est, quæque referentur: sua prudentiæ, iustitiæ, fortitudini, & temperantiæ tribuendo facta: aut, quod non minus commodè fiet temporum seruabitur ordo. Itaque dicendum, qui pueritiam adolescentiamque transegerit: quæ sequutus studia: quantumque in ijs & quam breui sit assequutus. Atque hic, si forte insigne ingenij specimen indolisque, haud vulgaris bonitas eluxerit pluribus erit verbis extollendum: quo videlicet tempore, quo in loco, apud quos, qua in re, alijsque id genus additis circumstantijs, quas adiunctorum locus suppeditat. Quod si tortè operæ pretium videatur, & hæc ipsa per plures ducendo locos plurimum extendas. Ætate autem iam magis inualecente, si qua scripta honesti sui studij, voluntatisque testimonia in lucem dedit, primum qualia quantaque ipsa sint, narrandum, quantusque inde ad plures fructus redeat. Quæ item seu doctorum, seu multitudinis, seu vniuersorum de iis testimonia iudiciaque existant. Quæ vbi ex adiunctorum testimoniorumque loco, quem eundem esse diximus, prosequutus fueris, à causis subinde augebis: quod à multis, magnique nominis hominibus siue rogatus, siue vltro iuvandi studio ad scribendum se contulerit. Ab euentis: non modo hominum de se expectationi re-

Spon.

spondisse, sed & vicisse: nec in vna atque altera, sed in pluribus nationibus ipsius scripta legi, laudarique. Atque hic & enarrandum, quorum expectatione maiora emiserit, quibusque in provinciis plurimum probentur. Iam vero & huius cum probatis magnorum autorum scriptis conferas: ostendasque potiora multo, melioraque hominum consecuta esse iudicia: aut maximis summorum autorum monumentis paria esse, atque iudicari. A dissimili etiam amplifices: si in ijs, quibuscum confers scriptis, dissimilitudinem esse ostendas: ut si Hippocratis & Galeni medicorum opera, cum Paulo & Pomponij Iure consultorum scriptis conferas: illos rerum naturalium, hos civilium scientiam tradidisse: illos de vita, hos de fortunis sollicitis bene consuluisse: illos præcepta dedisse ne morbus vincat, & æger moriatur, hos ne avarus triumphet, & suum alteri eripiat: denique illos cauisse ne ipsa præmatur è vita, hos ne sua cuique res iniuste auferatur. Hinc mire Cicero non sine delectatione corpus orationis auxit, dissimilitudinem studiorum Murenæ & Sulpitij pluribus verbis explicando. Hunc in modum singula quidem tam domestica quam publica facta, quæ laudanda videbuntur, seruatō temporis ordine, enarranda amplificandaque erunt, qua ratione domi vixerit, liberosque educarit, ad quæ studia miserit, liberaliterque aluerit, quos in viros aut abierint, aut se euafuros

fueros certam de le spem patri patriæque præbuerint. Quæ si persequaris omnia, ducasque per locos, incrementum res ipsa sumet maximum. Iam & quid commodi ipse, siue re operaque, siue consilio Reip. præstiterit. Quale est, si dum aliquando, vt sæpe, maximis de rebus bene Reip. consulendum fuit, inopsque consilij multitudo ea facili momento sequenda putasset, quæ probata Reipub. statum euersura penitus fuissent, hunc in concionem prodijisse dicas: & prudenti oratione, quæ ex his aut illis inceptis commoda, malave Reip. impenderent, edocuisset, eaque suscipienda persuasisset, quæ cum singulis tranquillitatem, utilitatemque, tum vniuersis nomen, gloriamque attulerunt. Atque hæc aperienda, pluribusque verbis ex locis alijs atque alijs explicandæ erunt, quæ res ad ita consulendum animum potissimum impulerit: quæ si honesta, utilisque fuit, euenta votis respondisse pulchrum erit. Quanta autem gloria emolumentaque inde Reip. euenerint, quis item ad consultorem fructus honosque ab vniuersis vicissim redierit, copiosè erit exponendum. Postremo comparationibus rem extendas: cum vrbs conditoribus, aut munitoribus huius factum conferendo, & aut maius aut simile, dissimileque ostendendo: illos urbem quidem condidisse, hunc conditam prudentia sua ab exitio conseruasse: illos partim fundamenta iecisse, partim moenia turreaque, in hostes propugnacula non sine summis oppi-

oppidanorum impensis laboribusque altius  
 eduxisse, hunc vnum ipsa modo ratione con-  
 silioque, non mœnia solum, urbemque, sed &  
 fortunas omnium, vitamque seruasse. Quan-  
 tum etiam ciues grati vicissim postea huic ho-  
 norem, gratiamque habuerint, cum ijs confe-  
 ras licet, quibus ob præclarissima in Rempu-  
 blicam merita non ingrati extiterunt: doceas-  
 que aut maiora, aut paria huic contigisse om-  
 nia. Quod si vero is, quem laudas, princeps  
 sit, exercitumque duxit, præterquam quod ex  
 his locis omnibus, ab adiunctis quæ latè pa-  
 tent, passimque vsui sunt, à testimonijs, à cau-  
 sis, ab euentis, ex comparatione maiorum, mi-  
 norum, à simili, à dissimili, à contrarijs, co-  
 piam petas, etiam à descriptionis loco ampli-  
 fices maximè: cùm aut stratagemata genusq;  
 militum, & armorum, aut vrbes quas cepit,  
 regionesque & gentes, mores, aliaque id ge-  
 nus suo quæque loco describas. Porro cum  
 temporis hic seruandus sit ordo, danda est o-  
 pera, vt leuiores aut omittamus, aut paucis  
 perstringamus. Quæ vero magna sunt, & pru-  
 denter, & iustè, & fortiter, modèstèque facta,  
 laudemq; in animis hominum maximam me-  
 rentur, per plures ducenda locos, plurimum-  
 que dilatanda erunt. Quæ autem laudari facta  
 oporteat, horumque numerum, personæ, quas  
 laudandas suscipies secum adferent, in quibus  
 singulis augendis, cognitis his locis, quantam  
 ipse voles, moram trahas.

## VT EA EX LOCIS AVGENDA.

*qua post mortem acciderunt.*

**C**VM igitur hunc in modum, quæ toto vitæ cursu rectè fecit, verbis extuleris, dilatauerisque, non negligendum quomodo excessit è viuis, & quæ, vita iam defuncto, virtutis ergo magna acciderunt. Nam cum magnis viris, dum vita manet laudemque sequentibus, comes sit inuidia, fit, vt morte iam sublati, ereptisque, quos nocitura sequitur, sese auertat, patiaturque mortuis, quem viuis noluit, suum honorem deferri. Quare si & huic vita defuncto, aut tumba publicè magnificentius sit extructa, aut statua erecta, aut denique quotannis ad sempiternam huius memoriam, rerumque ab ipso gestarum aliquid statis diebus fiat, quanta hæc sint, quo tempore fiant, quo in loco, à quibus, quantis impensis, quanto studio, alijsque id genus explicatis circumstantijs, quarum adiunctorum locus nos admonet, copiosè erit exponendum. A causis item, & hæc si voles, amplifices: quæ ipsius in Remp. merita constent: cur tantum vel mortuo honorem constituerint. Ab euentis hic nihil sumas, cum explicata ex adiunctorum loco causas suas præcesserint, nisi propterea hæc defuncto contigisse dicas, vt, statuto præclarè factis summo honore, plures ad imitandum pellicerentur, exponasque ea ita ex sententia euenisse: pluresque, honoris præmio incitatos, ipsam virtutem sequendo, nominis

immor:



immortalitatem venari. Quin etiam ex comparationis loco locupletari res potest maxime: si virtutis præmia, monumentaque huic post mortem constituta, cum Regum parentationibus, funebribusque honoribus conferas, atque ostendas, studio hominum vltro hæc præstantium illos superasse, rerum autem magnificentia æquasse. A dissimili item, illis à regijs, regiaque pecunia funebria magnificenti-  
us adornata, huic ab vniuerso populo, æreque publico splendide instructa: illis, quia Reges vixerunt, mortuique sunt: huic, quod patriæ conseruator extitit, mortuusque sit, habitus est honos: illis, ne regium nomen leue in animis vulgi putaretur: huic, ne sua virtuti præmia deesse viderentur. A contrarijs: Illos subditi maxime oderunt, hunc sui summo honore prosequuti sunt: illos noua constituen-  
do vestigalia, annonam, victumque communem aggrauasse agnoscunt, hunc virtute, prouidentique consilio plurimum leuasse intelligunt: illos viuos Tyrannos execrati sunt, hunc patriæ patrem conseruatoremq; appellantes, amplexi sunt: illos post mortem, vel ab alijs honorari ægrè ferentes, quantum in sua pos-  
tum potestate impediuerunt, hunc contra vniuersi æquali studio summis honoribus vltro affecerunt. Quæ ratio sit personas laudandi, ab externis corporis, animique bonis, atque adeo ab ijs, quæ has tempore antecedunt, simul iuncta, & post insecuta sunt, ostendimus.

*Laus hominum in tria tempora diuiditur: in tempus quod ante eos fuit, quo ipsi vixerunt, & quod factum eorum est insecutum. Quint. lib. 3. cap. 7.*

Antecedunt autem homines tempore, patria, parentes : cum ijs coniuncta sunt fortuna, corporis, animique bona omnia: post autem insecuta sunt, habiti post mortem honores, præclaraque de ijs hominum iudicia. Quæ autem via singula ex locis copiosè instrui, augeri que possint, vtcunq; aperuimus, non quidem eo consilio, quod tantam copiam, quantum paucis rem perstrinximus, in cuiusvis hominis laudem (quis enim finis?) temerè adducendam putemus : sed vt monstrato locorum vsu pro causæ conditione, quantam quisque inde velit copiam peteret. Neque enim hic cuique, quid fieri debeat, præscribimus; sed quid possit.

EADEM QUÆ LAUDANDI ET VITUPERANDI hominis ratio.

Porro vituperandi quæ ratio sit, hinc facile intelligi potest. Siquidem idem ordo, eademque per omnia via in vituperandis externis, corporis, animique; malis erit sequenda. Patriam igitur parentesque bonos habuisse, atque inde degenerasse, patrimoniumque dilapidasse, † tam vitium, dedecusque est, quam cui hæc mala obtigerunt. In corpore autem si qua sit deformitas, vt in Therſite, suis erit verbis exaggeranda : si nulla, formaviribusque malè vsum fuisse, odio, dedecorique erit magnus. Ab animo autem profecta vitia, flagitiaque, seruato temporis ordine, nisi in sua vitiorum genera spargere quæque mauis, perpetua

† vt Catilina.

Hac in re idem præceptū, quod in laudatione seruandum.

ora.

oratione, quod in L. Pisone facit Cicero, erunt explicanda, atque exaggeranda. Quod si fortè & iam vita defunētis aliquid accidit, quo turpitudine odiumque augeatur, non erit silentio prætermittendum. Singula autem eadem ratione, qua superiora ex locis augenda amplificandaque erunt.

*Postremo epilogum, &c.* Sunt qui prætermittendum esse tradant vitæ modum, item mortis qualitatem, item quæ mortem sint consecuta, vt communem luctum, honores, exequias, statuas, sepulturam magnificam.

DISPOSITIO LAVDIS,  
tetraſtico comprehenſa.

*Principium ſequitur genus, vt gens, natio, patres,*

*Vita micans ſtudio, legibus atque bonis,*

*Res geſtas animæ, corpus, fortuna miniſtrant.*

*Comparat in maius vota que ſinis habet.*

*Thucydides, &c.* Hic (vt ait Cicero de claris Oratoribus) erat Athenienſis ſummo loco natus; ſummusque vir, qui ad Olorum Thraciæ Regem, ceu ad progenitorem ſuum retulit nomen, affinem habuit Miltiadem, neceſſarium Cimonem vt ait Marcellinus Græcus, & Plutarchus in Cimone. Hoc autore fuit adeo delectatus Demosthenes, vt eum octies tranſcripſerit.

*Athenis, &c.* Cicer. de Oratore lib. i. Omnium doctrinarum inuentrices Athenas vocat, vbi omnis dicendi vis inuenta ſit & exculpta, & ad filium ſcribens ait vrbis authori-

tatem eam esse, quæ possit exemplis augere, &c. Quod autem Attici sint acutiores, in causa iunt esse tenue cœlum, quod qui crassum habent, crassos censer, ut in libro de Fato Cicce. Porro Atheniensis patriæ celebritas multum faciebat ad nomen illustrandum, vnde apud Ciceronem de Senectute, Seriphius Themistoclem non suæ, sed patriæ gloria splendorem assecutum affirmabat. Et apud Romanos magnificum erat & gentibus venerabile, ciuem Romanum fuisse. Vnde Diuus Paulus se Romanum esse dicebat, quam urbem Tribunus maxima summa compararit. Act. 17. 22.

*Idem Cic. Eloquentia, &c.* Nihil, inquit, admirabilius & inepist. ad magis populare, quam eloquentia. Hanc Cicero Brutum, de Orat. 3. vocat vnum de summis virtutibus, & de Claris oratoribus, ingenij lumen. *Es Quint. lib. 2. c. 20,*

*Vita magistras, &c.* Leges enim conditas esse constat ad salutem ciuium, ciuitatumque incolumitatem, vitamque hominum & quietam, & tranquillam, ut ait Cic. 2. de Leg.

*Posteritati mandauit, &c.* Id est, memoriz prodidit, idque lib. 8. quos scripsit de bello Peloponnesiaco & Atheniensium.

*Plataa, &c.* Plataa vel Plataeæ pluraliter, clarissima fuit Boeotiae ciuitas, quam Sthenophanus dictam ait *παρὰ τὴν πλάταιαν*, hoc est, à remo. Statius lib. 7. Thebaid.

*Nuntiat excubijs vigiles arsisse Plataas.*

De bello Plataensi Thucydides libro 2. & 3.

Et Plutarchus in vita Aristidis, & Cimonis.

PROGYMNASMATA. 217

*Atticam, &c.* Ditio vel regio fuit Attica, in qua Athenæ ciuitas, Philosophorum alumna, vbi primus omnium regnavit Cecrops, vnde Athenienses Cecropidæ, vt infra patebit. *Attica.*

*Peloponnesi, &c.* Peloponnesis Græciæ re-  
gio, alio nomine Achaia, alio, Pelasgia dicta. *Pelopon-  
nesus.*  
Vide Plin. lib. 4. cap. 4. Nomen habet à Pelope Rege, Hippodamiæ viro, Tantali filio, quasi Pelopis insula. Sita fuit inter duo maria, Ægæum & Ionium, Platani folio similis. De bello Peloponnesiaco Thucydides lib. 2. Plutarchus in Nicia,

*Apud Naupacton, &c.* Naupactus Ætolix, quæ Acarnaniæ, Phocidi, & Locris contigua ciuitas, nomen habens à nauium compaginatione: ναυπηγέω, nauim fabrico, ναυπηγος, fabricator nauium. Meminit Erasmi in Prouer. Excubias agere in Naupacto, cuius nauale prælium apud Thucydidem lib. 1. *naupactus.*

*Lesbos, &c.* Celeberrima fuit Ægei maris insula ante Throadem. Vide Plinium lib. 5. cap. 31. Athenienses, duce Nicia, receptos Lesbios mulctarunt, muros demoliti, naues & agros ademerunt. de qua re Thucydides lib. 2. *Lesbos.*

*Ambracioris, &c.* Ambracia vrbs Epiri fuit aspero subiecta tumulo, vt ait Liuius libro 7. belli Macedonici. Huius ciues Ambraciotæ, quorum historiam Thucydides libro 2. complexus est. *Ambracia.*

*Iudicium, &c.* Huius meminit Thucydides lib. 4. & 5. Aphthonius habet, δίκη Λακεδαιμό-  
νιων



νῶν ἐκ ἀγροῦται παρὰ νομο, id est, Lacedæmoniorum sententia iniusta scitur.

*Sphacteria* *Sphacteria*, &c. Σφακτομαί, iugulo, vel maſto est, vnde Sphacteriam insulam ab Heracleotarum maſtatione dictam esse, Stephanus ait. Historiam Sphacteriæ, Thucydides habet li. 4.

*Pylos*. *Pylos*, &c. Hæc fuit olim vrbs Nestoris, à Neleo condita, vnde Ovidius:

*Nos Pylon. antiqui Neleia Nestoris arua*

*Misimus:*

Distabat à Sparte stadia circiter quadraginta, in agro Messenio. Hanc olim Demosthenis consilio munitam, Lacedæmonij oppugnarunt. Meminit Thucydides loco citato.

*Corcyra*, *Corcyra*, &c. Corcyra, secundum Thucydem, Peloponnesi ciuitas fuit. Item insula, Alcinoi patria. Lucanus lib. 2. Vela ferantur in portus Corcyra tuos. Huius ciues Corcyrai Athenis orationem habuerunt, qua contra Corinthios petebant auxilia: quibus comperitis & Corinthij; miserunt Athenas Legatos, qui Corcyræorum orationes refellerent. Vide primum Thucydidis librum.

*Æginates*, &c. Αἰγινῆται, alij vertunt Æginenses, qui Athenienses accusaturi Lacedæmonia profecti fuerunt, vt ait Thucydides libro quarto. Æginam aurem Peloponneso contra Atticam ciuitatem adiacentem aiunt: & insulam Pyreo portui propinquam, ab Ægina Aſopi Bœotiæ Regis filia nomen trahens. Ouid. 7. Metamorphoseos.

*Oenapiam veteres appellauere, sed ipse  
Æacus Æginam generatricis nomine dixit.*

*Archidamus, &c.* Huius meminit Thucydides libro primo & secundo. Hic fuit Orator, dictus quasi princeps populi. Fuit & rex Spartanorum, quem ciues mulctarunt, quòd exiguæ staturæ fœminam vxorem duxisset, vt ait Plutarchus in vita Agesilai. Et ab Archidamo Thucydides interrogatus, vter ipse, an Pericles lucta præstaret: Respondit vbi luctando illum vicero, mox ille dicendo, se cecidisse negat, idque spectatoribus persuadet. Plutarchus in Politicis.

*Archidami  
Rhetoris  
meminit.  
Quint. lib.  
3. cap. 6.*

*Absterrens, &c.* Lacedæmonij bellum, propter socios Corinthios iniurijs affectos, illaturi erant Arheniensibus, quod Archidamus dissuasit, affirmans eorum vires pares esse aduersum Peloponneses atque finitimos: sed aduersus hostes procul habitantes esse omninò impares. Quare legatos Athenas mittendos esse, qui nomine sociorum iniurias deprecarentur, atque pacem exposcerent.

*Stenelcidas, &c.* Qui finita Archidami oratione apud Lacedæmonios verba fecit adhortans eos, ne socios haberent contemptui, nec ultionem differrent, sed protinus arma sumerent. Fuit autem vnus Ephorum: Hi apud Lacedæmonios erant Tribuni plebis, Regibus oppositi, sicut apud Romanos Consulibus. Vide Ciceronem tertio de Legibus.

*Pericles, &c.* Hic fuit Atheniensium Dux, Pericles.  
Phi-

Philosophus & Orator, discipulus Anaxagoræ. Vide Iustinum lib. 3. Valerium lib. 8. cap. 9. Quint. lib. 12. cap. 2.

*Pestilentiam, &c.* Athenienses bello atque morbo pressi Lacedæmonijs erant cessuri, sed oratione Pericles ad bene sperandum eos exhortatus est. Vide Thucydidem lib. 1. & 2.

*Ad voluptatem, &c.* Quintilianus li. 10. ca. 1. inquit: Historiam multi scripsere præclare: sed nemo dubitat longè duos cæteris præferendos, quorum diuersa virtus laudem est penè parem consecuta. Densus & brevis & semper instans sibi Thucydides: dulcis & candidus & effusus Herodotus. Ille concitatis, hic remissis affectibus melior. Ille concionibus, hic sermonibus. Ille vi, hic voluptate.

#### IN SAPIENTIÆ

*laudem.*

*Sapientie  
laus.*

**E**Xordium ductum à sapientiæ præstantia, eamque à laudandi difficultate. Eam Cicero Officiorum 2. scientiam appellat rerum humanarum atque diuinarum. Vide Tusculanarum Quæstio. 4.

*Adipisci, &c.* Sapientiam adeptum asserunt eum, qui cum vituperatur, non irascitur, & cum laudatur, non extollitur. Plato (ut scribit Laertius Diogenes) interrogatus, quomodo quis sapientiam adipisceretur, respondit: si non expectarit, quæ non euenire possunt, nec de præteritis recordatus fuerit.

*Iuno.*

*Iuno, &c.* Cicero de Natura Deorum 2. di-  
etiam

etiam ait à iuuando: nuptijs præest, vnde pronuba. A parturientibus inuocatur, vnde Lucina. Apud veteres nihil aliud erat, quam aer. Vide Macrobi. de somnio Scipionis cap. 17.

*Mars, &c.* Quem apud Thraces natum affirmarunt, hoc est, apud bellicosos atque feroces homines. Cuius meminit Cicero de re militari.

*Pallade, &c.* Hanc alio nomine Bellonam vocabant Lactantius lib. 1. cap. 21: Mineruam à minuendo, vel minando, secundum Ciceronem. Pallada autem, quod hastam vibret, ἄπὸ τῆς ἡλίας. Natam aiunt è Iouis cerebro, de qua plura Macrobi. 1. Satur. cap. 17.

*Vulcanus, &c.* Cicero de Natura Deorum tertio scribit quatuor Vulcanos fuisse. Quorum primus Coelo natus, Secundus Nilo progenitus fertur, Opus dictus. Tertius Iouis & Iunonis filius, qui Lemni fabricæ traditur præfuisse, de quo Aphthon. hoc loci videtur intelligere. Quartus Menalio natus, qui Vulcanias prope Siciliam insulas tenuit.

*Neptunus &c.* Ut Portunus à portu, sic Neptunus à nando paulum primis literis immutatis deriuatur, Saturni & Opis filius, qui & λαίμωρ inter Deos celebratus. Vide Ciceronem lib. de Natura Deorum 2.

*Dij cognatam sibi habent, &c.* A Dijs progenitam sapientiam asserit. Gellius autem li. 13. cap. 8. ex Atranijs sententia, sapientiam scribit Vfus & Memoriae filiam, quod vsu vitæ, multa-  
Sapientia  
vsus &  
memoriae  
filiæ.  
taque

taque rerum experientia paretur prudentia.  
Vnde prouerbum Solonis nomine celebra-  
tum, *γηγίσκω δ' αὖτις πολλά διδασκόμενος*,  
quem sic vertit Erasmus: Quotidie addiscens  
plurima, fio senex.

*Palamedes.* *Palamedem, &c.* Hic Nauplij Regis Eubœæ  
filius erat, vnde Naupliades. Ouidius in Ibin.  
*Naupliadaque modo ficto pro crimine pœnas*  
*Morte luas, nec te non meruisse iuuet.*

Deorum filius habitus, quod ingenio diuino  
præditus, ordinem aciei, & aliquot literarum  
figuras inuenerit. Vide Plinium lib. 7. cap. 56.  
Philostratum lib. 4.

*Nestor.* *Nestorem, &c.* Huius pater Neleus, & mater  
Chloris legitur. Deorum filius putatus, pro-  
pter eximiam prudentiam & eloquentiam.  
Hunc Agamemnon sibi semper adhibuit con-  
sulem. Cicero de Senectute: Dux Græciæ non  
optat vt Aiaces similes decem habeat, at vt  
Nestores quinque.

Homerus Iliados α, Γοῖσι δ' Ἰ Νεσῶρ  
*Ἡδρεπὴς αἰθερσελῆγυς, πυλίων ἀγορητὴς*  
*Τῶ καὶ δ' ἐπὶ γλώσσης μέλει* & *γλοκίων ῥεον αὐδῆ.*

*Deorum filios, &c.* Vt Herculem, Æscula-  
pium, Mercurium, Æneam, Achillem, Libe-  
rum, Cæsares. Etenim gentilitas olim magna  
tes atque Reges Deos appellabat, siue ob mi-  
raculum virtutis, siue ob prudentiam, siue ob  
beneficia, quibus etiam ad humanitatem  
compositi, siue in adulationem. Vide Lactan-  
tium lib. 1. ca. 15. Deo-



*Deorum naturam permutare conati, &c.* Sunt qui hunc locum ita reddunt ex Græco : Non illis Deorum naturam attribuentes, ita enim veri Dij fuissent, communione generis commune bonum sortiti, sed quatenus id bonum sibi compararūt, Deorum filij existimati sunt.

*Virtusque temporis, &c.* Id est diuinum munus ac progenies sapientia principatum obtinet & pacis & belli temporibus. Nos exhorrescere metu non finit, & hac præceptrice in tranquillitate rectè viuere possumus. Vide Ciceronem de finibus bonorum & malorum.

*Futura prospicit, &c.* Docet enim sapientia, nihil temerè & præcipitanter agendum, sed omnia consulto & præmeditato. Cuius proprium est, nihil, quod poenitere possit, facere vt ait Cicero Tuscula. Quæst. 5. Et non committere, vt aliquando dicendum sit, non putatam, vt inquit idem Cice. Offic. 1. Valerius lib. 7. cap. 2. Porro sapiens assuescit futuris malis, & quæ alij diu patiendo leuia faciunt, hic leuia facit diu cogitando. Præcogitari enim mali mollis ictus venit. Ideo stultis, fortunæ cedentibus, omnis videtur noua rerum inopinata facies, vt ait Seneca ad Lucilium Epist. 77.

*Cælum, &c.* Id est, sapientia nobis reuelauit, quæ sunt in cælis arcana, τὰ ἀποκρυφτά, ineffabilia mysteria.

*Vita defuncti, &c.* Vt & Galli sapientes, qui persuasum habuerunt, animas hominum immortales

mortales esse, soliti pecunias mutuas quæ apud inferos redderentur, dare. Valerius lib. 2. cap. 1.

*Actus sapientia, &c.* Ad molem immanis equi respexit. Virgilius in 2. Æn.

*Instar montis equum diuina Palladis arte  
Ædificant, sectaque intexunt abiecte costas.*

*Et vnus consilium, &c.* Aphthon. sic habet:

καὶ πρὸς τὸν ὅλῳ διαλυσὸν δύναμιν δι' ἐνὸς κυρῆος  
βλεψάτω. Rodolphus Agricola pro κυρῆος

videtur legisse κυρῆος. Fuit quidem sapientissimus Persarum Rex Cyrus, qui dicere solitus, neminem debere principatum suscipere, nisi melior his, in quos acciperet. Is Astiage, Medorum Rege, auo materno victo, regnum Persicum auxerat, non ademerat. Vide Iustinum lib. 1. Sunt igitur qui hunc locum referant ad Alexandrum, qui legitur Persas in tugam conuertisse. Alij malunt ad Aristidem reterre, sub quo duce Persæ victi eorumque dux Mardonius Arimnesto Spartiata saxo caput saucius, vt ab Amphiarai oraculo sibi prædictum erat, occiditur, vt Plutarch: in vitis refert.

Cyrus regnum à  
Medis ad  
Persas  
transstulit  
circa Olymp. 56.

*Cyclops.*

*Cyclops, &c.* Dictus ab vno, quem habuit in fronte, oculo, quasi circularis oculus, de quo apud Virgilium in 3. Æneidos libro.

*Nam simul expletus dapibus, vinoque sepultus,  
Cervicem inflexam posuit, iacuitque per antrum  
Immensum, saniem eructans, ac frustra cruento  
Per somnum commixta mero, Nos magna precati  
Numina, sortitique vices, vna vndique circum*

Fundi.

*Fundimur, & iclo lumen terebramus acuto,  
ingens quod curua solum sub fronte latebat,  
Argolici clypei, aut Phœbæ lampadu instar.*

Propertius lib. 4.

*Cessit & Ætnææ Neptunius incola rupis.  
Victa Maronæo sedatus lumina Baccho.*

Vide Homer. 10. in Odyss.

*Fortitudo culpanda, &c.* Sine sapientia in-  
quit, fortitudo non est fortitudo, sed temeritas, propterea quod fortitudo est contemptio laboris, & periculi, cum ratione utilitatis, & compensatione commodorum. Temeritas est, considerata dolorum perpeffione, gladiatoria periculorum susceptio, ut ait Cicero ad Herennium 4.

Fortitudo.

Temeritas.

EXEMPLA LAUDATIONIS

*Laus Demosthenis.*

**Q**UÏ parentibus obscuris nati ad decus præclarum virtute propria ascenderunt, non inferiorem laudem merentur, quam qui, nobilitate maiorum superbi, se iactant. Maior enim est gloria, virtutibus proprijs niti, quam alienis intumescere.

Exordium.

Demosthenis quidem pater Demosthenes fuit, vir honestus atque probus, sed plebeius, ab officina gladiatorum Machæropæus appellatus, vix seculo suo natus, ut Valer. inquit. At qui filius ad summum decus euectus, omnibus maioribus suis præluxit.

Demosthenis laus.

Parentum inquit

Quint. 1. 3.

c. 7. duplex

est tractat.

aut enim

respondisse

nobilitati

pulchrum

*Dis ille aduersis genitus, fatoque sinistro.  
Quem pater ardentis massa fuligine lippus,*

P

A car-

*A carbone, & forcipibus gladioque parante  
Incude, & luteo Vulcano, ad Rhetora misit.*

*Vt ait Iuuenalis Satyra 10.*

*erit; aut  
humilius  
genus illu-  
strasse fa-  
tus.*

*A patria.  
A maiori-  
bus.*

*Demosthe-  
nem legem  
orandi vo-  
cat Quint.*

*lib. 10. c. 1.  
Ab edu-  
catione.  
Platonis*

*audito rem  
fuisse De-  
mosthenem  
testatur*

*Quint. lib.  
10. cap. 2.  
& 10.*

*In quem  
eius Philip-  
p. extant.*

*A bonis  
animi.  
Darius*

*tum Persis  
imperita-  
bat, qui*

*postea vi-  
ctus ab  
Alex. fuit.*

*Humero-  
rum iacta-*

Sortitus fuit patriam, ubi inuentæ & ex-  
cultæ bonæ disciplinæ. Vnde velut ex equo  
Troiano complures viri celeberrimi prodie-  
runt.

Maiores parum illustres habuit, sed eos ip-  
sos eloquentia atque virtute sua nobilissimos  
reddidit, oratorum princeps æstimatus.

Honestè fuit educatus, ac bonis disciplinis  
institutus sub oratore clarissimo Isæo, & præ-  
ceptore Platone ad bonarum literarum studia  
inflammatus à Thrasio Eunomo.

Ingenij specimen in prima iuuenta statim  
emicuit. Vis in eo dicendi mirabilis, & glo-  
riosa Rempub. rutata fuit. Nactus in Republ.  
materiam vberem & honestam pro Græco-  
rum libertate aduersus Philippum, & in ea  
præclare decertans, confestim nomen & glo-  
riam assecutus est, nec solum vt disertus, ve-  
rum etiam vt fortis vir suscipiebatur, vt admi-  
raretur ipsum Græcia, obseruaret Persarum  
Rex. plurimusque apud Philippum sermo ef-  
fet, confiterentur aduersarij sibi aduersus præ-  
clarum virum esse certamen.

Corporis quidem in eo fuit imbecillitas,  
quam ingenio atque doctrina compensauit,  
atque resarsit. Etenim commemorato nomi-  
ne Demosthenis, maxima eloquentiæ ton-  
summatio audientis animo oboriebatur. La-  
teris

teris quidem firmitate defectus, quas corporis habitus vires negauerat à labore mutuatus est. Qui cum rerum natura præliatus, & quidem victor abiit malignitatem eius pertinacissimo animi robore superando. Itaque alterum Demosthenem mater, alterum industria enixa fuit, vt ait Valerius Maximus.

*Stationem  
quomodo  
ille emen-  
darit, vide  
apud Quin-  
lib. 11. c. 3.  
A bonis  
fortune.*

Patrimonium abundans relictum erat, sed tutores male administrauerant. Partem enim surripuerant, partem neglexerant. Ipse tamen satis opum studio consecutus, & ijs præstantiora bona secum gestabat, non humeris, non oculis visenda, sed æstimanda animo, quæ domicio mentis inclusa, nec mortalium, nec Deorum manibus labefactari queant, & vt manentibus præsto sunt, ita fugientes non deserunt. vt de eo Valer. scribit.

*Aduersus  
tutores  
suos puer  
adhuc in-  
pillares a-  
eliones ha-  
buit De-  
mosthenes.  
vt testatur  
Plutarch.  
in eius vita  
& Quinte.*

Pro salute Reipubl. vitam amisit, vnde eius mortis diem omnium moestissimam egerunt, & inter sacra Cereris ieiunarunt mulieres. Populus item Atheniensis, honorem illi reddens, statuam, vtque maximus natu sui generis publice stipendia haberet, decreuerunt.

*lib. 12. c. 6.  
Plurim-  
fra de  
morte  
Demosthe-  
nis in eius  
cum Cice-  
rone  
compara-  
tione.*

ALIVD EXEMPLVM: LAVS

Philippi Regis Macadonum.

**E**X Græcorum Regibus, meo iudicio, nullus fuit quem non Philippus Macedonum Rex vel ingenij dexteritate, vel virtutum meritis exuperarit.

*Exordium.  
A genere.  
A patria.  
Ab educa-  
tione.*

Patrem habuit Amyntam, summæ prudentiæ virum; patriam celeberrimam, atque re-

*Objes e-  
rum La-*



*cedemoniis  
datus est ab  
Alexandro  
fratre tunc  
regnante  
Philippus.  
A rebus  
gestis.*

gnum adeptus centum & quinquaginta popu-  
lorum. Plin. li. 4.

Epaminonda strenuissimo Imperatore, &  
summo Philosopho vsus est præceptore. Orof.  
li. 3. cap. 12. A quo & bellicis artibus & Philo-  
sophiæ preceptis præmunitus, ad regnum ac-  
cessit.

Thessaliam domuit, Græciam penè totam  
consilijs præuentam viribus vicit. Nec ita bel-  
licis tumultibus præpeditus, & victorijs affe-  
ctus, vt à liberali Musa, & studio humanitatis  
abesset. Quin lepidè comiterque pleraque &  
fecit, & dixit, & egregia ingenij monumenta  
reliquit. Argumento sunt Epistolæ munditiæ,  
venustatis, & prudentiæ plenissimæ, velut illæ  
quibus Aristoteli natum sibi filium, & ab eo-  
dem instituendum denunciavit. Quibus om-  
nibus omnia ea, quæ fortasse iuueniliter pa-  
trasse criminari posset, abunde satis deleuit.

*Ab animi  
bonis.*

Clementia singularis in eo fuit, ac benigni-  
tas in victos. Vnde quibusdam ipsi consulenti-  
bus, vt cum Atheniensibus asperius ageret, re-  
spondit, illos absurde facere, qui homini cun-  
ctis ad gloriam tum agenti tum patienti sua-  
derent, vt gloriæ suæ theatrum abijceret, si-  
gnificans sese hoc agere, non vt Athenas euer-  
teret, sed vt ciuitati celeberrimæ, doctissimo-  
rum virorum copia florenti, suas virtutes pro-  
baret. Item: Quidam petulantioris linguæ ma-  
ledicta conijcere solebat in Philippum, hunc  
amici hortabantur, vt eijceret in exilium. At

ille negavit se hoc facturum, demirantibus quid ita, ne, inquit, oberrans inter plures male de me loquatur. Quod maledicum non egit in crucem, vel clementiæ erat: quod ignovit, vel magnanimitatis: quod contempsit, quod noluit expellere prudentiæ: plus enim nocuisset. Vide Erasim. 4. Apophthegmatum. Diodorum, Siculum lib. 3.

Quis autem Hannibalem Carthaginensem A compa-  
ducem Philippo censuerit comparandum? Ille ratione.  
multa quidem gessit, sed pleraque perfidiosè ac crudeliter: hic omnia sapienter, ac cum animi summa moderatione.

Longe plura tanto Imperatore dicenda essent, sed finem facio, contemplans meam dicendi facultatem longe inferiorem esse, quam ut tantis Philippo virtutibus par esse possit.

ALIUD EXEMPLVM ELOQVENTIÆ

Encomion.

CVm, autore Gellio, turpius sit frigide laudare, quam infestanter vituperare, metuo ne encomion eloquentiæ minus aptum ego dicturus, ingenij magis inopiam prodicurus sim, quam dignis illam laudibus euecturus. Attamen si libet eius principium considerare, reperiemus eam honestissimam productam origine, optimisque rationibus profectam.

Quæ cum vna sit de summis virtutibus, ut A genere,  
ait Cicero, nemini dubium esse debet, quin ab illo qui fons omnium virtutum est, & origo,

*Quint. li. 2. cap. 20.* profecta sit, nempe à Deo Opt. Max. cuius, vt  
*De eloquen- tia autem præstantia, vide apud eundem l. 2. cap. 26. Ab ijs quas perficit reb.* sacra Scriptura meminit, dona sunt linguarum genera, omnesque sapientiarum & scientiarum sermones, ex quo, per quem, & in quo sunt omnia.

Coelitus igitur demissa admirabilem in rebus humanis potentiam recepit, & incredibilem efficaciam facultatemque accendendi mentes ad honestatem, animos ad gloriam. Afflictos consolatur, perterritos timore vacuos reddit, seditiones compescit, feros & agrestes homines ad humanitatem deducit. Vnde Poetæ Orphea & Amphiona finxerunt demulcisse feras, & cum arboribus montes traxisse: ait enim Horatius:

*Agrestes homines sacer interpretæque Deorum  
 Cadibus, & sædo victus deterruit Orpheus,  
 Dictus ob id lenire feras, rabidosque Leones.  
 Dictus & Amphion Thebana conditor artis,  
 Saxa mouere sono testudinis, &c.*

Sed, inquis, Eloquentia scelestos pœnis eripit, falsis veritatem expugnat, status Reipub. euertit, vt bono iure Lacedæmonij Rhetores videantur expulsisse.

*Obiectio*  
*Hæc enim vberime apud Quint. lib. 2. Disputatio.*

*Comparatio.*

Esto, sed eadem ratione omnes bonæ artes, omnis magistratus, cum vtrunque aliquando proueniant mala, possent expelli. Idem è medio tolli ignis & aqua, vnde sæpe numero maxima oriuntur dispendia, atque bonæ res malæ non sunt, si bene vtamur.

Quis Eloquentiæ prætulerit liberalitatem?

*hæc*

hæc paucis poterit prodesse : illa suas in omnium mortalium salutem vires exeret.

Rerum magnitudine deterritus finem fac- *Epilogus*  
cio: etenim maximis eloquentiæ laudibus vix  
illius dicendi facultas responderit.

ENCOMIUM ALICUIVS

*Academia.*

**I**N gratissimus omnium haberi merito pos-  
sem, si concionis huius hodiernæ a auditori-  
bus, nempe ijs quibus meipsum debeo, non in  
præsentiarum morem gererem, in dicendis,  
quem scopum huius orationis esse voluerunt  
beneficiorum laudibus, atque summis in nos  
omnes meritis. Rationis omnis experts volati-  
le Ciconiam, nouimus omnes officij mutuam  
rependere vicē solere, vt hinc αὐτοπελαγεῖν,  
natum prouerbium. Quanto æquius ac iustius  
nos, qui ratione ducimur, gratiam nobis be-  
nefacientibus, si propter culpam fortunæ ini-  
quioris non parem referre poterimus, tamen  
aliquam scribendo saltem, bene sentiendo at-  
que assiduus illos extollendo laudibus, & ha-  
bere & agere non detrectauerimus. Cum au-  
tem Academia N. veluti mater omnium no-  
stra communis benignissima, nos tanquam a-  
lumnos suos, & charissima pignora sinu blan-  
diore foueat, nos bonis literis instituat, nos  
probatis moribus afficiat, quis vel pietatis vl-  
lo tangi confirmet illum affectu, qui rogatus  
aut iussus parentem tam officiosam pro virili  
sua nolit, vt ingratitudinis morosæ filius, ad

sydera ferre? Hæc cum ipsi vos optime teneatis meditata, nihil omnino dubitandum erit mihi, quin iam silentium pollicentes vos omnes, ornatissimi atque ijdem integerrimi viri, ac studiosa iuuentus, me patienter sitis audituri.

*Ab auditorum intentione, & argumendi fertilitati.*

Iniunctum est mihi Academiae nostræ N. Encomion dicere. Inprimis autem gaudendum, ac lætandum mihi video, partim quod vos ad audiendum tam avidos contempler, vos omnes tam attentos, quam pudens ego, quàm hæsitans ego, quàm tremebundus ego primum huc ascendi, nunc autem vestro, quo me omnes prosequimini, favore atque hilaritatis aspectu longè redditus alacrior: partim, quod talis oblata sit dicendi materies, in qua etiam erudito parum, hoc est mei sumillimoliteraturæ leuioris homuncioni, non deesse possit oratio, vt longè difficilior videatur exitus inuentio, quàm principij, nimirum vt non tam copia mihi, quam modus in dicendo querendus existat.

*Ab auditoribus atque fundatoribus Academicæ.*

Nam si protinus ab initio ipsos gymnasij nostri celeberrimi auctores aut patronos consideres, ac perpendas, siue Deū Opt. Max. cuius cœlesti providentia, ac diuino nutu instituntur, eriguntur, ac gubernantur vniversa, quæ in terris sunt, siue illustrissimum nostrum Hæforum Principem, statim tibi tā inundans verborum ac rerum flumen occurret, vt te magis obrutum copia, quam inopia pressum iri, fatearis.



tearis. Quid? (vt illum ἀνεκφώνωτον, ἀνεξέσπευτον, ἀνέλιχνίσσον, qui extra omnem eloquentiæ cœlestis, nedum terrestris, aleam est positus, cuius gloriæ nullum principium, nullus finis existit, Deum Opt. Max. præteream) vel sola huius terreni numinis, quo Domino ac fundatore nostra Academia merito gaudet, iubilat & exultat. Principis Illustrissimi dotes tantam dicendi copiam offundunt, vt spiritus dicturi citius defecerit, quam incrementis beneficio rerum orationis cursus.

Quid enim memorē tot antiquissima stemmata, tot maiorum imagines, tot pacis, tot belli clarissima facinora, atque parva trophea? Quid tantam vitæ integritatem, tãtam clemētiā, tantam prudentiam, tantum pietatis ac veræ religionis studium? Quid denique innumerabilia alia, quæ omnia ac singula tam splendida, tam lucida, tam illustria sunt, vt si alienæ claritatis pollities, ac nitor fuerint adiuncta, plus obscuritatis sint allatura quam lucis? ideoque tam fertilia, tam copiosa prædicatu omnia, vt centum linguas, imo centena principum eloquentiæ millia fatigare possent.

Quis enim, vt alia transeam omnia, quis inquam, vel Nestore, vel ipso Pericle facundior, eloquentia digna satis expresserit, quanta disciplina militaris arte contuderit horridos Sickingiani terroris insultus: quanto pristinum in regni statum animo restituerit ducem Vvirtenbergensem? quanto pectore compescuerit

seditionosos rusticorum tumultus? quanto denique spiritu vicerit Duces Brunsvicenses, patrem & filium?

Quare digna satis laudatu, satis gloriosa N. Academia videretur, si vel solum tot & tanti fundatoris sui decoribus & ornamentis conspicua floreret. Sed, ut vniuersitatis nostræ amplitudo fiat admirabilior.

*Ab alijs*

*Academice*

*Præsidib.*

*atque Mæ-*

*cenatibus.*

Accedunt complures, quos omnes enumerare longum esset, natalium claritate, facultatum laureis, ac virtutum meritis præstantissimi patroni, quorum facundia plurimum apud exterarum nationes promouit: quorum grauitatis excellentia protexit, dignitatis denique tituli protulerunt & cornauerunt Academia nostræ pomœria. Quibus omnibus robustissimis veluti columnis suffulta, quibus tutelariibus diuis Academia N. vndique circummunita, quid vlterius excogitare poterit, quod origini suæ, & fortunarum primitijs, vel splendidius vel excellentius adijcere possit? primo diligenter excusseris, inuenies profecto Saturni seculis non infeliciora, quibus bonæ artes atque virtutes, vbique gentium antea proculcata; capita sua feliciter exeruerint: quibus homines nullis inquietatis bellis, nullis intestinis seditionibus insauciati, nullis denique prælijs funestati, sed velut optimis fortunatissimi fores pulsantis æui auspiciis. Atqui si quarum priscæ vestigia fraudis remanere, aut malorum lerna videbatur impendere: ea statim omnia

ab illustrissimo Principe nostris procul à finibus propulsata fuere:

Quod si locum, ubi N. vniuersitas erecta, A *quæ sita*  
perscrutatus fueris, vix vllum profecto repe- *loci com-*  
ries vel amœniorem, vel commodiorem. Vbi *modulato.*  
N. tot vetustis antiquissimorum ædificiorum  
structuris veneranda: prudentissimorum in-  
corrupto Senatorum ordine conspicienda:  
florētissimo simul ac honestissimo rerum pri-  
uatarum ac publicarum statu nobilitata re-  
splendet: cuius forum Curia speciosissima  
marmoreis quasi lapidibus excisa venustat: &  
aqua fontana, tot fistulis ac syphunculis tam-  
recenter artificio mirabili factis emissa, &  
murmure blandiore delectat, & aspectu pul-  
chriore totum locum exornat.

Verum, vt occasio reprehendendi semper A *contra-*  
est obuia, si quis calumnietur ipsam urbem *distione.*  
plus æquo frugalibus cinctam esse muris, re- *Agésilai*  
sponderi poterit, quod olim Agesilaus ille, La- *laudabile*  
cedæmoniorum Rex, percontanti, quam ob *dictum.*  
causam Sparta non cingeretur muris, respon-  
sum voluit ostendendo ciues armatos inquiēs:  
Hi sunt Spartanæ ciuitatis mœnia: quo signi-  
ficauit Resp. nullis monumentis, nullis vallo-  
rū propugnaculis tutiores esse, quam ciuium  
virtutibus. N. ergo tutissimum est ac firmissi-  
mum tot studioforum, tot fortissimorum ci-  
uium virtutibus: nam lapideo quod operi de-  
est, id animorum robur ac præstantia compen-  
sant; & quod hominum artificijs, id natura  
loci

*Lanus  
fluvius.*

loci tot præruptis vndique montibus refarcit commodissime circumsepiendo: vbi celeberrimus iste fluuius. Lanus infractum orientali lateri dorsum accommodat.

*Ab aquarum salubritate, & copia piscium.*

Qui alias etiam quasi Nilus foecundans omnia plurima delicatissimorum genera piscium educat, atque producit. Cuius item tanta potentia medica celebratur, vt cum multis nominum minimè vulgarium Thermis contendere possit. Etenim pforam ac imprurignes omnes, quibus communiter studiosi diuexantur, præsentissime sanat, vt nemo tanta scabie laborans huc veniat, qui non, semel atque iterum lotus, ocyssime curetur. Hinc complures audias, qui, quem cutis glabellæ nitorem assidue alibi lauacris experiri non potuerunt, cum sese fateantur hic vel citra negotium afsecutos, solius beneficio Lani, maxime peculiarem pratorum & alvei N. virtutem haurientis.

#### ▲ LOCI AMOENITATE

*& vbertate.*

**V**Bi præteriam dicta. tot amœni prospectus tot hortorum decora, tot agrorum lumina, vt illud *Nullus in orbe sinus* (N. non) *Baius, præluceat amœnis*, dubio procul scriptum reliquisset Horatius, si modo cognitum habuisset, & versus non eluctaretur. Equidem *Aureum hic annus, bis ferique rosaria Pasti*, (Hic) *proprie adductum credas frondere Tarentum*. Hic denique Musis omnibus gratissimus locus, vbi rerum omnium

omnium vberimus prouentus, vt non solum innumera ciuium ac studiosorum multitudo victum acquirere facillime possit, sed etiam fertilitas natiua miserrimæ locorum cæterorum sterilitati suppetias ferendo, non paruas alienarum ciuitatum sitarchias expleat. Respubl. alat, sustentet, lætificent.

Vbi denique maxima aeris salubritas vt ipsa *Acæli de pestis, aut acutus alius (nam quæ de pluresi mentia.* modo feruntur, puerilia sunt) morbus nunquam, nisi fortasse, quod tamen rarissimum decennio toto elapso, grassetur. Cuius rei causa poterit euidens esse, vel tam placida cæli temperies, vel tam sereni totius Machinæ cælestis aspectus, quibus N. vt omnium sibi dilectissimam æternus ille pater singulari quadam clementia commotus, prosperare dignatus est ciuitatem. Quæ non solaribus nimium æstibus subiecta iacet, nec frigoribus nimium, Borealibus præpinq̃ua, sed temperatiore sub climate constituta.

Verumtamen si tempestuosior aliquando ac *Ab aeris immitior aer (vt omnium rerum est vicissitu. horridioris do) videtur ingruere, longe plus vtilitatis ille commodi. tate.* semper quam incommodi solet importare. Sic enim, ad omnes fortunæ truculentioris impressiones assuefiunt, sic ad morbos superandos, sic ad durissimos labores perferendos excercerentur, ac edurantur corpora.

Porro si quispiam conqueratur, regionem *A cliuose istam montosam, asperam ac lapidibus con- regionis vtilitate.* frago-



fragorē inhorrescere, hic mihi sapiens Darij maioris factum animo præsentī reuoluat: Ille populum suum, regionis scabritiem & asperitatem campestri ac molliore tractu commutare cupientem, minime permisit, affirmans hominum habitus vt semina ac plantas, ad regionis naturam immutari: sentiendo se malle duros homines, & laboribus accommodos, quam molles, quam ignauos, quam effœminatos, quales regio mollior generare solet. Quod si diligenter animo collectum discusserit, nullam in orbe ditionem fore confitebitur, quam cum sua permutare debeat Illustrissimus N. Princeps, innumera virorum milia possidens, qui tempore pacis bona studia ac virtutes excolere nouerunt: bellis autem imminuentibus, qui labores perpeti, qui maximum exercitum ducere, qui summa pericula subire, qui fortiter arma tractare, qui munitissimas vrbes euertere, qui denique præcellas arces demoliri possunt. Quare Pœnorum acerrimus Dux Annibal, in Italiam ab initio per Alpes, per tot frigora ac niues irrupturas, maximis olim stipendijs coemisset tales virorum manus, quales producit N. vbi corpora vegeta, robusta, præstantiaque proueniunt, ac procera grandescunt.

Ab ingeniorum  
dexteritate

Sed ne prouerbium, *ἄνθρωπος ὁ μακρός*, id est, amens qui longus est, in eisdem quadret, accedit acutior mentis, & ingeniorum sagacissima perspicacitas. Non enim N. multum auersus equos

equos sol iungit ab vrbe. Quæ nec, vt aliæ  
 quædam, in vallibus profundis, in locis cauer-  
 nosis, in lacunis, atque speluncis palustribus  
 est condita, vbi perpetuo fœtore grauitè o-  
 lentes nebulæ, vbi putres exhalationes, vbi pe-  
 stiferæ memphites, virosa crassitie corrup-  
 punt aerem, deinde mentium humanarum a-  
 cies hebetant, & Saturnitas quasilemas offun-  
 dentes, ingeniorum vires obnubilant, vbi fe-  
 rarum latibula, luporum ac vrsorum spelæa, v-  
 bi horrenda denique serpentum ac draconum  
 antra beluinam ad naturam animos transfor-  
 mant humanos: sed potius, vt nobilissima Re-  
 gina N. ciuitas, bonarum artium omnium re-  
 ceptaculum, puriorem, eminentiorem. & in-  
 genijs bonis aptiorem cœli partem elegit, &  
 ita solerem sese composuit, vt proximè ad fi-  
 guram hominis, ac virtutis simulachrum ac-  
 cedere videatur:

Enimuero quemadmodum à Deo Optim. *A verbis*  
 Maxim. videmus hominem effectum erecta *figuræ vel*  
 facie rigidum, vt scilicet ea speculetur, vnde *habitu.*  
 origo est, nempe cœlestia, reliquum autem v-  
 niuersum animantium genus prouum, & ad  
 terram versum : quod etiam Ouidius innuit,  
 dicens:

*Pronaq; cum spectent animalia cætera terram,* *Metam. 1.*  
*Os homini sublime dedit, cælumq; videre*  
*Iussit, & erectos ad sydera tollere vultus.*

Sic clarissimum, vbi nostræ Academix pul-  
 cherrima sedes est N. non aliter atque homo  
 prin-

princeps, caput erectissimum ac eminentissimum inis turribus, vt diademate regio coronatum habet, nempe quam admiramini toties *ακρόπολις* arcem istam, quæ candidam frontē suam velut inter nubila condit: cuius collum monili baccato suis velut vnionibus irradians, prominet, illinc nitidis clarissimi domini cancellarij Ioannis Ficini Palatijs, hinc illustrissimi Principis sapientiæ domicilio, quod *βαλάντιον* aut *δικαστήριον* appellamus, exornatum. Corpus est tot membris & articulis, id est domibus ac palatijs insigne, quotquot intra ciuitatis N. mænia sita esse nouimus, Pectus est ipsum templum. Curia ista, vt alimentorum dispensatrix, est stomachus. Vtrunque collegium, Pomærij, & (vbi iam hæc dicimus) Lani, sunt præcordia: duo vici, alter quem vulgo *den Bryen*, alter quem *Bijssenstom* appellant, femora sunt aquis proxima, quod circum ea corporis partes crebris lotionibus indigent, ideoque mediastinis assignati. Brachiorum alterum, nempe dextrum, est ista platea quam vernacula lingua *den steinvveg* vocitant. Sinistrum, quod suburbium, *Beidenhausen*. Pedes autem instar fortissimi bouis (iuxta proverbium) altius in terræ viscera defixit. Sic dispersis veluti manibus, & commodissimo suæ vastitatis immobilioris anfractu, studiosos omnes, quasi gremio sinuoso, vt benignissimo, sic tutissimo complectitur & exosculatur.

Cæterum vt honestate conspicuos peculiar  
ri qua-

ri quadam humanitate, quæ sua est benignitatis excellentia, prosequitur, sic in dyscolos ac nebulones omnes meritam ac iustam (vt æquum est) seueritatem exercet, vt suis flagitia, suis ipsam virtutem brauijs condecoratum iri cognoscas. Etenim cum alterum brachium, nempe dextrum id est platea, *der Steinyveg*, iucundior quidem sed ascensu difficilior videatur, non immerito virtutis illi dextro calli poterit comparari, quo ad virtutis & honorum præmia traducuntur homines. Contra, cum *Beidenhausen* ostendet viam latam, decliuio-rem, & facierenus molliorem, sed vbi progressus fueris, satis lutosam, ac etiam calamitosam, vbi Liſtores & Carnifices habitant, ſce-leratorum calli nobis deuitando poterit assi-mlari, iuxta illud:

*Hac via virtutis (nimirum der Steinyveg.) dex-  
trum petit ardua callem,*

*Difficilemque aditum primum spectantibus offert:*

*Sed requiem prabet fessis in vertice summo.*

*Molle ostentat iter via plana (Beidenhausen) sed vl-  
tima metu.*

*Præcipitat captos, voluitque per ardua saxa,  
intellige cruces ac tormenta. Cuius Virgiliani  
carminis quasi dilucidam paraphrasin cernis,  
si N. ipsum penitus aspexeris. Nonne metam  
callis dextri, & requiem vides, Germanicam  
istam domum? vbi præstantissimus D. Com-  
mendator, vir vt nobilitate clarus, sic omni  
bonitate præditus, omnes literarum meliorum*

ac virtutes cultores itineris difficultate, ac studiorum assiduitate subinde defatigatos curisque confectos, comiter excipere, ac generosissimo vino, *quod cum spe diuite manet. In venas animumque tuum, quod verba ministrat, reficere, & curas diluere semper est assuetus.*

*A liberalitate domini in Cornmendatione Teutoniarum.*

Quoties ad cœnas Academiæ nostræ fautores ille vocans, velut accepturos virtutis præmia, refrigeravit, & non semel ita bonæ fortunæ cal. cibus exhilarans, obruit, ut neque mentes illorum, neque pedes officio suo satis functa conspexerimus? Quoties ad prandia Mularum antistites studendo defessos, & laboribus exhaustos, veluti literarum fructum percepturos inuitans, humanissime tractavit, & terculis recreavit opiparis? Et ne longius exempla petantur, quoties ille M. Casparum, iam Academiæ nostræ Decanum dignissimum tot piscibus delicatioribus, utpote carponibus ac lupis exornavit, atque tot alijs lauritijs labore publico & domestico delassatum refecit? ut vel ille solus satis abunde testari possit, Eades Teutonicas esse dextri apud N. callis, æmuli virtutis, metam & requiem inibi placidissimam. Quo admoneri possumus, Radices literarum, ut Isocrates ait, amaras esse, fructus vero dulciores, callem virtutis ascensu difficiliorem, sed metam omnium iucundissimam. Atqui te non moueat, quod hic illius terminus & apex summo vertice non pendeat, sed magis ad locum inferiorem recesserit: id enim myste.



mysterio non caret, quo sapientissimus ille, quicumque fuit primus, architectus admonere voluit, eam virtutis naturam esse, ut elata nunquam superbiat, nec summo fastu, quod habet pulcherrimum, vulgo prophanis oculis ostendet, sed potius thesaurum, ceu utili cortice dissimulans quod habet eximium, intimis recondat & occulter. Hinc est, quod Elisaberthica domus fastigio sublimitatis posthabito, locum humiliorem preoccupando, sectantibus virtutem maluerit in occulto munera digna conferre, quam in excelsa loco gloriam sortiri.

Sed ad alteram virtutis viam redeunti, *Beidenhausen* illud sese offert, quod, quam misera-  
*Ab alterius*  
*literæ Py-*  
*thagorica*  
*callis ex-*  
*plicatione*  
*γῶ, εἰς μακράν, καὶ εἰς κόρινθον.* Vbi ipsissimum fustuarium, ac teterrima tot morticinarum porcorum ac cadauerum vorago atque barathrum, vbi fames & atris volitans infamia pennis, vbi sera poenitentia, vbi damnatorum gemitus, & eiulationes sæpius audiuntur, vbi tortorum ferocia, vbi carnificum crudelitas, iam fontes virgis cædit, iam cauterio, vel candenti ferro buccas facinorosorum perforat; iam sicatorum membra rotis distringit ac contundit: iam furti reos in crucem tollit, iam latrocinij, aliorumque criminum conuictos, alio atque alio mortis genere dilaniat, atque immaniter obtruncat.

Ergo ex his omnibus, ornatissimi viri, & *Ab episto.*

go dicto-  
rum,

studiosa iuuentus, opinor intelligitis, quando consilio, quantis rationibus adductus Illustrissimus Princeps noster voluerit apud N. Academiam erigi atque fundari, quod inibi vicus pene omnis, omnis angiportus, omnis platea, studiosos homines virtutis admonere, turpissimos autem nebulones, à vitiorum ac scelerum maleficijs deterrere possit. Hæc de patronis, origine & loco Academiæ.

Ab uberri-  
mo studio-  
rum, bonarumque  
disciplina-  
rum pro-  
uentu.

Nunc ad ea digrediar, quorum utilitate profecta cum omnibus fere Germaniæ totius Academijs certare possit. Quænam igitur hodie nobis vniuersitas vsipiam proferri poterit, vbi tanto labore ac fidelitate genus omne studiorum tradatur, vbi maiore cū fructu Theologia doceatur, vbi facultas medica, vbi Iurisperudentia feruentiore cultu tractentur, & sic omnia, vt nihil prorsus in linguarum nobilissimarum cognitione, nihil in omnibus nisi vnam (cuius me vel inuitum professorem esse voluistis) excipiendam putetis Rhetoricam, nihil inquam, in omnibus artibus bonis, & optimis discipulis desiderari possit.

Ab opti-  
marum  
præcepto-  
rum, atque  
doctissi-  
morum  
hominum  
celeberri-  
ma turba.

Vbi tot & tanti Professores, tot noui, tot veteres doctores effulgeant, grauitate, doctrina, ac vitæ sanctimonia, non solum apud nostrates, sed magis apud externos nobilitati: atque adeo, quotquot hic videas, quotquot intuearis, tot Homeros, Aristoteles, tot Apollines, tot denique numina quædam te iuraueris videre. De singulis iam nominatim differere & illorum

illorum prohibet modestia, & temporis oportunitas non concedit: sed ut generatim & modestè dicam: purissima vasa sunt & habitacula, in quibus omnia studiorum optimorum genera vigeant, regnent ac triumphent, à Deo optimo maximo clementer erogata. Quare si iam Apollonius ille viueret, non opus haberet *Apollonius.* Caucasum laboriosissimè pertransire, nec Scythas, Massagetas, ne Albanos ditissima Indiæ regna tantis cum periculis, bonarum literarum gratia, denuò penetrare. Item, si Pythagoras, si Plato, si Architas ille Tarentinus in victorum adhuc contubernijs agerent, non haberent necesse, Persas, Lacedæmona, Cretas, Ægyptum, tot denique regiones alias studiorum causa peragrarè, cum omnia N. quam plena manu habere, & multo minore temporis ac rerum iactura consequi possent.

Quo fit, ut numerosissima semper discipulorum turba adsit, quorum in dies tantam diligentiam experimur, ut nec Cleanthis, nec Aristophanis, quorum vtriusque pertinacissima fecit prouerbio locum vigilantia, maior unquam extiterit. Vnde non opus præceptoribus, vltro currere ut doceant, aut manè ad fores sedere, & operiri (ut Gellij verbis utar) propè ad meridiem, donec discipuli nocturnum omne vinum edormiant: sed potius & literarum, & præceptorum adolescentes amantissimi, quicquid officiorum iura præscripserint, sua sponte faciunt, ut subdere stimulos nunquam *A discipulorum*  
*copia.*  
*Studijs & officijs.*  
*Cleanthes*  
*pressus inopia noctu hauriebat in hortis aquam, ut interdum literis operam daret: Ari-*  
*neceffe*

*Stophanes,  
autem mo-  
lam ver-  
sabat.*

necesse sit, sed magis, quod de suo Theopompo Socrates inquit, adhibere fræna.

Ergo quænam exotica tanto superbiens Academia fastu, suas iactare solum, ac præferre, nostræ autem Academiæ dotes audeat eleuare, ac contemnere, cum prædiuite lectionum, optimarum copia. Professorum electissimorum numero, studiorum diligentia, nostram aut superiorem, aut omnino parem esse, Iudicis æquioris sententia constiterit.

*A seuiore  
in iuuentu-  
tem disci-  
plina.*

Quid? quod apud nonnulla gymnasia malorum consuetudine iuuentutem corrumpi, aut indulgentia omnia disperdi, bona item studia ac discipulorum numerum indies euanescentem decrescere percipiamus, & exercitia scholastica aut vulgo nimium frigescere, aut omnino cessare? Tempora denique, quibus nihil est charius, nil preciosius, aut nugis perdiscendis, aut inhonestis rebus patrandis insumi turpiter, vt inde fieri consideremus, passim discipulorum greges, quasi pecus montanum, agrestibus moribus horrentes, aut dispalari vagabundos, aut pergræcari furibundos, aut in omnium scelerum volutabris ætatem exigere non pudibundos, atque adeo, vt longè rudiores ac nequiores etiam plerunque in patriam reuertantur, quam inde fuerint egressi. Quorum rerum portenta hic penitus nulla conspici, nostra bono iure poterit Academia gloriari.

*A magi-  
strorum*

Nam cum à conuersantibus (autore Seneca)  
mores

mores fumantur, non præceptores hic ociosi *honestorū*  
 degunt, quorum veterno discipuli perdantur, *prorumque*  
 non ebriosi, vnde pessimum conuictores ex *consuetu-*  
 emplum bibendi, trahant: non blasphemii, qui *dine atque*  
 virosam prauitatem in proximos transferant; *commer-*  
 cio.

non impudici, qui pueros emolliant atque ef-  
 fœminent. Nulla denique improborum com-  
 mercia, quorum contagio serpat incohabi-  
 tantes, sed adsunt duces optimi prorsus, qui  
 bonos, iuxta prouerbum, comites reddunt,  
 hoc est, ad manus habentur omnium candidis-  
 simi Magistri, qui in suos mores incorruptos  
 trahant ac transforment discipulorum gre-  
 gem. Quorum magna satis (licet non tam nu-  
 meri, quam ipsius honestatis hic habeatur ra-  
 tio) studiosorum corona præsens non minui-  
 tur, sed bonis auibis indies augetur.

Et tantus, qui bonas, vt aiunt, artes alit, *A studio-*  
 honor optimarum literarum cultoribus hic *rum præ-*  
 defertur, vt in spectaculis (vbi statuarum & *miis.*  
 imaginum sculpturis & picturis homines im- *Honos alit*  
 mortalibus Dijs æquiparabantur). Olympicis *artes.*  
 victoribus nunquam maior exhibita fuerit, *Cic. Tus. 1*  
 gloria. Exemplo fuit proxima celeberrima  
 nouorum doctorum festiuitas, exemplo tot  
 magistrorum nouorum solemnitas, quos or-  
 natissimis, vt eorum studia ac virtutes merue-  
 runt insignijs officiosissime, nostra, vt vidistis  
 omnes, condecorauit Academia.

Adde quod tanta & diligentia & industria *A scholasti-*  
 studiosi omnes hic in officio contineantur, *corum*



*exercitiorum assiduitate.*

tantis conatibus exerceantur indies, ut maioribus non possint. Nullus enim est dies, in quo lineam non ducatur: nulla septimana, in qua non aut publice disputetur, aut declametur, atque adeo.

*Vt schola nostra Lani, conuulsæq; marmora claman,*

*Semper & assidua dirupta voce columna.*

*Ab emolitione calumnie.*

Quare vanitatis illos pudeat, qui dissidere ac mutuis odijs conflagrare scholam non ostram calumniati sunt centonum sartores, cum nusquam coniunctius, nusquam denique amicius viuiqueat, quam in gymnasio nostro, quod non ex morosis cerdonibus aut Lycambee selecta constatum, sed optimis virorum eruditissimorum ordinibus selectum consistit, quos bonarum literarum artes humanos fecerunt, quos Philosophia plus quam homines reddidit, quos Medica facultas officiosos informauit, quos Iuris prudentia ciuiles effecit, quos denique sacra Theologia diuinos effinxit, concordii studiorum omnium harmonia, virtutumque vnione conglutinatos.

*A frugali victu atque temperantia. Quomodo Sybaritæ à Crotoniatis oppressi sine Politia-*

Quibus omnibus non incommodum adiecero frugalissimam (ut hinc Germaniæ gravitatem ac temperantiam agnoscas) studiosorum diætam. Nusquam enim Sybariticus ille, ne & calamitas eiusdem comitetur, luxus, & infani conuiuiorum apparatus, qui sunt ipsissimæ studiosorum pestes, prædominantur. Nam ut edulia præteream, quæ munda quidem ac simpli-

simplicia in studiosorum hospitij apponun-<sup>nus Misc.</sup>  
tur. non ambitiosa, non luxuriosa, sed inter-<sup>15. de eo-</sup>  
dum eiusmodi, quæ apud nonnullas scholas<sup>rum luxu-</sup>  
ventri deditas, *squalidus in magna* (vt cum Iu-<sup>Eras. in</sup>  
uenali dicam) *fastidiret compede fossor. Qui me-  
*minit calida / apiat quid vulva popina:* vt fercula,<sup>prouerb.</sup>  
inquam, magis salubria, quam artificiosa, aut  
luxuriosa transeam, lunckeræ, propter excel-  
lentiam appellatione nobilitatis sic vocitatæ,  
studiosis vt bibitu iucundissimæ, ita saluberri-  
mæ potionis crebrior vsus adhiberi solet: vi-  
ni rarior, quod in illo castitas & sobrietas, in  
hoc impudentia & ebrietas regnēt. Vnde  
D. Paulus: Ne, inquit, inebriemini vino, in quo  
luxus est.*

Ergo vinum, quod clauo (iuxta Prouer-<sup>A vini</sup>  
bium) caret, vbi paulo largior interdum vsus<sup>tempera-</sup>  
administratur, non merum infundi solet, quod<sup>mento.</sup>  
optimam hominis partem, hoc est, rationem<sup>Hoc à vete-</sup>  
debilitet atq; enervet, sed prorsus innoxium,<sup>ribus te-</sup>  
nempe aqua infusa temperatum, sic longe<sup>metum est</sup>  
melius redditum, & humanam ad naturam  
maximè appositum. Quo præclaro beneficio  
qui præcellunt apud nos œnopolæ, hoc est, qui  
aquis diluere egregiè vina callent, ad summos  
& honores & opes iure optimo prouehuntur.  
Sed hoc ipsum adhuc ignorare nostrum D.  
Præpositum ægerrime ferens doleo; cum vna  
ista faciat inscitia, quo miser in honoris pau-  
periorum apud nos vitam sese degere conque-  
ratur: Indignam quidem, sed pro merita ta-

*Aquam  
vino mis-  
cere quis  
primus  
docuerit.  
Expositio  
fabulae  
Bacchi in  
Nympharum  
aquam  
demersi.*

men ignorantia poenam auferens, qui locupletior euasurus, si tam utilem, tam probatam, tam insignem illius Staphyli Syrrheni filij disciplinam, ut alij con'ecutus esset. Hic (auctore Plinio) cum rudis ac simplex olim vetustas meracius non sine plurima noxa biberet, vinum aqua miscere, & Bacchum remulentum deum Nymphis Deabus sobrijs temperare docuit, ut sic mansuefactus ac domitus ille cornutus pater, fieret moderatior, mansuetior, multoque sapientissimorum testimonij salubrior. Et quid aliud innuit fabula de Baccho, qui fulmine conflagrans, in Nympharum aquas fingitur iniectus, nisi vini ardorem, vitales iuuenilium ingeniorum succos exurentem, sobrio elemento restinguendum esse? Quod etiam illud Epigramma Meleagri testatur ac comprobatur, sic dicens:

Δι Νύμφαι τὸν Βάκχον, ὅτ' ἐκ πυρός ἤλαθ' ὁ κῆρυξ,  
Νίψαν ὑπὲρ τέφρης ἄρτι κολιόμενον.  
Τένεκα σὺν Νύμφαις βρόμιος, φίλος, εἰδὲ νιν εἶργε  
Μίσγεσθαι, δὲ ἐξ ἡμῶν ἐτι καίόμενον.

Id est:

Bacchus ut è flammis puer exilisset, in undis  
Tinxerunt Nympha sordidum adhuc cinerem.  
Hinc iunctus Nymphis est Bacchus gratus, at ignem  
ardentem capies, hunc nisi misceuerit.

Sed quorsum iste verborum excursus tendit, inquires? nempe ut ostendam, hinc esse, quod neminem apud nos studiosum cupidinis faci-

bis

bus incendi: hinc esse quod neminem æstu venereo captum, aut laqueis irretitum ab honestis artibus turpiter abduci, & veluti bouem ad lanienam rapi cōperiamus: hinc esse quod nulla Circe referatur imminere, quæ veneficijs adolescentes in bestias conuertat, i.e. nulla præstigiatrix volupras, quæ suis affectum illecebris illos dementans ad pudicitiae naufragia perpetranda blandiatur, aut libidinum venenis adeo peruertat, vt in brutorum transformati naturam, præter hominis vocabulum, nihil hominis habeant: sed contra, multi Vlysses, fortes videlicet ac constantes hic viri præsto sunt, qui iam longa rerum experientia sapientum habitus sibi induerunt, maiestate veneranda perspicui, quos imbecillior ætas imitatur, quorum exemplis informata discat. Syrenum voces dulcedine mellita venenum inspirantes auersari, ab omnibus spurcarum cupiditarum alimentis alienissima.

His igitur rebus omnibus euecta iuuentus *A studio-  
rum fructu* nostra, & eruditionis, & bonorum morum pulcherrima proferens ubiq; specimina, quid Deo Opt. Max. quid parentibus, quid Magistratui debeat, intelligit, & expedire gaudet: vnde laudatissima ciuilitatis ac omnis honestatis obseruantia promanat, vt animorum integritati & externum corporis habitum congruere, & nusquam mentis apicem à rationis amussi delirare videamus: tantum abest, vt cum aliarum quarundam Academiarum cessatori-

toribus, nostri adolescentes pessimè viuunt, & pulcherrimum immortalis Dei munus, vpton- te tempus, inhonestis rebus vecorditer insu- mant : sed potius quo carius, quo preciosius est illud, tanto diligentius ab illis, asseruatur, tantoque circumspectius impenditur, ne sine bonis frugibus effluat. Dij faciant, vt in no- stris discipulis exteri sic, rerum suarum sata- gentes respiscant ac ratione simili reuoluant, amissas opes aliunde refarciri posse, temporis irreparabilem iacturam non posse : de illis ne- quiter impensis fortasse rationem parentibus sese reddituros, de horis autem turpiter exa- ctis Deo omnipotenti. Quod ex æquo si fieret, nemini dubium foret, quin multo fertiliora plantaria studiorum prouentus accrescentia, res humanas, iam vbique gentium afflictas re- stauratura. atque prosperatura essent, cum fortunatissimo disciplinarum omnium suc- cessu, qualem apud nos, inuidia dictis, absit, e- mergere videmus indies. Argumento sunt optimi optimarum arborum fructus, nempe sanctissima vitæ instituta, modeste, iuste, pic- que viuentium non vniuersorum tum singu- lorum, atque adeo, vt nihil in factis, nedum dictis audiatur, quod vel ipse Momus repre- hendere possit. Quare cum vtrumque, hoc est non modo facta, sed etiam voces petulantio- res, olim Romam vindicasse legamus, vt no- bili etiam foeminæ Appij Cœci filiæ, paulo le- uius & inconsideratius locutæ, C. Fundanius



& Tiberius Sempronius mulctam dixerint æ-  
ris 25. millia, nihil profecto in Academia no-  
stra reperiri confirmauerim, in quod prisca illa  
seueritas, ac rigor animaduertere possent,  
cum omnis non modo perperam viuendi li-  
centia, sed etiam inconsulta loquendi temeri-  
tas videatur exclusa, vt omnium cordibus il-  
lud Hesiodi credatur insculptum.

Γλώσσης τοι θησαυρός ἐν ἀνθρώποις ἄριστος.

Φειδωλῆς πλεῖστη καὶ χάρις καὶ μέτρον ἔσσης.

*Optimus est homini lingua thesaurus, & ingens  
Gratia, qua parvis mensuratur singula verbus.*

Vnde contingere cernimus, viri ornatissi-  
mum quod vbiq; gentium Academia nostra non  
immerito plurimum celebretur. Hinc etiam  
multi non obscuro ac tenues, sed opulentissi-  
mi aliarum urbium ciues ac Satrapæ, liberos  
suos, ad omnium veluti bonarum literarum  
ac virtutis mercaturam, certatim assidue  
transmittunt, perspectum habentes, quantum  
utilitatis ac gloriæ è studijs Academicæ nostræ  
profluat.

Nec illi falluntur, cum vel cæco appareat, *Ab uberrimo*  
plurimos hinc prodire, & velut ex equo Tro- *modo docto-*  
iano turmatim emergere, qui facunde con- *rum ho-*  
cionentur in templis, qui sapienti eloquentia *minum*  
moderentur Senatui, qui prudentissime iura *prouentu-*  
dicant, qui cum laude publicis de rebus lega-  
tiones obeant, qui denique quauis in re & iu-  
dicio valeant & eruditione.

Cæterum si quisquam Zoilus obijciat, non- *A contra-*  
nullos *ditione.*

nullos aliquando à literario nostro ad sodali-  
tium nescio quod exoticum deficere discipu-  
los: huic commodum responderi poterit illud  
Agefilai, qui interroganti, qui fieret, vt ab alijs  
sectis deficerent ad Epicureos, ab Epicureis  
nulli deficerent ad alios, solerter occurrit, in-  
quiens: Quoniam ex viris Galli fiunt, ex Gallis  
viri nequaquam: Gallos disciplinarum ac vir-  
tutis ofores & voluptatum mancipia vocans.  
Apud nos igitur permanentes viri sunt, qui  
studiorum ac virtutis amore iam sudare, iam  
algere non grauantur, imo paulo durius etiam  
exerceri non molestè ferunt. Desciscentes au-  
tem Galli fiunt, aliò concedentes, solum vt  
sint à labore ad libidinem procliuiores, vt a-  
pud sponso Penelopes. nebulones, Alcinoos-  
que multo liberius ventri ancillentur, discipi-  
narum bonarum excutiendo iugum infertui-  
ant abdomini, ad nullam ingenij bonam fru-  
gem peruenturi, cœlum duntaxat, non ani-  
mum mutaturi, etiam si trans mare currant.

*Amelio-  
rum defi-  
pulum  
virtute.*

Verum quanto turpior horum est defectio,  
qui vt liberius imo licentius alibi atatem exi-  
gant, hinc & ingrati & pueri discidunt,  
tanto maior illorum est gloria, quos longe  
doctiores & honestiores vel hic præsentes ha-  
bemus vel hinc consulto dimittimus, Acade-  
miæ N. Encomion, per totum terrarum or-  
bem decantaturos. Ergo quis nostram satis  
commendare poterit Academiam, quam velut  
è locupletissimo cunctarum laudum penu, ló-

ge vberiora dicendi argumenta suggerere videtis quam vt humanę vocis organa iufficiant eloqui. Artemilia quondam (referente Gel-lio) dicendis mariti Mausoli, Regis Carię, laudibus, agona fertur instituisse, atque pręmia pecunię posuisse, aliarumque rerum amplissima. Ad quas laudes decantandas venisse dicuntur viri nobiles, ingenio atque lingua pręstabili, Theopompus, Naucrates, Theodectes, in quo certamine vicisse Theopompum iudicatum est. Atqui de laudibus Academia nostrę certaturos, non tam facilis partu victoria sequeretur, sub iudicibus lite ac victorię palma semper inuicta remanente. Illic Mausolus nullis, aut omnino paucis rebus pręclaris famosus, sed delicatulę duntaxat vxoreculę plus æquo dilectus, certandi materiam, & eam valde ieiunam prębebat. Hic autem Academia celeberrima, tot rerum grauissimarum argumentis exuberans, tantos ἀγῶνας (vt Græco prouerbio dicam) σάφους, μυρμηρίων, Λάδων καὶ θάλασσης offundit, vt omnes eloquentia potentes non solum delassare, sed ad nihilum etiam redigere possit. Hic enim ipsissimum est omnium Musarum domicilium. Quarum vel minimarum laudes singulatim promulgandę, maximos omnes eloquentię buccinatores obtunderent. O ter felicem igitur Academiam N. quę quoniam amœnitatem pręfulges, omnium rerum vbertate pręponderas, dignitate pręcellis, merito dicata es omni-

*ocio gau-  
dent, ho-  
noribus  
aluntur.*

es omnibus, quæ ocio gaudent, honoribus aluntur, bonis Musis: quæ tot proprijs tuis dotibus perlucida, ad tanta honoris fastigia conscendisti: quæ Mœcænatum tuorum virtutibus illustrata, ac patrocinijs circumuallata, propediem ad altissimos, amplitudinis tuæ perfectissimæ gradus progressura, cum tot Heroes & Atlantes fortissimi, ut charissimam humeris suis fulciant atque sustentent, nunquam humi prostraturi, sed potius inter sydera, feliciter collocaturi.

*Conclusio.*

Habetis iam, viri ornatissimi, quæ in præsentiarum de Academiæ nostræ laudibus dicere constitui. Longe plura ex tanta argumenti fertilitate veniebant in mentem dicenda; sed malui breuior haberi, quam proluxa nimis oratione vestram audiendi patientiam offendere. Et ineptum plane videri potuisset, si præsumsissem verbis exprimere omnes illius Academiæ laudes, quæ tantis Principis illustrissimi virtutibus, quæ tot celeberrimis patronorum tantorum titulis, quæ tot Professorum doctoribus, quæ denique tot studiosorum decoribus illustrata totius orbis terrarum oculos in se conuertit. Vos igitur omnium disciplinarum generibus instructissimi viri, Academiam nostram excolite, & quam estis sortiti (ut sedulo facitis) Spartam, exornate. Vos studiosa iuuentus, quo soletis, honore merito Proceres & Magnates Academicos assiduo prosequimini, & vos ita gerite, ut bonis literis & probitas

batis moribus diligenter studuisse deprehendimini. Sic omnes apparebitis grati, sic Magistratus, sic leges & statuta Academica, quæ proximo Solis die prælecta sunt, vobis virtutis calcaria magis subditura quam terrorem sunt incussura. Sic denique Academia nostra plurimum (vt audistis) ornata, indies magis atque magis erit ornatior futura. Dixi.

COPIOSA VERBIS LAUDANDI

*ratio, ex Bucoldiano.*

**V**Rbes laudantur non secus atque homines. Principio sunt ea spectanda, quæ tempore præsentem vr̃bis celebritatem antecesserunt: vt conditor, ciuesque qui administrarunt, inhabitaruntque, deinde quæ ipsi sunt tempore coniuncta, vt ager, flumina, montes, mare, portus, mœnia, tecta, & ciues, qui inhabitant: postremò, quæ insecuta infortunia, quibus commemorandis commiserationem mouemus, ipsiq; euerforibus odium conflagamus. Vt si quis Athenas, aut Romam, vt quondam fuit, laudet, dicatque quibus artibus iam inde à primis iactis à Romulo fundamentis eò incrementum acceperit, vt non modo Italiæ vr̃bium celeberrima, sed totius terrarum orbis caput, lumenque extaret: & quorum deinde vitio, inertiaque concidere, retroque labi cœperit. Sed cum fere laudem sibi hæ potissimum vendicent, quarum celebritas dignitasque in omnium posita oculis elucet, maxime, quæ has ab ijs, quæ tempore an-

*Qui vr-  
bium lau-  
des sine ce-  
lebrandæ  
docet Qu.  
l. 3. c. 7.*

R. . . . . tece-



tecedunt, simulque iuncta sunt, prædicandi  
via sit, iudicabimus.

*Urbis laus à  
conditore.*

Conditorem igitur commodè primum ex  
descriptionis loco, atque adeo ab adiunctis  
describemus: vnde cognosci potest, quæ ipsius  
potentia, & præsertim quæ animi virtutes, pru-  
dentia, iustitia, fortitudo, temperantiaque fu-  
erit. Deinde à causis erit augendum, cur eo in  
loco urbem locarit, quæ si maritima, fertili-  
que in agro posita sit, eo nimirum consilio fe-  
cisse dicendum, ut hinc mari hinc agro magna  
vis hominum ali, sustentarique posset. Tum  
euenta erunt explicanda, quanta iam inde à  
cõdita vrbe hominum multitudo victum hic,  
quomodo, & quam facile quærat. Postremo  
conferendo hanc cum aliarum urbium agro  
situque, mire rem extends, ostendendoque  
huius agrum aut fertiliorem aut certe præm  
esse, nullaque in re deteriolem. Dissimilitudi-  
nem autem ex situ forte colliges, hanc mariti-  
mam, illas esse campestres, huc cum terra ma-  
gna, tum nauibus maxima onera aduehi: illuc  
plaustro modo res asportari. Iam & actus in  
primo illo urbis conditore spectandos esse,  
adiunctorum idem nos locus admonet. Quod  
si igitur legibus & religione Remp. nouam pri-  
mus bene constituit, à causis extendenda res  
erit, eo nimirum consilio fecisse, ut iustè piè  
que viueretur: & quod lex non posset, religio  
in officio retineret. Deinde euenta explicanda  
erunt: qui mores ex eo vsque tempore iustè,  
mode-

modestè,pièq; viuentium, tum vniuersorum,  
tum singulorum extiterint. Quæ omnia, si vt  
gesta sunt, copiosè exponas, incrementum su-  
mer oratio maius, quidem, si quæque & ex  
comparatorum loco dilates. Præter hæc si quid  
recte instituit, considerandum: vt si idem si-  
mul cum vrbis primordijs literarum bellicque  
studia erexerit: illis vt animi diuinatum hu-  
manarumq; rerum cognitione imbuerentur,  
his vt suas suorumq; fortunas tuerentur. Con-  
silia vbi exposueris, euenta inde ab vrbe con-  
dita enarranda erunt: quot, quantosque viros  
vndecunq; doctissimos, & quo quenque tem-  
pore tulerit: quæ cuiusque eruditionis testi-  
monia, aut scripta extent. Atque hæc subinde  
comparando dilatabuntur maxime. Hunc in  
modum & quæ interim belli studia, & fortia  
facta extiterint, prosequendum erit: quæ nunc  
vniuersorum, nunc singulorum militiæ forti-  
tudo, virtusque, & quo tempore, quo in loco  
cognita, perspectaque sit: Atque hic non so-  
lum ex comparationis loco, si voles, quæque  
variè extends, sed & personas describes, con-  
siliaque faciendi aperies. Breuiter quæ ratio  
vrbes laudandi ab ijs, quæ tempore præcesse-  
runt, vsumque hic locorum, ostendimus. Ve-  
rum si, vt sæpe, de conditore, bonisque eius in-  
stitutis, nihil certi in medium adferre poterim-  
us, solumq; in confesso sit, urbem vetustam  
esse, semperque fere incrementum sumpsis-  
se, nihilominus quorum id administratio-

*Laudabitur ab antiquitate, diciturque*  
*PEITRO CRISTO.*

ne virtuteque contigerit, narrandum erit: quæ nunc singulorum. nunc vniuersorum prudenter, iuste, piè, fortiter, temperanterque facta extiterint, quo Respubl. nomen viresque accipit. Atque hic singula cuiusque facta, ex adiunctorum loco copiosè omnibus expositis circumstantijs enarrari, personæque describi possunt: Tum quæ causæ tam vniuersos, quam singulos ad faciendum impulerint, dicendum, Variè autem per comparisonem vnumquodque amplificabis, dum aut excessum, aut similitudinem, aut dissimilitudinem, aut denique rerum pugnantiam, contrarietatemque ostendes.

*VRBIS LAUS AB IIS, QUÆ*  
*huic simul tempore coniuncta sunt, & primum ab aeris temperie per locos*  
*ducitur.*

**R**Estant ea persequenda, quæ vrbi, quam laudamus, simul tempore sunt coniuncta. Hic primum spectandum, quo in climate, cœlique parte sit posita, vnde aeris temperies cognosci potest. Neque enim parum retert, languidioribus, an feruentioribus seu temperantis solis radijs sit subiecta, vt sunt ferè omnes hæ, quæ inter Cancræ Vrsæque circulos sunt posita. Dicendum erit de agris, qui adiacent: de fluminibus, stagnis, piscinis, montibus, ipsoque mari. si aut vicinum est, aut urbem alluit. In ijs autem omnibus ea, quæ fructuosa amœnæque sunt, laudibus euehenda esse, idem, qui

omnium

omnium adiunctorum nos locus admonet. Si-  
 quidem agros fertiles, fluuios piscosos, navi-  
 gabilesque, montes vitibus confitos, tum ma-  
 re nauibus frequentatum hoc ipso quod fru-  
 ctus voluptatesque maximas adferant, & vr-  
 bis nomen dignitatemque in primis conseruare  
 dubium non est. Spectari item potest, in ora-  
 ne an meditullio prouinciæ sit posita: quod *Meditul-*  
 genus circumstantias copiosè Græci, vt quos *lum.*  
 verba non deficiunt, prosequuntur: præsertim  
 Menander Rhetor, qui de laude vrbiū seor- *Menan-*  
 sum scripta reliquit. Verum dum hic in lau- *der.*  
 dando ex loci positione circumstantias, quod  
 infinitum est, studiosè prosequitur, eorum,  
 quæ omitti minime debuissent, quæ videlicet  
 publicæ munitiones, interiorque ciuium stru-  
 ctura esset, ne meminit quidem. Atqui nos ad  
 locos atque adeo ipsos ad fontes laudaturum  
 ducimus: vnde, quantum pro suo quisque arbi-  
 trario volet, hauriat. Nam cum ad laudē vrbiū  
 pertinentes circumstātias explicare infinitum  
 sit, quod vnique ferè præter diuersa homi-  
 num studia, rationemque quærendi victus, sua  
 quædam propria à natura sint attributa, alijs  
 alia id genus innumera, cognito adiunctorum  
 loco, in hoc instructus sit, vt sciat, quæcunque  
 præterita præsentiaque splendorem vrbi, com-  
 modum, seu proprium, seu cum cæteris com-  
 mune adferant laudari oportere, quæ per reli-  
 quos deinde ducta locos augentur plurimum.  
 Postremo igitur de publicis munitionibus, in-  
 R 3 terio-

terioreque ciuium structura, & ipsas ciuibus erit dicendum. Hæc igitur ab adiunctis ministrata, copiose erunt singula, omnibus enarratis circumstantijs, explicanda: & per reliquos subinde locos ducenda, amplificandaque. Itaque si in bono climate sita sit ciuitas, primum aeris temperies, cœlique clementia, & temperata sub ipsa solstitia, dierum noctiumque longitudo pluribus erit describenda: deinde à causis hæc erunt locupletanda: non enim aut Solis ignibus, aut Septentrionalibus frigoribus, nimis esse subiectam; sed in medio positâ hinc frigora, hinc æstus fugisse, vnde & illud dierum noctiumque suo tempore nec maius nec minus iusto incrementum; quorum alterum sub Arcto, alterum sub Solis cursu positis accidit. Ab euentis, quare homines nulla aeris intemperie impediti, quo minus toto anno victum domi & foris quærant: omniaq; in agris felicius proueniant. Accedit eo & ipsa ingenia, cœli beneficio, præsentiora, perspicacioraque reddi. Et hæc quidem omnia multis explicari possunt. Postremo & ex comparatione petenda copia est: vt si hic auram salubriorem hominibus, maturescendisque frugibus accommodatiorem declares, quam eius, quam cum confers vrbe. A simili autem extends, si cum ea vrbe conferas cuius positum pluribus notum, maximeque probatum vides. Hunc in modum, si voles & dissimilitudinem repugnantiamque collatione aperies. Quod autem  
hæc



hac via, ordineque ex locis amplicandi com-  
modè vtamur, tamen, cum & aliter recte fiat,  
nemo sibi hic legem præscribi putabit. Nam  
postquam ex adiunctorum loco, qui omni rei,  
de qua agitur adiunctus est maxime, quæ vo-  
les ob oculos posueris, deinde ex compara-  
tione copiam sumes, & si magis augere voles,  
subinde à causis augeas licet. Verum id aliter  
atque aliter fieri posse in vniuersum sit dictum  
volo: adeo, vt sæpe dum vno in loco longio-  
rem moram trahimus, plures interim alij ex  
suo aliquid, vel antequam inde digrediamur,  
communicent.

LAVS VRBIS, AB AGRIS, FLVMINI-  
bus, publicis item munitionibus, testis,  
*ipsique ciuibus.*

**H**Æc de aeris temperie: de agris subinde  
dicendum, de fluminibus, stagnis, mon-  
tibus, piscinis, & ipso denique mari. aut vici-  
no, aut urbem alluente: quantaque ex singulis  
utilitas, voluptasque capiatur, ab adiunctis co-  
piosè erit exponendum. Nunc ea ipsa descri-  
bendo, nunc aut classicorum auctorum, si fieri  
potest, aut vicinarum gentium testimonijs.  
confirmando. Atque hæc res quidem ipsa mi-  
rè augebitur. Quod si vero magis hæc extendi  
voles, singula celeberrimis urbibus compa-  
rando, ostendes, hanc siue agri vrbertate, siue  
fluminum copia voluptateque, siue denique i-  
pso maris vsu alijs longe superiorem, aut certe  
per omnia parem esse iudicandam. Iam & de

*In ijs qua-  
tuor specta-  
ri solent,  
honor, ve-  
ritas, in tem-  
plis  
utilitas, et  
in muris:  
pulchritu-  
do, & au-  
tor viri-  
que hæc*  
*Quod. 3. c. 7*  
 publicis vrbis munitionibus, testisque dicen-  
 dum: quantaque sit fouearum, aggerum, mu-  
 rorumque altitudo, latitudoque erit describen-  
 dum: quis portarum, turrium, propugnaculo-  
 rumque numerus, quæ magnitudo firmitas-  
 que: quod bellicis machinis rebusque ad arcen-  
 dam vim accommodatis, sint omnia referta.  
 Hæc ubi pluribus exposita verbis, descripta-  
 que fuerint, à causis erunt augenda, cur foueas,  
 moenia aggeresque ita duci, poniq: quo con-  
 silio hac distantia, hoc in loco turre propu-  
 gnaculaque locarint: cur tantis sumptibus, tot  
 tantisque laboribus eo omnia euexerint, nem-  
 pe, ut quam minima manu hostiles incurfio-  
 nes, impetusque sustinendo, propulsandoque  
 vitam fortunaeque suas defensarent. Atque  
 hic subinde euenta narrabuntur, quorum ho-  
 stium impetum, oppugnationesque, quo, &  
 quanto tempore fortiter sustinuerint, turo-  
 rem fregerint, discedere domum cum igno-  
 mina pauci plurimos coegerint: Quin & po-  
 stremo comparatione omnia maiora amplio-  
 raque reddes, maximis munitissimisque vrb-  
 bus hanc aut munitione per omnia parem do-  
 cendo, aut multis etiam partibus superiorem.  
 Atque hæc vicinarum gentium testimonijs,  
 præclarisque Regum, atque magnorum ho-  
 minum iudicijs dilatari possunt. Tecta autem  
 ciuium frequentiora, magnificeque extructa,  
 tum plateas, foraque ad hominum vsum latio-  
 ra, diuorumque templa augustiora esse, quod  
 non

non parua laus sit, vt quæque maxime excel-  
 lunt, ita pluribus erunt verbis ornanda, homi-  
 numque de ijs testimonia iudiciaque adferen-  
 da: tum cum vicinis pulcherrimisque ciuitati-  
 bus conferenda, quo ipso aut parem, aut longe  
 maiorem huius celebritatem magnificentiamque  
 edoceas. Quod si lubet, & hæc ipsa ex  
 alijs locis licet extendas. Restat de ciuibus esse  
 dicendum: horum iam viuentium, cum de vi-  
 ta defunctis dixerimus, quæ studia, qui mores,  
 quæ præclare facta existant, spectandum. Com-  
 mode autem quæque in sua virtutum genera  
 sparges: & sua prudentiæ, sua iustitiæ, quæ er-  
 ga Deos religio, erga parentes pietas dicitur,  
 sua item fortitudini, temperantiæque assigna-  
 bis. Cæterum cum supra in patriæ laudibus  
 laudandi amplificandique rationem ostende-  
 rimus, quæ insittenda hic via sit, inde peti po-  
 test. Hæc de vrbium laudibus, vnde quæ vitu-  
 perari oporteat, res nempe contrarias facile  
 colligi potest. Facta ordinandi & amplificandi  
 quæ ratio sit, subinde intueamur, in quibus  
 laudandis, vituperandisque cum & Rhetores,  
 tum maxime Historici, heroicique vates ver-  
 santur, Temporis autem seruato ordine lau-  
 dari oportere ipsa nobis præscribit ratio: Poe-  
 tis tamen id de industria mutantibus. Præci-  
 pui autem hi loci sunt, causæ & euenta: quan-  
 quam alij omnes qui supra, & huc adhiberi  
 possint: vt expositis primum causis, deinde  
 quæ euenerint explicentur. Quare Virgil. post-

*Ciues vrbium, vt pa-  
 rentibus  
 liberis, de-  
 corisunt.*

*Quæ sit  
 laudandi  
 facta ex  
 locis copiosa  
 ratio.*

R s quam

quam paucis proponendo Musasque inuocando, hominum animos sibi beneuolos attentosque reddidit, causas statim commemorat, cur Æneam Iuno, insignem pietate virum, tot labores periculaque adire cœgerit.

*Carthago  
à Tyris  
condita.*

*Vrbs antiqua fuit, Tyrij tenuere coloni.  
Carthago, Italiam contra, Tyberinaque longa  
Ostia: Viues opum, studiisque asperissima belli:  
Quam Iuno fertur terris magis omnibus unam.  
Posthabita coluisse Samo: hic illius arma,  
Hic currus fuit, hoc regnum Dea gentibus esse,  
Si qua fata sinant, iam tum tenditque fouetque  
Progentem, sed enim Troiano à sanguine duci  
Audierat, Tyrias olim quæ verteret arces.  
Hinc populum late Regem belloque superbum,  
Venturum excidio Lybia: sic voluere Parcas.  
Id metuens, veterisque memor Saturnia belli,  
Prima quod ad Troiam pro charis gesserat argu.  
Nec dum etiam causa irarum, sauique dolores  
Exciderant animo. Manet alta mente repostum  
Iudicium Paridis. spretaque iniuria forme:  
Et genus inuisum, & rapti Ganymedu honores.  
Huc accensa super iactatos a quore toto  
Troias, reliquias Danaum atque immitis Achilli  
Arcebat longe Latio, multosque per annos  
Errabant acti fati maria omnia circum  
Tanta molis erat Romanam condere gentem.*

His irarum Iunonis è causis, quæ infortunia Æneæ Troianisque euenerint, dum complures annos per mare errare, & deinde in Latio bellum gerere coguntur, Poeta subinde

fufissi.

fufiffime narrare occipit: & vix duodecim libris abfoluit.

*Vix è confpectu Sicula telluris in altum*

*Vela dabant lati, & fpumas falis are ruebant, &c.*

Sic & ante hunc in vtroque fuo opere Hómerus primum caufas, deinde infequuta canit euenta. Hunc in modum & T. Liuius fecundo fufcepti à pœnis in Romanos belli. antequam euenta refque gefas enarrat, caufas primum dicit, quod videlicet Sicilia Sardiniaque, illa nimis celeri rerum desperatione Romanis concessa, hæc fraude ab illis intercepta efferet, à patre Amilcare, Imperatore, aris admotus Annibal iuraffet, fe quamprimum per ætatem poffet, hoftem fore Romanis. Quin & Saluftium idem facere, ipfius argumento eft hiftoria. Quid? non igitur aliò hic caufarum locus valet, quam vt caufas rerum, quæ euenerunt, quod ab his autoribus facitatum efferre videamus, primum exponendas efferre fciamus? Eft profecto multiplex huius, paffimque nec certo in loco vfus: cum nunc præcedant, nunc fuos fequantur euentus. Nam quanquam primæ quædam, principalesque summæ rerum caufæ fint, quas noffe principio lector, auditorve cupit, tamen cum fubinde aliæ atque aliæ actiones cafusque exiftant: & ipforum alias atque alias caufas efferre conftat: Vnde fi inter narrandum obiter amplificetur, mirè orationis extendetur corpus. Quare Cicero, cum fuarum fe laudum minus grauem fcriptorem fore



*Lib. 15.* fore intelligeret, videretque L. Luceium, *Q. F.*  
*Epist. fam.* insignem sui temporis historicum, bellum ci-  
*epist. 10.* uile scribendum suscepisse, scripta ad eum E-  
 pistola, omnibus petit modis. suas ut res exem-  
 plo Græcorum seorsum præscribat: atque in se  
 ornando historiæ leges negligat. Posse autem  
 inde, si à continentibus suis scriptis seiungat,  
 & à causis, euentis, adiunctisque amplifcet,  
 quoddam corpus confici. His porro ex locis  
 augeri rem oportere L. Luceiũ admonet, dum  
 causas consiliaque rerum suarum, casus etiam  
 & euenta explicanda esse scribit. Adiuncta au-  
 tem sunt tempus testimoniaque Luceij, quem  
 ea quæ suo iudicio laudanda putaret, ornare,  
 quæ contra vituperanda, reprehendere voluit.  
 Atque huc etiam pertinet multorum in Cice-  
 ronem perfidia, insidiæ. proditioque, quæ &  
 putauit esse notanda. Hic nemo mirabitur cõ-  
 silia, & actiones, quas supra in locorum exposi-  
 tione adiunctorum loco complexi sumus, hic  
 causas & euenta dici. Sunt namq; ijs, quorum  
 consilia & facta sunt, adiuncta maxime. Verum  
 causarum & euentorum nomen accipiunt, cũ  
 sumpta ab adiunctis, vnde oranis rerum duci-  
 tur copia, inter sese componuntur: & causa  
 effecta, & hæc vicissim illas ostendunt. Quare  
 causas & euenta magnam cum adiunctis co-  
 gnationẽ habere, nemo mirabitur. Inde nam-  
 que hilicet nati loci sint, tamen & ipsi latissi-  
 me patent. Itaque his locis, vnde ornatur hi-  
 storia, si & comparationis locum adiecisset,  
 non

non video, non modo vnde historici sed Rhetores Poetæq; qui maxime solent, magis amplificarent. Hinc Cæsar, vt Brutus apud Ciceronem disputat, quia minus rerum suarum historiam vestit, commentarios inscripsit, cæterisque scribendi ansam præbuit, vt qui velent, eadem copiosius tractarent, & quasi calamistris quibusdam inurerent. His ipsis ex locis lactea: illa Titi Liuij vbertas est petita, vnde tamen Dionysium Halicarnassæum, qui & ipse Romanas res perscripsit, multo magis auxisse intelligas, vt mihi is, quod de Demochare Brutus Ciceronianus iudicat, non tam Historicorum, quam Rhetorem egisse videatur. Hinc Maro noster, noster Homerus ea sumpserunt, quibus quæ voluerint, non tam dilucide enarrasse, quam facta vbique nota omnia ob oculos posuisse videantur, hic fusilissime, ille modo quodam vsus: id quod is facile animaduerneret, qui cognitis locis, & amplificandi ratione, vtrumq; cum iudicio leget. Sed hac de re suo dicetur loco, nunc quod volumus, vsum locorum, augendi que rationem in celebrandis factis diligentius, & ad cuiusq; magis captum indicemus. Vnum igitur factum quod oratione laudandum sumam, sit Theodosij Imperatoris, quod insigne maxime Gymnasium Bononiæ instituit: primum ex descriptionis loco atque adeo ab adiunctis ipsum describemus, vnde ingenium, moresque principis eluceant: & causæ tam honesti & vtilis facti, quasi per

*Dionysius  
Halicarnassæus.*

pertransennam appareant. Fecit id & Titus Liuius principio historiæ suæ de secundo bello Punico: vbi pluribus Annibalem depingendo, animique bona vitiaque plurima exprimendo, qui cum viro Romanis futura res esset, lectorem statim instituit. Secundum hæc ab adiunctis res ipsa erit explicanda, quantis, & vnde sumendis fructibus, qui in Professores expenderentur, hanc scholam adornarit, confirmaritque. Deinde à causis, cur hoc in loco, & tot, tantaque stipendia Professoribus constituerit: vt certe hinc in reliquam totam Europam, qui recte Remp. administrarent, docti mitterentur. Tum ab euentis mirum in modum augeas, si quæ interea loci emolumenta aliæ nationes hac ex Academia & ceperint, & quotidie capiant, persequeris: qui, quibus è locis hinc missi, siue cognitione rerum humanarum Physicarumque vtiles Reipubl. exciterint: siue legum scientia, quid æquum & iniustum esset, edocuerint, siue denique medicinæ beneficio laborantibus opem tulerint. Postremo ex comparationis loco quantam volles, copiam sumes, factum hoc aut cum alijs ipsius, aut cum aliorum Imperat. præclare factis conferendo.

EXEMPLVM, FACTA EX LOCIS AMPLIFICANDI apud Ciceronem.

**I**Nterdum factum laudamus, & dilatamus, non tam ferè à causis, & quæ has sequuntur euentis, quam ex adiunctorum & comparationis

nis loco: id quod Cicero fecit, gratias Cæsari  
 agens, ipsumque laudans, quod Marcello igno-  
 uisset. Postquam igitur exordium à tempo-  
 re, eiusque, quo dixit, diei circumstantia duxisset,  
 clementiam sapientiamque Cæsaris ab adi-  
 unctis statim laudat, ornatque nempe à sua,  
 totiusque Senatus letitia, factum hoc proban-  
 tis, & propterea de Republ. subinde melius  
 sperantis Aspergit & paucis obiter laudem  
 Marcelli, quod ipsum & ex hoc ipso loco est  
 ductum: & eò valet, ut clarius illustretur fa-  
 ctum eius reddatur, quod praestantissimo am-  
 plissimoque viro ignouisset. Deinde ex com-  
 parationis loco Cicero amplificat & confert  
 hoc Cæsaris factum cum maximis eius bellis,  
 rebusque gestis, quibus omnibus iure anteter-  
 ri oportere, pluribus ostendit. Porro hac in  
 comparatione orator tantam moram trahit,  
 dum interim ab adiunctis circumstantias ad-  
 miscet. ut omnia, quæ ad laudem pertineant,  
 totaque oratio, nisi quod pauca ad finem aliò  
 spectantia adiecit, hoc solo ex loco vestita,  
 amplificataque deprehendantur. Quare quan-  
 tum ex loco res extendi possit, cum plurimis  
 apud Ciceronem exemplis, tum hoc studio  
 perspicuum esse potest.

EXEMPLVM, RES EX LOCIS AMPLI-  
 ficandi, apud T. Linium historicum, breuiter-  
 que eiusdem explicandi.

**H** Inc autem quis locorum vsus, quæ lau-  
 dandi amplificandique ratio sit, quan-  
 quam

quam satis liquere putem, tamen non abs re fuerit, & hæc ipsa in historica, classicisq; autoribus paucis indicare. Narraturus T. Livius contra Romanos res ab Annibale gestas, ut statim intelligi posset, qualis is esset qui tantum in discrimen Romanum nomen adduxerit, primum ipsum Ducem ex descriptionis loco depinxit, his verbis: Missus Annibal in Hispaniam, primo statim aduentu omnem exercitum in se conuertit. Amilcarem sibi redditum veteres milites credere, eundem vigorem in vultu, vimque in oculis, habitum oris, lineamenta que intueri. Deinde breui effecit, ut patet in se minimum momētum ad fauorē conciliandum esset. Nunquam ingenium idem ad res diuersissimas parendum. atq; imperandum fuit. Itaq; haud facile discerneres, utrum Imperatori, an exercitui charior esset. Neque milites alio duce plus confidere aut audere: plurimum audaciæ ad pericula capessenda: plurimum consilij inter ipsa pericula erat. Nullo labore aut corpus fatigari, aut animus vinci poterat. Caloris ac frigoris patiētia par, cibi portionisque desiderio naturali, non voluptatis modus finitus, vigiliarum, somnique nec die, nec nocte discriminata tempora, id quod agendis rebus superesset, quieti datum. Ea neque molli strato, neque silentio accersita. Multi sæpe militari sagulo opertum humi iacentem inter custodias stationesque militum conspexerunt, Vestitus nihil inter æquales excellens,  
arma



arma atque equi conspiciebantur. Equitum, peditumque idem longe primus erat. Primus prælium inibat, ultimus conferto prælio excedebat. Has tantas viri virtutes ingentia vitia æquabant: inhumana crudelitas, perfidia plusquam Punica, nihil veri, nihil sancti, nullius Dei metus, nullum iusiurandum, nulla religio. Hactenus mores ingeniumque descripsit, quæ quidem omnia ab eo, qui rem nude explicare voluisset, omitti potuissent. Subjicit autem ex adiunctorum loco, his verbis: Cum hac indole virtutum ac vitiorum triennio sub Asdrubale Imperatore militavit, nulla re, quæ agenda augendaque magno futura duci esset prætermissa. Hæc quidem cum illud tempus præcedant, quo belli dux declaratus est, omitti potuissent. Quæ sequuntur ex adiunctorum, seu quæ inde nascuntur, causarum, & euentorum loco sumuntur, cur videlicet Annibal in suscipiendo bello, nihil prolatandum arbitretur, & dum Saguntinos petit, in Olcadum fines exercitum ducat, sic ille: Cæterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque, ut patrem Amilcarem, deinde Asdrubalem cunctantem casus aliquis opprimeret: Saguntinis inferre bellum statuit. Quibus expugnandis, quia haud dubie Romana arma mouebantur, in Olcadum fines prius, ultra Iberum (ea gens in parte magis, quam in di-

S

tione

*Carthago  
noua in  
Hispania.*

tione Carthaginensium erat) induxit exerci-  
tum: vt non petisse Saguntinos, sed rerum se-  
rie finitimis domitis gentibus, iungendoque  
tractus ad id bellum videri posset. His demum  
euenta gesta que rei narrationem. Carteiam  
urbem opulentam, caput eius gentis expugna-  
diripitque: quo metu percussa minores ciui-  
tates, stipendio imposito imperium accepe-  
runt. Victor exercitus opulentusque præda  
Carthaginem nouam in hyberna est deductus  
ibi large partiendo prædam, præterita cum  
fide exoluendo, cunctis ciuium suorum soci-  
orumque animis in se firmatis, vere primo.  
Vacceos motum bellum. Nuda hæc satis nar-  
ratio est: nisi quod obiter petitas ab adiunctis  
circumstantias inserat nonnullas: quod gen-  
tibus sunt, urbem esse Carteiam opulentam, & i-  
gentis caput: tum exercitum opulentum præ-  
deductum esse. Prosequitur autem narra-  
tionem temporis, cuius mentionem fecit, ser-  
uato ordine. Hermandica & Arbacala, Cartha-  
gum vrbes, vi captæ. Arbacala & virtute,  
multitudine oppidanorum diu defensa. &  
Hermandica profugi exulibus Olcadum præ-  
re æstate domitæ gentis, cum se iunxissent  
concitant Carpentanos, adortiq; Annibales  
regressum ex Vacceis, non procul Tago dis-  
tante, agmen graue præda turbauere. Per  
hæc, nudaque sunt omnia, nisi quod ab adiunctis  
estis est, oppidanorum virtute & multitudine  
Arbacalam diutius esse defensam; neque præ-

cul Tago impetum in Annibalis agmen esse  
 factum. Quæ sequuntur, paulo copiosiora  
 sunt. Nam & consilia Annibalis aperit, pro-  
 pterea amnem traijcientis, vt in transitu flu-  
 minis hostes inuaderet, & causas ferociæ ho-  
 stium Carpentanorum, cum sua multitudine,  
 tum fuga Annibalis minus timentium. Atque  
 hic Liuius, & à suo obiter testimonio ampli-  
 cavit, dum inuictam aciem dicit, si æquo cer-  
 taretur campo, sic illè: Annibal prælio absti-  
 nuit, castrisque super ripam positis, cum prima  
 quies silentiumque ab hostibus fuit, agmen  
 vado traiecit, valloque ita producto vt lo-  
 cum ad transgrediendum hostes haberent, in-  
 uadere eos transeuntes statuit: equitibus præ-  
 cepit, vt cum ingressos aquam viderent, ado-  
 rarentur peditum agmen: in ripa elephantes  
 quadraginta disposuit. Carpentanorum cum  
 appendicibus Olcadum, Vacceorumque cen-  
 tum millia fuere. Inuicta acies, si æquo dimi-  
 caretur campo. Itaque & ingenio feroces, &  
 multitudine freti, & quod metu discessisse cre-  
 debant hostem, id morari victoriam rati, quod  
 interesset amnis, clamore sublato passim, sine  
 ullius imperio qua cuique proximum erat, in  
 amnem ruunt. Hactenus consilia, causasque  
 exposuit, quibus subiicit euenta: nempe infe-  
 licem Carpentanorum pugnam, & deditio-  
 nem. Et hæc quidem ipsa, satis à circumstan-  
 tijs, quas explicat, illustrat his verbis: Et ex  
 parte altera ripæ, vis ingens equitum in flu-

men immissa, medioque alueo, haud quaquam  
pari certamine concursum. Quippe ubi pedes  
instabilis, & vix vado fidens, vel inermi equi-  
te, equo temere aëto peruertere posset: eques  
corpore armisque liber, equo vel per medios  
gurgites stabili, cominus eminusque rem ge-  
reret, pars magna flumine absumpta: qui-  
dam verticoso amni delati in hostes, ab ele-  
phantis obruti sunt. Postremi, quibus ingres-  
sus in suam ripam tutior fuit, ex varia trepida-  
tione cum in vnum colligerentur, priusquam  
ex tanto pauore reciperent animos, Annibal  
agmine quadrato amnem ingressus, fugam ex  
ripa fecit: vastatisque agris intra paucos dies  
Carpentanos quoque in deditionem accepit.  
Hunc in modum reliqua toto corpore alia  
magis, alia minus, ut quæque res postulat, his  
ipsis ex locis extenduntur. Rariores autem  
comparationes sunt locus, in hoc præsertim  
genere omnino ad ornatum, amplificatio-  
nemque accommodatissimus: unde Poetis,  
Rhetoribusque copiam sequentibus crebrior.  
Historicis, ne ad ornandum magis, quam ad  
narrandum orationem sumpsisse videantur,  
minus familiaris. Porro Sagunti oppugnatio-  
nes, excidiumque quod proxime sequitur, plu-  
ribus adiectis peristasis copiosissime expli-  
cantur. Verum hæc ipsa Liuiana ex locis aucta,  
amplificataque, nuda, omni ornatu, quasi vesti-  
tu spoliata, ob oculos ponamus, unde quid in-  
ter ieiunam, necessariamque narrationem &  
copio-

copiosam locupletemque intersit, cognosci potest. Missus Annibal in Hispaniam, postquam mortuo Asdrubale dux belli est declaratus, Saguntinos bello petit. Quod dum facit, in Olcadum fines exercitum ducit, Carteiam urbem expugnat, diripitque. Minoribus deinde ciuitatibus metu subactis, exercitum Carthaginem nouam in hyberna deducit. Hic large, prædam partiendo, præteritaque cum fide exoluendo cunctis ciuium suorum sociorumque animis in se firmatis, vere primo in Vacceos motum bellum. Hermandica & Arbacala Carteciorum vrbes vi captæ, Ab Hermandica autem profugi exulibus Olcadum cum se iunxissent, concitant Carpentanos, adorti que Annibalem regressum ex Vacceis, non procul Tago flumine agmen turbauere. Annibal autem traiecto amne, temere insequentes hostes ad centum millia, partim equitatu in flumine oppressit, partim in fugam conuertit: vastatisque agris, & Carpentanos paucos intra dies in deditionem accepit. Breuis hæc nudaque narratio est, quam ut vir ille eloquentissimus ex locis locupletarit, iam visum est.

VITUPERATIO.

ΥΠΟΚΡΙΣΙΣ.

**V**ituperatio est sermo exponens mala, quæ alicui insunt. Differt autem à loco communi vituperatio, quod locus communis pœnas exposcit, vituperatio vero solum habet velut nudum conuiuium.



Omnis qui in laudatione, in vituperatione etiam ordo constabit tantum in diuersum.

Diuiditur autem in eadem capita, quibus tam possunt vituperari eadem omnia, quae & laudari.

Persona,	Loca,
Res,	Bruta animalia,
Tempora,	Planta.

Vituperamus vero & communiter & singulatim. Vbi vero procemium feceris, adiunges genus, quod diuides eadem quae in laude, ratione. Deinde educationem, & res gestas, & Epilogum ita facies, quem admodum in laude.

### VITUPERATIO PHILIPPI.

**N**eque virtute merita laude frustrari rectum est, neque itidem sine reprehensione dedecore vitae utilior, relinquitur: quoniam si non ita fiat, id quod praeceptum est amborum praemium, virtute aufertur: laudanda quidem gloria recte factorum, vituperanda vero scelerum turpitudine. Omnes autem male audire aequum est, qui malos sese praebuerunt, tanto magis vero omnibus Philippum, quanto omnes improbos longe omni scelere superauit.

Natus est ex ea gente, quae pessima est omnium Barbarorum, & quae non certis consistere sedibus potuerit propter ignauiam, sed coacta sit, locum à loco permutans, varijs erroribus iactari. Argui enim prius ipsos finibus exturbauerunt, hinc diu vagi, ad eam tandem, quam nunc incolunt, regionem perlatisunt. Duplici itaque infelicitate implexi, & quod melioribus coacti sunt cedere, & quod in imbecilliores violenti iniusti fuerunt, nunquam tuto habitare, aut vacui metu agere potuerunt.

Et cum ex gente ignominiosa oriundus sit, tamen

A patria.  
A maiori-  
bus.

Philippus  
hic sexens

ex ciuitate magis etiam infamatus est. *Vi enim abie-* <sup>fuit Ma-</sup>  
*ctissimi Barbarorum censentur Macedones, ita Ma-* <sup>cedonum</sup>  
*cedonum eiusque terra velut quadam sentina est* <sup>Rex: huic</sup>  
*Pella, ut in qua ciuitate ne frugi quidem seruorum* <sup>autem non</sup>  
*vllus sit prouentus.* <sup>successit A-</sup>

*Hac ergo progenitus patria, maiores habuit, pa-* <sup>myntas, sed</sup>  
*tria ipsa longè magis pudendos. Philippus enim inter* <sup>Europus</sup>  
*maiores ipsius fuit, cui quominus eius terra regnum* <sup>Europo</sup>  
*obtingeret, obstitit generis indignitas, atque dedecus.* <sup>Alcetas,</sup>  
*Huic successit pater Amyntas, qui regnum alienis o-* <sup>Amyntas.</sup>  
*pibus tenuit: pulsum enim in regnum Athenienses*  
*reduxerunt.*

*Tali igitur ortus patria, tales sortitus generis au-*  
*thores, apud Thebanos moratus, primum obses fuit:*  
*nec, quamuis media in Gracia versaretur, mores*  
*conuictu mutans, ad meliora deflexit, sed barbari-*  
*cam semper impotentiam inter Graciam retinuit in-* <sup>Genus om-</sup>  
*stitutionem. Cumque sit omne humanum genus in* <sup>ne huma-</sup>  
*Gracos atque Barbaros diuisum, ipse velut ex vtriusq;* <sup>num in</sup>  
*commixtus, similem improbitatem in dissimilibus* <sup>Gracos &</sup>  
*gentibus exercebat.* <sup>Barbaros</sup>  
*diuisum.*

*Orsus ergo primum à cognata gente, ipsam in* <sup>Arebus</sup>  
*seruitutem redegit, velut à perfidia rerum suarum* <sup>per tyrannidem at-</sup>  
*initia auspiciatus. Inde & finitimos aggressus popu-*  
*los perdomuit: captisque deinde Pæonibus Illyricos* <sup>que perfi-</sup>  
*est adortus. Triballorum quoque gentem inuadens,* <sup>diam gestu.</sup>  
*& quicquid præterea in proximo erat terrarum,*  
*omnia velut vno impetu deuicit. Et corpora quidem*  
*Barbarorum pugnando cepit, mentes autem cum*  
*corporibus nequiuit capere, nec eorum animos pacis*  
*artibus sibi conciliare. Quamobrem subinde deficie-*  

S 4

*bant,*

bant, & quanquam victoris crudelitatem horrebant, tamen rebellionem per omnes penè dixerim noctes somniabant, ut qui opere foris seruirent, intus cogitatione essent liberi. Subactus ergo finitimus Barbarus, ad Græcos castra mouit, atque adeo antequam ipsam Græciam inuaderet, ciuitates, quæ in Thracia Græce ditionis erant, euerit, cepitque Amphipolim, Pydnam subegit istisque Potidaeam adiunxit: neque Pheras extra Pegasas, neque Magnesium extra Pheras omisit: sed cuncta vrbes Thessalorum capiebantur, & velut generis mercedem seruitutem ferebant.

A mortis  
genere.

Dignum sanè fuerit, exitum quoque ipsius recenfere: postea enim quam pleraque quæ inuasis, oppresserat subieceratq; contra fœdera eos qui fuerant fœderibus deuincti, offensi violatus fœderum sacrum Dei, conuenientem perfidia suæ finem dederunt. Neque enim in præliopugnans cecidit, quo forissimum aliquem mortuæ suæ testem reliquisset, sed in medio turpium voluptatum gurgite suffocatus, se dignum sepulchrum in earum fœditate inuenit. Videlicet ut quemadmodum eius vita, sic & mors intemperantia fœdum exemplum posteris esset.

A compa-  
ratione.

Quis autem est qui Echetur illi putet posse conferri? Echetur enim præcis extremis aliquibus corporis membris, reliquum saltem corpus relinquebat: At Philippus totos cum corporibus ipsis homines perimebat. Quantoque sauius est totum deleri hominem, quam partem aliquam auferri, tanto perniciosior est Echeto Philippus.

Perorati-  
uncula.

Cessare autem à sceleribus suis Philippus nesciebat,

cum

cum mihi, victa magnitudine flagitiorum eius, necesse sit vt plura de ipsis facere verba definam.

SCHOLIA.

Omnia quæ laudantur, contraria vituperari possunt ratione. Ab Aphthonio causa exercitationis reprehenditur Alexandri pater, Amynthæ filius, Philippus, qui tamen vel dictorum vrbauitate, vel vt relatum est supra, dexteritate ingenij superabat seculi sui Reges omnes. Vide Eras. 7. Apophthegmatum. Quemadmodum autem laudari, ita vituperari possunt, Personæ, vt Therfites : Res, vt ebrietas : Tempora vt hyems : Loci, vt Euxinus : Nota apud Plutarchum in Eumene : Bruta animalia, vt Crocodilus. Plantæ, vt crambe.

Adiungens genus, &c. In genere nationis, patriæ, maiorum atque parentum circumstantiæ sunt excutiendæ. Quæ omnia si clara contigere, ostendendum est, illa vitiorum omni genere contaminasse, quem vituperandum suscepere.

Educationem, &c. Quod si is, quem vituperare constitueris, claris natalibus & egregiis animi, corporis, atque fortunæ dotibus conspicuus præfulserit, dices à maioribus illum degenerasse, animi dotibus ad dolos & fraudes abusum, bonis corporis ad libidinem, cædes, rapinas : diuitijs ad multorum perniciem, & publicas seditiones fouendas.

Frustrari &c. Frustrum actiuum, & frustrum commune verbum legitur. Est autem sensus, qui

S S crim-

Claritas enim generis notiones circa vitia, & inuifos magis facit.

Qu. Adnotauimus supra ex Quintil. hæc non ideo laudari, quod habuerit quis ea, sed quod ijs honeste sit usus.

crimina non accusant, ij non minus peccant, quam qui virtutes non laudant : non enim decet virtutem sine laude, nec malitiam sine vituperatione atque reprehensione relinqui.

*Aequum male audire, &c.* Vt sementem iuxta prouerbium, quis fecerit, ita metet. Et qui, quæ vult, dicit aut facit, quæ non vult audiet; benedictis aut factis qui certat, audiet bene.

*Pessima barbarorum, &c.* Huius gentis barbariem Stratonius Musicus Atheniensis notare solitus fuit : qui ad discipulum stupidum solebat exasperatus dicere, *εἰς μακεδονίαν*, pro *εἰς μακρονίαν* quo dicto prouerbiali precamur exitium. Meminit Eras. Apophtheg. Macedoniz autem descriptionem habet Pomponius Mela l. 2. c. 3. Liuius li. 2. belli Macedonij.

Ad historiæ vero præsentis cognitionem pertinent ea, quæ Iustinus habet lib. 8. & 9. Thucydides belli Pelopon. lib. 2. Plutar. in vita Alexand. Paulus Oros. li. 3. c. 12. ac. 15.

*Argos.*

*Argini, &c.* Argos & Lacedæmon duæ clarissimæ vrbes, Græciæ quondam lumina fuerant, ve ait Liuius lib. 4. belli Macedonici. Ab Argos Argiui & Argolici : inde Macedonum Reges oriundos fuisse Liuius testatur.

*Duplices, &c.* In duplex, inquit, malum inciderunt, & quod Argiuis fortioribus cedere, & iam exules ad inopiam redacti, alijs imbecillioribus vim inferre coacti fuerunt : quorum illud ignauiæ, hoc rapacitatis atque impietatis euidentis fuit argumentum.



*Pella, &c.* Vrbs est Macedoniæ, quam, auctore Pomponio Mela, fecerunt maxime illustrem Philippus Græciæ domitor: Alexander etiam Asiæ. Hinc Pellæus Alexander dictus. Iuuenal. Sat. 10.

*Vnus Pellæo iuueni non sufficit orbis,  
Æstuat infelix angusto limite mundi,  
Vt Gyara clausus scopulis, paruaque Scripho.*

*Philippus, &c.* Philippus, inquit, qui Alexandri pater erat, auum habuit eiusdem nominis, hominem ignobilem, sed in Græco ἀργύρεος est, hoc est proauus. Ex Iustino igitur Philippi genealogiam ita colliges.

Coranus in Æmathia urbem Edyssam, op-  
pidanis non sentientibus, per imbres, & nebulas caprarum greges secutus occupauit.

Corano successit Perdica, huic Ægeus, qui successorem filium reliquit. Philippum huius proauum, Philippus autem paruulum reliquit Europum patrem Amynthæ, Amynthas Philippum genuit, Alexandri patrem.

*Apud Thebanos obses, &c.* Obsides ob fidem seruandam dabantur obsidionis tempore. Thebis autem obses fuit Philippus Orosius li. 3. cap. 12. Iustinus li. 6. Philippus, inquit, obses triennio Thebis habitus, Epaminondæ, & Pelopidarum virtutibus eruditus. Antiphon, ait, παῖς Ἀθηναίων ἀμώγου, id est apud Athenienses obses fuit, vt intelligas à patre Atheniensibus obsidem datum.

*Pæonibus, &c.* Sunt enim Macedonibus finitimi,

*Inter Co-  
ramum vel  
secundum  
alios Cro-  
num pri-  
mum Ma-  
cedonum  
Regem &  
Perdicam.  
regnauit  
Canus &  
Thyrmas  
quartus  
fuit Per-  
dicas.*

*Imo à fra-  
tre Ale-  
xandro.*

*Pæones  
Macedo-  
nes.*

nitimi, Macedonia enim à Macedone Oſyri-  
dis filio dicta, Pœoniam habet à Septentrione,  
Illyriam ab Occidente Thraciam ab Oriente,  
Theſſaliam à Meridie. Fuit olim centum quin-  
quaginta populorum ac duobus inclyta Re-  
gibus: Philippo ſcilicet & Alexandro. Vide  
Plin. lib. 4.

*Illyris.*

*Illyricos, &c.* Illyrici ſunt in ſinu maris A-  
driatici: occupat enim Adriatici latus Illyris,  
vt ait Pomponius Mela lib. 1. cap. 3. Philippo  
autem primum certamen fuit cum Athenien-  
ſibus, quibus per inſidias victis, in Illyrios bel-  
lum tranſtulit, multa millia hominum occidit,  
vrbemque nobiliſſimam Lariffæam capit, vt  
ait Juſtinus lib. 10. Diodorus lib. 12. de rebus  
Alexandri, ait: Philippus anno ſecundo regni  
ſui habita concione, & militibus animatis in  
Illyrici fines cum decem millibus peditum, &  
ſexcentis equitibus intrauit.

*Triballorum, &c.* Illyricorum id genus eſt,  
vt ait Liuius lib. 7. belli Punici, qui ſcribit, Phi-  
lippum, cum vrgeri ſuos videret, in cohortem  
Romanam incurriſſe, atque ibi equum pilo  
traiectum in caput Regem effuſiſſe. Plinius  
lib. 4. cap. 10. Triballos in finibus Macedoniæ  
collocat.

*Ad Græcas, &c.* Nulla fuit apud Philippum  
turpis ratio vincendi: ſecuris omnibus Ther-  
mopylas occuparat. Vide Juſtinum lib. 8. & 9.  
Græciam totam prope conſilijs præuentam  
viribus domuit. Oroſius li. 3. ca. 12.

*Thra-*

PROGYMNASMATA. 285

*Thracia &c.* Ante Sython fuit dicta. Vide *Thracia*.  
Gellium li. 15. ca. 7. de qua Plinius li. 4. ca. 11.  
appellata fuit ab Asperitate, vel secundum  
Tortellum, à fertilitate, Θερρή ferum & te-  
merarium.

*Amphipolim, &c.* Inter Neston & Strymona,  
fuerunt Apollonia & Amphipolis, vt ait Pom-  
ponius Mela lib. 2. ca. 2. Nestos autem & Stry-  
mon fluuij sunt in Thracia. De Amphipolita-  
nis Didorus Siculus lib. 3. Amphi-  
polis.

*Pydnam, &c.* Ab Amphipoli subito Pydnam  
occupauit, & Olynthijs ad obtinendam Poti-  
dæam tulit auxilia, vt ait Diodor. Sicul.

*Potidæam, &c.* Pomponius Mela li. 2. cap. 3.  
Pallene, inquit, soli, tam patenris, vt quinque  
vrbum sedes sit atque ager, tota in altum ab-  
iit, angusta satis vnde incepit: ibi est Potidæa,  
Eius meminit Plutar. in Alexand.

*Pheras, &c.* Phera ciuitas in Theſſalia, Plin. li.  
4. ca. 8. Hinc Phæreus. Ouid. in Epist.

*Ipse repertor opis vaccas pauisse Phereus*  
*Fertur, & à nostro saucius igne fuit.*

*Extra Pagasus, &c.* Mosellanus ita reddidit  
hunc locum: Victorias cumulare adproperans  
non quieuit, donec Pheræ, Pegasæ, Magne-  
siæque, imo Theſſaliæ ciuitates omnes barba-  
ræ seruitutis iugum acciperent, & generis ip-  
sius veluti notam portare sustinerent. Paga-  
sam autem Plinius li. 4. ca. 8. oppidum Theſſa-  
liæ tradit. Meminit eius Pomponius Mela lib.  
2. cap. 3.

Magne-

*Magnesium, &c. Μαγνησιαν* Magnesium Græciæ regionem annexam Thessaliæ Plin. tradit lib. 4. ca. 8. Argo Magnetida hoc est, Thessalicam appellat. Ouid. in Epist.

*Fœderibus deuincti, &c.* Cum Philippus se exclusum ab ingressu Græciæ, perstructis Thermopylis vidisset, paratum in hostes bellum vertit in socios. Nam ciuitates, quarum antedux fuit, sibi gratulantes & excipientes, hostiliter inuasit, crudeliterque omnia diripuit, liberos coniugesque sub corona vendidit. Orosius li. 3. ca. 12.

*Voluptatum gurgite, &c.* Etenim destinato lætitijs die † fuit interfectus in theatro per Pausaniam, cum regnasset annos quatuor supra triginta. Diodorus viginti quatuor annos duntaxat regnasse Philippum scribit. De eo hæc Orosius li. 3. ca. 14. Cum ad ludos magnifice apparatus, inter duos Alexandros, filium atque generum contenderet, à Pausania nobili Macedonum adolescente, in angustijs siue custodibus circumuentus, occisus est. Mortis eius meminit. Valer. lib. 1. cap. ult. de Miraculis.

*Echetus.*

*Echetus, &c.* Echetus Epirotarum Tyrannus, qui regionem hominibus ingressis, nares, aures atque pudenda rescindere solebat, & obijcere canibus. Vnde Antinous Odyss. 18. apud Homerum ait ad Irum: Si te vicerit mendicus, mittam te ad Echetum, vt tibi nares & pudenda præcidat, & canibus obijciat.

PHALARIDIS VITUPERATIO.

**V**T virtute præditos gloria, sic vitij contaminatos perpetua comitatur ignominia, qua dignissimus Phalaris, cuius crudelitas antequam nasceretur, matris somnio comprobata est. Vide Ciceronem primo de Diuinatione libro.

Cuius parentes turpissimos, vt indignos æterna fama, sed tenebris Cimmerijs obruendos, plerique autorum silentio præterierunt. *A maiori-  
bus.*

Nactus præclaram Agrigentum patriam, quam vt Empedocles eximijs animi dotibus illustriorem, ita magis famosam crudelitate sua reddidit ille. *A patria.*

Phalaridis imperium tam fuit truculentum, vt proverbio locum fecerit. Qui tauro inclusos æneo reos coercebat, & igne subiecto cruciabat. Meminit Plin. l. 35. ca. 8. Ouid. in Trist. Valerius li. 9. ca. 2. *A rebus  
gestis.*

Factis igitur digna morte succubuit. Nam in eum impetum faciens Agrigentinorum multitudo occidit, & Tyrannum lapidibus obruit. Vide Ciceronem Officiorum 2. Valerium lib. 3. cap. 3. *A morte.*

Crudelis quidem Proustes, sed longè crudelior Phalaris. Ille solebat in Attica regione nonnullos hospites interimere, post, vt Plutarchus refert à Theseo interfectus: hic autem eo crudelitatis processit, vt eius supplicio non *A compa-  
ratione.  
In Parricidas hoc est  
inuentum  
supplicium.*  
debeat



debeat vna parari simia, nec serpens vnus nec culeus vnus.

*Epilogus.* Finem dicendi faciam, perpendens meam dicendi facultatem imparem esse tot criminibus illius recensendis, nedum oratione condigna vituperandis.

### ALIVD EXEMPLVM

*Vituperationis.*

#### PARIDIS VITUPERATIO.

**C**VM nullam in hominibus immortales Dij capitaliorem pestem dederint, quam voluptatem, bono iure vituperandi sunt, qui posthabitis omnibus virtutibus, veluti pecudes, illam malorum omnium escam sunt amplexi. Quorum in numero Paris, Epicuri de grege porcus.

*A natione.* Natus in Phrygia, quæ neminem frugi produxit, sed quos tympana & buxus iuuit, non classica: vt ait Virg. in 9. Hinc barbaris, seruilibus, ac stupidis ingenijs horrentes prodierunt homines, vt prouerbijs locum fecerint. Phryx plagis emendatur. Et: Sero sapiunt Phryges.

*A patria.* Patriam sortitus Troiam, quam, cum illustrare virtutibus deberet, omnique beneficiorum genere beatam reddere funditus perdidit.

*A maiori.* Nulla refulsit in eo maiorum claritas, & si qua fuit, eam turpissimis facinoribus conspurcavit, ac tenebris (vt aiunt) Cimmerijs inuoluit. Auus fuit Laomedon, insignis perfidia.

Qui

Qui pactam pro constructis Troiæ mœnibus mercedem negavit Apollini atque Neptuno, violauitque sacram iurisiurandi religionem, quæ semper ab alijs inuiolate, sanctissimeque habita est. Vide Gell. li. 7. cap. 18.

Patrem habuit, qui seruitutem perpetuam <sup>A paren-</sup>seruisset, si non precio fuisset redemptus. <sup>Et-ribus.</sup> Et nim puer ab Hercule captus, cum Hesi-  
one so-  
rore pecunia solus redimi potuit, vnde Pri-  
amus dictus, qui prius appellatus Podarces.  
Porro si qua fortasse fuerunt in eo virtutis or-  
namenta, Paris tamen ab ijs deflexit ad om-  
nem libidinis turpitudinem.

Cum in vtero mater Hecuba gestaret, <sup>Ab iis</sup>Paridem, somniauit se facem parituram, <sup>que nativi-</sup>quæ totam incendio Troiam esset absump-  
tura. Nec vanum fuit somnium, <sup>tatem præ-</sup>Vnde for-  
tunatiores floruisse Troiani, si responsis <sup>cesserunt,</sup>  
Aruspicum, & oraculis numinum obtem-  
perantes, pestiferum partum è medio tu-  
lissent. <sup>meminit</sup>  
<sup>Q. li. 3. c. 7.</sup>  
<sup>ex Hom.</sup>  
<sup>1. 6. Iliad.</sup>

Quem mater occidere debebat, Idæis pa-  
storibus educandum tradidit, vbi ferinam in-  
ter pecudes & lustra ferarum barbariem imbi-  
bit, turpissimoque libidinis crimine animum  
coinquinauit, vsus infami turpis Oenones  
consortio.

Cum duæ sint viæ, altera virtutis asperior, <sup>Ab educa-</sup>  
altera vitiorum planior, & amœnior, non il-  
lam, vt Scipio Aphricanus, apud Silium Itali-  
cum libr. 15. sed hanc, quam stulti solent, in-  
gressus <sup>tione.</sup>  
<sup>Hercules</sup>  
<sup>apud Pro-</sup>  
<sup>dictum de</sup>  
<sup>quo Xen. 2.</sup>

*Memor.* gressus, consecutus est digna meritis præmia  
*Et Cic.* nimirum Iliada malorum.

*Offic. ca. I.* Studia virtutis auersatus, neminem audiuit  
*Ab institu-* recta monentem: unde salutarem Palladis ex-  
*to vita.* hortationem respuit: amplexus illecebras pe-  
*A disci-* stiferas Veneris, quæ blando quidem, sed per-  
*plinis.* nicioso lenocinio permulsum rapuit ad cru-  
*Alludit ad* delia factorum discrimina. Vide Plutar, in Ho-  
*vulnerum* meri vita.  
*Paridis iu-*  
*dicium.*

*A dotibus* Egregia forma conspicuus enituit: atqui,  
*corporis.* iuxta Socratis præceptum, inspecto sapius  
speculo non cavit, ne quid illa committeret,  
indignum. Vide Eras. 3. Apophtheg. Accessit  
tantum robur, atque laterum firmitas, vt in a-  
gonali certamine vicerit Hectorem, sed om-  
nia luxu, atque voluptatibus exhausta deflexe-  
runt. Hinc non immerito reprehensus ab He-  
ctore apud Homerum Iliad. 3.

*A fortunæ* Quas opes habuerat in turpissimos amoris  
*bonis.* foedioris abusus profudit, & quibus patriam  
debebat iuuare, ijs perniciem adduxit.

*A rebus* A Priamo receptus in regnum, non virtute  
*gestis.* regia dignum aliquid meditatus fuit, sed  
deterrimæ libidinis impulsu nauigauit Spar-  
tem, vbi hospititis Menelai, in Cretam abeun-  
tis, vxorem illecebris expugnatam abduxit,  
& in patriam ipsissimam malorum lernam in-  
uexit.

*A genere* Condigno, quod flagitijs meruerat, suppli-  
*mortis.* cio affectus mortem obiit, qualem Tyranni  
*Hoc est,*  
*cruore*  
*moriens*  
*asperfus est.* scilicet non liccam,

## ANNIBALIS VITUPERATIO.

**I**N Repub. libera magnam sæpenumero cō- *Exordium.*  
moditatem afferunt conuitiatores. Solent  
enim efficere, vt ex vitioſorum hominum re-  
prehensione purior vita cum oratione, tum  
moribus exoriatur. Vnde Philippus, ille Mace-  
donum Rex, calumniatoribus ſuis plurimam  
ſe dicebat habere gratiam, quod ſuis conuitijs  
efficeret, vt ipſe melior euaderet, dum conor,  
inquit, illos dictis pariter ac factis mendacij  
conuincere. Et Annibal ipſe aut eius ſimiles  
homines improbi, non excandefcent, imò gra-  
tiam habebunt, quod iuſta vituperandi liber-  
tas meliorem afferat viuendi rationem.

Natus eſt ex ea gente, quæ factio Barchina *A genere.*  
dicebatur, à Barcha Didonis ſocio, qui natale  
ſolum in arida Lybia tenuit, ita obſcurum, in-  
fœcundum, barbariciſque hoſtibus refertum,  
vt id relinquere, & in Aphricam tranſmigrare  
compulſus fuerit, vel rerum inopia coactus,  
vel hoſtium metu percuſſus. Iam in Aphrica  
talis contigit populus, cuius propter inſi-  
gnem perfidiam ſuſpecta fides prouerbio lo-  
cum fecit.

Oriundus itaque ex horrido, & tam inſau-  
ſto loco, patriam ſortitus eſt Carthaginem.  
Cuius ciues odijs ſemper, atque virijs prope  
maioribus certarunt, quam viribus aut virtu-  
tibus. Vnde per ignauiam & rerum omnium  
imperitiam amiſerunt Siciliam atque Sardi-  
niam, prouincias omnium florentiſſimas.

*A maior.  
Regulus  
captus est  
anno ab  
Urbe con-  
dita 496.  
autore Po-  
lybio.*

In maiorum eius numero, quem laudandum magis existimarunt, Asdrubal erat, is scilicet, quo nemo fuerat crudelior : cuius effrata scuritia, dolo, & insidijs Xantippi Mar- cum Attilium Regulum spiritus religiosissimi virum, cepit, & miseris modis excruciatum interfecit. Quod vel solum immane facinus Dij videre non potentes, seruum immiserunt, qui de viro deterrimo poenas sumeret, ac diuinum factum quasi miraculo comprobaret. Hic enim, quod Dominum suum occidisset, Tyrannum subito aggressus, interemit, cumq; comprehensus omnimodo cruciaretur, lætitiæ tamen, quam ex vindicta ceperat, in ore constantissime retinuit, eoque fuit habitu oris, ut superante lætitiæ dolores, ridentis etiam speciem præbuerit. Valerius lib. 3. ca. 3. Liuius in præfatione bellorum Punicorum.

*A paren-  
tibus.*

Patrem habuit Amilcarem, Tyrannum pestilentissimum, qui ut sui similem, hoc est naturæ crudelitatis hæredem filium relinqueret, vndecim annos natū, aris admouit, ut odium in Romanos perenne iuraret. Et hic mature patris vestigia secutus, odij magnitudinem ostendere cupiens, inflixit in terram pedem, suscitauitque puluerem, dicens : Tum bellifinis erit, cum alia futura pars in habitum pulueris redacta fuerit. Vide Valerium li. 9. cap. 3.

*Ab his que  
natura-  
tem secuta,*

Patris igitur vestigia subsequiturus, certæ prædictionis somnium vidit, votisq; suis conuenientem imaginem hausit. Existimauit enim

missum



missum sibi à Ioue mortali specie excelsiorem  
iuuenem, inuadendæ. Italiæ Ducem, cuius  
monitu primo vestigia nullam in partem se-  
curis oculis, mox humani ingenij prona vo-  
luntate vetita scrutandi pone respiciens, ani-  
maduertit immensæ magnitudinis serpentem,  
cum ingenti arborum ac virgultorum strage  
ferri, concitato impetu, omne, quicquid ob-  
uium fuerat, proterentem, postq; eam magno  
cum cœli fragore erumpêtes nymbos, lucem-  
que caliginosis inuolutum tenebris. Attoni-  
tus deinde, quidnam esset monstri, & quid  
protenderet, interrogauit? Hic dux, Italiæ, in-  
quit, vastitatem vides; vt ait Valerius lib. 1. c. 5.  
Eadem Liuius habet 1. belli Punici secundi  
Silius lib. 3. Cicero de diuinatione lib. 1.

In prætório patris educatus fuit, vbi nihil *Ab educa-*  
præter mera tyrannidis exempla vidit. Eum *tione.*  
Asdrubal, vix dum puberem ad se accersuit, vt  
militiæ assuesceret, inque paternas opes suc-  
cederet: sed optimus vir Hanno, factionis al-  
terius princeps, animaduertēs pessimam ado-  
lescentis indolem, ipsum domi tenendum sub  
legibus, sub magistratibus docendum, viuere  
æquo iure cum cæteris censebat, ne quando-  
que paruus hic ignis incendium ingens exus-  
citaret. At pauci, ac fermè optimus quisque  
Hannoni assentiebantur, sic (vt plerumq; fit)  
maior pars meliorem vicit, vt ait Liuius. Pru-  
denter autem Hanno, nam Annibal ferus, im-  
manisq; natura adiunxit à pueritia prima dis-

ciplinam, qua non iura, non leges, non ciuiles consuetudines sed bella cædesque, & hostiles proditiones tractare didicerat. Itaque crudellissimus euasit dux, & in fallendis hominibus callidissimus. Nam ad decipiendum hostem, semper intentus, quos aperto Marte superare non poterat, dolis aggrediebatur, vt refert Plutarchus.

*Ab insti-  
tutione.*

Optimos quidem præceptores consecutus erat, sed omnes naso suspendens per arrogantiam, in bonis disciplinis nihil promouit: etenim oratorem atque Philosophum eloquentissimum Peripateticum Phormionem audiuit Ephesi de Imperatoris officio, & de omnire militari copiosissime differentem, pauloque post rogatus, quidnam de illo Philosopho iudicaret, respondit: multos se deliros uidisse senes, sed qui magis quam Phormio deliraret, uidisse neminem. Cuius rei meminit Cicero de Orat. lib. 2.

*A legum  
contemptu.*

Legum iustitiam nihil curauit, foedera rupit, Legatos P. Valerium Flaccum, & Q. Fabium Pamphilum à socijs & pro socijs missos contra ius gentium non audiuit, nec in castra admisit. Et quas in leges patrias delinquendo poenas meruerat eas astutia mirè solitus auertere. Sic à Iulio Consule nauali prælio victus, timensq; classis amissæ (capitale enim Carthaginensibus ex publico legum decreto fuit, si quis ducum iniussu populi pugnasset infœliciter) poenas dare, ex illa infœlici pugna, priusquam

quam cladis nuncius domum perueniret, quendam ex amicis compositum & instructum Carthaginem misit. Qui postquam ciuitatis eius Curiam intrauit; consulit, inquit, vos Annibal, cum dux Romanorum magnas secum maritimas trahens copias aduenerit, an cum eo configere debeat; acclamauit vniuersus Senatus, non esse dubium, quin oporteret. Tum ille; Confluxit, inquit, & superatus est. Ita liberum his non reliquit id factum damnare, quod ipsi fieri debuisset iudicauerant, vt ait Valerius lib. 7. cap. 3.

Rupto, quod primo bello Punico fuit ictum, *Arebns* foedere, totius Italiae agros ferro & igne va- *gestu* stauit, quod scelus pro sua libidine patraret, occasionem quesiuit, nec quesiita defuit. Erant in Hispania Saguntini, quasi medij inter Romanorum & Carthaginensium fines, iure foederis in libertate relictii. Hi postea totos se Romanis addixerant, in eaque societate Romani imperij fidissimi cultores habebantur. Quare Annibal constituit animo, nihil opportunius fieri posse ad eliciendum Romanorum iram ac incendium, quod sibi optatissimum erat, concitandum, quam Saguntinos armis belloque laceßere. Sed priusquam socios populi Romani aperte adoriretur, statuit in Olcadas aliosque trans Iberum populos exercitum ducere, ac eis ad deditiõem compulsi, aliquam Sagunto nocendi causam reperire, qua non tam mediato consilio à se illatum,

quam à Saguntinis contractum bellum videri posset. Primum igitur Olcadum gente ad deductionem compulsa. Vacceos deinde aggredditur, agros deinde populatur, oppidaque multa expugnant, vt ait Plutarchus.

*Ab animi  
doubus.*

Annibalis maiore ex parte virtutis sanctitia constabat, argumento fuerunt multa, cum primis illud, quod in flumine Gilo corporibus Romanis ponte facto exercitum traduxit, vt æquè terrestrium scelestum Carthaginensium copiarum egressum terra quam maritimarum

*Mortem  
sibi veneno  
conscant  
Annibalis*

*anno ab  
urbe con-*

*dita 571.*

*ab incepto  
vero secun-*

*do bello*

*Puni. 36.*

Neprunus experirerur. Idem captiuos oneribus, & itinere fessos, prima parte pedum succisa relinquebat. Quos vero in castra perduxerat, paria fratrum & propinquorum iungens ferro decernere cogebat, neque ante sanguine explebatur, quam ad vnum victorem omnes redegisset. Iusto ergo illum odio, veruntamen rardo supplicio senatus Prusie Regis factum supplicee, ad voluntariam mortem compulsi, vt ait Valerius lib. 9. cap. 2. Nonnullis quidem virtutibus Annibal præditus erat, sed eas ingentia vitia æquabant, inhumana crudelitas, perfidia plusquam Punica, nihil veri, nihil sancti, nullius Dei metus, nullum iusiurandum, nulla religio, vt Liuius scribit.

*A corporis  
dotibus.*

Nullo quidem labore aut corpus Annibalis ab initio fatigari, aut animus vinci poterat. Caloris & frigoris patientia par cibi potusque desiderio naturali, non voluptate modus finitus, vigiliarum somnique nec die nec nocte disci-

discriminata tempora, id quod gerendis rebus superesset, quieti dabatur, ea neque molli strato, neque silentio accersita: sed tantum id corporis bonum luxuria fregit, maxime Campana perquam utilis imperio Romano. Inuictū enim armis Annibalem illecebris suis completa, vincendum Romano militi attribuit. Illa vigilantissimum ducem, illa exercitum acerrimum dapibus largis, abundantivino vnguentorum fragrantia, Veneris vsu lasciuiore ad somnum ac delitias euocauit, ac tum demum fracta & confusa Punica veritas est, cum Sephasia ei, & Albana castra esse cœperunt. Quid ergo his vitijs fœdus? quibus virtus atteritur, victoriæ languescunt, sopita gloria in infamiam conuertitur, animique pariter & corporis vires expugnantur, adeo vt nescias ab hostibusue, an ab illis capi perniciosius habendum sit, vt ait Valerius Maximus lib. 9. ca. 1.

Opes, quas apud milites plebemque plus <sup>A fortuna bonis.</sup> quam modicas habebat, assiduis rapinis auxit, quibus hominum animos sollicitauit, & corrupit, vt largitionibus sibi fauorem aucuparetur, viamque ad dominationem præstrueret. Libido enim maxima inuaserat Reip. capiundæ, sibi que regnum parandi.

Ingratos Carthaginenses appellat Valerius <sup>Ab iis quæ supremum vitæ diem præcesserunt.</sup> Maximus, quod in animum induxerint è conspectu suo submouere Annibalem, qui pro eorum victoria tot Imperatores, totque exercitus Romanos trucidauerat. Sed illi iudicio



meo prudenter, iustis rationibus adducti, nocentissimam bestiam, relegarunt, interturbatorem publicę pacis, totque cladium autorem truculentissimum.

*A morte.*

Eiectus igitur in exilium, ad Antiochum Regem Syrię confugit, quo victo, ad Prusiam Bithynię Regem concessit, vnde Romę legatione repetitus, hauſto, quod sub annuli gemma habebat, veneno absumptus est: ita morte non gloriosa succubuit, vitam insecta

*A compa-  
ratione.*

*An. ab vr.*

*be con.*

573.

turpissimam. Pestilens & crudelis C. Flaminius erat, qui miserabilis illius ad Thrasumenum pugnę causa fuit: Sed longe pestilentior, atque crudelior Annibal. Illum semel Rempub. affligere stultitia coegit, hunc autem furor ad maximas clades sæpenumero pertraxit.

*Conclusio.*

Plura dicere super sedeo, ineptus enim haberi possem, si crimina Annibalis omnia, quę nullum nocendi finem habuerunt, studerem exigua, quam habet oratio mea, facultate complecti.

## COMPARATIO.

ΣΥΓΚΡΙΣΙΣ. 684. 1615.

*Compara-  
tione exer-  
citatio in-  
quit Qu.*

*2. cap. 4.*

*duplicat*

*materiam,*

*Et virtu-*

*tum vito-*

*rumque*

**C**omparatio est oratio, ex collatione aliquid disquirens, quo id quod comparatur, in maius extollat, ostendat aequale.

Comparantur autem vel bona bonis, vel bona malis, vel mala malis, vel parva maioribus conferuntur. Prorsusque comparatio duplicem habet vel laudem, vel vituperationem vel alterutrum ex laude, vituperatione.

rationeque compositum. Omnis autem comparatio <sup>non tantum natu-</sup> nis locus admodum difficilis est, praesertim si parua <sup>ram, sed</sup> maioribus conferas. <sup>etiam mo-</sup>

Comparari verò omnia possunt quae laudari, quae <sup>dum tra-</sup> que vituperari. <sup>ctar.</sup>

Persona,	Res,
Tempora,	Loci,
Irrationalia animalia,	Planta.

Non oportet autem comparantem totas res totis conferre; id enim supinum, inefficax, & nequaquam est pugnax, sed capiti caput conferendum, hoc enim vehemens: atque diuidere totas, laudis est, non comparationis. Comparatio autem in hoc non est posita, quando totum hoc praexercitamentum comparatio vocatur.

### COMPARATIO ACHILLIS ET HECTORIS.

**V**olenti mihi virtutem conferre virtuti, cum Proëmion. achille baud immerito componendus fuerit Hector. Sunt quidem ipsae per se virtutes nimirum abundè honesta, comparata tamen, admirabiliores videntur.

Patria ergo nati sunt non eadem, laudata tamen <sup>A loco.</sup> vterq;. Ille enim in Phthia, vnde Gracia ipsius primum prodijt cognomētum, hic verò Troia, cuius conditores Deorum quoque primi fuerunt. Quod si parum natum esse loco affert aliquid ad laudem, nihil quidem hac in parte Achilli posthabendus est Hector.

Nati autem vterque praclara patria, parem quo- <sup>A parenti-</sup> que generis habuerunt dignitatem, vterque enim ad <sup>bus.</sup> Iouem originem suam initiumque generis sui refert.

Pelei

Pelei enim filius Achilles fuit. Æaci vero Peleus, & Æacus Iovis. Sic quoque Hector Priami, Priamus autem Laomedonis & Dardani Laomedon filius, Dardanus quoque Iove prognatus est.

*Amatio-  
ribus.*

Progenitore autem Iove nati uterque reliquam quoque maiorum seriem habuerunt claritudine aequalem. Ut enim Achilles Æacum habuit & Pelea, quorum ille Græcos à siccitate, penuriaque liberavit, hic Lapithis devictis ob egregiam virtutem Dea coniugium est affectus. Sic Hectoris Dardanus progenitor fuit, Deorum primum dignus habitus coniunctu, pater autem Priamus imperavit urbi, cuius muros ipsi quoque Diis fundarunt. Quod si non minus est, quam Dea sortitum esse coniugia, Deorum idque optimorum mensa conutuique usum esse, nihil est, quod quisquam maiorum gloria, Hectori praeferat Achillem.

*Ab educa-  
tione.*

Talibus autem uterque maioribus procreati, ambo ad fortitudinis sese studia contulere, & ille quidem à Chirone educatus est; huic Priamus ipse praetor, velut natura quadam via, virtutis monumenta tradebat. Par itaque similisque educatio parem vique conciliat laudem.

*Arebus  
gestis.*

Ut autem ad virile peruenire robur, eodem in bello par uterque animi, virtutisque specimen praeberunt. Hector enim Troianos ducebat solusque velut obex, propugnaculumque civitati datus, tuebatur ipsam, stetit quoque quamdiu fauentibus Dijs & auxiliantibus est usus. Cadens deinde ipsam quoque Troiam post se traxit atque evertit. Achilles vero Græcorum praerat armis. terroreque omnes vincebat Troianos

Palladis

*Palladis fultus nomine atque auxilio, occumbensque  
spem victoria in reliquum abstulit Græcus.*

*Et ille quidem victus à Pallade interijt, hic autem A morte.  
cecidit ab Apolline confixus, Natiq̃ue ambo ex Diis  
ambo quoque Deos habuere mortu auctores, viq̃ di-  
uinitus generis initia, ita vita etiam exitum accepe-  
re. Quod si similis utriusque vita fuit, similisq̃ mors v-  
trumq̃ abstulit, quid est, quo non Hector par sit, quo-  
que cedere debeat Achilli?*

*Plura erant quæ dicerem de utriusque virtute,  
nisi quemadmodum in his, quæ dixi, ita in reliquis  
per omnia ipsorum gloria esset æqualis.*

SCHOLIA.

Comparatio secundum Priscianum est, vel  
similium, vel diuersorum, vel minorum. ad  
maiora, vel ad maiorum ad minora collatio.

Differt ab ea, quæ inter Schemata senten- *In senten-  
tiæ numeratur à Rhetoribus, quod hæc breuis tia vnuer-  
sit exornatio, illa exercitationis studio suscep- sa, vnuer-  
ta, instar laudis vel vituperationis fufius tra sis, in com-  
paratione  
tari solet. singu'a sin-*

*Bona bonis, &c. Vt si Æneam comparaue- gulis com-  
ris, Sapientia fortitudinem, Iustitiam pie- ponuntur.  
tati. Quin. li. 9.  
ca. 2.*

*Bona malis, &c. Bonitas enim ex malorum  
comparatione magis enitescit ac effulget, vt  
Sapientia comparata stultitia, Pax discordia,  
Sobrietas ebrietati.*

*Mala malis, &c. Vt si ebrietas cum adulte-  
rio conferatur, Philippus Echeto, Procustes  
Phalaridi.*

*Parna maioribus, &c.* Res exiguae verbis attolli possunt, vt si ex musca feceris elephantum.

*Duplicem habet laudem, &c.* Per loca laudis processuri, comparabimus & urbem vrbi, ex qua sunt viri, & genus generi, & victum victui, & professiones professionibus, & gesta gestis, & ea quæ accidunt extrinsecus, vt diuersos mortis modos, & quæ eam sunt secuta. Similiter & arbores comparare volueris, conferes etiam præsentia eis numina & loca, in quibus nascuntur, & fructus, & vtilitatem, & similia. Res quoque si compares, extolles, qui primi eas inuenerint, & eos conferes. Præterea qualitatem animi & corporis.

*Alterutrum, &c.* Alterutrum aliquando vituperantes, alterutrum laudamus, vt si comparemus iustitiam & diuitias.

*Locus difficilis, &c.* Vnde fortem, vt Priscianus ait, oratorem exigit, & callidum, & celerem, vt agiles possit semper facere transitiones.

*Persona, &c.* Vt in oratione pro Cluentio, vbi Milesia, & Oppianicus conferuntur. Illa à secundis hæredibus pro abortu pecuniam acceperat: Hic idem effecerat per alieni corporis cruciatum. Vide Eras. 2. Copiæ.

*Res, &c.* Ita conferri poterit Academia aliqua cum alia, vrbs cum vrbe, locus cum loco, &c.

*Totas restotis, &c.* Non fuerit necesse, inquit,



quit, vt aliquam rem per omnes suas partes cum alia conferas, vt caput Demosthenis cum capite Ciceronis, humeros cum humeris, manus cum manib., pedes cum pedibus. Sed magis, vt secundum locos generis demonstratiui compares genus Demosthenis cum genere Ciceronis, patriam cum patria, educationem cū educatione, res gestas cum rebus gestis, &c.

*Non est posita, &c.* In hoc comparationis progymnasmate non est comparatio caput, quia comparatio est tota præexercitatio. Non quidem est caput. sed comparatio diffusa per omnes locos, atque partes.

IN EXEMPLVM.

*Phthia, &c.* Φθία ὁδὲν ὁ τῆς Ἑλλάδος, & προῆλ- *Phthia.*  
δεν πᾶν μ. &. Vnde Helladis cognomentum  
prouenit. Est autem Phthia Thessaliæ oppi-  
dum & regio, Achillis patria illustris. Dido a-  
pud Ouidium in Epistolis.

*Non ego sum Phthia, magnisq; oriunda Mycenis.*

Hinc Phthius. Idem in Britide:

*Quam sine me Phthiæ canescant aquora remis.*

Pomponius Mela Phthian in Phthiotide  
ponit, regione Græca. Et Hellas Achaïæ re-  
gio, alio nomine Attis dicitur. Eadem Thes-  
salia cognominata fuit, autore Plin. lib. 4. ca. 7.  
Plura apud Thucydidem li. 1. Hellines Græci  
appellati sunt, Hellas autem dicta fuit à Deu-  
calionis & Pyrrhæ filio, qui Hellin appel-  
latur.

*Troia conditores, &c.* Apollo & Neptunus

CUM

cum Laomedonte, Ili filio, patre Priami, mercede pacta muros Troianos condiderunt: unde Ouid. ait:

*Vilius starent etiam nunc mœnia Phœbi.*

Et Virgil. in 3. *Ceciditq; superlam Ilium, & omnis homo fumat Neptunia Troia.*

*Pelei, &c.* Iupiter, ut Ouidius ait 6. Metamorph. in ignem transformatus, ex Ægina Afopi filia (quam inde vocat Afopidam) genuit Æacum, Æacus Pelea, Peleus ex Thetide Achillem, unde ab Auo Æacides appellatur, à patris nomine Pelides.

Priamus  
prius Por-  
daces vo-  
cabatur.  
Dardanus.

*Priami, &c.* Dictum aiunt ἀπὸ τῆς πρῆς, primo, quod ab Hercule captus, auro fuerit redemptus.

*Dardanus, &c.* Iouis & Electræ filius. Ouidius 4. Fastorum:

*Dardanon Electra, quis nescit atlantide natum,*

*Scilicet Electra concubuisse Iouem?*

Hinc Dardania dicitur Phrygia. Sicut à Dardani filio Troe, Troia, ab Ilo, Trois filio, Ilios, vel Ilion.

Alij genus Hectoris paulò aliter deriuant, Iupiter, inquiunt, ex Electra genuit Dardanum, Dardanus Assaracum & Ilium, Ilius Laomedontem, Laomedon Priamum, Priamus Hectorem. Vide Tortellium,

*Gracos liberauit, &c.* Æacus tam cæteris virtute præstitit, ut, cum maxima siccitate in Græcia plurimi hominum corrumperentur, nullumque malo huic auxilium inueniretur, postquam

postquam magnitudo calamitatis excreuit, cum ciuitatem principes adierint, rogantes, vt tantum malum tantamque pestem ab eis propulsaret: sperabant enim propter ipsius generositatem atque eximiam pietatem quam celerimè à Dijs præsentium malorum liberationem inuenturam. Nec easpes eos fefellit. Itaque voti compotes facti, in Ægina, vbi votum ille precesque fecerat, commune omnibus Græcis sacrum ædificauere. Atque ex eo tempore, donec inter homines fuit, summa cum glòria vitam duxit. Postquam vero migravit è vita, cum apud Plutonem Proserpinamque maximos honores assecutus esset, ad iudicandas animas eis assedisse fertur. Hæc ex Plutarchi Euagora.

*Lapithis deuictis, &c.* Hi Thessaliæ populi. Ixionis & Nubis filij, frænorum & stratorum inuentores. Virg. 3. Georg.

*Frena Peleibronij Lapytha, gyrosque dedere  
Impositi dorso, atque equitem docuere sub armis  
Insulsare solo & gressus glomerare superbos.*

Lucanus lib. 6.

*Exiit primus chalybem, frenosque momordit  
Thessalicus senipes, bellis feralibus omen,  
Spumauitque nouis Lapithæ domitoris habenis.*

Plura de Lapithis & Centauris apud Ouid.  
12. Metamorp.

*Dea coniugium, &c.* Hoc est Thetidos. Fuit autem Thetis, Θέτις, Pelei vxor, Achillis mater, vt Tethys, Τηθύς Cæli & Vestæ filia, Neptuni

coniux, mater Nympharum. Hoc primam producit, illud autem corripit. Virg. 1. Georg.  
*Teg, sibi generum Teihs emat omnibus vndu.*

Claudianus l. 1. de raptu Proserpinæ.  
*Hinc latrat Getula Thetis, Lilybaaque pulsas  
 Littora.* Virg. 6.

*Lana tenent Thetis, & Melio Panopaaque virgo.*

Ob egregiam virtutem, &c. Cum Peleus in pugna contra Centauros strenue dimicasset, multisque alijs bellis atque periculis probatus est, Thetida, Nerei filiam immortalem, quamvis ipse mortalis, vxorem meruit, atq; ex omnib⁹, quæ ante fuere, solum in istis nuptijs Hymenæum Deos cantasse ferunt, vt ait Plutarchus.

*Chiron.*

*A Chirone educatus, &c.* Centauri *ἑνὸς δ' ἑντῆν*, hoc est, à pungendo aut stimulando dicti, equorum stimulatores. Quorum vnus erat Chiron, Saturni & Phylliræ filius, optimus Citharædus, Medicus, Astrologus. Ab eo Muscam Achilles didicit.

Ouidius de Arte.

*Phyllirides puerum cithara præfecit Achillem.*

*Æacida Chiron, ego sum praeceptor amoris.*

Ab eodem Medicinam Æsculapius, Astrologiam Hercules didicit. Fuit autem iustissimus omnium, qui cum tractaret sagittas Herculis, vnaque lapsa pedem vulnerasset; post nonum diem in signum Sagittarium versus dicitur. Ouidius s. Fastorum:

*Nona dies aderat, cum tu iustissime Chiron,*

*Bu septem stellis corpora cinctus erat.*

*Propu-*

*Propugnaculum, &c.* *Προπύλαιον* accipitur pro *Propugnaculum.*  
tutore, defensore, propugnatore. Alias dicitur  
scopulus, vel eminens in mari saxum.

*Fauentibus Dijs, &c.* Troia tantisper fauentes  
Deos habuit, nec capi potuit dum fata Troia- *Fata Tro-*  
norum permanserunt integra. In fatis autem *ianorum.*  
fuerunt Troili vita, Palladij conseruatio, illæ-  
sum Laomedontis sepulchrum, Equi Rhesi.

*Victus à Pallade interijt, &c.* Hector ab Achille  
fuit interfectus, vnde Virgilius in 1.

*Ter circum iliacos raptauerat Hectora muros,*  
*Exanimumque auro corpus vendebat Achilles.*

Sed Palladem habuit adiutricem, *Παλλήνη*  
*Σομένην*, in pugna sociam.

*Ab Apolline, &c.* Paris Achillem interfecit, in  
Apollinis Thymbæi templo, sed ab Apolline,  
directus in Achilleū corpus sagittis. Virg. in 6.

*Phæbe graues Troia semper miserate labores,*

*Dardana qui Paridū direxii tela, manusq;*

*Corpus in Æacida.*

Ouid. 3. Metamorph.

*At postquam cecidit Paridū, Phæbiq; sagittis.*

Plutarchus in comparatione Lyfandri & *Pulcherri-*  
Syllæ, ait Achillem interfectum à Paride inter *mam co-*  
Portas. *rum com-*

COMPARATIO DEMOSTHENIS *parationē*  
*ET CICERONIS.* *habes apud*  
*Quilib. 10.*  
*ca. 1. De-*  
*mosthenis*

**S**I non paruam laudem merentur, qui diui- *pater ab of-*  
sorum ingeniorum gloria, cæterarumque *ficina gla-*  
rerum conspicuarum claritate pares enitue- *diorum*  
runt, non vulgarem sibi vendicant Demosthe- *est Ma-*  
*charopæus*



*appellatus de quo Iuuenalis Sat. 10.* nes & Cicero: quos viros summos per omnia pares natura produxerit,

*Apatria.* Patriam vterq; sortitus illustrem, ille Græciam, vberissimum Atticæ eloquentiæ fontem; Hic Italiam Latinæ linguæ parentem facundissimam.

*A parentibus.* Obscuro natus vterque parente, clarissimus euasit. Ille patrem vix seculo suo notum habuit, vt inquit Valerius: de huius item patre nihil (vt Plutarchus inquit) certum est proditum.

*A maiorebus.* Generis seriem, quam à maioribus humilem, & in gloriam acceperunt, ita virtutibus proprijs illustrarunt, vt maxima laudis claritate polleant in æternum.

*Ab educatione.* Ingeniorum specimen sub prima iuuentate statim emicuit. Vnde bonas inter disciplinas educati, & præclaris artibus dicendi protinus addicti, summos in oratores euaserunt, summamque è foro, curiaque gloriam sibi quæsiuerunt.

*Ab institutione.* Ab optimis præceptoribus instituti fuerunt. Demosthenes ab Isæo, eloquētissimo doctore; Cicero à Philone Academico, & Millo-  
*Demosthenem Platonem etiam dedisse operam testatur lib. 2. ca. 10. Quint.* ne Apollonio, viris in docendo disertissimis.

*Ab exercitatione.* Cicero Græce & Latinè declamando se plurimum exercuit, cum M. Pisone & Q. Pompeio; Et Demosthenes vadosis littoribus insitens, declamationes fluctuum fragoribus obstantibus edebat, vt ad fremitus concitatarum concionum patientia duratis auribus in actionibus

nibus vteretur, vt ait Valerius. Fertur & Ciceronem primum in pronuntiatione non minus quam Demosthenem laborasse, vnde omni cura, & Roscium Comicum, Ælopum Tragicum obseruasse traditur: vt ait Plutarchus.

In vtroque refulsit integritas, beneuolentia, & humanitas, vnde cum Demosthenes ab Atheniensi populo iussus accusare quendam, recusauit id facere: vt ergo aduersus eum reclamatio populi, quemadmodum consuevit, facta est, surrexit Demosthenes, & inquit: Vos me, viri Athenienses, consultorem habetis etiam inuiti, calumniatorem vero, ne si velitis quidem. Et Cicero cum præfectus annonæ esset, sortitusque Siciliam, in missione frumenti, quam apud urbem agere coactus erat, plerisque Siculis molestus grauisque videbatur, sed mox cum eius integritatem, humanitatemque experti forent, eum veluti neminem ex alijs ducibus suis honore summo dignati sunt.

Ad Rempubl. salutis publicæ conseruandæ studio se contulere. Nactus autem Demosthenes vberem in Repub. Materiam & honestam, pro Græcorum libertate aduersus Philippum, & in ea præclare decertans, confestim nomen & gloriam assecutus est. Nec solum vt disertus, verum etiam vt fortis vir suspiciebatur, vt admiraretur, ipsum Græcia, obseruaret Persarum Rex, plurimus apud Philippum sermo esset, confiterentur aduersarij, sibi aduersus præclarum virum esse certamen. Et Cicero maximis

*Ab animi  
dotibus.*

*A rebus  
gestis.*

periculis Rempubl. liberauit : vnde Iuuenalis  
Satyr. 8. eleganter inquit:

*Quis Catilina tuis maioribus atque Cethegi  
Inueniet quicquam sublimius? arma tamen vos  
Nocturna, & flammæ domibus, aruq; parastis,  
Vt Braccatorum pueri, Senonumq; minores  
Ausu, quod liceat tunica punire molesta.  
Sed vigilat Consul, vexillaq; vestra coercet.  
Hic nouus Arpinas ignobilis, & modo Roma  
Municipalis eques galeatum ponit vbiq;  
Præsidium attonitus, & in omni gente laborat,  
Tantum igitur muros intra toga contulit illi  
Nominis & tituli, quantum non Leucade, quantum  
Thessalia campis Octavius abstulit vdo  
Cadibus assiduus gladio: sed Roma parentem,  
Roma patrem patria, Ciceronem libera dixit.*

*Ab autori-  
tate.*

Autoritas in Rep. par fuit, præsidio vterque  
militarium hominum egebat. Demosthenes  
Charetis, Diophetis, Leosthenis, Cicero Pom-  
pei, Augusti, id quod Augustus ipse ad Agrip-  
pam, & Mæcenatem scribit.

*A simili.*

*Quæ mor-  
tem præ-  
cessit for-  
tuna.*

Duos Rhetores alios haud inuenio, qui ex  
obscuris paruisque facti sint tanti qui Tyrani-  
nis se Regibus obiecerint, filias amiserint, pa-  
tria sua exularint, reuerſi sint cum honore,  
rursus fugitantes in aduersariorum peruene-  
rint manus. Quod si natura fortunaque viri  
vtriusque sic, quemadmodum artifices qui-  
dam inter se contendant, difficile iudicatu est,  
magisne moribus, an rebus gestis similiores  
reddiderit.

# PROGYMNASMATA. 311

Vna cum patriæ libertate fuerint extincti: *A morte.*  
 Demosthenes Antipatri imperio per Archiam  
 Phygotheram, satellitum principem: Cicero  
 Antonij iussu per Herennium Centurionem.  
 Et, quod mirum, certis prælagijs vtriq; mors  
 denunciata fuit: illi somnijs, huic auspicijs.  
 Demosthenes enim nocte per quietem visus  
 erat cum Archia Tragœdijs in theatro certare,  
 & cum illum superasset, tamen defectu appa-  
 ratus ab illo vinci. Et Cicero cum in villa Ca-  
 ietana esset, coruus in conspectu eius horolo-  
 gij ferrum loco motum excussit, & protinus  
 ad ipsum tetendit, ac laciniam togæ eousque  
 morstu tenuit, donec seruus ad occidendum  
 eum milites venisse nunciaret.

Vt Demosthenis gloriosam, ita Ciceronis *Abijs quæ*  
 mortem æterna gloria fuit in secuta: atqui Ty- *mortem*  
 rannos, quorum nefario scelere succubue- *consecuta.*  
 runt, infamiæ crimen perpetuum est comita-  
 tum.

Plura dicenda essent, sed cùm cætera com- *Epilogus.*  
 paraturis facilia sint collatu, operę pretium est  
 visum, hæc paucis indicasse: quæ restant autem  
 stylo manum iniecturis reliquisse.

Ad consimile genus exercitationis conferre  
 poteris Philippum cum Pyrro, ex 1. belli Ma-  
 cedonici l. apud Liuium, aliosque auctores.

Item Philippum cum Alexandro, apud Iu-  
 stin. l. Item ex Plutarcho petas licebit exempla  
 comparisonum.

Publicæ, & Solonis.

Alci biadis, & Corionalis.  
 Periclis, & Fabij  
 Annibalis, & Scipionis.  
 T. Flamminij, & Philopœminis,  
 Aristitis, & Catonis.  
 Timoleonis, & Æmylij.  
 Lylandri, & Syllæ.  
 Agefilai, & Pompei.  
 Dionis, & Bruti, &c.

## ETHOPOEIA.

## ΗΘΟΠΟΙΑ.

Μίμνησιν  
 aliqui vo-  
 cant, ut  
 inquit

Quint. lib.  
 9 ca. 2.

**E**thopœia (id est, ut ita dicamus imitatio) est ex-  
 pressio morum persona subiecta.

Imitationis autem tres sunt differentie. E' d' u-

Quint. lib. 9 ca. 2. λονοία, Προσποποία, Ηθοποία.

**E**st quidem Ethopœia, quæ notam habens pers-  
 nam, mores solùm effingit, ut qualia faceret verba  
 Hercules, Eurystheo sibi imperante. Hic notus quidem  
 est Hercules, dicentis verò effingimus mores.

Idolopœia est, quæ personam habet notam, sed  
 defunctum, & loqui non potentem, quemadmodum  
 ἐν Λήμνῳ. Eupolis finxit, & Aristides ἐν τῷ ὀνόματι  
 τῆς ἀγῶν. Vnde etiam Idolopœia vocatur.

Prosopopœia est, quando finguntur omnia, & mo-  
 res & persona, quemadmodum Menander fecit ar-  
 gumentum. Argumentum enim nec rem nec perso-  
 nam habet propositam, vnde Prosopopœia est dicta,  
 finguntur enim ipsa cum moribus persona.

Diuiditur autem Ethopœia, namque alia passiva,  
 quæ exprimit adfectum, ad quam pertinent quæ  
 proferuntur



prorsus animi significant motum, ut qualia verba Hecuba faceret, Troia subuersa.

Moralis, qua mores solus depingit, ut quid diceret mediterraneus, primum conspicatur mare.

Mixta, qua mores habet pariter, & affectum, ut qualia loqueretur Achilles, super occiso Patroclo, cum pugnare decreuisset. Mores enim consilium habet, adfectum vero amicus occisus.

Ethopæiam vero tractabis dicendi genere dilucido, breui, florido, destincto, omni flexu, atque figura remota. Proq; capitibus diuides tribus ipsam temporibus: presenti, præterito & futuro. =

# EXEMPLVM ETHOPOEIAE

PASSIVÆ.

## ARGVMENTVM.

Quæ verba dicere posset Niobe, iacentibus liberis.

**M**E miseram, quam aliam præ alia deslebo ca- A præsen-  
lamitatem, orbata nunc liberis quibus ante exordium.  
fueram insignis? Quæ copia infelici mihi ad quam redacta est inopiam? Non sum iam misera vnius filij mater, quæ antea tam multis conspicua incedebam. At quanto satius foret sterilem fuisse potius, quàm in lacrymas, atque luctus fecundam? Longè enim infeliciori loco sunt hæc, quæ orbitatem suam deslent, eis quæ nunquam pepererunt. Hoc enim quod experimentum amoris filiorum sumpserunt, destitutis postea aterbissimum est.

Sed infelicem me, quæ parem ei, qui me genuit, sum A præte-  
experta fortunam. Orta enim ex Tantalo, qui conui-rito.

At Deorum felix, tandem ab ea est Deorum amicitia

euolutus: huius quoque cladibus meis approbo me esse genus. Coniuncta enim sum Latona, perq; hanc ipsam nunc his opprimor malis, & ipsius familiaritatem filiorum orbitate deploro. Hicq; mihi finis cum Dea conuictus, ut in calamitatibus degam. Prius namque quam ipsi sum cognita Latona facilius ipsa fuimer: ut autem sum illi notior facta, desolata sum liberu, quorum antea, quam me nosset ipsa, insigni sui multitudine beata. lacerat ille sexus viriusq; lacus numerus mihi summum in luctum. Quo me vertam infelix? ad qua defleat? quod mihi ad tot defunctos liberos sufficiet sepulchrum? Miseram me, in tantis malis meis ipse quoq; me deserit calamitatum mearum honor, & infelici iusta intermittuntur.

*A futuro.*

Verum enimvero quid ista queror, ac deploro, cum à Dijs, ut me in aliam naturam transmutent, impetrare liceat? Vnum hoc miseriarum mearum video remedium, ut in alicuius, quod sensus vitæq; sit expers, formam commuter. Sed vereor misera ne & sic quoque, quamvis mutata, inter lacrymas agere non cessem.

#### SCHOLIA.

— Ethopœia, à Prisciano vocatur allocutio, sermonis imitatio, ad mores, & suppositas personas accommodata. Quint. lib. 9. cap. 2. Imitatio, inquit, est morum alienorum, quæ ἑθιοπίαι, vel (ut alij malunt) μίμναις dicitur: versatur & in dictis & in factis. Expressio morum est, & adfectuum, unde nomen habet.

*Hercules dictus, quod acris sit gloria.*

Hercules Eurystheo, &c. Hercules Iouis & Alcmenæ filius. Vide Ouid. Metamor. 9. dictus

Ætus quasi aeris gloria. Macro. 1. Satur. cap. 20. Reuera Herculem solem esse vel ex nomine claret. Heracles enim quid aliud est, nisi heras, id est, aeris cleos? quæ porro alia aeris gloria est, nisi solis illuminatio, cuius recessu spiritus occultitur profunditate tenebrarum? Coactus fuit multa adire pericula, Iunone impellente, & imperante Eurystheo. Vide Boccatium lib. 12. cap. 34. Fuit autem Εὐρύσθευς Stheneli Mycenarum Regis filius. Ovidius in Epistolis.

*Quem non mille fera, quem non Stheneleius hostis,*

*Non potuit Iuno vincere, vicit amor.*

Virg. in 12. ——— *Duros ut mille labores,*

*Rege sub Eurystheo fati Iunoni iniquæ*

*Pertulerit.*

Εἰδωλοποιία, &c. Hanc simulachri fictio- Εἰδωλο-  
nem appellat Priscianus. Fit cum mortuis ver- ποία.

ba dantur Quod facit Cicero pro Cælio, verba dans Appio Cæco contra Clodium. Liuius l. 6. belli Punici: Si ab inferis existat Rex Hiero, fidissimus imperij Romani cultor, quo ore aut Syracusas, aut Romam ei ostendi posse, cum ubi semirutam ac spoliatam patriam respexit, ingrediens Romam in vestibulo urbis prope in porta spolia patriæ suæ visurus sit? Idem Cicero in Confirmatione: Quod si nunc L. Brutus reuiuiscat, & hic ante pedes vestros adsit, non hac vteretur oratione: Ego Reges eieci, vos Tyrannos introducitis: Ego libertatem, quæ non erat, peperit, vos patriam seruare non vultis:

vultis: Ego capitis mei periculo patriam liberaui, vos liberi sine periculo esse non curatis.

Item Hector occisus apud Virg. in 2.

*Hec fuge nate Dea, teq; hu, ait, eripe flammis,  
Hostu habet muros, ruit alto à culmine Troia:  
Sat patria, Priamog, datum, si pergama dextra  
Defendi possent, etiam hac defensa fuissent.  
Sacra suosq; tibi commendat Troia penates,  
Hos cape fatorum comites, his mœnia quare,  
Magna pererrato statues quæ denique ponto.*

Idem Polydorus in 3.

*Quod miserum, Ænea, laceras? tam patre sepulto.  
Parce piæ scelerare manus: non me tibi Troia  
Externum tulit, haud cruor hic de stipite manat,  
Hec fuge crudeles terras, fuge litus auarum.  
Nam Polydorus ego, hic confixum ferrea textit  
Telorum seges, & iaculis increuit acutis.*

Idem apud Euripidem in Hecuba, inquit:  
Sum profectus à profundis manibus, &c.  
*Εὐδαιμνος.*

*Eupolis.*

*Eupoli, &c.* In Comœdia cui nomen id fuit inditum. Eupolis autem erat veteris, cuius magna fuit licentia comœdiæ scriptor.

Horat. 1. Sermo. 4.

*Eupoli atque Cratinus Aristophanesq; poeta,  
Atque alij, quorum comœdia prisca virorum est,  
Si quis erat dignus describi quod malus, aut fur,  
Quod mæchus foret, aut sicarius, aut alioqui  
Famosus, multa cum libertate notabant, &c.*

Submersus autem ille fertur ab Alcibiade, quod quædam illius crimina carpsisset.

*Aristides, &c.* Hic in oratione quadam Rhetorice defendit, & encomion canit introductorum quatuor, Themistoclis, Miltiadis, Cimonis & Periclis.

*Prosopopœia, &c.* Hanc Priscianus reddit conformationem: Quæ est, quando alicui rei contra naturam datur persona loquendi. De qua vide Ciceronem 4. ad Herennium. Idem patriam loquentem facit in Catilinam, inquit: Nullum iam tot annis facinus exitit, nisi per te, nullum flagitium sine te: tibi vni multorum civium necesse, tibi vexatio, direptioque sociorum impunita fuit, ac libera. Tu non solum ad negligendas leges, & quæstiones; verum etiam ad euertendas perfringendasque valuisti. Superiora illa, quanquam ferenda non fuerunt, tamen, ut potui, tuli. Nunc verò me totam esse in metu propter te vnum, quicquid increpuerit, Catilinam timeri: nullum videri contra me consilium iniri posse, quod à tuo scelere abhorreat, non est ferendum. Quamobrem discede atque hunc mihi timorem eripe: si verus, ne opprimar: sin autem falsus, ut tandem aliquando timere definam.

Et Ovidius 2. Metamor. introducit Tellurem ita loquentem:

*Si placet hoc, meruique, quid ò tua fulmina cessant,  
Summe Deum liceat peritura viribus ignis  
Igne perire tuo, clademque autore leuare.  
Vix equidem fauces hac ipsa in verba resolvo,  
(Presserat ora vapor) testos en aspice crines,*

*Inque*



Inque oculis fumum, volitant super ora favilla  
 Hosnè mihi fructus, hunc fertilitatis honorem.  
 Officijg, refers, quod adunci vulnèra aratri.  
 Rastrorumque fero, totoque exerceor anno?  
 Quod pecori frondes, alimenta que mitia, fruges,  
 Humano generi, vobis quoque iura ministro.  
 Sed tamen exitum fac me meruisse, quid vnda?  
 Quid meruit frater? cur illi tradita sorte  
 Æquora decrescunt, & ab æthere longius absunt?  
 Quod si nec fratri, nec te mea gratia tangit,  
 At cæli miserere tui, circumspice, virinque  
 Fumat vterque polus, quos, si violauerit ignis,  
 Atria vestra ruent: Atlas en ipse laborat,  
 Vixque suis humeris candentem sustinet axem.  
 Si freta, si terra pereunt, si regia cæli,  
 In chaos antiquum confundimur. Eripe flammis  
 Si quid adhuc superest, & rerum consule summa.

Menander fecit argumentum, &c. & Menan-  
 der poeta Comicus fuit. Gell. li. 17. c. 4. scribit  
 ab eo relictas fuisse centum & octo, vel (secun-  
 dum alios) centum & novem comœdias, sed  
 omnes ad nostra tempora non pervenerunt.  
 Cæterum ut Menander habuit, φᾶσμα, ita  
 ἔλεγχος in quo res erat: nulla autem vera, sed  
 ficta persona. Caranæus reprehensionem ver-  
 tit. Aphthonius ait: ο ἢ ἔλεγχος περὶ γυναι-  
 κῶν οὐ μὴν ἐτικι πρόσωπον, hoc est, Redargutio  
 res quidem, non autem persona: Ut si quis il-  
 lam introducat loquentem, carpentem que fa-  
 ciat hominum mores, aut vitia. Sic Moriam  
 Erasmus introduxit, Agricola reddidit argu-  
 mentum,

Menan-  
 der.

mentum, quod (vt ait Cicero ad Herennium) est res ficta, quæ tamen fieri possit, vt argumenta Comœdiarum.

*Passiva, &c.* A Prisciano passionalis appellatur, in qua passio id est, commiseratio perpetua inducitur, vt quibus verbis vti potuisset Andromache occiso Hectore, fuit autem ea vxor Hectoris, animo virili prædita, vnde à virili pugna nomen sortita.

*Moralis, &c.* In qua continentur mores, vt quibus verbis potuisset vti rusticus, cum primum aspexit nauem.

*Patroclo, &c.* Hic cum in patria cædem fecisset, in Thessaliam confugit ad Achillis patrem. Menœtij, Regis Locrensis filius fuit.

Ouidius l. de Ponto:

*Cade puer facta, Patroclus Opona reliquit,*

*Thessalicamq; adiit hospes Achillis humum.*

Amicus fuit Achillis, & sub huius armis interfectus.

Ouidius in Epistolis.

*Siue Menœtiaden falsis cecidisse sub armis,*

*Flebam successa posse carere dolis.*

Achillis autem verba, quæ potuisset Patroclo interfecto facere, complecterentur passionem funeris amici, & moram de bello in Troianorum vindictam suscipiendo cogitantis.

*Affectum amicus occisus, &c.* Huius enim Progymnasmatibus vsus est, vt exercitij studio personarum omnium affectus imitari, aptasque materiæ, sensuum, sententiarum, verborumque

*De huius cum difficultate, tum utilitate, vide*

*Qu. l. 3. c. 2.*

rumque formas accommodare coneris. Alia enim oratio prudentis hominis & pacati, & insipientis & irati. Alia timentis, gaudentis, lugentis, senis, iuuenis, viri, foeminae, matronae, scorti. Vide Emporium Sophistam.

*Amicus occisus, &c.* In Aphthonio habetur, ἡδὼν ἡ βέλῃ, παδὼν ἡ φιλοπείαν. Quintilianus lib. 6. ca. 3. παδὼν, inquit. atque ἡδὼν ex eadem natura sunt, ita ut illud maius sit, hoc minus, ut amor παδὼν charitas ἡδὼν παδὼν concitat ἡδὼν solet mitigare: ἡδὼν mores sunt, quibus plerumque rusticos, superstitiosos, auaros timidos, secundum conditionem propositorum effingimus: mores eorum imitatur, & ex his ducimus, orationem. Diuersum est huic, quod παδὼν dicitur, quodque nos affectum propriè vocamus, & ut proximè virtutisque differentiam signem, illud comœdiae, hoc tragœdiae simile.

Sunt qui, Ethopœiae ponunt triplicem expressionem: Morum, quam prolixiorē tradunt, ut ingeniorum, virtutum, vitiōrum Thraſonis aut Tyranni.

Naturalium propensionum, inclinationum, Φυσικῶν προγῶν, hoc est, affectuum ianatorum, ut amoris paterni in liberos, charitatis adfinium, cognatorumque inter sese.

Affectuum leniorum, ut cum animos erigimus in spem, aut lætitiā.

*Dicendi genere, dilucida, &c.* Σαφῆ perspicuo, de

quo, de quo supra in Narratione. macrobius s.  
Saturnal. c. 2. ponit dicendi genera 4.

Compositum, in quo Cicero dominatur.

Breue, in quo Salustius regnat.

Siccum, quod Frontoni ascribitur.

Floridum & pingue, in quo Plinius Secundus luxuriatur.

Plura dicendi genera profert Erasmus 1.  
Copiae. cap. 123.

*Tribus temporibus, &c.* In presenti instantis fortunæ permutatio, & ærumnæ recensentur. In præterito potissimum res conferuntur cum infortuniis parentum vel maiorum. In futuro rerum euentus, malorum fines adducuntur, vel consilia, quorum ratione tantis malis succurri possit.

*Niobe, &c.* Hæc Tantali filia, Pelopis soror, Amphionis vxor. Fuit autem foecundissima. Hinc Iuuenalis ait Satyra. 6.

*Atque eadem scropha Niobe fecundior alba.*

Quæ, secundum Diodorum Siculum s. Hi- <sup>Niobe</sup>  
storiarum, septem filios, totidemque filias, secundum Ovidium in Metamor. septem filios, Ismenon, Sipylum, Phœdimum, Tantulum, Alphenora, Damasichtona, Ilioneum; Secundum Boccacium lib. 5. cap. 31. quatuordecim. Vide Gellium lib. 20. cap. 6. Homerum Iliad. vltim.

*Sed infelicem me, &c.* Fabula Niobes significat, mulierum superbiam exitiosam esse. In <sup>Niobes</sup> <sup>fabulæ ex-</sup>  
summum enim illa malum incurrit, vt Niobes <sup>positio,</sup>

mala prouerbialiter maxima dicerentur & acerbissima, quæ passa fuit, quod se Latona praposuisset. Etenim apud Ouidium:  
*Quis furor auditos, inquit, praponere visis,  
 Cælestes aut cur colitur Latona per aras?  
 Numen adhuc sine thure meum est.*

*Tantalus.*

*Orta ex Tantalos, &c.* Vnde Tantalus ab Ouidio dicitur, Tantalus autem, Iouis & Plotes filius, Rex Phrygiæ ditissimus. Vnde Tantalus tanta abierunt in prouerbium. Primo fortunatus fuit, deinde, cum Deorum secreta hominibus prodidisset, detrusus fuit ad inferos Ouidius 2. Amorum Eleg. 2.

*Quarit aquas in aqua, & poma fugacia captat  
 Tantalus, hoc illi garrula lingua dedit.*

Porro Tantalus tabulam paucis explicat Petronius, inquiens;

*Nec bibis inter aquas, nec poma tantum carpis*

*Tantalus infelix, quem sua vota premunt,*

*Diuitis hac magni facies erit, omnia latè*

*Qui tenet, & sicco concoquit ore famem.*

*Huius genus, &c.* In similem, inquit, parentis calamitatem incidi. Quemadmodum ab initio pater felix erat Tantalus, ita ego beata iam ego misera, sicut ille. Quem in Cratylo scribit Plato dictum, quasi τὰ λ' ἀντατον hoc est, infelicissimum. Huius supplicia adeo graua, ut prouerbio locum fecerint, Tantalus supplicia, & Tantalus lapis.

*Latona, &c.* Hæc Cæli Titani filia, Apollinis & Dianæ mater, à parente Titanis appellata, ut à



vt à matris nomine Apollo Latoides, & Diana Latois.

Vnde Niobe apud Ouidium Metamor. 6.

*Quoque modo auderis natam Titanida Cao  
Latonam præferre mihi? Cui Tantalus autor:  
Cui licuit soli superiorum tangere mensas.*

Atqui contra sententiam Ouidij Diodorus Siculus lib.6. dicit Phœbes & Saturni filiam.

*Aliam naturam, &c.* Niobem præ nimio dolore in saxum vel marmor conuersam, aiunt, illud innuentes, maximo dolore eam diriguifse. Ouid. in Metamor.

*Diriguitque malis, nullos mouet aura capillos*

Idem in Epistolis.

*Quæq; superba parens saxo per corpus oborto,  
Nunc quoque Mygdonia flebilis astat humo.*

A Statio in syluis Sypileia mater appellatur, quoniam facta saxea, turbine venti.

*In Sophylum rapta est, vbi fixa cacumine montis.*

*Liquitur, & lachrymis etiam nunc marmora manant.*

*Sensus vitæq; expers, &c.* Fabula Niobes hoc habet verum: Niobe fingitur, ex homine conuersa in lapidem: quoniam imaginem lapideam supra natorum suorum sepulchra posuerat. Quod Palæphatos se vidisse scribit.

ETHOPOEIARVM EXEMPLA.

ARGVMENTVM.

Quænam verba Gerhardus Noniomagus Gerbarius ex lipothymia ad sese rediens olim potuisset Noniomadicere, cuius Vvitembergam profecturi caput *gus.*

latrones securi diffiderant, ipsum apud Brunonis vicum humi stratum spoliauerant, & fugitiui mortuum credentes in sylua reliquerant.

*Exordium  
à presenti.*

**V**etus illud dictum: Nemini fidendum esse nisi cum quo prius modicum salis absumferis, esse verissimum experior: quos fidos itineris comites arbitrabar, ij crudelissimi sicarii iugulum mihi petierunt multisque vulneribus inflictis, syntecticum reliquerunt, qui ab ineunte ætate bonis literis ac virtutibus inuigilando persuasum habebam, studiosis hominibus tutam ubiq; profectionem parere. Credebam Horatio, qui scripserat integros vitæ scelerisque puros, non egere Mauri iaculis, nec arcu, siue per Syrthes siue per inhospitalem Caucasum iter essent facturi. At ego, licet non apud Scythas *ἀντρονόμους* versari videbar, sed apud homines (quos à germana charitate non alienos sperabam fore) Germanos: tamen longe prudentius fecissem, si nostri (quo friget omnis charitas) seculi tam impunitam peccandi licentiam ante oculos mihi posuisssem, nec solus neque inermis profectionem hanc instituissem. Iam secuta nimis imprudentia mihi nocuit, qui stratus humi sanguine meo terram hanc intingo, herbasque coloro. Nunc maximo periculo meo cautior factus, tandem disco, nusquam tutam esse fidem, ubique rapto viui, non hospitem ab hospite tutum, nec generum à socero. Sed quid deplo-

deploro? Quin libenter ego, quam delicta fortasse mea promeruerunt, calamitatem patior: æquioreque animo iniurias fero. Sed vtinam caput illæsum & integrum sit, vt bonarum disciplinarum capax à rationis amussi nunquam deliret. Vtinam in hoc casu Cœneus ille Perrhoebus fuisset, & hoc mihi donatum, vt nullo ferro sauciari potuissem. Eheu quam plagam profundam, quam vulnus altum sentio, quod pacis semper amans ego præter meritum accepi, & ab illis, quos beneficio prosequabar, quos amicos atque fidos incognitarum mihi viarum duces amplexabar, pro quorum incolumitate, incolumis ipse hoc corpusculum amittere, non detrectabam, eorumque inopia mea qualicumque rerum copia subleuare (si modo postulassent) minimè grauatus fuisset. Id quod è bonarum literarum studio addidici facere, nec ego vnquam pecuniæ seruus, congestis vndique saccis indormire solitus, neque tanquam sacris parcere, quæ tortum digna sequi potius quam ducere funem. Sed ô perfidam pecuniam, & sacram auri famem, quid non mortalia pectora cogis? O mores! ô tempora!

*Pauca luet portas argenti vastula puri.*

*Nocte iter ingressus, gladium, contumque timebis.*

*Et mota ad lunam trepidabis arundinu vmbram.*

*Vt iugulent homines, surgunt de nocte latrones.*

Hos etiam de media luce surgere, testimonio fuerit calamitas mea: quæ & euidenti est

argumento, quam fragilis, & quantis vita nostra periculis sit obnoxia. Omnis mea, quae valde gloriosus iam pridem effulgebam, dignitas, hic ad nihilum fere iacet redacta: Gloria mea quasi flos agri propemodum demissus, flaccescit pristinumque vigorem amisit. Quid ergo sumus, aut quidnam victurigignimur, ordo quis datus, aut meræ quam mollis flexus? Deum immortalem, quot periculorum genera vitæ nostræ indies insidiantur? Quot accidunt casus, venena, naufragia, cœdes, pestes? Alius Acini granum glutuens, præfocatus, interit. Fuit, quem potus cum lacte pilus strangularit. Fuit, cui stingu gelu durata delapsa tecto subitum attulit exitium. O lubricas igitur res mortalium, & hominem verè bullam!

*Apræterito.* O nimium hominum teterriorum crudelitatem! O meam insignem imprudentiam, atque securitatem! qui omnia prospera, atque tuta mihi persuaferam, in hæc tanta mala incidi, hic vulneribus confectus atque pulveribus oblitus iaceo, cuius amici gloria magna, parentes honore summo claruerunt. Hic miserabiliter iaceo, qui iam olim in Gymnasio Lotaniensi clarum nomen atque decus laborum meorum, atque virtutis beneficio, confectus fueram, celebris poeta, celebrior orator, celeberrimus Theologus salutatus. Hic flebiliter iaceo, quem Episcopus Traiectensis Dominus Philippus, nobilissimo Burgundionum sanguine procreatus maximis honoribus ad-

fecit, tot muneribus optimis, exornare nunquam intermisit, qui tot heroes atque principes amicos bonarum literarum cultu, vitæque sanctimonia mihi deuinxeram, ut cœlum citius ruere, quam in hanc fatalem ærumnam, me putauerim iri præcipitatum. Sed quorsum ista mihi? O res humanas variables! ô vanitatem rerum, & inconstantiam!

Sed quid istorum recordor, quæ magis re- *A futuro.*  
fricant memorata, quam dolorem minuunt?  
Vnum restabit, ut supplex ad asylum Dei Opt.  
Max. confugiam. Hic est vnica salutis arx, ipsum orabo, huic supplicabo, huic peccata mea confitebor, atque precabor, ut me liberet ex hoc tanto malo consolator optimus. Cuius diuina prouidentia ad nostri emendationem atque salutem omnia fieri permittit. Ille Pharaonem, ille alios indurauit, & affligendum sibi dilectum populum sæpius instigauit. Ille rursus Tyrannum fluctibus obruit, & ab omnibus miserijs insontem gregem eripuit: in hoc fortem apparere, in hanc vnâ spem erigere, præsentissimum ærumnarum cunctarum remedium est. Quo posthabito, rebus inhumanis mentem occupatam habere, magis erit dolorem augere, quam mitigare, aut omnino tollere.

ALIVD.

QVÆ VERBA HERCVLES EVRY-  
*stheo sibi imperante, potuisset facere.*

**M**ulti sunt infortunati, sed nemo magis, *A presenti.*  
quam ego sum, infœlix: qui miser, quar-



ta natus luna, calamitates varias, & plurima  
mala patior.

*A præte-  
rito.*

Non sufficiunt, quæ retro actis annis animo  
fortissimo tuli: quæ nouerca Iuno mihi præ-  
parauit. Hæc serpentes immisit, quæ me pue-  
rum in cunis occiderent: mox Eurysthæa si-  
mulis nouercalibus impulit, vt in varia peri-  
culorum genera me protrudens, è medio tol-  
leret. Varijs igitur tempestatibus ego iactatus,  
foedantem peregrino templa cruore Bulyrin  
domui; &

*Solus Amazonio cinctus Stymphalides arcu,  
Non cadere Antao, non crescere profuit hydra  
Non ceruam volucres eripuerunt pedes, &c.*

*A futuro.*

Sed quis finis, quis modus, Eurystheum, furo-  
ris atque tyrannidis tuæ futurus? Quin parcis  
ætate confecto? Manliana atque Phalaridis  
imperia longè tuis humaniora. Tu quam, Ly-  
cha, vestem à Deianira missam huc pertulisti,  
nimirum lunoni gratam, mihi perniciosam,  
futuram, imbutum veneno Lernæo munus est,  
vnde nouam pestem profluxuram video, cui  
nec virtute poterit resisti, nec telis, neque ar-  
mis, sed pulmonibus errabit ignis edax imis,  
& per omnes pascetur artus, &c. vide Ouidium  
9. Metamorph. Et Claudianum in præfatione  
libr. 2. de raptu Proserpinæ. Virg. Æneid. 8.

ALIVD:

QUALIA VERBA DIVES AD INO-  
piam redactus, posset facere.

*Exordium*

**M**ulta mihi in vnum locum confluunt in-  
com-

commoda, quæ meum pectus pulsant, simul <sup>ex Plauto</sup> multiplex ærumnam exercitam habet pauper-<sup>sumptum à</sup> tas. Vbi spes meas colloce, non habeo. Nunc <sup>præfenti.</sup> tandem exerior infelix. Omnes modis omnibus qui pauperes sunt, miseros viuere. Quid enim? mehercule miser est homo, qui ipse sibi, quod edat, cogitur quærere, & id ipsum ægrè inuenit: longè milerior qui & ipse quærît, & nihil inuenit: omnium miserrimus, qui cum ipse cupiat, quod edat, non habet. Huius fari-<sup>Aprate.</sup> næ ego sum miser qui Croeso iamdudum feli-<sup>rito.</sup> cior habitus, iam autem Codro pauperior, atque Liberide nudior, non possideo, vbi pedem ponam. Etenim omnia vel hostis abstulit, vel incendium absumpsit.

Florentissimo iam pridem mihi diuina quasi virgula suppetebant omnia. Et diuitiarum copia tretus, omnia vel facere, vel dicere audebam, vt te ipsa fontes argenti locutos animaduertisses. Mala etiam laudi dabantur, cum felicibus sint & trimestres liberi, stultitiamque patiantur opes. Proinde mihi Suffenus eram, qui oppido fortunatus, plurimos habebam, qui mihi adhærescebant fautores.

*Donec eram felix multos speculabar amicos,*

*Tempora cum modo sint nubila, solus ero.*

*Nullus ad amissas ibit amicus opes.*

Etenim pauperem modo me factum nemo consolatur, nemo fert suppetias. Qui iam pridem aderant non vocati, iam rogati fugiunt; & qui fideles amici visi, eos calamitas mea fal-

coarguit. Erant enim vt prouerbio dicitur  
*αὐτοληκτοί*. Verum nimis est, quod ait Qui-  
 dius 2. de Ponto:

*Turpe quidem dictu, sed si modo vera fatemur,  
 Vulgus amicitias vtilitate probat.*

Iuuenalis Satyr. 3.

*Quantum quisque sua nummorum seruat in arca,  
 Tantum habet & fidei.*

*A futuro.* O me miserum! Cùm non sit omnis hominis,  
 sed tantum sapientis paupertatem ferre; iuxta  
 illud Menandri:

*Πέναν φέρειν ἔπαρτος ἢ δὲ ἀνδρὸς σοφῆ, ego*  
 per inopiam mentis inops factus, tanta mala  
 diutius tolerare non potero. Inter duo igitur  
 mala pendens, quod leuius videbitur, eligam.  
 Longè melius arbitratus fore, vt mihi mor-  
 tem consciscam, quam vt in paupertate vi-  
 uam, aut ad turpe compendium me compellat  
 inopia. Quare, quod Theognis Cyrno consi-  
 lium dedit, amplectar:

*In mare fluctuagum, ne me premat aspera egestas,  
 Precipitabo, altis desiliamque iugu.*

*Quid? Mors vltima linea rerum. Quæ nihil*  
 sentit, quod autem nihil sentit, nihilo ad me,  
 &c. Gellius lib. 2. cap. 8.

ALIVD.

*QUÆ VERBA DIXERIT HECUBA  
 post excidium Troianum.*

**F**uit autem Hecuba, Cyslei Regis Thraciæ  
 filia, vnde Cysseis vocatur. Virg. in 7.  
*Cysseu pragnans tadas enixa iugales.*

Forti.

Fortunam Euripum, siue æstuariam, non iniuria vocatam, reipsa iam infelix experior, quæ statu beatissimo gloriabar Regis filia, Regis vxor, pulcherrimorum, atque fortissimorum heroum mater, iam in tantas, quantæ ne quidem excogitari, nedum exprimi poterunt, calamitates incidi: fortuna me sublimius euexit, vt illisura grauiore casu præcipitem daret. Utinam in humili aut obscuro loco nata aut crudelissimi Scyronis filia fuisset, sic æquiore animo, quæ patior ferrem. Promeritam enim genitoris poenam in me quoque deriuatam arbitrarer.

Sed in fatis esse video, vt eius generis, in *Aperters-*  
quod adscita sum, discrimina subeam, eiusque *to*  
malorum particeps fiam. Socer Deos iratos habuit: Glos monstros marinis expõsita: Maritus occisus à Pyrrho: Filius fortissimus ab Achille, O me miseram, quid Polydorum, quid Parin quid Troilum, quod Helenam, quid dulcissimam filiam Polyxenam ad Achillis sepulchrũ iugulatam commemorem? O me infelicem? Utinam nunquam viro nupsissem, nec in magnam calamitatem tot liberos peperissem.

Sed qui lamentor? Multò consultius fuerit *A futuro,*  
Deos precari, vt in aliquod sensu carens aut in rationis expers animalculum me transformet. Quamuis ærumnarum miserti Dij me exaudierint, & in canem mutare decreuerint: tamẽ ego quod humana voce non potero, id latratibus assiduè deplorare non sum cessatura.

ALIVD.

QVÆ VERBA TAVRORVM CORNIBUS alliganda protulerit *Antiope.*

*Antiope.*

QVæ fuit Nyctæzi in Lesbo Regis filia, unde Nyctæis appellatur, vxor Lyci Thebanorum Regis, Peperit ex Ioue Zethum & Amphionem. Varias ærumnas experta; A Circe in montem abducta, vt taurorum cornibus ardentes tædas habentibus suspensa interficeretur.

Perfius Satyra I.

*Antiope ærumnis cor luctificabile iusta.*

*A presenti*

Quænam in terris fœmina poterit viuere, quæ tantis malis iactetur, quantis in præsentiarum ergo, cuius luctus miserabili prouerbio locum facit. Omnium beatissimam me fore putabam, quæ Regina duos Iouis Opt Maximi filios peperissem: Alterum à Diana dilectum, venationibus illustrem, alterum artis Apollinæ peritissimum, qui non solum Deos atque homines sed etiam feras, & saxa teitudinis cantu promouere potest. Quæ duo charissima pignora iam non amplius videre, nec amplecti datur, sed heu mihi, genere mortis zeterrimo iam dilaceranda, cogor relinquere.

*A præteritis*

Vtinam ego nunquam fuisset in hanc lucem edita. Quid mihi protulit Regis filiam, quid Regis vxorem, quid ab ipso Ioue grauidam fuisse: Quorum omnium quo maior gloria protulit, tanto casus grauior, & acerbior mihi modo calamitas insurgit. O fors fortuna,



na, ut nunquam perpetuo es bona! O quam  
potens, quam variabilis! Tantum iuris atrox,  
quæ tibi vendicas!

Cæterum quid prodest fletibus indulgere? *A futuro.*  
quin potius ad Deorum auxilia confugio, sup-  
pliciter oratura, ut oppressæ subueniant, fi-  
nemque malorum faciant. Sed qui propiores  
estis vicini succurrite. O populares auxiliami-  
ni, & ærumnas meas commiserescites, ab  
hisce crudelissimæ Circes vinculis semimor-  
tuam eripite.

ALIVD.

QUÆ VERBA ANDROMACHE

*Captiua, patrio solo everso & marito occiso  
potuisset dicere.*

**E**Rat autem Andromache vxor Hectoris, Andro-  
& Eetionis filia, Regis Thebarum in Cili-mache.  
cia. Vnde Ouid. in 3. de arte ait:

*nunquam  
Thebais Hector eo iuncta resedit equo.  
Homerus Iliad. 6.*

*Ἀνδρομάχη θυγάτηρ μεγαλήτορος ἠτιώνας*  
*Filia magnanimi fuit Andromache Eetionis.*

O me miseram! quæ diuitijs & honore sy- *A presenti.*  
dera iam pridem adibam, nunc maximas in  
ærumnas præcipitata sum. Omne mihi gau-  
dium, omnis voluptas, omnis denique vitæ  
iucunditas est erepta. Solus me dolor assiduus  
excruciat, continuus moeror exhaurit, perpe-  
tuæ lacrymæ consumunt, enecor deflendo for-  
tissimum, meique amantissimum Hectorem  
mari-

maritum, extinguo r lugendo filium dulcissimum, quem pater ipse Scamandrium, alij maluerunt Astyanacta, quod urbem tutaretur, vocare. Quibus occisis omnem spem amisi, ut orbatæ iam nihil superfit, nisi suspendio arbor deligenda.

*A præ-  
terito.*

Fatalis quædam necessitas incumbit mihi, & adamantina ærumnarum catena traxit, ut in ipsissimam malorum lernam inciderem. Quippe ut modò Troiam Græci, sic olim Achilles patriam Thebas evertit, patrem Eetiona sustulit, septemque vno die fratres interemit, & precio matrem redemptam, ante pateras ædes interfecit, ubi pater olim ac fratres beati regnarunt, ibi nunc ingens solitudo, fruticeta, pecorumque sunt pascua: & Troia iam in cineres conuersa, cum marito filius occisus, ut nihil solatij restet, vel apud amicos, vel adfines. Quo igitur infelix me conferam? quo locorum abducar captiua? O utinam, quo die me parens enixa fuit, aliquis turbo rapuisset, aut tellus ima dehiscens ad umbras me pallentes adegisset.

*A futuro.*

Sed cur me luctu macero? cur non potius ad victoris pedes prouoluor? enixe rogatura, ne in miseram nimium scæuiat, tot alioqui malis oppressam. Ah! quam vereor, ne victoria forsitan insolescens ille, mihi grauitur sit insulturus, ut mors potius, quam vita, sit exoptanda.

Idem argumentum Sopista Libanius tra-  
ctauit

ſtauit ab Eraſmo Rhoterodamo Latinum ſa-  
lum; cuius verba non piguit adſcribere.

QVÆ DIXERIT ANDROMACHE,  
*interfecto Hectore.*

DECLAMATIO.

**E**Venit quod timebam, & verba mea de- *Androma-*  
ſpiciens Hector, ad optima hortatam *che.*  
eſſe cognovit. Admonueram vt ſibi parceret,  
ille vero contra, ſuam ſalutem vilem habuit,  
ergo extinctus eſt non meis, prò Dij! in ma-  
nibus, verum ab Achille. Quod ille occubuit,  
hoc eſt, interijſſe Priamum, Hecubam, fratres,  
hunc ipſum puellum, me, ciuitatem omnem.  
Ille tuebatur Ilium. A quo igitur poſthac ſer-  
uabitur? interierunt omnia, facta ſum mulie-  
rum infeliciffima. Quanta me felicitate, cuius  
geſtum modo dederat fortuna, ſpoliauit! E-  
rāt mihi in regijs pater ac mater, tum fratrum  
chorus, nitidaque aut lauta omnia. Accedebat  
adhæc aliud maximum omnium, coniunx He-  
ctor, bellator inſignis, ſpectabat, beata dice-  
bar. Et ſi quis adiens me Andromachen ap-  
pellabat, cognominis vice, adijciebat, Impe-  
ratoris, victoris fortunatam. Oportebat igi-  
tur in eadem fortuna pariter conſeneſcere. At  
non paſſus eſt ſæuus iſte Achilles, quem qui-  
dem in meum exitium produxit Thetis, pa-  
trem mihi ademit, trucidauit fratres, ſeruitu-  
tem matri iniecit, ueinde reſtituta eſt, ac ne ea  
quidem ſupereſt. Et hæc grauiſa quidem, verum  
tu tolerabiles reddebas ærumnas, Hector atq;

vnus præstabas omnia, & quibus eram orbatâ, ea rebar adesse per te: sed occisus es, accepiſti vulnus, nos rapimur, perdimur, instant triſtia, impendet periculum, imminet incêdium. Videre mihi videor Troianos cædi, vxores per vim indigne tractari, liberos trahi, videre ferrum, videre flammam. Aperta eſt hoſtibus Troia, te haud amplius pro portis propugnante. Alipuer, forte prehenſum te quiſpiam hoſtium ad turrim adiget. Strenuus erat pater, à te pœnas repetent Græci. Me forſitan occidet alia vis. Atque in hoc quidem fortunati erimus. At non contingeret, ſeruitus me manet, & famulatus, plagæ, & in extremum uſque æui lacrymæ. Haud etiam ſcio hoſtis iſte aduenit. Mox etiam, quod acerbiffimum eſt, concubitu cogar pati eius, qui interimit Heſtorem.

*Medea,*

QVÆ DIXERIT MEDEA, SVOS

MACTATVRA FILIOS.

DECLAMATIO LIBANI SOPHISTÆ,

*Eraſmo interprete.*

**F**Vit & mihi mea ars auxilio, vt accepta contumelia, non tantum angerer, ſed & pœnas ſumerem. Non amplius Rex Iaſon, non amplius Corinthiorum potitur. Omnes opes ſubuertit corona, omnia velum perdidit, omnia conflagrarunt incendio. Et accedit ad calamitatis cumulum dementiæ genus, quod illi de me nihil etiam ſubolet. Quid igitur? ſufficere hæc putabimus, ac præterea nihil requiremus?

remus? Minime gentium, imo superest alia vindicandi ratio, superiore atrocior, nihil egens veneficijs, aut arte clancularia, verum animo præsentis, virilique & dextera, quæ facinus nullum refugiat. Sunt liberi mortalium omnium impijssimo, & vocatur pater. Hoc è filijs solatium, vna cum ipsa appellatione, illi adimamus. Haud quaquam me finit, quæ iusta sunt, expendere meorum malorum tum multitudo, tum magnitudo. Sed rationem ineunti mihi, pro quibus factis quem fructum receperim, omnia ad poenam minora videntur. Ætæ mihi pater erat, isque Scytarum rex; cum virginitas & fama egregia, ac multi inter finitimos proci, denique spes præsentibus bonis potiores appulit scelestus iste, neque Deos metuens, neque homines reuerens: atque erat omnibus malis circumuallatus, & necesse habebat inuincibilia vincere, tauros ignem afflantes, armatam aciem è terra proflientem, draconem peruigilem. Ac dignus quidem erat, qui in his omnibus vinceretur, vt isto cadente victoria penes patrem meum esset potius, quàm Ætæ regnum ludibrio haberet, vnus nauigij dominus. At ego quicquid est proditorum scelere percurrentis, quicquid àmentium stultitia superans, familiares pro hostibus, hostes familiarium loco habui: & contra patriam ab alienigenis stabam. Porro artem opposui naturæ ferarum, extinctus est ignis, tauri iugum duxerunt; cessit aratro solum longe durissi-



mum, sopitus apparuit draco, id quod antea  
 nunquam. Manu tenebam adhuc trementem  
 Iasonem. Ego porro super hæc omnia nauem  
 conscendi, multis magnisque per sua pollicita-  
 tionibus, sacramentis, meis ipsius beneficijs.  
 Accepit & beneuolentiæ meæ argumentum,  
 & Iolcus, vbi Rex Pelias inimicus senex, ab ijs  
 quas genuerat discerptus est, iuuentutis, spe  
 ultro se fraudi tradens. Et huiusmodi quidem  
 mea in Iasonem partim domi, partim in Græ-  
 cia beneficia extiterunt. Gratia vero cuiusmo-  
 di? Corinthum vidit, & Creontis imperium,  
 ac de Glauce audiuit. Cæterum nulla habita-  
 ratione eorum, quæ feceram, vxorem duxit,  
 cum me & liberos haberet, me viua vidit nup-  
 tias, atque illa omnia exciderunt animo, præ-  
 que imperij cupiditate mea merita neglecta  
 sunt. Atqui ne ista quidem sufficebant: insu-  
 per expulsa sum: contumelia affecta sum, ni-  
 mis onerata sum: hæc quidem iustam indig-  
 nandi causam præbuerunt, artem verò effugij  
 tantum gratia tenebam, & hæcenus suffecit.  
 Incedamus iam; & per aliqua, quaque licet ea-  
 mus. Feri, Medea, filios, macta filios Iasonis  
 viri scelerati: impij patris, hospitis mali. Ne  
 quid te rerum omnium reuocet, non natura,  
 non gestatio, non partus recordatio, non nu-  
 tritio, non vox, non forma: plectatur Iason  
 in filijs, hi verò ostium nomine plagam reci-  
 piant, non eripiant eos cognati Glaucæ, neque  
 iram in illos euomant. Atrox quidem faci-  
 nus,

nus, sed ad prius illud consequens. Contra naturam impiè agemus? At istud olim ausæ sumus. Fratris cædes ad liberorum cædem deducit. Eiusdem est & hoc animi, eiusdem dextera. Obsecro filij, sub ensem venite, hic in vos per me adigendus est. Enimuero si probus ille fuisset, nihil horum pateremini. En quam elegans forma, quam bona figura corporum, sed patris imaginem referunt, id facit, ut occidam lubentius. Hi quidem igitur mox iacebunt. Ego è sublimi medioque aere scelestum aspiciam. Atque ille gemens, & nihil non faciens, vociferabitur quidem, me vero nequaquam attinget. Eiusmodi draconum iugo freta vehar, supra Athenarum vero urbem ingrediens, inde criciatum spectabo.

ALIVD EXEMPLVM.

**Q**uam dixerit Cornelia, cum audisset victum à Cæsare Pompeium: vide Plutarchum in vita Pompeij: Item, quæ Cleopatra ad Antonij sepulchrum. Vide Plutarchum in vita Antonij.

DESCRIPTIO.

ΕΚΦΡΑΣΙΣ.

**D**escriptio est narratio expositiua, qua narratione, id quod propositum est, diligenter velut oculis subijcit.

Descriptio-  
nis summa

Describuntur autem Persona, Res, Tempora, Loci, Bruta animalia, Planta.

est virtus,  
inquit

Persona, ut Homerus in Odyss. ad Eurybatem.

Quint. lib.  
8. cap. 4.

Latus erat humeris, ore ater, crineq; crispus.

facillime

enim id  
accipiunt  
animis,  
quod ag-  
noscunt.

Historici  
simplici  
appellatio-  
ne, Thucy-  
didem in-  
telligunt.

Res, vt annales, pedestresq; pugna, quemadmo-  
dum Historicus fecit.

Tempora, vt ver, aut aestas, differendo, quod multi  
proferant in his se flores.

Loci, vt idem Thucydides, portum Theſſprotarum  
Χερσίων, id est, hyemalem, quamq; teneat formam  
dixit:

Describentes vero personas à summis ad ima vsq;  
ire oportebit, id est, à capite ad pedes.

Res vero ab antecedentibus, & ijs qua insunt ipsis  
quaq; ex ipsis solent prouenire.

Tempora vero & loca ex iis qua ipsis continentur.

Descriptionum autem alia sunt simplices, vt qua  
pedestres vel nauales explicant pugnas.

Composita, vt qua res pariter temporaq; coniun-  
gunt, veluti Thucydides, qui nocturnam in Sicilia  
pugnam describit. Simul enim & pugnam qua facta  
sit, & noctem qua gesta comprehendit.

Oportet autem describentem dicendi figuram  
reui, & multiplicibus orationem variare schemati-  
bus, prorsusq; res imitari, quas describit.

## DESCRIPTIO ARCIS

### Alexandriæ.

Arces quasi **A**rces in vrribus ad publicum praesidium atque  
Arcivices, munimenta sunt constituta, veluti vertices vr-  
bium, hostiumq; arcivices, firmanurq; non magis ip-  
sa vrribus quam ipsas vrbes tumentur. Atheniensium  
autem arcem media Athenarum complectitur regni.  
Caterum Alexander suæ vrbi, qua ab illo cognomen-  
tum accepit, arcem construxit, quam iustus Acropo-  
lin appellare licet, quod in vrbi extremo, & excelsa  
posita

posita sit, quam illam, qua multum Athenienses gloriantur. Hæc autem sicuti se habet, ita oratione quoque prosequemur. Clius quidam medio è solo extollitur, ingenti in sublimi spacio se proferens: hunc arcem vocant propter utraque hæc, & quod hostes arceat, & quod sit in urbis arce, id est, summo locata. Via ad ipsam ducunt duæ, sed dissimiles: hæc enim via est, illac vero patet ingressus. Mutaturque proinde nominibus, id ipsum quod sunt, vocantur: nam pedibus hæc ire licet, capaxque currum est via. Illi vero, quæ curribus in via est, additæ sunt scalæ gradusque supra gradum, ex inferiori in sublime deducentes. Neque prius, quam centenarium expleuerint numerum, desinentes: hic enim absolutus numerus scalarum terminus est. Vestibulum dehinc gradus excipit, cancellis mediocribus circumseptum, quatuorque sublimes, & maxima columna quæ vias omnes ad unum deducunt ingressum. Columnæ autem domus quadam est imposita, multas mediocres ostentans columnas, quæ vario colore conspicuæ eximium præbent loco ornatum. Tectum autem diatæ, rotunditate circumactum, ingentem multiplicemque imaginem complectitur rerum. Introeuntii autem arcem locus offertur, quatuor eisdem aquis lateribus diuisis, proinde tota quoque ædificij figura efficitur quadrata. Aula in medio est columnis vndique suffulta; eam porticus excipiunt, & ea quoque aequalibus distincta columnis, ita in medio dispositæ, ut neutram in partem sint nihil quicquam deflexæ: Vnaquæque autem porticus ad transversam alteram finiatur, & duplex est columna ad utramque partem diuisa, ut illac qui-

dem desinat, hoc vero sursum incipiat. Addita autem porticibus introrsum armaria, quibus libri reconduntur: eaque semper si qui vacet, aut libeat legere aliquid patent, totamque velut urbem ad Philosophia cultum adhortantur. Alia item loca sunt, ad venerationem Deorum vetustorum instituta. Tectum porticum auro distinctum, vertices columnarum aere fabricati auroque supernè inclusi. Neque vero aula simplex ornatus est, verum alius atque alius, quorum hic quidem Persei continet certamina, ille autem aliud. Media autem arce columna immensa altitudine se profert qua locum ipsum facit illustrem: haud enim in promptu quis progrediatur, habet, nisi inditem viarum hanc subinde respectet columnam. Quin & arcem ipsam terra marique conspicuam praestat. In vertice principia rerum primaque elementa sunt expressa. Prius autem quam medea transeat, adificium est quoddam, pluribus hostijs patens, quorum cuiusque a Deorum vetustorum aliquo est inditum nomen. Dua dehinc pyramides lapidea posita, & fons profusus, Pisisstratarum fonte haud paulo melior. Mirandum etiam id quoque spectaculum, eo quod eorum, qui fabricati sunt arcem, velut vno tanto operi non sufficiente, numerum nominaque comprehendit, duodecimque pariter in ipso arcis fastigio conspiciuntur artifices. Descendenti autem ab arce, planus offertur locus stadio adsimili, idque ipsum loci est nomen. Alia item parte alius quoque adsimilia accommodus, verum illi & planitie, & magnitudine impar. Ceterum praestantior huius artis forma, & ornatus, pulchritudoque maior est, quam ut paucis narrari possit.



Quod si quid prætermisimus, admiratione rerum se rapiendum animum, est effectum. Sed & quæ pro magnitudine explicari non poterant, ea relinquere satius est visum.

SCHOLIA.

Descriptio est oratio, colligens & repræsentans oculis, quod demonstrat, ut ait Priscianus. Idem refert quosdam, non posuisti descriptionem in præexercitamentis, quod præoccupata sit & in fabula, & in narratione, in quibus etiā describuntur personæ, loca, tempora, res. Sed quoniam eloquentissimi viri eandem, ut ad ingenia exercenda commodissimam, tradiderūt interprogymnasmata, seorsimq; tractandam prodiderunt, non incongruum est eos imitari. Erasmi. 2. Copiæ vocat ἐνεργείαν, cum vel amplificandi, vel ornandi, vel delectandi gratia rem non simpliciter exponimus, sed ceu coloribus expressam in tabula spectandam proponimus, ut nos depinxisse non narrasse, lector spectasse, non legisse videatur. Id fiet, si prius ipsi totam rei naturam, omnesq; circumstantias, ac veluti faciem animo lustremus: deinde ita verbis, ac figuris idoneis effingamus, ut quæ maximè reddatur evidens, perspicuaq; lectori.

Ea constat descriptione Personarum, Locorum, Temporum, Rerum.

Orationis expositiua, &c. Sic reddidit Catanaus: Aphthonius enim vocat λόγον ἀειρηματικόν, ἂ ἀειρηγεομαι, quod narro est, vel expono, unde & ἀειρησις.

Descriptio  
est oratio,  
qua tota  
rerum de  
quibus a-  
git, imago  
quodam-  
modo ver-  
bis depin-  
gitur, ex  
Qu. li. 8.  
cap. 3.  
Nonnulli  
eviden-  
tiam, aliq  
repræsen-  
tationem  
vocat.

*Persona describuntur, &c.* Personæ descriptionem *περὶ προσωπογραφίαν* appellant, sit, cum depingimus personam amantis, luxuriosi, auari, voracis: temulenti, somniculosi, invidi, sycophanti, parastæ, lenonis, garruli, aut gloriosi ostentatoris: ut si velis non diuitem, sed pecuniosum ostentatorem describere. Ille, inquit, qui se dici diuitem, putat esse præclarum, primum nunc videre, quo vultu nos intueatur: nonne vobis videtur dicere? Darem, si molesti non essetis. Cum vero sinistra mentum subleuat, existimat se gemmæ nitore, aut auri splendore aspectus omnium perstringere. Cum puerum respicit, alio nomine appellat, deinde alio atque alio. Heus tu, inquit, veni Sannio, ne quid isti barbari perturbent, ut ignoti, qui audiunt, vnum putent eligi è multis, &c. Vide Ciceronis Notationem ad Herennium 4. A nonnullis alijs dicitur *Εἰκὼν* imago, effigies.

Virgil. in 1.

*Virginis os habñumque gerens & virginis arma  
spartana vel qualis equos Treiffa fatigat  
Harpalice, volucrumque fuga prævertitur Hebrum  
Nanq, humeris, de more, habilem suspenderat arcum  
Venatrix, dederatque comam diffundere ventis,  
Nuda genu, nodoque sinus collecta fluentes.*

*Latus erat humeris, &c.* Verba sunt Vlyssis ad Penelopen. Odissæ 19. Ille se Crentensem esse simulabat. Interrogatus igitur à Penelope de Vlyssæ habitum eius describit, & amicos, in quo-

quorum numero Eurybatem præconem fuisse recenset.

Quis γυρός ἐν ὤμοις μελάνχροσ, οὐλοκάρεισ. Rotundus humeris, nigri color, & crispus crine. Aphthonius habet, γυρός ἐλωμοσος μελάνχροσ.

Describuntur res, &c. Cum videlicet id quod fit, aut factum est, non summatim ac tenuiter exponimus, sed omnibus fucatum coloribus ob oculos ponimus, ut auditorem, siue lectorem iam extra se positum velut in theatrum auocet. Quam ab effingenda rerum imagine Græci vocant, etiam si vocabulum hoc commune est, quoties aliquid oculis subjicitur, veluti si quis expugnatam ciuitatem dicat, cuncta nimirum in summa complectitur, quæ cunque talis fortuna recipit; utare enim Quintiliani verbis. At si aperias hæc, quæ verbo vno inclusa erant, apparebunt effusæ per domos ac templa flammæ, & ruentium tectorum fragor, & ex diuersis clamoribus vnus quidam sonus, aliorum fuga incerta, alij in extremo cōplexu suorum cohærentes, & infantium, fœminarumque ploratus, maleq; vsque in illum diem seruati fato senes. Tum illa prophanorum, sacrorumq; direptio, efferentium prædas, repentiumq; discursus, & acti ante suum quisque prædonem catenari, & contra retinere infantem suum mater, & sicubi maius lucrum est, pugna inter victores. Licet enim hæc omnia complectatur euerſio, minus est tamen totum

*Illa sub oculos subiectio tum fieri solet, cum res non gesta indicatur, sed ut sit gesta ostendatur, nec vniversæ partes hæc Quint. lib. 9. ca. 2. ex Cice. l. c. 2.*

dicere, quam omnia. Vide Erasmus 2. Copia.

*Navales, &c.* Vt apud Actium Epiri oppidum, & promontorium, ubi Cæsar Augustus navaliprælio vicit Antonium : & navalis pugna D. Quintij Romani, & Democratis Tarentini, apud Liuium li. 6. 2. belli Punici.

*Pedestres pugna, &c.* Vt pugna Annibalis & L. Sempronij, apud Liuium 1. belli Punici. Apud eundem lib. 2. Varronis & Annibalis ad Cannas. Ibidem Annibalis & C. Flamini ad Trasimenum lacum. Item equestris pugna lubellij Taureæ. & Claudij Aselli apud Liuium l. 3. eiusdem belli. Vide Erasmus in proverbio: Cantherius in fossa.

*Historicus, &c.* οὐωγαφός per excellentiam intelligit Thucydidem.

*Ver, æstas, &c.* Verni temporis descriptionem habet Horatius Odarum 5. Od. 7. diffugere niues, &c. Porro temporis descriptionem γεωργεαφία appellat. Vnde non raro sumitur narrationis initium. Nonnunquam delectandi duntaxat gratia adhibetur, veluti quoties Poetæ diem, noctem, auroram, aut crepusculum exprimunt. Sæpius amplificandi causa asumitur. Virg. 4. Æneidos.

Nox erat, & placidum carpebant fessa soporem  
Corpora per terras, sylvaque & seua quierant  
Æquora, cum medio voluuntur sidera lapsu,  
Cum tacet omnis ager, pecudes, pictæque volucres  
Quaque lacus latè liquidos, quaque aspera dumis  
Rura tenent, somno posita sub nocte silenti

*Lenibant curas, & corda oblita laborum.*

*Loci, &c.* Huius generis est quoties tota loci facies, veluti spectanda depingitur, ut urbis, montis, regionis, fluminis, portus, villæ, hortorum, amphitheatri, fontis, specus, templi, luci. Quæ si vera sint, *τοπογραφίας* appellari volunt; si fictæ, *τοποθεσίας*, ut ait Erasmus 2. *Copiar.*

*Thesprotarum, &c.* Thucydides li. 1. belli Peloponnesiaci. Centum, inquit, quinquaginta naues, velificantes Leucade tendunt in Chimerion, quod est ora Thesprotidis. Est autem portus, & super eum urbs à mari distans, in palustribus Thesprotidos sita, nomine Ephyre: iuxta hanc exit in mare palus, Acherusia cognomen nata, à flumine Acheronte: quem excipit sinus Thesprotius ex Masside profluentem. Oraculis autem fuit Alexander admonitus, ut caueret Acherusiam: hinc in Italiam concesserat. Meminit huius rei Liuius li. 8. ab ab urbe condita.

*Intelligo de Alexandro Rege Epeiri.*

*Asummis ad ima, &c.* Ut si dicas: Totus animo & corpore monstrum est, nam quamcumq; vel animi vel corporis partem contempleris, monstrum reperiens: ingenium excute, prodigium inuenies: mores expende, vitamque scrutare, omnia monstrosa comperies: oculos, os, vultum, totam denique corporis figuram inspicere, quid aliud quam monstrum præ se ferunt? Linguam & vocem beluinam illam observa, portentum dices: pectus, ventrem, pedes



pedes considera, quid aliud quam bestiam pronuntiabis? hic si quis velit in singulis veluti depingendis immorari, satis apparet; quantum vbertati sit accessurum orationi; vt ait Eras. 2. Copiæ.

*Res ab antecedentibus, &c.* Vt si Carthaginem expugnatam velis describere, proferas omnia quæ præcesserunt; deinde omnia, quæ in expugnatione contigerunt, postremo quæ subsequuta fuerunt. Hanc descriptionis speciem nonnulli vocant *ποτόπαισι* ab effingenda rerum imagine.

*Nocturnam in Sicilia pugnam, &c.* Thucydides lib. 7. belli Peloponnesiaci.

*Quomodo gerebatur, &c.* Ancipiti scilicet prælio. Noctu quidem fulgebat luna, sed belatores ita se inuicem conspiciebant, vt conspici ad lunam licet. Speciem corporis cernebant, familiarem ab alieno non discernebant. Et Pompeius cum Mithridate pugnaturus tempus elegit dimicationi nocturnum, ac aciem ita constituit, vt Ponticorum oculos aduersa luna perstringeret, suis autem illustrem & perspicuum præberet hostem, vt ait Iulius Frontinus l. 2. c. 1.

*Figuratenni, &c.* De generibus dicendi Cicero in opere de perfecto Oratore, & 4. ad Herennium. Alij figuras, alij formas, Gellius *χαρακτῆρες* appellat. Et Aphthon. *χαρακτῆρες ἀνέμεινον.*

*Res imitari, &c.* Quemadmodum pictor formas

mas rerum coloribus examuffatim depingit, ita oportet eum qui res descripturus est, excutere virtutes atque naturas earum circumstantijs expressas.

Descriptio est arcis Alexandriae, quam A- *In exem-*  
lexander condidit per architectum Dimocra- *plum.*  
tem. Vide Solinum cap. 41. Ammianum Mar-  
cellinum l. 24. Plutarchum in vita Alexandri.  
Et Diodorum Siculum. Notabis multas, se-  
cundum Ptolemæum, Alexandrias fuisse. Alia  
super Tanaim in Scythia. Alia in Asia. Hæc in  
Ægypto, quæ in orbe prima aut secunda habi-  
ta. Vide Diodorum Sicul. lib. 2. de Antiquis  
gestis. Liuium lib. 8. Qui ait, ab Alexandro  
Epiri Rege conditam Alexandriam in Ægyp-  
to. Exordium autem ductum à conditoris  
consilio, arcisque commoditate.

*Acropolis, &c.* Ita vocarunt arcem, quasi  
summitatem vrbs. Ibi enim solebant arces  
extrui. Et Græci ἄκρον summum verticem di-  
cunt.

*Clius quidam, &c.* In locorum regionum-  
que situ describendo diligenter positionem  
eorum sequi oportet, & orationem velut per  
loca circumferre, in qua vt primum quodque  
occurrit, sic aptissimè primum dicitur, autore  
Rodolph. Agricola lib. 1. ca. 32.

*Armata, &c.* Alexandrini Musæi Strabo me- *Persea.*  
minit lib. 17.

*Persei, &c.* Sunt qui intelligant Philippi Re- *Perseus*  
gis filium, de quo sic Liuius lib. Macedonici *Hic vlti-*  
belli 1.

mus fuit  
Macedo-  
num Rex.

belli r. Nec Philippus segnius apparebat bel-  
lum, filium Persea, puerum admodum, datis ex  
amicorum numero, qui ætatem eius regerent,  
cum parte copiarum ad obsidendas angustias,  
quæ ad Pelagoniam sunt, mittit: Sciathum &  
Peparethum haud ignobiles vrbes diruit, &c.  
Sunt quibus libeat ad Persea, qui Iouis & Da-  
naes filius erat, referre: qui Medusam occidit,  
& Andromeden allegatam saxo liberauit.  
Propertius lib. 2.

*Andromede monstru fuerat deuota marinis.*

*Hac eadem Persei nobilis vxor erat.*

Cuius gesta Aphthonius vocat ἀθλήματα. Vi-  
de apud Ouid. 4. Metamor. Vide prouerbium  
Erasmi Gorgonem Perseus aggreditur. Quod  
dicitur de egregio facinore;

*Quod Deorum antiquorum nomina, &c.* Sunt  
autem, iuxta quorundam sententiam, Deo-  
rum antiquorum nomina, Iupiter, Iuno, Ne-  
ptunus, Minerua, Mars, Venus, Apollo, Dia-  
na, & tot, vt Apollinij recenset interpres, sunt  
à Græcis culti: Ζεύς, Ἡρᾶ, Ποσειδῶν, Διμήτης,  
Ερμῆς, Ἥφαιστος, Ἀπόλλων, Ἀρτέμις, Ἑστία,  
Ἄρης, Ἀφροδίτη, Ἀιδώς.

*Pyramides, &c.* Elata in arctum tendentes  
erant constructæ moles, quarum nonnullæ  
tam fuerunt altæ, vt miraculi loco fuerint. Vi-  
de Solinum cap. 14.

*Pisistratarum fonte, &c.* Per Pisistratas vel  
πεισις ἐπίδοι, intelligit Pisistrati nepotes, vel  
poste.

posteros, hoc est, Athenienses, qui pulcherri-  
mum fontem habuerunt, nouem fistulis a-  
quam fundentem. Vnde *ἡννεάγεντρον* appella-  
runt. Item *καλλιρόεν* pulchre fluentem. Cuius  
meminit Thucydides libr. 2. belli Peloponne-  
siaci.

*Stadium*, &c. eius duplicem rationem Sui-  
da tradit. Alteram, qua intelligitur spacium,  
quod homo vnico spiritu, cursuque suo con-  
ficere potest, quod nunc breuius, nunc lon-  
gius, procurentis aut robore, aut fragilitate  
redditur. Alteram quæ Geometrica qua v-  
tuntur Cosmographi; cuius meminit Plinius  
lib. 3. cap. 33. Continet autem sexcentos, &  
25. pedes.

EXEMPLA DESCRIPTIONVM.  
Descriptionem habes subitæ tempestatis apud  
Virg. in 1.

Apud eundem in 6. Caci domus.

Diluuij apud Ouid. 1. Metamorph.

Inuidiæ l. 2. Famis, 8. Somni 11.

Ætæ, apud Claudianum, & Gellium li. 17.  
c. 10 Iustitiæ, apud Gellium lib. 14. ca. 4.

Arcis Tareptinæ, apud Plutarchum in vita  
Annibalis.

Et Cleopatæ nauis in vita Antonij.

Crotonis, apud Liuium, l. 4. belli Punici.

Cyzici, apud Florum, lib. 3. ca. 5.

Templi Hammonis, id est, Iouis Arenarij,  
apud Diodorum Sicul, in gestis Alexandri.

Regiæ Pŷches apud Apuleium,

## DESCRIPTIO HABITATIONIS

*Sancti Antonij, apud D. Hieronymum in  
Hilarionis vita.*

**S**Axeus & sublimis mons per mille circiter passus ad radices suas aquas exprimit, quarum alias arenæ ebibunt, aliæ ad inferiora delapsæ, paulatim riuum efficiunt, supra quem ex vtraque ripa palmæ innumerabiles, multum loco & amœnitatis & commodi tribuunt. Hic psallere, hic orare, hic operari, hic festus residere solitus erat. Vites & arbusculos plantauit. Areolam manibus suis ipse composuit. Piscinam ad irrigandum hortulum multo sudore fabricatus est. Erat autem cellula non plus mensuræ per quadrum tenens, quam homo dormiens extendi poterat. Præterea in sublimi montis vertice, quasi per cochleam ascendentibus, arduo valde visu duæ eiusdem mensuræ cellulæ visebantur, in quibus venientium frequentiam, & discipulorum suorum contubernium fugiens, moratus est. Verum hæ in vino excisæ saxo, ostia tantum addita habebant.

## DESCRIPTIO GYMNASTICA DOMUS

*Reinhardi Lorychij hadamari.*

**S**I nemo ringitur aut sugillat, quod Plinius Somnem villæ suæ Laurentis formam sicumque calamo depinxit, quæ (malum) insolentia fuerit, me naso suspensum, aut calumnijs proscissum iri, si ad imitationem prudentissimi viri nouam meam, quam in patria (non venustatis,



statis, aut vanæ iactantiæ, sed vrgentis, quam  
 incendia fecerunt, necessitatis causa) modo  
 fabricor, domum descripsero. Et cum diuersis  
 ab autoribus varia rerum, etiam humillima-  
 rum genera videamus descripta, eademque  
 extra omnem interpretantium malignitatem  
 posita, quis nisi Momo sit iniquior, mihi vitio  
 dederit, quod multorum honesta imitatu ex-  
 empla secutus ego, Musam meam delineauero?  
 Quæ longitudine multo spaciosior, quam  
 latitudine, propius aquilegium, siue pureum  
 ciuicum Hadamariæ cōstructa videtur insula.  
 Cuius lapideus quo vndique cingitur, paries  
 altus est 32. pedes, crassus autem in fundamen-  
 to 4. in sublimi 3. Duos in effossa terra forni-  
 ces habet satis profundos, atque pro faculta-  
 tibus capaces, fenestellas modicas ferratas in  
 curuaminibus, in tecto sua continentes arma-  
 riola. Quorum prior terram quinque pedibus  
 supereminens, hypogæū potest appellari, quod  
 locus subterraneus cellarum variarum, & ole-  
 raceæ aut falsamentariæ vicē explere possit:  
 Inde ianua ducit in alterum muro discretum;  
 qui paulo profundior, & à sole remotior, vini  
 apotheca est, saxo stratus, & lacusculo: vnde si  
 fortè ruptis circulis vinum effluerit, com-  
 modum exhauriri possit, adornatus. Vtriusque  
 incuruo solatio feni vnei grandes ferrei ex  
 ordine sunt firmiter infixi, vt iniectis oblongis  
 perticis, super impositisque tabulis constitua-  
 tur pomarium, quod oporothecam vocare li-

cet. In imo vtriusque fundo terra fuit arenosa, alicubi etiam glareosa, ad tolerandam molem grauiorem incommoda, vnde complures proceræ simul ac crassæ sunt alni positæ, quibus aliæ transuersariæ breuiores fortiter adfixæ, nec non grandiora saxa confertim fistulis impacta, firmamentum statuunt immobile, & quod negauit natura, compensant arte. Duos admittunt ingressus, alterum angustum ex ipsius ædibus per compendiosum cochilidum descendente, alterum multo laxiorem, per quem culearia dolia, magnique cadi vinarij, cistis aut curribus aduecti deuoluuntur. Huius tergo satis robusto superædificata est turris hexagonia, podio tenus lapidea, cum muro, cui adhæret, domestico, sursum versum ducta, pari crassamento. Quæ non vulgarem ædificio commoditatem, ornatumque reddit. Sinum à dextera recipit angulosum, ad flexor propaginis arcus idoneum. Ibidem planularum firmiterum ianua domus à platea tribus erecta gradibus pandit atrium, in quo statim quatuor aliæ conspiciuntur: quarum una quæ spectat Occidentem, hypocausto præbet introitum: quæ Septentrionem, culinarum rursus quæ Orientem, duæ sunt. Altera deducit in cryptam, altera vergit in contignationem domus infimam. Principio gradibus quatuor ex atrio scanditur in æstuarium à culina muro separatum, testudinis dorso prioris impositum, eo salubrius, quo magis subli-

sublimatum, à terræ grauedinoso squalore,  
 situque pernicioso recedit. Ingredienti statim  
 offertur à sinistra lapideus aqualis. Ibidem pi-  
 ctus OTTIS ille conqueritur de hominum  
 quibus indies adficitur iniurijs, qui cum nihil  
 faciat, accusatur omnia perperam facere. A  
 dextra basi ferreæ suffulta fornacula, cuius  
 præfurnium peculiari ductu fumum transmit-  
 tit in caminum. Ex aduerso autem mensa non  
 omnino rustica, incitegræ, vel abaco proxi-  
 ma. Nec procul in muro sunt repositoria, vbi  
 cum œnophoris culluli, calicesque recondun-  
 tur. Fenestris illuminatum est pellucetibus,  
 in quibus, vt in alijs, refulgent Musarum, pa-  
 tronorum, atque Mœcenatum insignia, cum  
 primis eorum, qui aliquid opis absoluen-  
 do huic ædificio contulerunt. Solum asseribus  
 abiegnis contabulatum est. Medium eius qua  
 patet Meridies in imam dictæ iam turris sedem  
 excurrit, quæ non modò iucundum hospiti-  
 bus discumbendi locum, sed etiam omnia, quæ  
 tribus in plateis geruntur, speculandi faculta-  
 tem præbet. Sedilia vndique disposita, non  
 solum id sunt, quod vocantur, sed ita per in-  
 geniosos arcularios constructa, vt cistarum  
 vestiariarum, linteariarum, aut etiam, si velis,  
 scrutariarum possint officio fungi. Circa ea-  
 dem iconcularum variarum peritromata siue  
 tapetes ita picti sunt, vt verorum desiderato-  
 rum esse loco possint. Quorum in superficie  
 Bias ille conspicitur, qui cum patriam eius

OTTIS  
 id est,  
 Nullus.

Ille inquit  
 Cice. para-  
 doxo pri-  
 mo hær

*Indubria  
fortuna ne  
sua quidem  
putavit,  
quæ nos  
appellamus  
etiam bo-  
na.*

*Tomyris  
Massige-  
tarum  
Regina.*

Prienem hostes inuasissent, omnib. quos mo-  
do sauitia belli incolumes abire passa fuerat,  
preciosarum rerum pondere onustis fugienti-  
bus, interrogatus, quid ita nihil ex bonis suis  
secum ferret: Ego, inquit, verò bona mea me-  
cum porto. Pectore enim illa gestabat, non  
humeris, quæ domicilio mentis inclusa, nec  
mortalium, nec immortalium manibus pote-  
runt labefactari. Lacunaria coloribus distincta  
renitent. Nec tabulæ coronamentis amœnis,  
tortuosoque corymborum anfractu conspi-  
cuae defunt, in quibus ex ordine supellex stan-  
nea vel ænea disponi potest. Applicatum est  
cubiculum dormitorium, quod, si voles, diem,  
clamorem somnumque; excludit, vicinum item  
calorem recipit atque retinet, aut ut ratio exi-  
git, effundit. Inibi lectus est pedibus iligneis  
factus: circa quem tota parietis æqualitas hi-  
storiam Solonis atque Croesi, quæ apud Plu-  
tarchum habetur, coloribus expressam osten-  
dit, ut animum à diuitiarum, mundanæque; glo-  
riæ curis (quæ diu noctuque discruciare solent  
homines) abducens, ad quietem inuitet, aut  
magis honesto studio dignam meditationem  
ingerat menti: Non procul inde Crassi caput  
cum dextra manu recisum, & ad Regem repor-  
tatum videtur, & aurum liquidum in rictum  
oris infusum, ut cuius animus arserat auri cu-  
peditate, eius etiam mortuum & exangu cor-  
pus auro vreretur. Et inibi Regina Tomyris  
caput Cyri amputari, atque in virem humano  
san-

sanguine oppletum conijci iubet, non mulie-  
 briter increpitans: Saria te sanguine, quem si-  
 tisti. Locus illustratus est tribus, binas in muro  
 sediculas habentibus, fenestris, quæ vel Aquil-  
 onem inhibere: vel mitiorem, si volueris, au-  
 ram admittere possunt. Quarum in confinio  
 nugis vxorij aptum loculamentum est, inser-  
 tum muro tali arte, vel si fures effregerint pri-  
 ma claustrij repagula, non tamen, quod cha-  
 rum maxime celatum asseruari velis, inuene-  
 rint. Solum atque lacunaria respondent ijs,  
 quæ sunt in hypocausto. Coquina ab atrio  
 cancellatis interstitijs discreta est: vbi focus  
 ferratis ferramentis, alarijsque stipatus, & per  
 quod fumus exit (quod alij vocant infumibu-  
 lum, Græci *κανοδόχλιον*) spiraculum, saxo con-  
 structum est. Cuius gremium in absida curua-  
 tum, cacumenque pedes aliquot altius tecto,  
 molestias omnes fumi, atque scintillarum e-  
 uomit in aera tantum; quod carnario sufficit,  
 relinquens. Et vitreæ fenestræ borealem nul-  
 lam intemperiem admittunt: prope quas in-  
 clusa muro capsa porrigitur, varijs vsibus ido-  
 nea. Hinc aquariolum, quam nonnulli laua-  
 trinam appellant. Non procul offertur locus  
 tabulis abiegnis concinnatus, vbi tudicula-  
 rum, frixiorum, patellarum, veruum, cati-  
 norum, ollarum, alienorum, creagrarum le-  
 betum, consimiliumque repositoria. Solum  
 pauimenti, lithostraton est, vt etiam atrij. Ex  
 hoc descensus est sex graduum in cryptam,



quæ breui posticula, fenestrisque clatratis illustrata, triplicem in primis vtilitatem adfert. Etenim à dextra cum opaco baptisterio, colliguisque balinæum habet vel asaminthum ibique adiunctum apodyterium, quod ita conditum, vt alias etiam penuaria cella possit esse. Nec deest anaclinterium quod ab alijs accubitum appellatur. E regione gurgustium est, e quorum etiam vacerris, lignisque recipiendis accommodum. Eius tabulatum, quam contiguationem domus infimam appellauimus, solenter aduersus incendia pauimentum est. In id ex atrio gradiculis quinque scanditur, & pedes decem à primo totius domus solatio distat, commoditates totidem, quot locus inferior, importans. Nam qua culinam spectat, Padagium est seu potius famularum cubile, cui adstructum ornitotrophion, siue gallinarium, vt excubitorum alitum cantibus excitæ surgant ad soluenda pensa. Ex aduerso, vbi farinario, girgillis item atque rhombis est locus, scalæ sunt, quibus ascenditur ad dictarum iam partium domus solarium primum, quod hoc modo complanatum, atque confectum est. Quernæ complures validæ trabes ex ordine, parum admodum inter se distantes, ita muro sunt insertæ, vt vtrunque capita extrema ruderibus cæmentitijs oblecta, nihil emineant. Deinde earum lateribus in rimas tanquam sulculos duos vngues profundos diffillis, impacti sunt differtim paxilli sesquipedales, habentes vndi-

vndique circumuolutos, regyratosque septenos, aut octonos funiculos longiuseulos, nexos stramine, quod limo lutoque tenacissimo perlitum, contortum atq; subactum est. Postmodo tectorium omne lignum occultans, arenatum, superinductum, cæmentitiumque pauimentum, cylindro coæquatum, certissimum contra incendia tutamentum. Huic superstructa sunt cum suis scimpodijs, & apparatu Musas non dedecente, conclauia, quorum propriæ trabes & fabrica, lapidibus quadratis sextilibus suffulta, non attingit inferiorum ligna, vt incendij fortuito suborti flamma subiectis nocere non possit. Circa eadem procestrion est, ex quo per murum transitus in æstuarium, inferiore maius, quod vel diæta, vel si voles triclinium insigne, cum heliocamino poterit esse. Eius quoque, vt inferioris, medium euagatur in turrim, quod non minoris commodi, quam amœnitatis cænaculum prædicari potest. Apparatus autem & dispositio fere eadem, quæ substructi hypocauisti: diuersa tamen picturarum genera. Nam, vt reliqua transeam: Hic Aristippus naufragus coloribus effigiatus, suis ciuibus enunciat, ac suadet, vt eas possessiones filijs parent, quæ cum naufragijs enatare possint. Illic inter Reges Plato, Beatum terrarum orbem futurum prædicat, cum aut sapientes regnare, aut Reges sapere coeperint. Nec cubiculum (vt etiam cominus insurgentium xysticorum possit esse

capax) annexum, neque solum dolatis afferibus, sed aduersus ignes cæmentis obductum est. Prope scalas, quas dixi, latrinæ secessum habent. Non procul inde murum trabes duæ crassiores penetrant, & tantum in sublimi supra plateam extant, quantum ad anabathra, quibus in supremum solarium ascenditur, sustentanda sufficiunt, quæ sunt extra domum erecta, quo maius spacium intrinsecus relinquunt, nec incendia suborta locum peruium habeant, vnde desuper cadant, aut ex edito delabantur in structuram subiectam. Ad eadem ianua, transitusque scanablis tam latus est, ut cum frumentario sacco rusticus expeditus peruenire possit in granarium. Quod supremum vt recensui, solarium, eodem modo, & qua substructum ratione complanatum est. Omnes enim trabes, quantum fieri potuit, contra flammam integumentis & incrustationibus obrestæ sunt. Earum tamen extrema capita, quibus tigni, quos alij vocant telamones, inseruntur, atque ijs testum quasi tulturis sustinetur, ignibus ita sunt obnoxia, vt vim patientibus facile poterit succurri. Hoc in loco muri desinunt, testumque succedit. Sed impositum est turri sesquipedextans ædificiolum amœnum, quod podium, vel exedram vocare libet. In supplicijs validioribus suspensum est, vndique fenestras habens, in quibus sol nascitur conditurque. Quod si iuxta sententiam Horatii, Domus laudatur, longos quæ prospicit agros,

agros, hoc laudibus euehendum erit, cum ve-  
 lut à specula totam fere Hadamariam intue-  
 atur, latoque prospectet campos atque ne-  
 muscula, cum primis Trupeliana, Musis igi-  
 tur destinatum, quæ cacuminibus delectan-  
 tur. In eo cum grammatophylacijs est Biblio-  
 theca, quæ totam Hadamariam ad bonarum  
 artium disciplinas inuitare videtur. Cuius in  
 parietis spacio dormiens Alexander Iliadem  
 Homeri sub puluino habet. Eius tectum non  
 fastigiatum, in fine pinna culum ostentat ob-  
 æratum. Subest tabulatum peristerotrophio  
 non incommodum. Atqui multo laxior ad  
 cruiliam, auenamque recipiendam contigna-  
 tio tabulata est sub totius contiguæ domus te-  
 cto. Quod ipsum non coætilibus laterculis,  
 aut lapideis tegulis instratum, sed pro tem-  
 pore contextum hoc modo: Tigillis atque  
 scandulis adfixæ sunt validæ crates vimineæ,  
 quæ luto tenacissimo constipatæ, atque ita  
 strictim condensatæ sunt, ut vtrunque nihil  
 appareat lignorum: huic conspissato glutina-  
 mento stramentorum fascies ingesti, lignea-  
 que pala sunt æqualiter adaptati. Quæ tecto-  
 rum genera sunt agrestia quidem, sed Musis  
 tamen, operoso nullo splendore gaudentibus,  
 non indecora, & durabilia satis, incendio-  
 rumq; tempore multo conducibilia, quam  
 vel lateritia, vel lapidea. Siquidem illis cor-  
 reptis flamma parum incommodat, sed stra-  
 mentitia tegumenta solummodo lambit; at-  
 que

que raptim sine horrore magno depascit, reliqua tanquam vaporibus indurata crusta relinquit intacta. Atqui Vulcanus in hac magnam exercet tyrannidem: etenim tota non modo corripit, & absumit, sed etiam auxilio venientibus terrorem incutit, atque profligat in aduersos enim fragmina candentia voluit, & crepitantibus flammis horrifonoque fragore tanquam igneam grandinem eiaculatur, hostiumque more tela fulgurantia torquet, aufertque prospectum & auxilij spem omnem. Documento fuit ipsa Hadamaria, & stadium ab ea distans, Iosti Studæi clarissimi doctoris patria Elissa, per clandestinos Germaniæ vastatores nuper incensa. Vbicerta didicisses utrorumque discrimina. Porro medijs in flammis cum circumsecus omnia flagrant, vidisses illa stare, magnoque conatu se defendere, aut laborantia manus poscere: hæc autem ignibus superata, non modo concidere, sed etiam (vt dixi) auxiliaturos in fugam crudeliter impellere. Hæc de domus tecto, atque ijs, quæ sunt intrinsecus. Iam si vacat, qua forinsecus audi. Totus undique murus læuigatus, ac dealbatus est: Coria laterum atro distincta colore. Illius in medio tribus in locis foramina propemodum tetragona videntur inscriptionibus destinata. Primum igitur, quod in turris medio conspicitur, talibus versiculis exornatum est, qui lacrymabile tempus, quo tota deflagrauit Hadamaria,



ria, domus hæc quoque reædificari cœpta,  
memoriæ produnt;

*Diva redemptoris post incunabila CHRISTI,  
Mille ac quingenti cum quadraginta fuerunt  
Anni, mensis habens cognomina Martis, & eius  
Nuncia post decimam sati lux quarta sinistri,  
Solis & hac retinens à iudice nomen, & huius  
Nona furens siccis ventis borealibus hora,  
Quæ sacer emisit verbum cæleste minister,  
Cum caderet rapidis Hadamaria perditæ flammis.  
Post domus hac anno reparari capta sequenti.*

In supremis eius loci fenestris, aurea Stoi-  
corum illa sententia legitur: ΟΤΙ ΜΟΝΟΣ  
ΣΟΦΟΣ ΠΛΟΥΣΙΟΣ. Id est, quod solus  
sapiens diues. Qua mortalium, quorum infi-  
nitus vbique numerus, philargyria perditō-  
rum greges monentur, longè pluris virtutem  
quam diuitias æstimandas esse, quod harum  
gloria fluxa sit, atque fragilis: sed immortalis  
illa, quæ nec eripi, nec surripi possit, neque  
naufragio, neque incendio amitti: qua prædi-  
ti qui sunt, solos esse diuites, cum soli possi-  
deant res & fructuosas & sempiternas, soli-  
que (quod autore Cicerone, proprium est di-  
uitiarum) contenti sint rebus suis. Duo reli-  
qua in medio sunt eius muri qui portam ante-  
riorem, siue molarem spectat: quorum priori  
tale tetrastichon, quod ipsa domus proloqui-  
tur, est insculptum:

*Quod mihi sit nomen, quæris fortasse, viator,  
Siste gradum, tali carmine certus eris.*

*Huc Meconates quia dona tulere, quod ausus*

*Hares me tenuis condere, Musa vocor.*

*Alteri tale Sapphicon:*

*Ipse Reinhardi pater huc amussus*

*Contulit prima lapides, nepoti*

*Debet hinc nostro domus ipsa longè*

*Charior esse.*

Et quibus profecto liberis non charissimum id fuerit, quod vicinorum testimonijs boniparentes vel dixerint, vel fecerint memoratu dignum? sublimis autem eius loci fenestris, longum, idque paulo rudius & grauius, ne possit, aliorum transferri, scamnum taginum est positum, ubi transeuntes viatores delassati quiescere aut senes apricari, aut ciues Hadamarij considerare possint, de rebus publicis tractaturi, aut animi dumulcendi gratia nugascuturi, retique (quod aiunt) venaturi.

#### DESCRIPTIO SERPENTVM,

è Lucani libro nono desumpta.

**I**lla tamen sterilis tellus, secundaque nulli  
 Arua bono, virus stiliantis tabe Medusæ  
 Concupiunt, dirosq; fero de sanguine rores,  
 Quos calor adiuvit, putrique incexit arena.  
 Hic qua prima caput mouit de puluere tabes.  
 Aspidæ somniferam tumida ceruice leuauit.  
 Plenior hinc sanguis, & græssi gutta veneni  
 Decidit in nulla plus est serpente coactum.  
 Ipsa coloris egens gelidum non transfit in orbem  
 Sponte sua: Niloque tenuis metitur arenas.  
 Sed quis erit nobis lucri pudor? inde petuntur

Hinc Libya montes: & fecimus assida inertem.  
 At non stare suum miseris passura cruorem  
 Squamiferos ingens hamorrhoids explicat orbes.  
 Latus & ambigua coleret qui Syrtidos arua,  
 Chersydros, tractique via fumante chelydri,  
 Et semper recto lapsurus limite cenchris..  
 Pluribus ille notis variatum pingitur aluum,  
 Quam paribus tinctus maculis Thebanus Ophites.  
 Concolor exustis, atque indiscretus arenis  
 Ammodytes, spinag<sub>3</sub> vagi torquente Cerastra  
 Et Scytale sparsis etiam nunt sola pruinis  
 Exuvias positura suas: & torrida Dipsas:  
 Et grauis in gremium vergens caput amphibana,  
 Et natrix violator aqua, iaculique volucris:  
 Et contentus iter cauda fulcare Phareas.  
 Oraque distendens avidus spumantia Prestes,  
 Ossaque dissoluens cum corpore tabificus Seps,  
 Sibilaq<sub>3</sub> effundens cunctas terrentia pestes  
 Ante venena nocent, late sibi summolet omne  
 Vulgus & in vacua regnat Basiliscus arena.  
 Vos quoque qui cunctis innoxia numina terris  
 Serpitis aurato nitidi fulgore dracones  
 Pestiferos ardens facit Aphrica, ducitis altum  
 Aera cum pennis, armenta q<sub>3</sub> fota secuti  
 Rumpitis ingentes amplexi verberare tauros:  
 Nec tutus spacio est Elephas, datis omnia letho:  
 Nec vobis opus est ad noxia fata veneno.

THESIS.

ΘΕΣΙΣ.

**T**Hesis, id est, consultatio, est rei alicuius inuesti-  
 ganda per orationem consideratio vel disquisi-  
 tio.

zio. Consultationum autem alia ciuiles sunt, alia  
 Consultatio contemplatiua. Ciuiles sunt quae actionem habent ci-  
 Cic. in Top. uitati accommodatam, velut: an ducenda sit vxor, an  
 ut refert 2. nauigandum, an muri faciendi. His enim omnibus ci-  
 lib. 3. ca. 5. uitatis status continetur. Contemplatiua vero, quae  
 Thesis à scientia & ad solam animi considerationem pertinent, uidelicet:  
 actione di- An globosum caelum, an multi sint mundi. Hac enim  
 singuit, ut in usum hominibus non veniunt, sed mente sola per-  
 sifcientia uidentur. Differt autem consultatio ab Hypothesi,  
 an priori id est, causa, quod causa definita est: Consultatio uero  
 denitia indefinita. Definitio autem sit persona, re, causa &  
 mundus indefinita. Definitio autem sit persona, re, causa &  
 reguar reliquis, ut, muri suntue faciendi: perquisitio est si-  
 actionis an ne persona. Quod autem innadentibus Persis Laceda-  
 accedendi monij consulunt, muro Spartam circumdare, causa  
 ad Rem- est. Personam enim habet, Lacedamonios deliberan-  
 pub. admi- tes, Rem, murum Sparta addere. Causam uero, in-  
 nistrandi. uadentes Persas. Prima autem omnium praexercita-  
 Vnde in mentorum consultatio contradictionem, & solutio-  
 consultatio- nem, secundum questionem admittit. Diuiditur er-  
 ne semper go Thesis primum in ephodum, id est in proemion, ex  
 causa inest, nem, directe ad narrationem tendens, quem aggressum  
 ut quae sit proemij loca pones. Hinc finalibus uteris capitulum, li-  
 & genera- gitimo, iusto, utili & possibili.  
 lior & THESES, AN DUCENDA VXOR.  
 prior: est. Siquisquam omnia pariter laudare uolet, is mi-  
 que hypo- hi matrimonium laudet. Demissum enim ex ca-  
 thesis sem- lo est: ipsumq; rursum caelum Deus impleuit, eosque  
 per ad the- procreauit quorum munere paternum hominibus  
 sinrefe- tribuitur nomen eisdemq; quos progeniuit, dedit re-  
 renda. rum naturam tuendam. In terras autem acceptum,  
 Aggressus reliquis omnibus originem dedit, quaeq; singula natu-  
 uice proe- ra sua

ra sua fluxa caducaque erant, ea stabilivit posteritate, eternitatemque ipsis successione adinuenit. Primum autem maxime ad fortitudinem, subeundaque constanter pericula homines impellit. Quis enim uxorem liberosque defendere, quis pro ijs bella mouere recusat? quo fit, ut, cum eorum amore arma sumantur, maioribus certetur animis, lubentiusque Martis subeatur euentus. Quin istos etiam nedum fortes homines efficit. Cognationem enim necessitudines, iuraque tribuit, quorum respectu metuque ab inferenda iniuria homines coercet: itaque iustitiam simul docet cum fortitudine. Sed & sapientes facit, quippe quibus charissimorum pignorum inijcit prouidentiam atque curam: quodque maxime quis miretur, ipsam temperantiam secum adfert matrimonium, & in mediis voluptatibus modestia quoque inuenit locum: legem enim libidinibus prescribens, temperantie sine voluptates coercet: quaque ipsa per se accusatur voluptas, cum matrimonio coniunctam laudamus. Si ergo matrimonium Deus dedit, & procreando posteritatem omnem firmat, si fortes item, istosque facit, & sapientes prestat, & temperantes, quis est qui non pro virili, quatenus possit, ipsum sibi putabit laudandum?

Sane, inquis, sed calamitatum multarum matrimonium est causa. Contra-  
dictio.

Fortunam mihi videris, non matrimonium accu- Solutio.  
sare. Qua enim aduersa hominibus accidunt, eorum fortuna est causa, non matrimonium. At contra, quae lata matrimonium tribuit, ea certe nequaquam fortuna accepta possunt referri. Rectius ergo est, ma-  
trimonij



Trimonij bona laudare, quam accusare mala, quare ipsa afferuntur fortuna. Iam si quis maxime humanorum casuum aduersa volet matrimonio assignare, nihilo tamen idcirco magis fugiendum erit. Nam si qua reliquis in rebus nos offendunt, ea continuo nos ab ipsarum cura deterrebunt. Agedum singulas excutiamus artes, omnes habent aliquid quod quis accuset. Agricola praeclis infestantur, & per grandinem fame contabescunt, non tamen, si quos tempestas offendit, ideo statim agros relinquunt, sed perseuerant colere. Neque nauta, si quid ex caelo accidit ipsis, continuo post tempestatem dissoluunt naues cessantque nauigare deinceps metu eorum, quae periculantur, verum difficultates fortuna tribuentes, ad opes, quas mari parauerunt reuertuntur. Bella etiam pugnaeque militantium absument vitam: non, quia occumbunt aliqui, idcirco deserunt militiam, sed, quia pugnae ob fortitudinem laudantur, hoc ipso etiam quod ceciderunt, gaudent, & instantem fortuna asperitatem praesenti gloria bono rependunt. Neque enim propter mala meliora fugienda sunt, sed bonorum causa etiam asperissima perferenda. Nonne ergo absurdum est agricolas, nautas, item & milites difficultates meliorum gratia tolerare, matrimonium vero nobis auersandum putare, quia habeat aliquid quod offendant?

*Contradi-* Sane, inquit, sed viduitatem mulieribus, pueris-  
*ctio.* que orbitatem affert.

*Solutio.* Mortis hac mala sunt, hancque nobis difficultatem circumdedit natura, quam tu quidem accusare mihi videri, quod non homines effecit, ut Dij essent:  
accu-

accusareque matrimonium, quod non Dijs mortales coniunxit. Quid insimulas matrimonium eorum, quorum est apud mortem causa? Cur nuptiarum dictu, quod ipsius est natura? Patere perire eum, qui natus est, quocunque tandem pereat modo. Quod si occidunt homines quia nati sunt, eademq; via coniugem viduam relinquunt, natosq; ex se filios faciunt pupillos, cur hac matrimonij dices culpa fieri, qua solum ab ipsa fiunt natura? At ego contrario orbitatem, viduitatemq; puto, matrimonio resarciri. Mortuus est illi pater, eog; nomine pupillus est, reddet rursus alium sibi matrimonium patrem. Itaq; hoc malum non ex matrimonio prodit, sed matrimonio occultatur, fitq; matrimonium non causa orbitatis, sed abscondit potius ipsam, & restaurat. Sic viduitatem quoq;, quam obitu mariti attulit natura, matrimonium noui iterum nuptijs immutat. Quam enim mors reliquit viduam, hanc rursus matrimonium viro coniungit: atq; velut conseruator muneris sui, ea, qua dedit initio, ablata quoque restituit. Auferre ergo viduitatem solet matrimonium non facere: pater quoque morte liberis orbatu, rursusq; alios matrimonio assequitur, fitq; secundo matrimonij munere pater, cur id, quod semel iam habuerat paternum nomen, erat ablatum. Quid ergo matrimonij bona in crimen ipsius conuertis. Videris mihi non arguere, sed laudare nuptias velle. Quando enim enumerare nuptiarum bona cogis, laudator matrimonij factus es potius, quam reprehensor; vituperansq; matrimonium, vt recensemus, laudes ipsius adducis, causamq; praebes, munera sua recognoscendi nobis, eo ipso quod crimina tua refutamus.

*Esto inquis, sed laboriosa tamen res est matrimonium.*

*Solutio.*

*Verum, sed labores quoque matrimonium soluit, & auferuntur per nuptias quaecunque exercitio homines reddunt. Vita tranquillitas est cum muliere sociari: quantulum autem virum in thalamo uxori coniungi? Iam quanta cum voluptate puer expectatur, speratusq; se profert, & in lucem prodians, mox patrem appellat? addicitur deinde arti alicui descendae, patriusq; fit laborum particeps. In concionibus exinde versatur, pascitq; in senecta patrem, & prorsus in quodcunque res ipsa poposcerit, aptum se expectatumq; praeber.*

*Epilogus.*

*Adeo non est oratione recensere, quanta matrimonium adferat bona. Ingēs ergo res est matrimonium, & Deos procreans, & mortalibus, ut Dī esse videantur, successione praestans. Ac omnes, qui nuptiu inicianitur, instituit, ut iustitiam colant, temperantiam obseruent, quin & reprehensas alioqui voluptates, honestas facit. Idcirco plurimi faciendum esse matrimonium, inter omnes facile constat.*

#### SCHOLIA.

*Thesis.*

*Græci Rhetores Thesin appellant quaestionem vagam, nullis circumstantiarum cancellis inclusam. Latini quaestionem infinitam, Cicero de Topicis Propositum; in Partitionibus Consultationem. Priscianus Positionem dixit, ut: An ducenda uxor, An colenda sit amicitia. An nauigandum; An sit bellum gerendum, An discendae litterae Græcae.*

*Alij quæstionem vniuersalem Athenæus partem causæ appellat.*

*Hypothesis.*

*Hypothesin autem vocant quaestionem finitam,*

tam, quæ habet in quæstione certas personas, loca, tempora, & reliqua genera attributorum. Hanc Cicero in Partitionibus controuersiam: In Topicis causam appellauit, vt; Sitne Cæsari bellum suscipiendum aduersus Pompeium: An Syllæ administranda Respub. An Græcæ literæ discendæ destinato Theologiæ: An Cato tempore belli ciuiliis recte duxerit Martiam uxorem. Vide Quintilianum lib. 3. ca. 5. Idem lib. 2. cap. 1. ait: Antiquis hoc fuisse ad augendam eloquentiam genus exercitationis, vt Theses dicerent. Et Cicero in Oratore ad Brutum: Aristoteles, inquit, adolescentes ad copiam Rhetorum, in vtramque partem, vt ornatius & vberius dici possit, exercuit. Rodolphus Agricola lib. 2. ca. 8. Thesin quæstionem vocat *κατηγορικὴν*, id est, prædicatiuam, quæ nullis certis finibus temporum, locorum, aut personarum concluditur, vt: An accedendum ad Rempub. Hypothesin, conditionalem, *ὑποθετικὴν* vt: Sitne Socrati accedendum ad Rempubl.

Magnam autem habet *θέσις* cum loco communi similitudinem: Sed hoc differunt, quod *loci communis* ad amplificandum & augendum assumitur, *Thesis* ad explicandum & probandum. Et ille quasi certa re declamatur: hæc disputatur & differitur. Deinde ille affectuum, hæc considerationis est. Priscianus inquit inter locum communem & positionem, hoc est differentiam, quod locus communis est

conuictæ & manifestæ rei exaggeratio: Positio autem dubiæ rei quæstio.

*Consultationem actionis hanc vocat Cic.*

*In infinitis questionibus inquit Qu. li. 10. c. 5. iam princeps in Republica exerceri solebat Cic.*

*Alia ciuiles, &c.* Has Græci πολιτικάς appellant: quæ sunt earum rerum, quæ in ciuitatibus vsurpantur ac nunc publicè aut priuatim. Ducendæne vxores, nauigandumne sit, ædificandum an ambulandum. Huiusmodi & illæ Ciceronianæ sunt, de quibus ipse Attico scribens lib. 9. Sed tamen ne me totum ægritudine, inquit, dedam, sumsi ipsi mihi quasdam rationes quamθέσις, quæ & πολιτικά sunt, & temporum horum, vt abducam animum à querelis, & in eo ipso, de quo agitur, exercear. Ea sunt eiusmodi. Εἰ μενετεον ἐν πατρίδι τυραννείῃς ἢ αὐτῆς, εἰ παντί τρέπω τυραννίδα κατὰ λυσιν πρακτέον, &c.

*Consultationis scientiæ hanc vocat Cic. In ijs contemplatiuis consultationibus, an sit, quid sit, quale sit, quæri solet. Quin. li. 3. ca. 5.*

*Contemplatiua, &c.* Has alij speculatiuas appellant, Græci θεωρικάς, quod sola admiratione explicari, & intelligentia soleant comprehendendi, vt: Anima sitne natura aliqua. Et, eademne mortalis. Et mundusne exiterit aliquo tempore. Item, sintne syderum multa. Plinius lib. 2. cap. 22. Item, sintne Antipodes. Earum quæstionum magnam copiam habent. Si Scholasticorum ὡς διατεταταῖς, cuius generis hoc est, An homo creari potuerit ἀναμάρτητος. Et id genus alia innumera.

*An globosum cælum, &c.* Priscianus inquit, An pilæ formam habeat mundus.

*An multi sint mundi, &c.* Quod nonnulli voluerunt



luerunt. Vide Ciceronem de Vniuersitate. Vnde Alexander, cum eius comes Anaxarchus, ex autoritate Democriti, mundos innumera- biles referret: Heu me, inquit, miserum, qui nec vno quidem sum potitus: vt recenset Va- lerius l. 8. c. 15. Vide Plutarchum in Alexandri vita. Et Q. Curtium. Vide Cic. 1. Tusc. quæst. Hinc illud Iuuenalis,

*Vnus Pellao iuueni non sufficit orbis.*

Sunt item Quæstionum aliæ simplices, aliæ compositæ. Simples, vt: An luctatione sit exercendum, An declamandum. Compositæ, vt: An luctatione exercendum, siue agricultu- ra, An declamandum sit ex chartis, siue me- moriter, cum decora vultus atque gestus mo- deratione.

*Inuadentibus Persis, &c.* Historia habetur a- pud Thucydidem, Et bellorum Lacedæmo- niorum cum Persis. Orosi. meminit li. 8. ca. 1. Plutarchus in vita Aristidis scribit, Lacedæ- monios à Persis trophæa retulisse.

*Sparta, &c.* Sparta vel Sparte, fuit vrbs La-<sup>Sparta.</sup> conis, nullis ab initio muris cincta. Vnde A- gesilaus percontanti, quam ob causam Spar-<sup>Etiam La-</sup> ta non circumdaretur muris? Hi, inquit, sunt <sup>cedæmon.</sup> Spartana moenia, significans nullas Respubl, munimento tutiores esse, quam ciuium vir- tute.

*Diniditur Thesis, &c.* Primum, inquit, ingres- sus aliquis ad argumentationem vice exordij e- rit: deinde excutiendi loci suasoriarum hone-

sti, utilis, facilis necessarij, &c. Et si quid probabiliter contradici posse videatur, hoc tuo loco refutandum erit: postremo breui epilogo velut perorandum, autore Niosellano.

### IN EXEMPLVM.

*Deis cælum impleuit, &c.* Vnde Cicero 1. Tusc. Quid & totum prope cælum, nonne humano genere completum est? &c. D. Ambros. 32 quæst. 1. Nuptiæ, inquit, terras replent, virginitas Paradisum. At Varro putabat vtile, vt se homines Dijs genitos mentirentur. Vide Augustin. de Ciuit. li. 3. ca. 4.

*Æternitatem adinuenit, &c.* Vnde Plato de Legibus, quarto dialogo; Genus, inquit, hominum immortale hoc modo in sempiternum perdurat, quod filiorum filios relinquendo, nunc & idem semper per generationem immortalitatem adipiscatur. Nefas autem est immortalitate seipsum sponte priuare. Hac vero ex animo ille se priuat, qui filios & vxorem negligit.

*Successione, &c.* Hoc est per discessionem aliorum in aliorum locos. Etenim morientibus alijs, alij rursus nascuntur. Hinc Homerus homines arborum folijs comparauit. Vide Erasmus in prouerbio. Homo bulla.

*Fortitudo.*

*Ad fortitudinem, &c.* Ciues enim vtrique liberos & vxores defendant, fortiter pugnant. Et Scipio vltimo conflictu cum Annibale congressurus, milites adhortando, dixit, adesse finem belli, in manibus esse prædam Carthaginis, si for-

fortiter pugnaverint, reditum datum iri in patriam, ad parentes, liberos, coniuges, Penatesque Deos.

*Providentiam, &c.* Qua perspiciunt parentes, *Providentia* quæ liberis bona, vtilia, honestaque sunt. *Pars tia*, est enim prudentiæ bonarum aut malarum rerum, & vtrarumque scientia, vt ait Cicer. de Inuentione.

*Temperantiam, &c.* Hæc est firma animi *Temperantia* & moderata dominatio rationis in libidines, atque alios non rectos impetus; vt ait Cicero. Cuius partes Clementia, Continentia, Modestia.

*Accusatur voluptas, &c.* Cicero 2. de Finibus *Voluptas*, scribit, maximas virtutes iacere dominante voluptate: quam malorum escam Plato vocauit, quod homines ea, velut hamo pisces capiuntur. Et Architas Tarentinus ait: Nullam capitaliorem pestem hominibus à natura datam, quàm voluptatem. Cuius meminit Cicero de Senectute.

*Si ergo, &c.* Epilogus est hætenus dictorum, quæ ab honesti partibus deduxit matrimonium laudando. Diuiditur autem honestum in laudabile & rectum. Hoc ipsum rursus diuiditur in iustitiam, fortitudinem, prudentiam, modestiam. Vide Ciceronē 3. ad Herennium.

*Calamitatum causa, &c.* Vnde Menander: *ὁμὴ γὰρ μὴν ἀνδρῶν πᾶσι, ὅταν ἔχει κακά.*

Qui non ducit uxorem homo, non habet mala. *Matrimonij mala.*  
*Α λυπὸν ἔξῃς τὸν βίον χῶ εἰς γάμους.*

Id est sine dolore vitam transiges, si non duxeris uxorem. Matrimonium, vt Erasmus ait 4. Apoph. comitatur perpetua sollicitudo dotis exprobratio, affinium graue supercilium, molesta focrus, incertus liberorum euentus, iuges querelæ, atque rixæ.

Iuuenalis Sat. 6.

*Semper habet lites alternaq; iurgia lectus,  
In quo nupta iacet: nimium dormitur in illo.*

*Agedum, &c.* Fidei faciendæ gratia utitur inductione: & ostendit nullum vitæ genus esse, quod non suas habeat molestias. Sapienter Solon agebat: Si in vnum locum cuncti mala sua contulissent, futurum, vt propria deportare domum, quam ex omni miseriarum aceruo portionem suam terre mallent, vt ait Valerius libr. 7. cap. 2. Meminit Erasmus 3. Apophthegm.

*Cœlestium  
iniuriarum  
duo  
genera.*

*Per grandinem, &c.* Vt si de cœlo vel arbores, vel segetes fuerint tactæ. Cœlestis autem iniuriæ duo sunt genera: Vnum, quod tempestatem vocamus, in quibus grandines, procellæ, cæteraque similia intelliguntur, quæ cum acciderint, vis maior appellatur, Alia sunt illa, quæ silente cœlo, serenisque noctibus fiunt, nullo sentiente, nisi cum facta sunt. Publica hæc, & magnæ differentiæ, alijs rubiginem, alijs vredinem, alijs carbunculum appellantis, vt ait Plinius li. 18. cap. 28.

*Exhortatio.*

*Dissoluunt naues, &c.* Tempestatibus iactati, non statim deserunt nauigationes, sed mox reficiunt

ficiunt rates quassas, indociles pauperiem pati:

*Laudantur, &c.* Qui fortiter in prælio rem administrant, ab Imperatoribus laudabantur, atque fortitudinis præmia consequerantur coronas ciuicas, obsidionales, murales, vallatas, castrenses, statuas, triumphos. Mortui etiam laudibus euehebantur. Quin imo, ut inquit Imperat. Iustinianus, qui pro Repub. perierunt, per rerum gestarum gloriam semper viuere intelliguntur; vnde etiam patribus in excusationibus tutelarum profunt tanquam viuî.

*Gaudet, &c.* Lætantur qui fortiter pugnando succubere. Sic Epaminondas, qui sanguine & spiritu deficiens. Non finis est, inquit, vitæ meæ, sed melius & aliud initium adinuenit. Nunc enim vester Epaminondas nascitur, quia sic moritur, ut ait Valer. lib. 3. ca. 2.

*Laboriosiores, &c.* Vnde illud Cynici Cratetis, τέκνὰ πόντοι. Vide Erasmus in prouerbio: Optimum non nasci.

*Labores soluit, &c.* Hinc Metellus ille Numidicus asseueravit: Nullas plerunque esse in matrimonio molestias: si quæ tamen accidere nonnumquam viderentur, paruas, & leues facilesque toleratu esse dicebat: maioribusque eas emolumentis & voluptatibus obliterari, easdemque ipsas nunquam omnibus neque naturæ vitio, sed quorundam meritorum culpa & iniustitia euenire. Vide Gellium lib. 1. ca. 6.

*Pascit in senectâ, &c.* Iuxta prouerbum.



ἀντιπελαργον, quod est parentes ætate fessos  
nutrire, mutuatque vicem rependere.

## EXEMPLA.

*Vxor non ducenda.* Quod non ducenda sit vxor, Thesis à contrariis Aphthonij locus tractata, studio exercitij.

*Exordij forma.* **C**um iuxta vetus prouerbium: Ignis, Mare, Mulier, tria mala sint, mihi plurimum desipere videntur, qui se coniecero in flammam, in fluctus, & in matrimonij calamitates. Hoc ipsum dissuadendi studio cum primus Homerus ait:

Πῶς γυνή θάλασσα καὶ πῆμα.

Vsq̃ue adeo nihil improbius, muliereq̃ peius.

Et temporibus hodiernis strenue dant operam mulieres, ne Poetarum grex vaniloquus omnino fuisse reputetur, qui foemina nihil pestilentius esse confirmarunt. Et mulierem omnem esse malam, perquam venuste significauit Lacon quidam, qui cum vxorem duxisset perpusillam, dicebat è malis; quod minimum esset eligendum. Quippe λύχρα ἀρθρὲν ὁ γυνὴ πᾶσα ἡ αὐτὴ.

*Ab indig-  
nitate ma-  
trimony.*

Non eo inficias, matrimonium institutum à Deo, sed ab eodem etiam adiectos tot laborum sudores, tot molestias, denique dolores, inficias non eo. Et quod ab initio bonum erat, iam vel temporum iniuria, vel hominum malitia, factum est longe deterrimum: vt multo citius Plutonia regna cacodemonibus repleat, quam Dijs cœlum.

*Apusilla  
minutate.*

Milites ignaui sunt, & cor in pedes ijs decidere solet, quibus domi sunt vxores atq; liberi. Etc.

ri, Etenim extra telorum iactus esse, & post principia se continere laborant. id vnum curantes, vt integri maneant ac illæsi, ne si fuerint interfecti, relinquant viduas atque pupillos. Cæterum qui paulo fuerint animosiores, à suis obiurgantur, iuxta illud Penelopes:

*Ausus es ô nimium, nimiumq; oblite tuorum, &c.*

Iniquos facit ad iram concitans coniugium. *Ab iniustitia.*

Hæc ipsissima est officina rixarum, vt portus tranquillitatis cœlibatus. Vnde illud: Qui non litigat, cœlebs est. Deinde, qui obstricti sunt matrimonio, coguntur indies magnum in vñs domesticos sumptum facere ad vxores, liberos & familiam alendam. Et deficiente crumena, per fas, perque nefas pecuniam corradunt, secum assiduo dicentes:

*Vnde habeas querit nemo sed oportet habere.*

*Lucrum pudori prestat.*

*Et genus & formam regina pecunia donat.*

*O cives ciues quærenda pecunia primum est,*

*Virtus post nummos.*

*Quantum quisque sua nummorum seruat in arca,*

*Tantum habet & fidei.*

Certo

*Prima fere vota & cunctis notissima templis,*

*Diuitia vt crescant, vt opes, vt maxima toto*

*Nostra sit arca foro: Vt ait Iuuenalis.*

Quotusquisque est, qui non matrimonium contrahat, vt sponsi (quod aiunt) vitam viuam *Ab interperantia.* perfruatur voluptate, ac subeat in libidinem, curetque hoc vnum, vt lasciuum interueniat illud: *Ζὼν καὶ ψυχὴ.*

Quis

*Epilogus.*

Quis igitur matrimonium laudibus euehendum ætinet, cum inferorum regna magis, quam cœlorum adaugeat, cum iniquos faciat, contineatque vitam obscœnis plenam voluptatibus, ac earum venenatis illecebrarum præstigijs incubans, adducat malorum (quod aiunt) Iliada, vt γυναικῶν ἰλεδρῶς, prouerbio locum fecerint.

*Contradi-  
ctio.**Solutio.*

Sed ais: Quæ sunt in matrimonio mala, ipsi fortunæ sunt assignanda.

Illud immerito facis. Nam si viri coelibes viuerent, à plurimis afflictionibus liberi manerent: nunquam agricolæ assiduo tanto labore terram colere, nunquam genus omne cerdonum tanto sudore diffuere, nunquam tantis periculis mercatores nauigare cogerentur, si non querulis vxoribus atque liberis egentibus victum & amictum quærere compellerentur. Vere igitur D. Paulus de coniugatis inquit: Afflictionem in carne sunt habituri, & beatiores prædicat, qui hoc frænum non morderint.

*Contradi-  
ctio.**Solutio.*

Sed viduarum & orborum, pupillorumque conditiones morti, non matrimonio referas acceptas, & per hoc refarciri dicis, quod per illam aufertur.

Esto, Mors tibi patrem eripit, nouæ nuptiæ vitricum reddunt. Sed hæc ipsa pensatio ipsissima est Diomedis & Glauci permutatio, quæ pro perca scorpius accipitur, pro charissima matre datur nouerca, vt rideatur, qui ad eius tumulum fuerit lacrymatus.

Esto

Estto inquis; sed tamen non laboriosa res est *Contra-*  
matrimonium, cum laborum participes vx- *dictio.*  
res sint viris solatio: & filij parêtes ipsos omni  
malorum fasce leuent, foueantq, telloſos ætate.

Sæpius moleſtant viros, quam conſolan- *Dilatio.*  
tur vxorum greges: quarum pauciſſimæ fide-  
les, vt vere dictum ſit: Mulieri ne credas, ne  
morrux quidem. Quod monet, vſque adeo  
non eſſe fidendum mulieri, vt etiam ſi mori-  
entem videas, putes fingere. Et filiorum incer-  
tiſſimus eſt euentus. Longe plures dedecori  
ſunt parentibus, quam ornamento. Qui vt  
arietes nutricationis mercedem perſoluunt,  
argento ſenes emungendo, turpiſſimisq, fa-  
cinoribus excruciendo, vt Crates ille dixerit,  
τέκνα πόνου, &c.

Ergo cum tot vndique malorum fluctibus *Concluſio.*  
matrimonium imperatur, quis ſanæ mentis  
ſolutus ab vxore quaſiuerit vxorem?

ALIVD EXEMPLVM.

*Quod ſenectus non moleſta, nec onus*

*Ætæna grauius.*

THESIS.

**S**I viña vetera nouis, quaſi de muſto & lacu *Senectus*  
ſhaupſtis, præſtantiora iudicamus, cur non *laudabilis.*  
ſenectutem iuuenta meliorem, laudatuque  
magis dignam arbitramur, cum vt illic omnia  
defæcata & ſalubria, ita hic omnia matura &  
grauia contemplemur eſſe?

Senectutem omnes vt adipiſcamur ſolemus *A legitimo*  
optare. Quod cum ita ſit, iniquè faciunt, qui  
adep-

*Ex Dialogo Cic. de Senectute.*

adeptam accusant, ac in illa ingenium frangunt, quam diuina scriptura coronam dignitatis appellat; eam præcipue, quæ reperiatur in vijs iustitiæ. Prouerbiorum 6.

*Ab utili.*

In antiquis est sapientia, & in multo tempore prudentia prouerbio nobilitata, *Serius* (enim) *uenti vsus ab annis*. Hinc est, quod iuuentus olim cumulatam & circumspicuum honorem reddebat senibus, ut ait Valerius, Et Iuuenalis.

*Credebant tum grande nefas, & morte piandum,  
Si iuuenis vetulo non assurrexerat, & si  
Barbato cuiunque puer, licet ipse videret  
Plura domi farras & maiores glandes acervos.*

*A facili.*

Nec difficilis adeo senectus est, neque tam molesta, sed tolerabilis & iucunda, quam tot rerum bene gestarum præconia exornant, quam recordatio multorum benefactorum oblectat, quam denique grauitas, constantia, consiliorum rationes, autoritas, & reuerentia plane diuinam efficiunt.

*A necessaria.*

Prudenter institutæ Respubl. sola, quæ senum propria virtus est, prudentia conseruentur oportet. Etenim florentis ætatis temeritas est, senectutis prudentia. Illa ciuitates multas euerfas, hac conseruatas esse, tot veterum exempla testantur.

*Contradictio.*

At senectus ipsa morbus auocat à rebus gerendis, ac inutiles reddit.

*Solutio.*

Multo plura quam iuuenes efficere possunt senes, rerum studijs assueti: quorum arma sunt artes



artes & virtutum exercitationes. Nec viribus aut velocitatibus. aut celeritate corporum magnæ res geruntur, sed consilio, autoritate, atque prudentia.

Sed obliuionem inducit, memoriam minuit, vires adimit.

Memoria perit nisi exerceas. Prudentes ergo senes, intentum animum tanquam arcum habentes non languescunt, nec succumbunt senectuti. Senibus ingenia manent, modo permaneat studium & industria. Vnde Cato Pythagoreorum more exercendæ memoriæ gratia, quod quoque die dixerat, audierat, egerat commemorabat vesperi. Hæ sunt exercitationes ingenij, hæc curricula mentis. In his desudans, atque elaborans, corporis vires non magnopere desiderabit, vt ait Cicero.

Sed caret voluptatibus, vt recte Horatius *Contradixit: dictio.*

*Multa ferunt anni viuentes commoda secum,  
Multa recedentes adimunt, conuiuia, lusus.*

O præclarum munus ætatis, siquidem id *Solutio.* aufert nobis, quod est in adolescentia vitiosissimum. Omnem malorum escam voluptatem eripit, & libidines pecunias animis eximit, ac instillat vera pectoris bona. Porro nihil pestilentiùs voluptate, ac nihil præstabiliùs ratione. Hanc fouet senectus, illam autem expellit.

At sunt morosi, & anxij, & iracundi, & diffidiles senes, si quærimus, etiam auari, *Contradictio.*

Sed

*Dilutio.*

Sed hæc morum vitia sunt, non senectutis. At morositas tamen, & ea vitia, quæ dixi, habent aliquid excusationis. Vide Cicer. in senectute.

Sed appropinquatio mortis est, quæ certè à senectute non potest longe abesse.

O miserum senem! qui mortem contemnendam esse in tam longa ætate non viderit. O infelicem Christianum, qui mortem metuit, & non potius cum Paulo dicit: Cupio dissolui, & esse cum Christo. Quid enim hæc vita commodi, quid non potius laboris habet? Cur in malis, & non potius in bonis omnia, quæ secundum naturam fiunt, habentur? Quid est autem tam secundum naturam, quam senibus æmori, quod idem contingit adolescentibus æmuerfante & repugnante natura. Itaque adolescentibus æmori sic mihi videntur, ut cum aqua multitudinem vis flammæ opprimitur: senes autem, sicut sua sponte nulla adhibita vi consumptus ignis extinguitur. Et quasi poma ex arboribus, si cruda sunt, vi auelluntur, si matura & cocta, decidunt: sic vitam adolescentibus auferit, senibus maturitas.

*Conclusio.*

Finem dicendi faciam, nihil ambigens, qui iudicaturi sitis, dignissimam esse laudem & amplexu senectutem, cum ea rebus gerendis consilia suppeditet, prudentia valeat, auctoritate polleat, reuerentia præluceat, omnium denique malorum liberationem maturitatis naturalis beneficio subministret.]

*Diuitias non esse summum bonum.*

**Q**ui sententias iniquas defendendas susci- *Exordium.*  
piunt, mendacia verborum lenocinijs

fucare solent, & morbido sermoni exquisita  
adhibere medicamenta. Quorum in numero  
sunt, quos non pudet asserere: Summum bo-  
num diuitias, & solum diuitem esse beatum.  
Contra qui veritatem, cuius est simplex ora-  
tio, amplectuntur, non in diuitijs, sed potius  
summum in virtute bonum collocant. Etenim  
perpendunt, opum affluentia non beatos, sed  
magis infelices reddi, cum maximæ sollicitu-  
dines, atque calamitates inde soleant proue-  
nire. Namque vt Iuuenal. inquit:

*Sed plures nimia congesta pecunia cura,  
Strangulat, & cuncta exuperans patrimonia* Ex Horat.  
*census,*

*Pauca licet portes argenti vascula puri,  
Nocte iter ingressus, gladium, contumque timebis,  
Et mota ad lunam trepidabis arundinis umbram,*  
*&c.*

Et quid aliud olim Lacedæmonios perdi- *Spartam*  
dit, quam pecuniæ cupiditas? Qui oraculo re- *quid per-*  
sponsum acceperant, tum demum vincendam *diderit.*  
esse Spartam, cum aurum & argentum in pre-  
cio cepissent haberi.

Accedunt alia, quæ licet per se videantur  
leuiora aut infirmiora, tamen turba valent, at-  
que confirmant, diuitias malis plurimis tenta-

ri, stultitia regi, pusillanimitate enervari, libidine corrumpi, ac iniustitia denique prophannari. Nam quotusquisque diuitum est, qui non fortuna ebrius, arroganter, & confidenter loquatur, & agat, opibus scilicet fretus, vt indetatum prouerbiū: Αργύρον κρηνῶν λαλῶσι, Argenti fontes loquūtur: Quod notās Horatius:

*Mecum (inquit) contendere noli,*

*Stultitiam patimur opes.*

Quotusquisque, qui non tumultu quopiam suborto, aut belis ingruentibus in morem Galli cuiuspiam, vt aiunt, trepidet, atque magis sibi thesaurisque suis, quam Reipub. velit consultum: Quotusquisque qui non plura, quo plura possidet, assiduē petat?

*Crescit (enim) amor nummi, quantum ipsa pecunia crescit,*

*Crescit indulgens sibi dirus hydrops,*

*Nec sitim pellit, nisi causa morbi*

*Fugerit venis & aquosus albo*

*Corpore languor.*

Quotusquisque, quem non diuitiæ ad genus omne turpitudinis inflamment, luxu resoluāt, funditusque perdant? vt multo plures crapula, nimiaq; libidinis enervatione credantur perire, quam gladio. Quis igitur diuitias summum bonum vocet, & non potius iniquitatis appellat mammona, cum illæ stultos, infelices, effoeminatos, auaros, & peruersos reddant, vt facilius sit camelum per foramen acus transire, quam diuites in regnum Dei ingredi.

At diuitiæ afferunt gloriam, parant amicos *Contra-*  
paupertas contemptos facit. *dictio.*

*in precio precium nunc est, dat census honores,*

*Census amicitias, pauper vbique iacet.*

*Nihil habet infelix paupertas durius in se,*

*Quam quod ridiculos homines facit, &c.*

Sed quam opes pariunt, fluxa est gloria, & *Solutio.*  
ollaris, quæ *χρῆτος Φιλία* dicitur: amicitia ni-  
hil aliud est, quam adulatio.

*Donec eris felix, multos numerabis amicos:*

*Nullus ad amissas ibit amicus opes.*

Nec ad veram gloriam via recta conten-  
dentes impedit paupertas, sortita sapientiam.  
Nonne Cicero, nonne alij complures ab ini-  
tio conscenderunt ad summum gloriæ cul-  
men, ita studiorum honestissimorum cultu  
profecti, vt maioribus omnibus suis virtute  
præluxerint?

Esto verum, vt ait Iuuen. Satyr. 3.

*Haud facile emergunt, quorum virtutibus obstat* *Contra-*  
*Res angusta domi.* *dictio.*

Desidia torpentes non emergunt, sed qui per *Solutio.*  
honestos labores ad summa nituntur. Respice  
Cleanthem, qui licet obtusi tardiorisq; fuerit  
ingenij, adeoq; pauper, vt tempore nocturno  
cogeretur in hortis aquas haurire, quo posset  
interdiu studijs liberalibus operam impêdere,  
tamen ad summum eruditionis & honoris fa-  
stigium peruenit, consecutusque est tantas fa-  
cultates, vt alium, si voluisset, Cleanthem ale-  
re potuisset. Vide Laertium Diogenem lib. 7.



Quam matrem Euripides, aut quem patrem Demosthenes habuerit ipsorum quoque seculo fuit ignotum. Alterius autem matrem olea, alterius patrem cultellos venditasse omnium pene doctorum literæ loquuntur. Sed quid aut illius Tragica, aut huius Oratoria clarius? ut ait Valerius Maximus lib. 3. ca. 4.

*Contra-  
dictio.*

Sed inopia pressos homines ad varia designanda flagitia paupertas impellit ut per fas & nefas vitæ subsidia quærere cogantur.

*Solutio.*

Nihil repugno, si mali intelligentur, quorum cordibus illud fixum personat: lucrum pudori præstat, quod Græci dicunt, κέρδιος αἰχμῆς ἀμεινον. Sin bonis, reluctor: cum ij longe satius ducant rei iacturam facere, quam famæ simul ac animæ dispendium. Quin potius, ad omnia scelerum genera rapiuntur ipsi diuites, nec diuitiæ semper optimis continentur; ut Homerus rectè dixerit:

Ζαῖς αὐτὸς νέμει ὄλβον ὁ λυμπὸς ἀνθρώποις  
Εὐδλοῖς ἤδη, κακοῖσιν ὅπως ἐδελθσεν ἐκ ἄστυ.

Multo facilius pauperes criminum occisiones fugere potuerunt, quam diuites, cum desint illis opes, irritamenta malorum: his autem opus sit multis præceptis, ut benè & honestè viuant, ut Diogenes rectè paupertatem αὐτοδιδασκτορ appellauerit.

*Conclusio.*

Ergo non in diuitijs, vnde malorum (vtrahunt) mare profluit, sed potius in virtute summum est bonum collocandum.

Νόμος εἰσφορῆς.

**L**egis quoque inductionem, quidam exercitamentum esse putauerunt. Est enim propemodum tota causa, non tamen omnia quae in causa sunt, intra se continent. Adfert personam quidem, sed incertam, & non omnibus notam, vnde & inconsultationis magis est parte, quam causa. Quatenus etiam figuram in se habet persona, superat consultationem: sed quia definitionem non habet, minor, causa est. Est autem duplex Legis inductio. Confirmatio posita legu, atque confutatio. Lex autem est inuentio, & donum Deorum, communis constitutio ciuitatis, & correctio vtrinque erratorum. Diuisio autem inducenda legu est ista: Tractabis eam capitibus eisdem quibus negocialem: Legitimo, iusto, vtili, possibili. Quid sit Proœmion facies; post proœmion subiicies contrarium: lex, vide hinc capitibus prae dictis vterus. Vnde & hoc exercitamentum à causa differt. ff.

EXEMPLVM.

Accusatio legis, iubentis adulterum in ipso adulterio deprehensum interfici.

PROOEMIUM.

**N**ec mihi videtur, per omnia lex ista laudanda, nec rursus ea, quae scripta, prorsus reprehendenda crediderim. Quod enim poenam adulterijs inquit decernit laudo plane, quod vero iudicum sententiam non expectat, culpandum certe videtur. Si namque largitionis metu, ne quae iudices corrumpantur, iudicia praeuenit, suspicax nimirum est, & iniqua nimum erga iudices mentis, sin autem iusta iudicare

Ne illud  
quidem  
inquit  
Quint. lib.  
2. ca. 4.  
ignorare oportet, leges aliquando totas, ali.

quando ex parte reprehendi solere. *Contra-rium.* vos, quemadmodum facitis certe, arbitratur, iniquum esse constat, si lex iudices quidem laudet, tollat autem iudicandi potestatem.

Alia sunt leges, quacunque demum ea sunt, & quacunque ratione perlata, discrepant forte ab aliena ciuitatis legibus, sed & alterius rursum legibus conueniunt: hac autem sola lex omnibus simul repugnat ciuitatum institutis: Videmini autem mihi multo rectius de hac lege cognituri, si omnia recensatis consulta vestra, atque decreta. Duces bellorum: Sacerdotia, Plebiscita. omniaque adeo, quae circum militarem pertinent, iudicium subeunt diligentiam, fitque dux ille, quem iudex constituit, sacrificat, qui Iudici videtur, iustumque decretum est, quod populi sententia perrogatum est. Victores quoque praemia non accipiunt bellorum, nisi iudicata. Quomodo ergo non absurdum est: omnia iudiciorum arbitrium expectare, solam vero praesentem legem iudicium subterfugere cognitionem?

*Contra-  
dictio.  
Solutio.*

Sanè inquit, sed magna sunt mæchorum iniuria. Quid autem? homicidarum scelera nonne sunt grauiora? anne proditores alijs sceleribus minores arbitramur? anne sacrilegi proditoribus peiores sunt? At tamen in his criminibus deprehensus iudicium exanimi subiacet, neque proditor poenas dat, nisi decernente iudice, neque perimitur sicarius, nisi eo, qui accusat, coarguente delictum; neque qui numinibus dicata praripuerunt, puniuntur, antequam iudex admissum cognouerit scelus. Nonne ergo iniquum est, maiora iudicium vindicta reseruari, neque quicquam eorum criminis loco, nisi iudici liqueat, astimari, so-  
lum

lum autem adulterum sine cognitione interfici:quem in primis, quia leuior in eo, quam in ceteris culpa est, Iudicium exanimi subijcere oportuit.

At quid refert, inquit, occidam adulterum, an Iudicibus tradam, si vtraque via morte pœnas luet? Contra-  
dictio.

Quantum inter Tyrannum ac legem, inter popu- Solutio.  
larem statum ac vnius principatum differt, tantum ista inter se diuersa sunt. Tyrannus enim vnā-  
quemque pro libidine sua perimit: leges autem conui-  
ctum iuste occidunt. Et populus disceptatione omnia  
atq; contentione tractat, quo sint explicatiora omnia:  
at rerum Dominus etiam in dicta causa, occidit. Con-  
tra populus & lex in dicta causa non occidit: sed om-  
nia ab rerum Dominis & Tyrannis diuersa facit. Quid  
ergo? multumne intererit occidere adulterum, & iu-  
dicum sententijs puniendum tradere? Adhuc quoque  
qui per se adulterum occidit, se ipsum arbitrum pœna  
admissi sceleris facit. qui verò Iudicibus tradit ipsum,  
penes illos vult esse potestatem iusque animaduerten-  
di. Neminem igitur dubitare crediderim, quin æ-  
quius sit, eius qui accusatur, arbitrium esse apud Iu-  
dicem, quam apud accusatorem. Quinetiam qui suo  
arbitratu adulterum occidit, alterius rei gratia oc-  
cidere ipsum, aduersum se suspicionem relinquit: at  
qui iudicio exhibet, solum iusta sectari, presentisque  
sceleris dolorem videbitur vlcisci.

Nemo enim suæ  
causæ ido-  
neus est  
aut iudex  
aut testis.

Contra-  
dictio.

Esto inquit, sed grauiores dabit pœnas subito per-  
rempius: quoniam si ad iudices deferretur, illam  
temporis intercapedinem pro lucro haberet.

At contra porro habebit, si Iudicibus subijciatur. Solutio.  
Etenim iudicio destinatus, acerbiorē vitam exiget.

*Pœne di-* Nam qui pœnam expectat, grauiora supplicia, quam  
*latio pœna* si illam fuisset illico passus, sentit. Quippe pœna dila-  
*est additio.* tio pœna videbitur additio, morieturque saepe, qui  
 iam pro mortuo habitus est, expectationemque susti-  
 nebit morte duriorem. Atqui occisus de improviso  
 adulter, non dolet, sensumque mortis pœna celeritas  
 aufert: insensibilis enim est exirum, qui antequam ex-  
 pectetur, contingit. Mors autem sapius expectata,  
 postquam semel illata, pœnas expectatione adauget.  
 Age vero, si libes, considera hac, conferque inuicem.  
 Ille per se ipsum occidit adulterum, nullumque facit  
 ultionis suae testem, alius ludicibus tradit multosque  
 adhibet supplicio spectatores: acerbior haud dubie ul-  
 tionis modus, quicumque est oculis plurimum subiectus.  
 Et optabilius alioqui adulteris utcumque fuerit oc-  
 culte perire, opinionem apud plerosque relicturum, in-  
 imitiarum causa esse occisos. Conuictus autem apud  
 Iudices crimine, indubitata iam reus, & nullus ob-  
 noxiam interpretationibus pœnam subibit. Itaque plu-  
 rimum interest, adulter, an occultè trucidetur, an  
 ludicibus tradatur afficiendus supplicio.

*Contradi-* Res atrox est adulter, omnium scelerum magni-  
*ctio.* tudinem supergressus.

*Solutio.* Coarguatur ergo prius, hinc occidatur: iudicetur-  
 que potius, quam pœnas ante cognitionem incerto cri-  
 mine, indictæque causa iuat. Quod si publicè neca-  
 buntur adulteri, certiores facient procreationem;  
 neque, quousquam cuius sit filius deinceps dubitabit, ubi  
*Adulte-* paterni nominis insidia adulteria fuerint adempta.  
*rum pu-* Itaque cum sit adulterium publica quaedam rerum  
*blica rerum* natura iniuria, publica quoque sententia plectatur.

Vereor



Vereor enim, ne adulter secreto occisus, multos post se <sup>naturæ in-</sup>  
 alios relinquat. Nam quia, cur occidatur, nescitur, <sup>iuria.</sup>  
 eius improbè facta multi imitabuntur. Sic eiusmodi  
 pœna non adulterij finis, sed exordium erit.

SCHOLIA.

*Legislatio, &c.* Alij promulgationem legis  
 appellant. De qua sic Quincil. li. 2. c. 4. Legum  
 laus & vituperatio iam maiores ac prope sum-  
 mis operibus suffecturas vires desiderant, quæ  
 quidem suavorijs an controuersijs magis ac-  
 commodata sit exercitatio, consuetudine &  
 iure ciuitatū differt. Apud Græcos enim lator  
 earum ad iudicem vocabatur, Romanis pro  
 concione suadere ac dissuadere moris fuit.

*Lex munus Deorum, &c.* Demosthenes in  
 Aristogytone, oratione priore, πᾶσι, inquit,  
 ἐστὶ νόμος εὐρημα μὲν καὶ δῶρον θεῶν, δούλα δὲ  
 φρονέμων ἀνθρώπων, &c. Id est, Omnis lex in-  
 uentum ac munus Deorum est, Decretum  
 prudentium hominum. Cic. Philip. 10. Lex, in-  
 quit nihil aliud est, nisi recta, & à numine Deo-  
 rum tracta ratio, imperans honesta, prohibē-  
 que contraria. Idem 1. de Legibus. Lex, inquit,  
 est ratio summa, insita à natura, quæ iubet ea,  
 quæ facienda sunt, prohibetque contraria.

*Quibus negocialem, &c.* Cicero. 2. de Inuen-  
 tione, duas generalis constitutionis partes fa-  
 cit: Iuridicialem, ac negocialem. Hanc ait in  
 ipso negotio iuris ciuilis implicitam contro-  
 uersiam habere. In ea autem quæritur Iustum

fit, an iniustum: vtile an inutile: vt ait Marcus Fabius Victorinus.

### IN EXEMPLVM.

*Nec mihi, &c.* Solon constituit fas esse deprehendenti mæchum interficere in ipso adulterio. Et 9. de Legibus Plato sanxit, Adulteram deprehensam impune occidi à viro posse. Idem censuit Cato, cuius meminit Gellius. Et Augustus legem Iuliam tulit, gladioque nulli in adulteros animaduerti.

*Iudicum sententiam non expectat, &c.* Non licet, inquit, adulterum occidere, nisi Iudicum sententijs damnatum. Et Valer. Publicola tulit legem, qua neminem licebat indicta causa necare.

*Discrepant, &c.* Ciuitatibus, inquit, alijs aliæ sunt leges. Est prouerbiū: Lex & Regio. Sed quæ sunt alijs contrariæ, cum alijs conueniunt: Atqui lex de occidendis in dicta causa adulteris, discrepat ab omnibus.

*Duces bellorum, &c.* Inductione vel enumeratione utitur. Imperatores, inquit, populi, Iudicum atque magistratuum suffragijs creati, bella gerunt, & cum hostibus manum conferunt. Et capitale apud Carthaginenses erat, si quis iniussu populi pugnasset infelicit. Vnde Annibal amissæ classis pœnas dare timens, offensæ astutia mirè auertit. Vide Valerium lib. 4. ca. 1.

De hoc  
supra in  
vituperatione  
Annibalis.

*Plebscita, &c.* Vide Gel. l. 10. ca. 20.

*Qui pœnam expectat, &c.* Multo grauior expectata, quam illata mors est. Quippe cen  
suppl

supplicij dilatio poenam adauget. Vnde Ouid.

1. de Ponto:

*Et grauior longa sit mea pœna mora.*

Et tertio.

*Mitius ille perit, subita qui mergitur vnda,*

*Quam sua qui liquidis brachia lassat aquis.*

Vnde Rex Macedonum Philippus, subitam Finis op-  
mortem lentæ præposuit. Qui cum interro- tandus.  
garetur: Quis hominis finis maximè optandus Horum  
esset, respondit: Qui subitus & celer inopina utrumque  
to ferro possit accidere. Vide Orosium lib. 3. finē querr-  
cap. 14. Et Iulius Cæsar subitam ac celerem exoptauit  
exoptauit mortem: vt scribit Suetonius Tran- rat, habuit.  
quillus.

## EXEMPLA.

### CONFUTATIO LEGIS.

*Roscia*, qua Roscius Orho cauit, ne quis in *Lex Ros-*  
ordine equestri spectacula videret, nisi habe- cia.  
ret sestertia quadraginta.

*Talionis*, & eius quæ iubeat corpus dissecari *Talionis.*  
eius, qui multa creditoribus deberet, nec esset  
soluendo. Gell. li. 20. ca. 1.

### CONFIRMATIO LEGIS.

*Cincia*, quam Cincius tulit, qua cauebatur, *Cincia.*  
ne quis ob causam orandam pecuniam acci-  
peret, aut donum. Cuius suaserunt Q. Fabius  
admodum senex; vt ait Cicero in Catone  
Maiore.

*Sumptuaria*, de qua Gell. lib: 2. ccp. 24.

*Fusie*, qua malis ac perniciosis legibus resi- Sumpt.  
stebatur. Fusia.

*Vesonia.*

*Veconia.*

*Veconia*, quam suavit M. Cato; ut ait Cicero in Senectute. Vide Gellium lib. 17. cap. 6.

*Oppia.**Reclamante Catone**Consule,**abrogata**fuit anno**ab urbe**condita**559.**Exordium**à legibus**in encomio*

*Oppia*, quam tulit M. Oppius, ne mulieres superfluo ornatu uterentur, neque pilentis, id est, rhedis pensilibus veherentur. Vide Livium in principio lib. 4. Macedonici.

## EXEMPLVM CONFIRMATIONIS

*legis Oppia.*

**M.** Oppius Tribunus plebis fuit, summæ procul dubio prudentiæ vir Qui publici magis commodi, quam gloriæ priuatæ studiosus, hanc utilissimam omnibus Imperijs legem tulit, à suo nomine dictam Oppiam

Quæ si, iuxta M. Fundanij & L. Valerij sententias abrogaretur, omnibus alijs legibus repugnaretur, quæ volunt in Repub. viuendi rationem honestam conseruandam esse, non superbiam, sed virtutum studia semper excolenda.

*Accontrario.**L. Malcum**Catone**consul erat**eo anno,**quo lex**Oppia ab-**rogata est.*

Quæ per superfluos mulierum ornatus contaminari, imò perditum iri quis non videt. Et enim cultu nimio conspicuæ feminae non solum in se conuertunt virorum oculos, sed etiam animos in libidinem rapiunt. Illecebroso enim nugarum amictu pellecti viri, nitorem admirantur ac sequuntur, donec telo iectum findatur, pudicitiaque fiat naufragium. Rectè igitur Iesus Syrach: Auerte, inquit, faciem tuam à muliere compta, & ne circumspicias speciem alienam. Propter speciem mulieris multi perierunt: cum autem ut prouerbio dicitur, Ex aspectu nascatur amor, aiunt.

*A mansesio.**sejio.*

Demo-

Democritum sibi met oculos ademisse, tanquam omnium malarum cupiditatum autores. Cuius meminit Gellius lib. 10. ca. 12.

Quod si reliquæ leges, quæ maximam Reip. *A legitimo.* vtilitatem adferunt, sanctè conseruantur. contra earum placita fuerit, eam è medio tolli, quæ cum optimis sentiens Reipub. statum incorruptum conseruat, ac illustrat.

Liciniam vel Æmyliam legem, qua frugalitas exigebatur, admisit ordo senatorum ac Tribunitia potestas: quanto iustius eam adferint, quæ modestiam introducit, & superbiam, omnium malorum radicem, explodit? *A iusto.*

Nulla res vberiora commoditatis bona poterit ad Reipub. statum immaculatum conseruandum importare quam lex Oppia: quæ libidinem, fastum, ac omnem insolentiam intolerabilem reprimi mulierum, quarum mala tot prouerbijs locum fecerunt. Quæ quo minus habent mentis, tanto plus inhonestis voluptatibus sunt addictiores. Quantum autem ruboris ciuitatibus omnibus mulieres, turpiter ac impotèter sese gerendo, incutiunt, tantum laudis afferunt grauitèr punitæ; quemadmodum illæ, de quibus olim Senatus Romanus iusta seueritate mandauerat, Spurio Posthumio, & Q. Martio Philippo Coss. vt de ijs, quæ sacris Bacchanalium incestu usæ fuerant, inquirerent: & in omnes intra domos cognatas animaduernerent damnarentque. Multæ igitur damnatæ fuerant, latèq; patens opprobrij



brij deformitas, feueritate, supplicij emendata, vt ait Valerius lib. 6. ca. 3.

*Contra-  
dictio.*

Sed ais: Fœminis olim vini vsus fuit interdîctus, Verum ne tristis earum & horrida pudicitia, sed eleganti ornatus genere ornata esset, indulgentibus maritis, & auro abundantis, & multa purpura sunt vsæ.

*Solutio.*

Esto, sed, autore Valerio, tunc nulli subsclores alienorum matrimoniorum oculi metuebantur, sed pariter & videre, & aspici mutuo pudicè dabatur, nunc alij sunt mores, alia tempora.

*Conclu-  
sioncula.*

Non opus est pluribus verbis cum Oppiam legem approbatu dignissimam esse constet, vtpote omnis luxuriæ atque superbix expultricem, omnisque contra pudicitix, atque modestiæ conseruatricem.

ALIVD EXEMPLVM CONFIRMATIO-

*nis legi: Qua iubet, vt liberi parentes alant  
aut vinciantur.*

*Liberi pa-  
rentes  
alant.*

*Huius legis  
meminit  
Qu. l. 7. c. 7*

Cum nihil tam sanctum sit, quod non aliter qua soleat impia temeritate violari, sapienter promulgata lex est, quæ licentiosam familiariorum in parentes iniuriam coerceat, ac pietatem, quæ (vt Cicero ait) fundamentum est omnium virtutum, sanctè colendam atque conseruandam velit; iubens, vt liberi parentes alant, aut vinciantur.

*A conue-  
niens.*

Quid autem naturæ, quam optimam (vt Cicero scribit) ducem, & tanquam Deum sequi debemus, tam consentaneum fuerit, quam

eos, unde vitam accepimus, venerari, confectosque senio, & omni ope humana destitutos, beneficijs prosequi, atque nutrire?

Hoc ipsum Lex diuina requirit, ac iubet, vt *A legitimo* parentes honoremus. Exo 1. 20. Item, si qua uidualiberos ac nepotes habet, discat primum propriam domum piè tractare & vicem rependere maioribus, 1. Timoth. 5. Quippe Dijs, parentibus ac magistris non potest æquiualens reddi; vt ait Aristoteles 9. Ethic.

Quid enim iustius, quam si parentes à te tua charitatis & beneficiorum officia perceperint? iuxta Prouerbum: *αὐτὸν ἀγαθὸν ἀγαθίδας*, iniquissimum enim habetur, ijs qui nostra causa tot molestias atq; labores perpessi sunt, malam gratiam referre, ac arietum more, nutritionis mercedem persoluere, hoc est, pro benefactis maleficio reponere. Quod tam atrox crimen est, ac detestabile vt iustissime pari quadam vindicta parentum ac Deorum violatio sit expianda.

Vix vllum Dei præceptum inuenies, quod *Ab utili* promissionis diuinæ præmium habeat adiunctum, præter illud, quo parentes honorari iubentur? Exod. 20. Vbi Deus omnipotens promulgata lege pollicetur longam vitam, atque coelestem benedictionem ijs, qui parètes amore, beneficijsq; fuerint prosecuti. Quod idem docet Eccles. c. 3. Qui honorat patrem suum, iocundabitur in filijs, & in die orationis suæ exaudietur. Qui honorat patrem suum, vita vi-

uet longiore, & qui obedit patri, refrigerabit matrem. Qui timer Dominū, honorat parētes, & quasi dominis seru. et his, qui se genuerunt.

*Contra-  
dictio.*

Honorare quidem parentes, assurgere, & caput aperire possum, sed nihil dare, cum ipse rerum mearum indigeam; atque norim, quam sit mihi curā suppellex.

*Solutio.*

Recte Plutarchus inquit: *ἀμεῖν ὅ οὐδὲν ἐστὶν ἀνταρπείν ἐστι*. Hoc est, contra famem nulla contradictio. Non officiosus orationis fucus inopiam parentum tollit, sed compensatio beneficiorum, & adminicula. Qui verbotenus amici sunt, non amici, sed adulator es habentur. Vnde Ecclesiasticus: In opere, inquit, & sermone, & omni patienti honor patrem tuum; ut superueniat tibi benedictio à Deo. Et Sal. Filioli mei, ne diligamus verbo neque lingua, sed opere & veritate.

*A neglecte  
pietatis in-  
commodo  
sequente.*

Videmus hoc vulgo contingere solitum, ut qualis quisque fuerit in parentes, talis experiatur in se liberos. Exemplo sit ille, qui curat à filio crinibus pertraheretur, ventumq; esse ad domus limen: Desine, inquit, fili, nam & ego patrem hucusque. Et accusatus ille, quod patrem pulsasset, hoc modo defendit impium facinus. Et ille, inquit, patrem suum verberauit: & hic (ostenso filio) me verberabit, postquam adoleuerit. Primus iuxta Ambrosij sententiam, pietatis gradus est iste, ut quos aures voluit esse Deus, honores obsequijs, abstinereas contumelijs. At qui contempserit, aut maledi-

maledixerit patri atque matri, extinguetur lumen eius in medijs tenebris, & oculum eius corui iuxta flumen effudient. Prou.20.& 30.

Nec res ardua, neque dura factu parentes *A possibili*  
venerari, atque alere, cum filijs corpora inte- *& facili.*  
gra, sana, ac robusta sint à Deo concessa, quo possint imbecillibus victum quærere. Nec etate confecti multa requirunt, cum effœtorum emarcuerint vires, cum edendi cupiditas absumpta, cum adempta voluptas, atque luxus, cum denique natura, maxime senum, paucis contenta sit. Respice Pollionem Romulum, qui centesimum ingressus annum, non magno sumtu, sed exiguis impendijs corporis vigorem seruasse legitur, intus mulso foris oleo.

Valde molestum est illos fouere, qui fasti- *Contra-*  
diosi sunt, ac nauseosi, quibus edentulis gingi- *dictio.*  
ua frangendus panis inermi: vt ait Iuuenalis.

Ista vox bouis est, non hominis. Quod sit *Solutio.*  
rationis expers ciconia parentes non auersatur, neq; fastidit, sed defectos senecta vicissim alit, & volandi impotentes humeris gestat, vt inde natum sit prouerbium ἀντιπελαγεγεν, quid tu feris immanior, mutuam officij vicem gruaris rependere, maxime nutricandi fouendique eos, à quibus aliquando fueris enutritus?

Sed admodum est difficile, eos alimentis *Contra-*  
sustinere, qui morosi, inutiles, deliri sunt, & i- *dictio.*  
racundi, vt Sophoclis filij patrem merito videantur accusasse, &c.

Parentum mores & vitia noueris, non ode- *Cicero in*

*dialogo de  
Senect.  
Solutio.*

ris. Illud officij tui scias esse, pietatem colere, legibusque sacris obtemperare. Suscipe igitur senectam patris tui, non contrista. Si defecerit sensu, veniam da, & non spernas eum in virtute tua, Eccl. 3. Quod si feceris, ad fortunatam cum laude summa peruenies senectutem, quam Bion ille Botyſthenites malorum appellauit portum, eoque properandum omnibus malorum finem sperantibus.

*Contra-  
dictio.*

Sane quidem. Sed quis tam pius est, qui possit æquiore animo ferre tot molestias atque labores nutriendi eos, quorum bis puerorum senum paupertas sordida atque miseræ queant alicui horrorem incutere?

*Solutio.*

Non diffiteor, egenorum ac senum parentum horridam atque miseram conditionem esse: vt Diogenes percontanti, quid esset in vita miserrimum, respondit: Senex egenus. Atqui tu veræ pietatis adfectu flagrans, omne tædium deuorabis, cunctoque præsidio destitutos suffulcies, quem olim te parentes genuerunt, futurum senectutis suæ baculum, solatium vitæ, & spem posteritatis. Admodum piè quondam illa fecit Ethnica foemina, quæ patrem, custodiæ traditum, iam vltimæ senectutis velut infantem pectori suo admotum aluit, vt ait Vall. l. 5. c. 4.

*Contra-  
dictio.*

Sed inquis: Mihi vxor alenda, liberi, numerosa familia, idque in tanta annonæ grauioris caritate, vt nihil sit reliqui, quod parentibus impertiri possim,

Nemo



Nemo requirit, vt liberalitatis tuæ benignitas maior sit, quam facultates. Quomodo potueris, ita misericors esto. Si multum tibi fuerit, abundanter tribue; si exiguum, parcius, vt Tobias docuit. Quod si, iuxta S. Iacobi sententiam, is qui nulla charitate præditus, fratrem oderit, homicida est; item; qui viderit egentem, & ab eo clauferit viscera sua, reus habetur eiusdem criminis. Quanto magis erit is homicida, imo parricida, qui parentes inedia contabescere, ac rerum inopia marcescentes perire sustinuerit? In quod bipedum nequissimorum hominum genus sapientes olim viri supplicium excogitarunt singulare, vt quem ipsa natura in officio retinere non potuisset, is magnitudine poenę maleficio summoueretur. Insuebatur enim parricida aculeo, cum cane gallinaceo, vipera & simia, & inter eas ferales angustias comprehensus, in vicinum mare vel amnem projiciebatur. Etenim ei repente cœlum, solem, aquam, & terram ademerunt, vt qui eum necasset, vnde ipse natus esset, careretque ijs rebus, ex quibus omnia nata esse dicuntur; vt ait Cicero pro Roscio Amerino.

*Solutio.*

*Parricida  
pena.*

Ergo quibus pietas est curæ, promulgatam de parentibus alendis atque sustentandis legem tuebuntur atque conseruabunt, cum multarum virtutum atque præmiorum diuinorum fons sit vberimus & origo.

*Conclusio.*

*Aliud Exemplum comprobationis legis, qua apud Heluetios cauetur ne quis inuitatione ad bibendum, vrgeatur. Autore Petro Mosellano.*

**M**ulta quidem præclare in sua ditione instituant fortissimi libertatis suæ defensores Heluetij; sed nihil præclarius, nihil laudabilius, nihil Reip. vtilius, quam quod ab illis nuper scitum est; nam cum per ebrietatem passim peccari viderent, vt aditus ad id vitij omnes præcluderent, in sua ditione statuerunt, ne cui deinceps alios vulgarium istarum inuitationum prætextu ad ebrietatem sollicitare impune liceat. Quid autem, per Deum immortalem, aut honestius, aut præclarius temperantia, atque omnis vitæ moderatione? Imo quid sine hac vel in Ciuitatum Curijs, vel populi concionibus, vel principum aulis, rectè aut consulitur, aut consultum factio præstatur? Sed hæc in peruersa illa bibendi necessitate, quæ per inuitationes illas mutuas irrepsit, vigere non potest, citius enim ex pumice quam hauseris, quam ebrio sobrium aut dictum aut factum extorseris. Quod si sobrietas ac vitæ moderatio sola est, quæ omnium virtutum officia parit, alit, conseruat, ac tuetur, rursus ebrietas omnem mentis vsum perdit, omnem vitæ humanæ dignitatem commaculat: an non votis omnibus expetita erat lex, ea quæ & sisteret ebrietatem, & potionis moderationem procuraret? Quid autem perinde vtile, atque in Rep. cauere, ne sit impune illud, cuius licentia

omnia

omnia corrumpit, omnia perdit? Quid enim tam emollit, imo frangit & animos & corpora civium, quàm liberior commessatio, compositioq;? An non Resp. Romana, quamdiu frugalitatem servavit, tamdiu aduersus omnes hostium insultus inexpugnabilis stetit? At posteaquam luxu certari inuicem coeptum, ita cecidit, ut ne ruinæ quidem vestigia aliqua supersint. Nam, Hannibal tum primum vinci coepit à Romanis, cum exercitum suum Campano luxu solui, eneruarique passus est. Vnde tot insani amores? tot stupra? tot adulteria? nisi ex ociosorum hominum temulentia? Verum est illud: Sine Cerere & Libero frigere Venerem, Vnde tot rixæ? tot vulnera? tot cædes? nisi ex temulentorum comotationibus? Cui alij tot ac tantas rei familiaris dissipationes, tot patrimoniorum abligurationes debemus, quàm conuiujs in ebrietatem solutis, atque horum parenti luxuriæ? Quæ res tam multos adolescentes, alioqui felicissimè natos, ab artium optimarum, virtutumque cultu abducit, quam studium comotationum. Primum corporis ocium, in quo ferè degunt, qui literis adhibetur, mater est variarum cupiditatum; quod si huic compotandi quoque licentiam addideris, quæso te, qui fieri potest, quin in animo parum firmo, pro virtutum bonarumq; artium cultu, omnium libidinum seges sensim pullulescat? Quod si spes omnis in hac ætate recte formanda, velut agricolis in herba, posita est, nihil po-

terat ea lege excogitari vtilius, quæ quod vnum omnem eam spem semel præcidit, hoc tollit. Neque enim audio eos, qui in tanto errantium consensu nihil valituram legem iactant. Nihil enim vel rectius imperatur, vel facilius recipitur, quam quod tacitus naturæ sensus non potest non probare. Quis autem tam efferatus, & ab omni humanitate remotus est, cui non, rem recta via reputanti, supra quam natura postulet, ad alienæ stultitiæ præscriptum bibere, naturæ inimicissimum esse videatur? Compotoris hominis priuati puerilis & stultus affectus, ut me ipse ebrietatis probro afficiam, persuadebit, & patriæ in cuius verba iuratum est ab omnibus equissima, cunctisque saluberrima lex, ut sobriè agam, & me hominem esse meminerim, non impetrabit? In gratiamne potoris alicuius immodica portione ita me prosternam; ut præter figuram, humani mihi reliquum sit nihil, & populi fortissimi laudatissimi que, cui parere summa est utilitas, legem omnium ornamentorum vitæ parentem & altricem recipere grauabor? Amplectenda ergo omnibus ea lex, qua nihil neque honestius, neque præclarius, neque facilius iucundius fortissimi populi magistratus ferre potuerit.

F I N I S.

INDEX

INDEX RERVM ET  
VERBORVM IN HOC  
LIBELLO EXPLI-  
CATORVM.

<b>A</b>		Alcibiades	316
<b>A</b>	Cademia Enco-	Alcinoi sylua	202
	mium	231 alexander	340
Achaia	217	Alexander M.	52. 82.
Achilles	299.312	184	
Achillis mors	307	Alexandria	340
Acropolis	340.349	Alebandria arx	340
Actius Nauius	100	Ambracia	217
Adiuncta	296	Amicitia	189
Adonidu horti	38.202	Amicitia oharis	387
Adonis	38	Amilcar	292
Adulatio	387	Amor	128
Adulterij pena	389.	Amor cecus	155
392		Amplificatio	171
Æacus	300.304	Andromache	333.335
Æeta	337	Andromeda	350
Ægina	218	Annibal	267.270
Æneas	88.152	Αντιπιδαγμαν	40).
Æqualitas	189.	231	
Æsculapius	306	Antiope	332
Æsopi fabula	13	Antiochus	298
Agésilas	235.373	S. Antonij habitatio	352
Agriгентum	287	Apollo	145
		Cc 4	Aquila



# INDEX.

Aquila	19	Capaneus	82
Arces quasi arctrices		Carbunculus	376
340		Κατασθέν	344
Archeſilauus	111	Cato	383
Archidamus	219	Cato Viicensis	154
Argos	282	Κατόρθωμα	60
Arion vectus à Delphino.		Causa	366
129.156		Causarum locus	302
Aristides	224.317	Cecropida	217
Aristippus	359.56	Centauri	306
Aristoteles	115.154	Chimerion	340.347
Arnaus	96.106	Chiron	306
Artaxerxes	116	Chronographia	346
Asarubal	292	Cicero	308
Attica	217	Ciceronis mors	311
Attilius Regulus	292	Ciceroni oratio pro Mar.	
Auaritia	192	cello	270. & 271
Augustinus	138	Ciconia	401.231.119
B		Cilices	11
Bacchanalium ritus	140	Circe	132
Basilus	138	Cleanthes	115.387
Bellona	221	P. Clodius	45.46
Bias	355	Cocles	161
Bononiensis Academia		Codrus	93
269. & seq.		Cælestis iniuria	376
Bospulcher	202	Cælibatus	379
Bucephalus	ibid.	Κολασίς	60
C		Commiseratio	171
Caneus	325	Comparatio	301
Caligula	102	Conclusio	171
Cambeis	87		Con

# INDEX.

Concordia	57	Demosthenis labores	60
Confirmatio	144	Demosthenis laus	225
Confutatio	125	Demosthenis mors	311
Coniectura	172	Deorum nomina	350
Coniecturalis causa. ibid.		Descriptio	339
Consuetudo	187	Dicendi genera	321
Consuetudo contagiosa	Dido	151. & seq.	
102	Dij	221	
Consultatio	372.365	Diogenes	54.57
Contumacia	188	Dionysius	56
Corcyra	218	Diuitia	193
Coranus	283	Diuitia vera	363
Corona victorum	377	Diuitiarum affectatio	
Crassus	356	56	
Crates	112	Diuitiarum mala.	110
Cretenses	84	E	
M. Curtius	93	Ebrietas	54.164
Cyclops	224	Ebrius	177. & seq.
Cypros	12	Echetus	286
Cyrus rex	224	Eetion	333
Cyseius.	330	Eloquentia	229.230
D		Elpenor in porcum	132.
Daphne	121.125.126	163. & seq.	
Dardanus	304	Encomion	195.200
Decij	94	Eunius	65
Delphini	128	Enthousiasmus	148
Delphinorum amor erga		Eobanus Hessus	65
homines.	159	Epaminondas	377
Democratia	102	Ephestij	12
Democritus	397	Ephori	219
Demosthenes	308.388	Epilepsia	183
	Cc	f	Eque-

# INDEX.

Equestris fastus	55	Simijs	16.17
Ethnicorum librorum le-		Venere & rosa	34
dio	134.	& seq. Voluptate & dolore	26
Ethopœia	312. 313.	Vulpe hirundine obfessa	
	314. 320		13
H <sup>9</sup> &	320	Vulpe muscis obfeta	8
Euclides	115	Fabula definitio, & spe-	
Euripides	91. 388.	cies	7
Eutrapelus.	112	Fabula Libyca	12
Eupolu	316	Fabula Sybaritica	10
	E.	Fabularum inuentor	7
Fab. Max.	73	Fabularum vsus 7. & seq.	
Fabula vnde dicta	7	Facta laudandi ratio	265
Fabula Demosthenis	8	Fastus	57
Herodis Attici	8	C. Flaminius	298
Menenij Agrippa	7	Fons Pisisstratarum	350
Themistoclus	8	Forma	133
Fabula de accipitre & Lus-		Fortuna	101. 174
cinia	30	Frustro, frustror.	281
Agricola & Ciconia	15	G	
Barbaro ruru colendi		Gerhard. Nouiomag.	223
ignaro	8	Glauce	338
Cassia	22	Γρωμν	94
Fure	14	Grandines	376
Iuvene desidiofo	29	Gratitudo	398 & seq.
Leone & Vulpe	15	Gyari.	194
Lupis & ouibus	8	H.	
Medico & agroto	14	Hadamaria incendium	
Membris & ventre	8	362. & seq.	
Mure vrmano & rustico Hanno			293
20		Hector	399. 307
		Hecuba	

# INDEX.

<i>Hecuba</i>	203.330	<i>Irus</i>	107
<i>Heracles</i>	315	<i>Iſocrates</i>	59
<i>Heraclitus Philoſoph.</i>	52	<i>Iulius Caſar</i>	395
<i>Hercules</i>	89.78.154.	<i>Iuno cur pronuba,</i>	
	199.327	<i>Cina.</i>	221
<i>Hesperidum horti</i>	202	<i>L</i>	
<i>Historia</i>	36	<i>Labor</i>	50.51
<i>Homeri verſus</i>	103	<i>Lacedæmoniꝝ</i>	84
<i>Hominis laus à bonis For-</i>		<i>Laconum conuiuia</i>	52
<i>tuna.</i>	203.	<i>Corporis Lactantius</i>	138
	205.	<i>Animi</i>	208.
<i>Mortem ſecutus</i>	212	<i>Ladon</i>	126
<i>Hominum miſeria</i>	117	<i>Lanus</i>	236
<i>Homo</i>	59	<i>Laomedon</i>	288
<i>Homo bulla</i>	374	<i>Lapithæ</i>	305
<i>Honeſti partes</i>	375	<i>Latona</i>	322
<i>Horatius Cocles</i>	165	<i>Laus</i>	195
<i>Hospitalitas</i>	98	<i>Legiſlatio</i>	393
<i>Hypotheſis</i>	370	<i>Lesbos</i>	217
<i>Hydra fabula</i>	89	<i>Leucoſia</i>	27
<i>Hypotypoſis.</i>	348.366.	<i>Lex</i>	393.196.197.389
	345	<i>Lex Æmilia</i>	397
		<i>Cincia</i>	395
		<i>Fuſia</i>	ibid.
<i>Iaſon</i>	336	<i>Heluetiorum de ebrietate</i>	
<i>Idolopœia</i>	312.315		403
<i>Ignauia</i>	27	<i>Licina</i>	397
<i>Illyris</i>	284	<i>Oppia</i>	396
<i>Imitatio</i>	312	<i>Rofcia</i>	395
<i>Improbatio</i>	124	<i>Sumptuaria</i>	ibid.
<i>Incendiarij</i>	175	<i>Talionis</i>	ibid.
<i>Ioseph</i>	61	<i>Vocania</i>	396
		<i>Liberi</i>	

# INDEX.

Liberi parentes alant	Mim. sis	314
398	Miseig	12
Ligya	27 Milo	44
Locus communis	165. 169 Minerva	221
Locus communis a Thesi	Monarchia	102
differt	371 Mori bonum	90
Lucretia	154 Mors qualis optanda	395
Lycurgus	26 Moyses	112
M.	Musa vnde dicta	147
Macaria	93 Metaxetis.	126
Macedones	279. 284 N	
Macedonia	283 Narrationis poetica	114
Magistratus officium	116 genera	36
117	Naupactus	217
Magnesia	286 Neptunus	221
Mali corui malum ovum	Nestor	222
118. 179	Niobe	313. 125
N. Academia Encomion	Non omnia possumus om-	
231	nes.	88
Mars	221 O	
Matrimonij mala	375 Obediendum Deo	80
Matrimonij vituperatio	Obses	283
376	Odysea Homeri	7
Manfusus	255 Officium	60
Medea	336 Olea	203
Memoria	383 Oligarchia	102
Menander	261. 318 M. Oppius	396
Metellus Numidicus	Oratores	36
377	Orpheus	230
Mezentius	82 P	
Mida	25 Padagogia	58



# INDEX.

Pagasa	285	106.278.283.291.395
Palamedes	222	Philippi Macedonum 76-
Pallas	221	gis Genealogia 278
Παράδεισος	60	Philosophia 72
Παράνομος	ibid.	Phœbades 127
Parentes honorandi	398	Phœbus 126.127
Paris	288	Phormio 294
Pasiphae	153	Phrygia 288
Πάσις	320	Phibia 303
Patria amor	73	Pietas in parentes 398
Patroclus	319	Pisistratarum fons 350
Paulus apostolus	139	Plataa 217
Paupertas	107.109	Plato 57.71
Paupertas laudata	ibid.	Q. Plemminius 117
Pecunia	99	Pæones 284
Pecunia corruptela	105	Pœta 162.164
Pecunia obediunt omnia	68	Pollio Romulus 401
Pelasgia	217	Pompeius 339
Peleus	304	Porci Acarnanij 164
Pelias	338	Portunus 221
Pella	282	Portus descriptio. ibid.
Peloponnesus	217	Positio 371
Peneus	127	Potidaa 385
Pericles	219	Praexercitamenta qua-
Perseus	349	tuordecim 6
Phalaris	287	Priamus 304
Pheræ	285	Primitia 151
Philippi mors	280	Πρόβολος 307
Philippus Macedonum rex		Procrustes 288
		Prosopographia 344
		Prosopopœia 312.317
		Pro-

# INDEX.

<i>Providentia</i>	375	<i>Sententia simplices</i>	<i>ibid.</i>
<i>Prudentia</i>	382	<i>Serpentum descriptio</i>	364
<i>Ptolomæus Lagus</i>	117	<i>&amp; seq.</i>	
<i>Pulchritudo triplex</i>	149	<i>Sirenes</i>	27
<i>Pylos</i>	218	<i>Sobrietas</i>	178. & seq.
<i>Pyramides</i>	350	<i>Socrates</i>	66.77.158
<i>Pythia.</i>	128	<i>Solon</i>	77
<i>Pythius</i>	127	<i>Somnolentia</i>	113. & seq.
<i>Pythion.</i>	<i>ibid.</i>	<i>Somnus nimius</i>	75
<b>R</b>			
		<i>Sophista</i>	36
<i>Refutatio</i>	124	<i>Sophocles</i>	401
<i>Reinhardi Hadamarij do-</i>		<i>Σαφεσὸς ἄν</i>	181
<i>mus</i>	352	<i>Sparta</i>	385
<i>Reipub. status triplex</i>	102	<i>Sphaacteria</i>	218
<i>Rhetores</i>	36	<i>Stadium</i>	351
<i>Romani ciues.</i>	216	<i>Stilpo</i>	76
<b>S</b>			
		<i>Stoici</i>	202
<i>Sacrilegus</i>	185	<i>Stoicorum Apathia</i>	8
<i>Saguntini</i>	295	<i>Sybaris</i>	10
<i>Samij</i>	84	<i>Sybarita</i>	<i>ibid.</i>
<i>Sapientia laus</i>	198.220	<i>Sybaritas molities perdi-</i>	
<i>Satieta omnium rerum</i>	<i>dit.</i>		11
<b>90</b>			
<b>T</b>			
<i>Saturnus</i>	26	<i>Tantalus</i>	322
<i>Scarabeus</i>	19	<i>Tarquiniij</i>	119
<i>Scilurus</i>	57	<i>Tarquinius</i>	53
<i>Scipio laudandus</i>	203	<i>Temeritas</i>	215
<i>Senectus</i>	402	<i>Temerum</i>	178
<i>Senectus laudabilis</i>	381	<i>Tempe</i>	126
<i>Sententia</i>	94.97.172	<i>Temperantia</i>	375
<i>Sententia composita</i>	100	<i>Tempus</i>	299
<b>101</b>			
		<i>Tartarus</i>	

# INDEX.

Tarentius Varro	73	V	
Tethys	305	M. Valerius Corvinus	165
Themistocles	216	Valerius Publicola	394
Theodorus	67	Venus	12
Thesis ciuiles	372	Vergilius	88
Thesis contemplatiua	366	Vigilantia	98
Thesis	365	Vinum	193
Thucydidis laus	195 & seq.	Virginitas	374
Tyberius Caesar	115	Virtus labore comparatur	
Ti. uel. i. a.	60	51	
Tomiris regina	43, 354	Vita humana	103
Topographia	347	Vituperium	277 & seq.
Triballi	284	Vlysses	107
Tripodes	127	Vnus vir, nullus vir	88
Troia conditores	303	Voluptas	164
Troianorum fata	307	Vrbes laudandi ratio	257
Tyrannicidarum premia		Vulcanus	221
173		Vulgi peruersitas	47
Tyrannus	ibid.	Vxor non ducenda	378
Tyrannus.	174	Z	
		Zeno.	202



# INDEX PROGYMNASMATVM APHTHONII.

<b>C</b> hria	50
Chria exempla	48. 51. 61. 63. 71. 74. 83. 79. 88
Confirmatio Κατασκευὴ	144
Confirmationis exempla	151. 156. 162
Comparatio Σύγκρισις	298
Comparisonum exempla	299. 307
Descriptio, Εὐφρασις	339
Descriptionum exempla	340. 351. 352. 364
Ethopœia	312
Ethopœia exempla	323. 327. 330. 332
Fabula Μῦθος	4
Fabula exempla	17. 21. 20. 30
Fabularum tractatio	16
Laus Εὐχολογία	195
Laudationum exempla	196. 198. 225. 227. 257
Laudis dispositio	215
Legislatio, Νομὴ εἰς Φορὰν	389
Legum accusatio 397. confirmatio	144 397
Locus communis, Κοινὸς τὸν	105
Loci communum exempla	166. 175. 177. 180. 185 188. 192
Narratio	

# INDEX.

Narratio, <i>Αἰγιγμᾶ</i>	34
Narrationis exempla	34.43.44.47
Destructio, siue subuersio, <i>Αναστροφὴ</i>	120
Destructionis exempla	120.128.132.134
Sententia, <i>Γνώμη</i>	94
Sententia exempla	95.107.109.113.115.118
Thesis <i>Θέσις</i>	365
Thesis exempla	367.378.381
Vituperatio, <i>Υβρις</i>	277.281
Vituperationis exempla	278.288.291





## REGVLÆ ARTIFICIOSÆ PRONVNCIATIONIS.

Cum in dicendo prapcipuum id esse videatur; vt non modo verba rebus, sed vox verbu, motusq, voci sit accommodatus: vtilissimum fore visum est. actionem oratori propriam regulis quibudam breuiter complecti. Quorum prima spectarent ea, quæ dicendi actum precedunt; media pronuniationem ipsam, & actionem: postrema vero, ea quæ dicendi actum consequuntur.

### DE IIS QVÆ PRÆCEDVNT ACTVM DICENDI.

REG. I. Ante omnia suam orationem orator memoria teneat, ita vt expeditè eam, sine interruptione, vel hæsitatione possit recitare.

2. Deinde pronunciando se priuatim exerceat. Optimum autem exercitationis genus esse ducat, quod ipsi operi sit quàm simillimum. Rerum igitur dicendarum varietatem priuatim obseruare, iisque sonum vocis, & gestum, regulis quæ sequuntur præscriptum, accommodare consuescat.

3. Expedit rerum, ac personarum de quibus agitur, locos diuersos ante se dextralæ uaque positos animo concipere, ad quos oratio, manus, oculi, motusque omnis conuertatur.

4. Quicumque dicendo volet excellere, vocis suæ quantitatem, qualitatem & vsum, priuata exercitatione vt experiatur necesse est.

Quæ

Quantitas vocis duas habet cautiones : vna est, vt tantis sit sonus, quantum loci amplitudo postulabit : altera vt cui vox est imbecillis, insurgat rarò, rarius exclamet, sæpè summitat, deflectat sæpè. Qualitas vocis item in duobus maximè cernitur; vt clara sit, vt suavis : claritas augebitur frequenti exercitatione pronunciandi ea quæ clamorem habeant, & disputationem, & flexum: Suauitas imitatione suauiter presseque loquentium: eaque soni moderatione, qua vox ad finem vsque pura, flexibilis, facilis, aptaque perseueret.

5. Ad motus vocisquæ confirmationem, prodest amici prudentis iudicium adhibere; gestum à minori motu, ad maiorem; vocem ab imis sonis ad summos præparare: spiritumque vt longior fiat pluribus versibus continua voce pronunciatis subiinde producere.

6. Non nisi gratia à Deo precibus expetita, animoque prius collecto, & alacritate quadam excitato, naribus ac pectore (si opus esse videatur) præpurgatis: veste composita, cum dignitate quadam, ac grauitate, neque timidus, neque perturbatus ad dicendum accedat.

7. In loco vbi dicendum erit consistens, antequam orationem incipiat, exhibito auditoribus honore, breuiuscula mora sibi comparet attentionem.

## DE IPSO DICENDI ACTV.

*Cum actio nihil sit aliud quàm vocis & gestus moderatio; constat omnem actionem duobus partibus contineri: Sono vocis, & corporis motu. Duo igitur regularum genera constituenda sunt: vnum, quod ad vocis moderationem, alterum quod ad gestus conformandos pertineat. Maxime enim solet auditores permouere, quod simul & vox auribus, & gestus oculis, & verba mentibus impesserunt.*

## DE MODO PRONVTIANDI, ET VOCIS MODERATIONE.

REG. I. Facto silentio, iamque ad audiendum compositis auditoribus; principium orationis (nisi sit abruptum) clarè suauiterq; pronunciandum est: non clamose neque præcipientanter, sed temperata voce, graui, & distincta modulatione.

2. Absoluto exordio, sono vocis apertiore narrabit orator; acriore confirmabit, flexo miserationem, elato summos affectus, submisso compositos pronuntiabit.

3. Vox non vltra vires vrgenda. Sonorum igitur mediorum præcipuus sit vsus: rarioraliorum, minusq; diuturnus: nam summi rumpuntur, imi vim non habent: vox autem media, quæ nimiam depressionem, & elationem fugiet, est longe omnium optima.

4. Non diu tamen eodem tenore pronuntiabit, nec quasi leget orationem, sed adhibebit vocis varietatem. pro rerum & affectuum varietate: atrociam concitatè, tristitia flebiliter, medio

mediocria temperatè, grandia cum maiestate quadam; commutationem voce commutata, Prosopopœiam ficta, Reticientiam concisa proferet: obseruabit sonum proprium asfirmantibus, indignantibus, iridentibus, interrogantibus, mirantibus, vel alio affectu commotis: voces denique pro ratione rerum significatarum vel contracta voce formabit, vel erecta.

5. Latini accentus exprimantur suauiter, sono Latinarum literarum proprio, sine tremore vocis, aut cantillatione, sine peregrina, vel rustica, vel effœminata, vel dura literarum appellatione, sine sibilo, hiatu, balbutie, & id genus alijs deformitatibus. Pronunciatio peregrina est, quæ Gallicæ, Germanicæ, cæterisque linguis barbaris est propria.

6. Cum in oratione neque tarditas nimia placeat, quia soluit animos, inueniendi difficultatem fatetur, & auditorem cogit expectare, neque volubilitas, & celeritas nimia: quia distinctiones, & affectus confundit, verba trunsat, nec satis intelligitur: optima erit promptitudo moderata, quæ vel sola magnam parit admirationem: quemadmodum memoriæ defectus contemptum parit. Nemo enim magnoperè mirabitur oratorem, qui chartam inspexerit, qui titubauerit, qui hæserit, qui repetierit semel dicta; quantumuis vel tussiendo, vel mungendo, vel spuendo, vel sese inclinando dissimulantem.

7. Quanquam neque dictionum, neque membrorum,

brorum, neque periodorum fines ita cadere debent; nec ita rapi vel absorberi syllabæ, vt non intelligantur; molestum tamen est & odiosum nimis expresse litteras & syllabas singulas velut annumerare. Optimi oratoris est litteras nec opprimere, neque nimis exprimere, voces tamen integras proferrè: pedes etiam & numeros docta modulatione, nonnunquam seruire, præcipuè in finibus sententiarum.

8. Vt oratio distincta sit, obseruandum est vbi, & quonam modo inchoanda, vel sustinenda sit, ac quasi suspendenda sententia: denique vbi, & quonam modo deponenda; vbi comma fuerit, vel parua quædam distinctio, breuioribus interuallis vtendum: in membris longioribus finibusque sententiarum, eamoderatione respirandum est, vt nec celeritas fatiget oratorem, neque tarditas afferat tædium audientibus.

9. Nemo cum sonitu respiret, aut maiorem spiritus, ac vocis partem per nares emitat.

10. Finem orationis, si ad concitandum sit compositus, decet continens & intentior sonus & concitata pronuntiatio: si ad placandum, lenis; si ad hortandum, erectus, ac concinnus, si ad mœrorem, flexus; si ad lætitiâ, plenus & incundus.

#### DE GESTV.

REG. I. Honore auditoribus exhibito, manibusque in pulpitem prolatis stet, rectus orator,



tor, curamque ac grauitatem præ se ferens, exordiat, idque vel sine vlllo manuum motu, vel non nisi leniter paululumque vltra finem protensa dextera, cum graui ac tarda in vtramque partem laterum flexione, eodem spectantibus oculis; capite & humeris sensim obsecundantibus. Quæ quidem laterum virilis conuersio, totius orationis decursu nunc ad hos, nunc ad illos gestum dirigit; tum varietatis gratia, tum etiam vt orator commodius à pluribus videatur & audiatur; denique vt inter res ipsas de quibus agit quasi verfetur, singulas ad locos a se conceptos gestu referens, quo magis & affici possit, & afficere. Nam Cicero laterum, & totius corporis motu rebus consentiente plus agi putat, quàm ipsis manibus. Manus autem compositio ad exordium, gestusque reliquos eleganter formando, plerumque vel ea esse debet. qua pollice eleuato cæteri digiti leniter inflectuntur. 2. vel qua medius digitus in pollicem contrahitur tribus explicatis. 3. vel qua primis quatuor digitis leniter in summum coeuntibus, manus non procul ab ore, vel pectore ad nos conuersa fertur, ac deinde prona, ac paulum prolata laxatur. 4. vel indice medioque digito (quod narrationi commune est) pollicis iunctis, reliquis duobus remissis. 5. vel si quid monstrandum erit, pollicis intus inclinato quatuor digitis remissis.

2. Narrationem decet manus magis prolata, gestusq; liberior: Confirmationem acrior,

& varijs affectibus, de quibus paulò post dicitur, concitatus.

3. Capitis nutum frequentem in vitio esse constat. Non tamen dedecet aliquando vel annuendo confirmare, vel renuendo negare, vel capitis in latus inclinatione languorem, vel auersione remotionem, indignationem, execrationem, aut concessionem significare, vel dubitationis, admirationis, & similium affectuum naturæ motu capitis obsequi.

4. Vultus, & aspectus nunc seuerus sit, nunc blandus; nunc erectus, & alacer; nunc submissus, & tristis pro rerum diuersitate.

5. Oculi nec in trabes, nec incertum aliquem locum stupidè figantur, sed motus animi significant: & vario coniectu res de quibus dicitur notent.

6. Labra modico motu verba efficiant; quæ nec lingi, nec morderi, nec replicari, nec torqueri, nec porrigi nec diduci conuenit.

7. Collum neque contractum esse decet, neque tensum. Cervicem quoque neque rigidam, neque supinam, sed naturali situ rectam.

8. Dédecet humeros iactare, vel attollere, vel contrahere.

9. Brachia ne deorsum incompressa pendant, nec sursum ut tela iactentur: dexterum tamen brachium subinde liberius proferre licebit, non tantum quantum patet eius longitudo (nisi forte cum ad res magnas gestu notandas in latus exspatiabitur, explicantibus se in proferenda manu digitis) neque ut velut ad  
rectum

tectum, aut ad cœlum erigatur; verùm vt in summis tantum affectibus, & rarò vel ad dexteram supra oculos, vel ad sinistram supra humeros extendatur. Sinistrum verò brachium plerumque ita tenendum, vt quasi angulum rectum faciat, nisi cùm moribus dextri obsecundabit.

10. Cum duo sint actionis genera, quæ magis in manuum, quam reliquarum partium corporis motu cernuntur; aut enim exhibent actionem, quam docet impetus animi, & naturæ; aut eam quæ cura, studio, & arte comparatur; vtramque, & naturalem, & artificiosam actionem orator obseruabit; ita videlicet, vt motui naturali quendam modum arte adiungat; quo nimia tarditas, nimia celeritas, & immoderata vastitas euitetur.

11. Numeros, argumenta, partes, ac membra distributionum vel in digitos eleganter conspicuo motu digerat; vel motibus quibusdam manus dextræ perducentibus seriem numerorum à læua ad latus dextrum; vel repetito quolibet leni dextræ motu significet enumerationem; vel modica percussione dextræ in sinistram, duobus vltimis digitis dextræ palmam, aut pollicis initium prementibus, pollice ad medios articulos iuncto prioribus.

12. Supplicabit & inuocabit vtramque manum vel attollendo, vel submittendo; aut vtraque manu vel iuncta, vel protensa.

13. Auerfabitur, execrabitur, negabit hume-

ro sinistro prolato, capite ad dextram vergente manuque dextera propellente in laeuam: vel vtramque manum in sinistrum latus auertens: vel vtramque aduersam obijciens: vel in latus vtrunque distendens: vel demissis supercilijs dextram excutiens; vel capite renuens; vel dextra in sinistrum latus vnde descendebat resiliente.

14. Interrogabit dextram manum conuersam paulum attollens.

15. Urgebit & instabit alterno motu nunc totam manum contrahens, nunc totam explicans; vel duos medios pollicis subijciens, vel indice prono reliquis tribus pollice pressis: vel summo indice sinistrae leniter apprehenso: vel medio indicis sinistrae articulo apprehenso ad vehementiam maiorem: vel medio dextrae digito in pollicem contracto, reliquis tribus explicatis, ac brachio liberius prolato.

16. Distinguet contraria, transferendo dextram supinam in sinistrum latus, eadem mox prona in dextrum relata, pollice intus inclinato, & quatuor digitis remissis: vel summo pollice iuncto dextri indicis vngui medio, ceteris digitis remissis. Distinguet etiam subinde membra sententiarum & commata manus dextrae accommodata & leni percussione nunc maiori, nunc minori, nunc pressa, nunc citata, pro rerum, & affectuum diuersitate.

17. Demonstrabit seipsum, manu ad se relata,

lata, vbi de se loquetur: ad res alias demonstrandas quod attrinet, cùm septem sint partes motus, quinque earum probantur. Nam dextra, læuaque, sursum, deorsum, & ante nos rectè ostendimus; sed postèria gestu retrorsum conuerso demonstrare, vel circulis, siue gestibus in se redeuntibus vti vitiosum habetur.

18. Disputabit summo indicis articulo apprehenso duobus proximis digitis modicè curuatis, minimo interim vix inflexo.

19. Exprobrabit tribus digitis pressis, & indice explicato; vel presso medio reliquis tribus explicatis, vel pressis medijs duobus.

20. Proteret rationem manu primum collecta digitis deorsum spectantibus: mox eadem conuersa, & resoluta, vt quasi reuerà aliquid proferat.

21. Timebit prolata manu dextra ad pectus, quatuor primis digitis in summum coeuntibus, quæ deinde prona, & protensa laxetur.

22. Irascetur stricto pugno, percussoque pulpito, vel pugno compresso pectori admotum, voce aspera, vultu turbato, motibus concitatis, neque vitium erit manu dextra sinistram ad humeri altitudinem eleuatam, aut femur (si extra suggestum dicetur) percutere: aut contentione incipienda vel finienda pede supplodere.

23. Poenitebit pressa manu admota pectori. Dolebit autem manibus inter se complicatis, vel vtrinque deiectis.

24. Ad-



24. Admirabitur manu resupina à minimo digito collecta, flexuque redeunte explicata, & conuersa, oculis in cœlum suspicientibus; vel motu dextræ ad sinistram, vnde descendebat, resiliente.

25. Ironiam ostendet utroque indice in latus protenso, vultu paulum auerso.

26. Assueuerabit dextra remissa pectori ad-mota: vel manibus quadam grauitate complōsis.

27. Hortabitur manu dextera, caua, rara, supraque altitudinem humeri dextri graui motu elata.

28. Mitigabit animos manu panda leniter, paruisque interuallis mota, humeris paulum, modestèque assentientibus.

29. Modum & copiam manibus vel parum vel multum diiunctis ostendet: vocabit manu sursum flexa: dimittet auersa: minitabitur erecto & moto indice: prohibebit, promittet, poscet motu, quem his affectibus impetus naturæ proprium dedit.

30. Gestus optimè incipitur dextra à latere sinistro, simul incipiente sententia: deponitur autem à dextris vna cum fine sententiæ. Ineptum est gestum sæpe deponere in eadem sententia, aut sæpe finire motus sinistros.

31. Sola sinistra rarissimè gestum exhibebit, sæpe tamen sinistram cum dextra mouebit: orator: ut cum ostendet rerum multitudinem, magnitudinem, vastitatem, vel summos  
aff.

affectus, vel vbi vocem per conduplicationem  
repetet.

32. Vtraque manus nonnunquam immota  
conquiescit: præsertim vbi nullus affectus af-  
furgit: displicet tamen diuturna motus inter-  
missio.

33. Curandum est vt varietas gestuum, va-  
rietati vocis & verborum respondeat: quod vt  
commodius fiat, quatuor obseruanda sunt.  
Primum tota causa videnda, an læta sit an tri-  
stis. Deinde partes maiores: nam exordio lenis  
motus, confirmationi vero conuenit alacrior.  
Tum sententiæ, quæ variantur affectibus,  
quibus exprimendis adhibenda est diligentia.  
Postremò verba singula, quorum aliqua sub-  
inde vel cum emphasi, vel cum irrisione, vel  
cum admiratione, vel aliqua alia significatio-  
ne proferenda sunt.

34. Nemini placet eiusdem gestus perpetua  
repetitio; argutiæ tamen, & flexus superstitio-  
si quos veteres non tradiderunt, procul sunt  
remouendi.

35. Finis orationis si ad concitandum sit  
compositus, motus requirit concitatos; si ad  
placandum, lenes & suauēs; si ad tristitiam,  
tardos ac fractos; si ad lætitiā, alacres, cele-  
res, excitatos.


36. Dignitas & modestia in omni motu ma-  
gnopere est obseruanda, & decorum illud  
quod latenti quadam & inexplicabili ratione  
aliud est in alijs, quod quidem sine arte non  
est, neque tamen totum arte tradi potest.

DE IIS QVÆ ACTVM DICENDI  
CONSEQVNTVR.


REG. I. Absoluta oratione, reuerentiam exhibens auditoribus, addat tritum illud, Dixi.

2. Simulatque ad sua se receperit. post actas Deo gratias diligenter animaduertat sicubi errauerit vel defecerit; aliorum de se iudicia conetur intelligere; & ea quæ prudentibus & eruditis viris displicuerunt, in melius componere; quæ placuerunt, vsu & exercitatione confirmare. Quod sanè plurimum conferet ad eximiam dicendi facultatem breui compa-  
randam.













859599 **Bibliotheca 1000 J.**  
**P.P. Camaldulensium in Bielany**

Depozyt w Bibliotece Jagiellońskiej



01875

M. IV. 36

